






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.21





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.21



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.21





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.21

46. 3/5



Ex Libris Joannis Nencini
1874





MARCI TVLLII CICERONIS
OFFICIORVM LIBRI TRES:
CATO MAIOR, VEL DE SENECTVTE:
LAELIVS, VEL DE AMICITIA:
PARADOXA STOICORVM SEX:
SOMNIVM SCIPIONIS, EX
LIBRO SEXTO DE REPVBICA.

*Quæ qui leget, facile, quantum in ijs
emendandis studium sit adhi=
bitum, intelliget.*

*Additæ sunt in extremo opere varia
lectiones è libris manuscri=
ptis, et ex ingenio.*



PAVLVS MANVTIVS ALDI F.

M D LII.

PAVLVS MANVTIVS ALDI F.

BENEDICTO RHAM=

BERTO S. D.

Non ignoras Benedicte Rhamberte, sensum esse quandam in hominibus similitudinem; quæ cum in consuetudine cognita est, efficitur, ut, inter quos id accidit, amor exoriatur. ab hoc

quasi fonte multorum amicitia manarunt. multos etiam beneficium cum obligasset, cumq; id, quod acceperant, memoria conseruatum grato animo redderent, idq; uterque fieri ob ingenij bonitatem, & uoluntatis erga se propensionem exstimaret: statim est illam opinionem beneuolentia consecuta. itaq; duæ causæ sunt, quamobrem homines ament inter se: sed hæc posterior, quæ à rebus extremis originem ducit, cum illa superiore, quæ à natura proficiscitur, nullo pacto uidetur esse comparanda. illa enim primum habet eam suauitatem, qua, ut opinor, & certe nulla maior est, cum eos, quibus utimur, & ijsdem rebus quibus nos, æque atq; nos affici sentimus: deinde, etiam qui in dando et accipiendo beneficio fructus est, eo non eget. nam si hæc actio bene merendi interdum est, & esse potest in ijs, qui uoluntate non admodum coniuncti sunt, quanto facilius exister apud eos, quorum animi ita consensunt, ut quasi natura hortante easdem res appetere, ab ijsdem fugere uideantur? at uero qui officiorum commoditatibus adducti in amicitiam coierunt; etiã si alter alterum initio summe diligit; tamen, si quando ac-

cidet, id quod accidere sæpe solet, ut ea, qua diligere cœ-
 perunt, causa tollatur, certe eorum animi pedetētim in
 amore languescent: quo in genere animaduertis Rhā-
 berte quā multi quotidie labantur. de quibus, facile
 est intelligere, quid sentias, cū ab eorum instituto tua
 ratio tam uehementer abhorreat: probe enim te, quæ
 nostra debeat esse in iungēdis amicitijs cautio, quæ in
 ijsdem colendis religio, quod item in omni uita præstā-
 dum officium sit, horum librorum, quos nunc tibi in-
 scriptos ad te mittimus, lectio erudiuit. sensi in me ipso
 quem ab opibus non magnopere firmum, aut ne fir-
 mum quidem, tamen octauum abhinc annum tanto
 studio es complexus, quantum, qui ab omni re paratis-
 simus sit, remunerando compensare uix possit. cum q̄;
 rerum mearum status, ut sunt humana, interdum mu-
 taretur: memoria teneo, te, nunquam immutatum, e ā-
 dem semper cum mihi, tum fratribus meis uoluntatē,
 ac beneuolentiam præstitisse. cum uero maior aliquan-
 to inter nos consuetudo esse cœpisset; quod quidem est
 factum, postea quā te in nostram uicinitatem contu-
 listi: *Idē sentio*, ad neam uitam recte conforman-
 dam quāto mihi obseruatio tuorum morum fuerit ad-
 iumento. collocutiones uero de literis nostræ quid non
 dicam delectationis, sed utilitatis habuerunt? equidē,
 si liceret, totos dies uellem tecum ponere. quarū enim
 ego rerum cognitione delector, earum in omni genere
 quæ tui sit iudicij subtilitas, intelligo. sed hanc latine
 scribendi rationem, in qua multi nunc uolunt excelle-
 re, paucissimi possunt, eam uero sic tenes, ut tuis scri-
 ptis mihi quidem nihil esse purius uideatur. quod eo

mirandum est magis, quia tu non, ut alij, diuturno,
arque assiduo librorum usu, sed temporum studio subcisi-
ciuorum, hoc ut posses, consecutus es. nam ut omit-
tam, quod tibi, cuius fidei atque prudentiae Veneti sena-
tus arcana creduntur, otium non saepe contingit: ecqui
dies est, quo non ex amicis tuis aut consilio tibi aliquis,
aut opera, aut etiam re sit adiuvandus? qua in consue-
tudine retinenda nimium diligens esse dum vis, accidit
saepe, ut tuum potius ipse commodum, quam officij co-
lendi facultatem praetermittas. quo ego me aptius face-
re sum arbitratus, si haec opuscula, in quibus maxime
de officio praecepta traduntur, ad te, quem cognoui esse
omnium officiosissimum, mitterem. genus hoc Rham-
berte quoddam est, quo ego eos, qui de me bene meriti
sunt, remunerari solo. perpende rem, nulla uidebi-
tur: animum respice, gratissimum dices. Vale.

M. TVLLII CICERONIS
OFFICIORVM AD MARCVM FILIVM
LIBER I.

Vanquam te Marce filij annum iam audientem Cratippum, idq; Athenis, abundare oportet præceptis, institutisq; philosophia, propter summam et doctoris auctoritatem, et urbis, quorū alter te scientia augere potest, altera exemplis: tamen, ut ipse ad meam utilitatem semper cū græcis latina coniunxi, neq; id in philosophia solum, sed etiam in dicendi exercitatione feci, idem tibi censeo faciendum, ut par sis in utriusq; orationis facultate. quam quidem ad rem nos, ut uidemur, magnum attulimus adiumentū hominibus nostris, ut non modo græcarum literarum rudes, sed etiam docti aliquantulum se arbitrentur adeptos et ad dicendum, & ad iudicandū. quamobrem discas tu quidem à principe huius ætatis philosophorum, & discas, quā diu uoles: (tam diu autem uelle debebis, quoad te, quantū proficiat, non poenitebit) sed tamen nostra legens non multum à Peripateticis dissidentia, (quoniā utriq; & Socratici, et Platonici esse uolumus) de rebus ipsis utere tuo iudicio: nihil enim impedio: orationē autē latinam profecto legendis nostris efficies pleniorē. nec uero hoc arroganter dictum existimari uelim: nam philosophandi scientiam cōcedens multis; quod est oratoris proprium, apte, distincte, ornateq; dicere, quoniā in eo studio ætatem consumpsi, si id mihi assumo, uideor id meo iure quodam modo uendicare. quāobrem

A iiij

C I C E R O N I S

magnopere te hortor mi Cicero, ut non solū orationes
 meas, sed hos etiam de philosophia libros, qui iā se illis
 ferē aquarunt, studiose legas: uis enim dicendi maior
 est in illis: sed hoc quoq; colendum est æquabile, et tem-
 peratum orationis genus. & id quidem nemini uideo
 Græcorum adhuc contigisse, ut idem utroq; in genere
 laboraret, sequereturq; et illud forense dicendi, et hoc
 quietum disputandi genus: nisi forte Demetrius Phale-
 reus in hoc numero haberi potest, disputator subtilis,
 orator parum uehemens, dulcis tamen, ut Theophrasti
 discipulum possis agnoscere. nos autem quantum in
 utroque profecerimus, aliorum sit iudiciū: utrunq;
 certe secuti sumus. equidem et Platonem existimo, si
 genus id forense dicēdi tractare uoluisset, grauissime,
 et copiosissime potuisse dicere: & Demosthenem, si il-
 la, quæ à Platone didicerat, tenuisset, & pronunciare
 uoluisset ornate, splendideq; facere potuisse. eodemq;
 modo de Aristotele, et Isocrate iudico: quorum inter-
 que suo studio delectatus, contempsit alterum. sed,
 cum statuissem aliquid hoc tempore ad te scribere, et
 multa posthac, ab eo exordiri uolui maxime, quod &
 ætati tuæ esset aptissimum, & auctoritati meæ gra-
 uissimum. nam, cum multa sint in philosophia et gra-
 uia & utilia, accurate, copioseq; à philosophis dispu-
 tata, latissime patere uidentur ea, quæ de officijs tradi-
 ta ab illis, et præcepta sunt: nulla enim uitæ pars ne-
 que publicis, neque priuatis, neque forensibus, neque
 domesticis in rebus, neque si tecum agas quid, neque si
 cum altero contrahas, uacare officio potest: in eoq; co-
 lendo sita uitæ est honestas omnis, et in negligendo tur-

pitudo . atque hæc quidem quæstio communis est omnium philosophorum : quis est enim , qui nullis officij præceptis tradendis philosophum se audeat dicere ? sed sunt nonnullæ disciplinæ , quæ , propositis malorum & bonorū finibus , officiū omne peruertunt : nam , qui summum bonum sic instituit , ut nihil habeat cū uirtute cōiunctum ; idq ; suis commodis , non honestate metitur ; hic si sibi ipse consentiat , & non interdum naturæ bonitate uincatur , fit , ut neq ; amicitiam colere possit , nec iustitiam , nec liberalitatem : fortis uero , dolorem summum malum iudicans ; aut temperans , uoluptatē summum bonū statuens , esse certe nullo modo potest . quæ quanquā ita sunt in promptu , ut res disputatione non egeat ; tamen sunt à nobis alio loco disputata . hæc disciplinæ igitur , si sibi consentaneæ esse uelint , de officio nihil queant dicere : neq ; ulla officij præcepta firma , stabilia , cōiuncta naturæ tradi possunt , nisi aut ab ijs , qui solā , aut ab ijs , qui maxime honestatē propter se dicant expetendam . itaq ; propria est ea præceptio Stoicorum , & Academicorum , & Peripateticorum : quoniā Aristotē , Pyrrhonē , et Herilli iampridem explosa sententia est : qui tamen haberent ius suum disputandi de officio , si rerum aliquem delectū reliquissent , ut ad officij inuentionē aditus esset . sequemur igitur hoc quidem tempore , et in hac quæstione potissimum Stoicos , non ut interpretes ; sed , ut solemus , e fontibus eorum , iudicio , arbitrioq ; nostro , quantum , quoq ; modo uidebitur , hauriemus . Placet igitur , quoniam omnis disputatione de officio futura est , ante definire , quid sit officium : quod à Panætio prætermisum esse mirer : om-

nis enim, quæ à ratione suscipitur de aliqua re, institutio debet à definitione proficisci; ut intelligatur, quid sit id, de quo disputetur. Omnis de officio duplex est quaestio. unum genus est, quod pertinet ad finem bonorum: alterum, quod positum est in præceptis, quibus in omnes partes usus uitæ confirmari possit. superioris generis huiusmodi exempla sunt: omnia ne officia perfecta sint; nunquid officium aliud alio maius sit; & quæ sunt generis eiusdem. quorum autem officiorum præcepta traduntur, ea, quanquam pertinent ad finem bonorum, tamen id minus apparet, quia magis ad institutionem uitæ communis spectare uidetur. de quibus est nobis his libris explicandum. Atq; etiam alia diuisio est officij. nam & medium quoddam officium dicitur, & perfectum. perfectum autem officium rectum (opinor) uocemus, quod Græci κατὸς δῶμα; hoc autem, commune, quod ἡ κοινὸν uocant. atq; ea sic definiunt, ut, rectum quod sit, id perfectum officium esse definiant; medium autem officium, id esse dicant, quod cur factum sit, ratio probabilis reddi possit. Triplex igitur est, ut Panætio uidetur, consilij capiendi deliberatio. nam honestum ne factum sit, an turpe, dubitant; id quod in deliberationem cadit. in quo considerando, sæpe animi in contrarias sententias distrahuntur. tū autem inquirunt, aut consultant, ad uitæ commoditatē, iucunditatemq; ad facultates rerum, atque copias, ad opes, ad potentiam, quibus et se possint iuuare, et suos, conducat id, nec ne, de quo deliberant: quæ deliberatio omnis in rationem utilitatis cadit. tertium dubitandi genus est, cum pugnare uidetur cū honesto id, quod

uidetur esse utile: cum enim utilitas ad se rapere, honestas contra reuocare ad se uidetur, fit, ut distrahatur in deliberando animus, afferatq; ancipitem curam cogitandi. hac in diuisione, cum præter se aliquid maximum uitium in diuidendo sit, duo prætermissa sunt: nec enim solum, utrum honestum, an turpe sit, deliberari solet; sed etiam, duobus propositis honestis, utrum honestius; itemq; duobus propositis utilibus, utrum utilius. ita, quam ille triplicem putauit esse rationem, in quinque parte distribui debere reperitur. primum igitur est de honesto, sed dupliciter; tum pari ratione de utili, post de comparatione eorum differendum.

Principio generi animantium omni est à natura tributum, ut se, uitam, corpusq; tueatur, declinetq; ea, quæ nocitura uideantur; omniaq; quæ sint ad uiuendum necessaria, inquirat, et paret, ut pastum, ut latibula, ut alia eiusdem generis. commune item animantium omnium est coniunctionis appetitus procreandi causa, et cura quædam eorum, quæ procreata sunt. sed inter hominem, et beluam hoc maxime interest; quod hæc tantum, quantum sensu mouetur, ad id solum, quod adest, quodq; præsens est, se accommodat, paululum admodum sentiens præteritum, aut futurum: homo autem, qui rationis est particeps, per quam consequentia cernit, principia, et causas rerum uidet, earumq; progressus, et quasi antecessiones non ignorat, similitudines comparat, rebusq; præsentibus adiungit, atque annectit futuras; facile totius uitæ cursum uidet, ad eam degendam præparat res necessarias: eademq; natura uel rationis hominem conciliat ho-

C I C E R O N I S

mini & ad orationis, & ad uitæ societatem; ingeneratq; in primis præcipuum quendam amorem in eos, qui procreati sunt; impellitq; , ut hominum coetus & celebrari inter se, & sibi obedire uelit; ob easq; causas studeat parare ea, quæ suppeditent ad cultum, & ad uictum, nec sibi soli, sed coniugi; liberis, ceterisq; , quos charos habeat, tueriq; debeat. quæ cura exsuscitat etiam animos, & maiores ad rem gerendâ facit. in primisq; hominis est propria, ueri inquisitio, atque inuestigatio. itaque, cum sumus necessarijs negocijs, curisq; uacui, tum auemus aliquid uidere, audire, ac discere; cognitionemq; rerum aut occultarum, aut admirabilium, ad bene, beateq; uiuendum necessariam ducimus. ex quo intelligitur, quod uerum, simplex, sincerumq; sit, id esse naturæ hominis aptissimum. huic ueri uidendi cupiditati adiuncta est appetitio quædam principatus, ut nemini parere animus bene informatus à natura uelit, nisi præcipienti, & docenti, aut utilitatis causa iuste, & legitime impetranti: ex quo animi magnitudo existit, humanarumq; rerum contemptio. nec uero illa parua uis naturæ est, rationisq; , quod unum hoc animal sentit, quid sit ordo, quid sit quod deceat in factis dictisq; , quæ modus. itaque eorum ipsorum, quæ aspectu sentiuntur, nullum aliud animal pulchritudinem, uenustatem, conuenientiam partium sentit. quàm similitudinem naturæ, ratioq; ab oculis ad animum transferens, multo etiam magis pulchritudinem, constantiam, ordinem in consilijs, factisq; conseruandum putat; cauetq; , ne quid indecore, effœminate ue faciat, tum, in omnibus &

opinionibus, et factis ne quid libidinosè aut faciat, aut cogitet. quibus ex rebus conflatur, & efficitur, id quod quærimus, honestum; quod etiam si nobilitatum non sit, tamen honestum sit; quodq; uere dicimus, etiam si à nullo laudetur, laudabile esse natura. Formam quædem ipsam Marce fili & tanquam faciem honesti uides. quæ si oculis cerneretur, mirabiles amores (ut ait Plato) excitaret sapientiæ. Sed omne, quod honestum est, id quatuor partium oritur ex aliqua: aut enim in perspicientia ueri, solertiâq; uersatur; aut in hominum societate tuenda, tribuendoq; suum cuiq; , & rerum contractarum fide; aut in animi excelsi, atque inuicti magnitudine, ac robore; aut in omnium, quæ fiunt, quæq; dicuntur, ordine, & modo, in quo inest modestia, & temperantia. quæ quatuor quamquam inter se colligata, atque implicita sunt: tamen ex singulis certa officiorum genera nascuntur: uelut ex ea parte, quæ prima descripta est, in qua sapientiam, & prudentiam ponimus, inest indagatio, atque inuentio ueri: eiusq; uirtutis hoc munus est proprium: ut enim quisque maxime perspicit, quid in re quaque uerissimum sit, quiq; & acutissime, & celerrime potest & uidere, & explicare rationem, is prudentissimus, et sapientissimus rite haberi solet. quo circa huic, quasi materia, quam tractet, & in qua uersetur, subiecta est ueritas. reliquis autem tribus uirtutibus necessitates propositæ sunt ad eas res parandas, tuendasq; , quibus actio uitæ continetur; ut societas hominum, coniunctioq; seruetur; & animi excellentia, magnitudoq; cum in augendis opibus, utilitatibusq; ei sibi, &

C I C E R O N I S

suis comparandis, tum multo magis in his ipsis despi-
 ciendis eluceat. ordo autem, & constantia, & mode-
 ratio, & ea, quæ sunt his similia, uersantur in eo ge-
 nere, ad quod adhibenda est actio quædam, non so-
 lum mentis agitatio: his enim rebus, quæ tractantur
 in uita, modum quendam adhibentes, & ordinem,
 honestatem, & decus conseruabimus. Ex quatuor au-
 tē locis, in quos honesti naturam, uimq; diuisimus,
 primus ille, qui in ueri cognitione cōsistit, maxime na-
 turam attingit humanam: omnes enim trahimur, &
 ducimur ad cognitionis, & scientiæ cupiditatem, in
 qua excellere pulchrum putamus: labi autem, errare,
 nescire, & decipi, & malum, & turpe ducimus. in
 hoc genere & naturali, & honesto duo uitia uitanda
 sunt: unum, ne incognita pro cognitis habeamus, hisq;
 temere assentiamus: quod uitium effugere qui uolet,
 (omnes autem uelle debebunt) adhibebit ad considera-
 das res & tempus, & diligentiam. alterū est uitium,
 quod quidam nimis magnum studiū, multamq; ope-
 ram in res obscuras, atq; difficiles conferunt, easdemq;
 non necessarias. quibus uitij declinatis, quod in rebus
 honestis, & cognitione dignis operæ, curæq; ponetur,
 id iure laudabitur: ut in astrologia C. Sulpitium aus-
 diuimus, in geometria Sex. Pompeium ipsi cognoui-
 mus, multos in dialectica, plures in iure civili. quæ om-
 nes artes in ueri inuestigatione uersantur: cuius stu-
 dio à rebus agendis abduci, contra officiū est: uirtutis
 enim laus omnis in actione consistit: à qua tamē sæpe
 fit intermissio, multiq; dantur ad studia reditus: tum
 agitatio mentis, quæ nūquā acquiescit, potest nos in stu-

dijs cogitationis & sine opera nostra continere. omni
autem cogitatio, motusq; animi aut in cōsilijs capiēdis
de rebus honestis, et pertinētibus ad bene, beateq; uiuē
dum, aut in studijs sciētiae, cognitionisq; uersabitur. ac
de primo quidem officij fonte diximus. De tribus au-
tem reliquis, latissime patet ea ratio, qua societas homi-
num inter ipsos, & uitae quasi cōmunitas continetur.
cuius partes duae sunt; iustitia, in qua uirtutis splendor
est maximus, ex qua boni uiri nominātur; & huic con-
iuncta beneficentia, quam eādem uel benignitatē, uel
liberalitatem appellat licet. Sed iustitiae primum mu-
nus est, ut ne cui quis noceat, nisi laceffit in iniuria; de-
inde, ut cōmunibus pro cōmunibus utatur, priuatis au-
tem ut suis. sunt autē priuata nulla natura; sed aut
ueteri occupatione, ut qui quondā in uacua uenerūt;
aut uictoria, ut qui bello potiti sunt; aut lege, aut pa-
tione, conditione, sorte. ex quo fit, ut ager Arpinas Ar-
pinatum dicatur, Tusculanus Tusculanorum. similisq;
est priuatarum possessionum descriptio. ex quo, quia
suum cuiusq; fit eorum, quae natura fuerāt cōmunia;
quod cuiq; obtigit, id quisq; teneat. eo si quis sibi plus
appetet, uiolabit ius humanae societatis. sed quoniā (ut
praeclare scriptum est à Platone) non nobis solum nati
sumus, sed ortus nostri partem patria, partem parentes
uendicant, partem amici; atq; (ut placet Stoicis) quae in
terris gignuntur, ad usum hominū omnia creari, ho-
mines autem hominū causa esse generatos, ut ipsi inter
se alij alijs prodesse possent: in hoc naturam debemus
ducem sequi, et cōmunes utilitates in mediū afferre,
mutatione officiorum, dando, accipiendo, tum artibus,

C I C E R O N I S

rum opera, tū facultatibus deuincere hominum inter
 homines societatem. Fundamentum autem iustitiæ est
 fides, id est dictorum, conuentorūq; constantia, et uerī
 tas. ex quo, quanquam hoc uidebitur fortasse cuiuspiam
 durius, tamē audeamus imitari Stoicos, qui studiose ex
 quirunt, unde uerba sint ducta, credamusq; quia fiat
 quod dictum est, appellatam fidem. Sed iniustitiæ duo
 genera sunt; unum eorum, qui inferunt; alterum eo-
 rum, qui ab ijs, quibus inferitur, si possint, non propul-
 sant iniuriam: nam qui iniuste impetum in quempiā
 facit, aut ira, aut aliqua perturbatione incitatus, is qua-
 si manus uiolenter uidetur afferre socio: qui autē non
 defendit, nec obsistit, si potest, iniuriæ, tam est in uitio,
 quā si parētes, aut amicos, aut patriam deserat. Atq;
 illæ quidem iniuriæ, quæ nocēdi causa de industria in-
 feruntur, sæpe è metu proficiuntur, cū is, qui alteri
 nocere cogitat, timet, ne, nisi id alteri fecerit, ipse ali-
 quo afficiatur incōmodo. maximā autē partē ad iniu-
 riam faciendam aggrediuntur nō nulli, ut adipiscan-
 tur ea, quæ concupierunt: in quo uitio latissime patet
 auaritia. expetuntur autem diuitiæ tum ad usus uitæ
 necessarios, tum ad perfruendas uoluptates. in quibus
 autem maior est animus, in his pecuniæ cupiditas spe-
 ctat ad opes, et ad gratificandi facultatem: ut nuper
 M. Crassus negabat ullam satis magnā pecuniam esse
 ei, qui in Rep. princeps uellet esse, qui suis fructibus
 exercitū alere nō posset. delectant etiā magnifici ap-
 paratus, uitæq; cultus cum elegantia, et copia. quibus
 rebus effectum est, ut infinita pecuniæ cupiditas esset.
 nec uero rei familiaris amplificatio nemini nocēs uitu

peranda est: sed fugienda semper iniuria. Maxime autem adducuntur plerique, ut eos iustitiæ capiat obliuio, cum in imperiorum, honorum, gloriæ uel cupiditatem inciderint: quod enim est apud Ennium, Nulla sancta societas, nec fides regni est, id latius patet: nam quidquid eiusmodi est, in quo non possint plures excellere, in eo plerumque fit tanta contentio, ut difficillimum sit sanctam seruare societatem. declarauit id modo tempestas C. Cæsaris, qui omnia iura diuina, & humana peruertit propter eum, quem sibi ipse opinionis errore finxerat, principatum. est autem in hoc genere molestum, quod in maximis animis, splendidissimis ingenijs plerumque existunt honoris, imperij, potentiae, gloriæ cupiditates: quo magis cauendum est, ne quid in eo genere peccetur. sed in omni iniustitia permultum interest, utrum perturbatione aliqua animi, quæ plerumque breuis est, & ad tempus, an consilio, & cogitata fiat iniuria: leuiora enim sunt ea, quæ repentino aliquo motu accidunt; quàm ea, quæ meditata, & præparata inferuntur. ac de inferenda quidem iniuria satis dictum est. Prætermittendæ autem defensionis, deserendi; officij plures solent esse causæ: nam aut inimicitias, aut laborem, aut sumptus suscipere nolunt; aut etiam negligentia, pigritia, inertia, aut suis studijs, quibusdam uel occupationibus sic impediuntur, ut eos, quos tutari debeant, desertos esse patiantur. itaque uidendum est, ne non satis sit id, quod apud Platonem est in philosophos dictum; quod in ueri inuestigatione uersentur, quodque ea, quæ plerique uehementer expetunt, de quibus inter se digladiari solent, contemnant, & pro nihilo du

cant propterea iustos esse: nam dum alterum iustitiæ genus assequuntur, inferenda ne cui noceant iniuria; in alterum inclidunt: discendi enim studio impediti, quos tueri debent, deserunt: itaque eos ne ad Remp. quidē accessuros putat, nisi coactos. æquius autē erat id uoluntate fieri; nam hoc ipsum ita iustum est, quod recte fit, si est uoluntarium. Sunt etiam, qui aut studio rei familiaris tuendæ, aut odio quodam hominum suū se negotium agere dicant, ne facere cuiquam uideantur iniuriam. qui, dum altero iniustitiæ genere uacant, in alterū incurrunt: deserunt enim uitæ societate, quia nihil conferunt in eam studiū, nihil operæ, nihil facultatum. Quoniam igitur duobus generibus iniustitiæ propositis, adiunximus causas utriusq; generis, easq; res ante cōstituimus, quibus iustitia cōtinetur; facile, quod cuiusq; temporis officium sit, poterimus, nisi nosmet ipsos ualde amabimus, iudicare: est enim difficilis cura rerum alienarum: quanquam Terentianus ille Chremes humani nihil à se alienum putat. sed tamen, quia magis ea percipimus, atq; sentimus, quæ nobis ipsis aut prospera, aut aduersa eueniūt, quàm illa, quæ cæteris, quæ quasi longo interuallo interiecto uidemus; aliter de illis, ac de nobis, iudicamus. quo circa bene præcipiunt, qui uetant quidquam agere, quod dubites æquū sit, an iniquum: æquitas enim luccit ipsa per se, dubitatio autem cogitationem significat iniuriæ. sed incidunt sæpe tēpora, cum ea, quæ maxime uidentur digna esse iusto homine, eoq; quem uirū bonum dicimus, commutantur, fiuntq; contraria; ut, non reddere depositum, etiam ne furioso promissum facere, quæq; pertinet ad ueritatem,

ueritatem, & ad fidem, ea negare interdum, et non ser-
uare, sit iustum: referri enim decet ad ea, quæ propo-
sui in principio, fundamenta iustitiæ; primū, ut ne cui
noceatur; deinde, ut communi utilitati seruiatur. ea
cum tempore commutantur, commutatur officium, ut
non semper sit idem: potest enim accidere promissum
aliquod, & cōuentum, ut id effici sit inutile uel ei, cui
promissum sit; uel ei, qui promiserit: nam si (ut in fa-
bulis est) Neptunus, quod Theseo promiserat, non fecis-
set, Theseus filio Hippolito non esset orbatu: ex tribus
enim optatis (ut scribitur) hoc erat tertium, quod de
Hippolyti interitu iratus optauit: quo impetrato, in
maximos luctus incidit. nec promissa igitur seruanda
sunt ea, quæ sint ijs, quibus promiseris, inutilia: nec, si
plus tibi noceant, quàm illi prosint, cui quidē promise-
ris, contra officiū est, maius damnu anteponi minori:
ut, si constitueris te cuipiam aduocatum in rem præsen-
tem esse uenturum, atque interim grauiter egrotare
filius cœperit, non sit contra officium, non facere, quod
dixeris; magisq; ille, cui promissum sit, ab officio disce-
dat, si se destitutum queratur. Iā, illis promissis non stā-
dum esse, quis non uidet, quæ coactus quis metu, aut de-
ceptus dolo promiserit? quæ quidē pleraque iure præ-
torio liberantur, non nulla legibus. Existunt etiam in-
iuriæ sæpe calumnia quadam, & nimis callida, et ma-
litiosa iuris interpretatione. ex quo illud, Summum
ius summa iniuria, factum est iam tritū sermone pro-
uerbiū. quo in genere etiam in Rep. multa peccantur.
ut ille, qui, cum triginta dierum essent cum hoste pa-
ctæ induciæ, noctu populabatur agros, quod dierum es-

C I C E R O N I S

sent pacte, non noctium induciæ. nec noster quidem probandus est, si uerum est, Q. Fabium Labeonem, seu quem alium (nihil enim præter auditum habeo) arbitrum Nolanis, & Neapolitanis de finibus agri à senatu datum, cum ad locum uenisset, cum utrisq; separatim locutum, ne cupide quid agerent, nec appeterent, atque ut regredi, quam progredi mallerent: id cum utrique fecissent, aliquantum agri in medio relictum est: itaque illorum fines, sicut ipsi dixerant, terminauit: in medio relictum quod erat, populo R. adiudicauit. decipere hoc quidem, non iudicare est. quocirca in omni re fugienda est talis solertia. Sunt autem quædam officia etiam aduersus eos seruanda, à quibus iniuriam acceperis: est enim ulciscendi, & puniendi modus: atq; haud scio, an satis sit eum, qui lacefferit, iniuriæ suæ poenitere, ut ipse ne quid tale posthac committat, et cæteri sint ad iniuriam tardiores. Atque in Rep. maxime conseruanda sunt iura belli: nam cum sint duo genera decertandi, unum per disceptationem, alterum per uim, cumq; illud proprium sit hominis, hoc belluarum; confugiendum est ad posterius, si uti non licet superiore. quare suscipienda quidem bella sunt ob eam causam, ut sine iniuria in pace uiuatur: parca autem uictoria conseruandi sunt ij, qui non crudeles in bello, nec immanes fuerunt: ut maiores nostri Tusculanos, Aequos, Volscos, Sabinos, Hernicos in ciuitatem etiã acceperunt: at Carthaginem, & Numantiam funditus sustulerunt: nollem Corinthum: sed credo illos secutos opportunitatem loci maxime, ne posset aliquando ad bellum faciendum locus ipse adhortari. mea quidem sententia, paci, quæ

nihil habitura sit insidiarum, semper est consulendū .
 in quo si mihi obtemperatum esset, si non optimā , at
 aliquam Remp. quæ nunc nulla est, haberemus. Et cū
 ijs, quos ui deuiceris, consulendum est: tum ij, qui ar=
 mis positis ad imperatorum fidem confugiunt, quāuis
 murum aries percusserit, recipiendi sunt. in quo tan=
 to opere apud nostros iustitia culta est, ut ij, qui ciuitates
 aut nationes deuictas bello in fidem recepiissent, earū
 patroni essent more maiorum. ac belli quidem æqui=
 tas sanctissime foeciali populi R. iure perscripta est: ex
 quo intelligi potest, nullum bellum esse iustū, nisi quod
 aut rebus repetitis geratur, aut denunciatum ante sit,
 Et indiētum. Pompilius Imperator tenebat provinci=
 am, in cuius exercitu Catonis filius tyro militabat. cū
 autem Pompilio uideretur unam dimittere legionem,
 Catonis quoq; filium: qui in eadem legione militabat,
 dimisit. sed, cum amore pugnandi in exercitu reman=
 sisset, Cato ad Pompilium scripsit, ut, si cum pateretur
 in exercitu remanere, secundo eū obligaret militiæ sa=
 cramento, quia, priore amisso, iure pugnare cum hosti=
 bus non poterat. adeo summa erat obseruatio in bello
 mouendo. Marci quidem Catonis senis est epistola ad
 Marcum filium, in qua scripsit se audisse eum missum
 factum esse à Consule, cū in Macedonia bello Persico
 miles esset. monet igitur, ut caueat, ne prælum ineat:
 negat enim ius esse, qui miles non sit, pugnare cū ho=
 ste. equidem illud etiam animaduerto, quod, qui pro=
 prio nomine perduellis esset, is hostis uocaretur, lenita
 te uerbi tristitiā rei mitigante: hostis enim apud maio=
 res nostros is dicebatur, quē nunc peregrinū dicimus:

C I C E R O N I S

inducant duodecim tabulæ, A V T status dies cum ho-
ste : itemq; , A D V E R S V S hostem æterna auctori-
tas . quid ad hanc mansuetudinem addi potest, eū, qui
cum bella geras, tam molli nomine appellare? quanquā
id nomen durius efficit iam uetustas: à peregrino enim
recessit, et proprie in eo, qui contra ferret arma, reman-
sit. Cum uero de imperio decertatur, belloq; quæritur
gloria, causas omnino subesse tamen oportet easdem;
quas dixi paulo ante iustas causas esse bellorū . sed ea
bella, quibus imperij gloria proposita est, minus acerbe
gerenda sunt. ut enim, cum ciuilitate contendimus, ali-
ter, si est inimicus, aliter, si competitor; cum altero cer-
tamen honoris, & dignitatis est, cum altero capitis, &
famæ : sic cum Celtiberis, cum Cimbris bellum ut cum
inimicis gerebatur, uter esset, non uter imperaret; cum
Latinis, Sabinis, Samnitibus, Pœnis, Pyrrho de imperio
dimicabatur. Pœni fœdissimi, crudelis Annibal, reli-
qui iustiores. Pyrrhi quidem de captiuis reddendis illa
præclara sententia est.

Nec mi aurum posco, nec mi pretium dederitis.

Nec cauponantes bellum, sed belligerantes,

Ferro, non auro uitam cernamus utrique.

Vos uelut, an me regnare hera, quid uelut ferat fors,

Virtute experiamur. & hoc simul accipe dictum:

Quorum uirtuti belli fortuna pepercit,

Eorundem me libertati parcere certum est.

Dono : ducite : doq; uolentibus cum magnis dijs.

regalis sanè, & digna Aeacidarum genere sententia.

atque etiam, si quid singuli, temporibus adducti, hosti
promiserint, est in eo ipso fides seruanda : ut primo Pu-

nico bello Regulus captus à Poënis, cum de captiuis com-
mutandis Romam missus esset, iurassetq; se rediturum,
primum, ut uenit, captiuos reddendos in senatu nõ cen-
suit: deinde, cum retineretur à propinquis, & ab ami-
cis, ad supplicium redire maluit, quã fidem hosti datã
fallere. ac de bellicis quidem officijs satis dictum est.
Meminerimus autem, & aduersus infimos iustitiã esse
seruandam. est autem infima conditio & fortuna ser-
uorum: quibus, non male præcipiunt, qui ita iubet uti,
ut mercenarijs ad operam exigendam, & iusta præben-
da. Cum autem duobus modis, idest aut ui, aut fraude,
fiat iniuria: fraus quasi uulpeculæ, uis leonis uidetur:
utrunq; alienissimum ab homine est, sed fraus odio di-
gna maiore. totius autẽ iniustitiæ nulla capitalior est,
quàm eorum, qui tum, cum maxime fallunt, id tamen
agunt, ut uiri boni esse uideantur. de iustitia satis di-
ctum est. Deinceps (ut erat propositum) de beneficentia,
ac liberalitate dicatur. qua quidem nihil est naturæ ho-
minis accommodatius: sed habet multas cautiones: ui-
dendum est enim primum, ne obsit benignitas & ijs ip-
sis, quibus benigne uidebitur fieri, & ceteris: deinde, ne
maior benignitas sit, quàm facultas: tum, ut pro digni-
tate cuique tribuatur: id enim est iustitiæ fundamen-
tum; ad quam hæc referenda sunt omnia: nam & qui
gratificatur cuiquam, quod obsit illi, cui prodesse uelle
uideantur, non benefici, neque liberales, sed perniciosi
assentatores iudicandi sunt; & qui alijs nocent, ut in
alios liberales sint, in eadem sunt iniustitia, ut si in suã
rem aliena conuertant. sunt autem multi, & quidem
cupidi splendoris, & gloriæ, qui eripiunt ab alijs, quod

C I C E R O N I S

alij largiantur: hiq; arbitrantur se beneficos in suos amicos uisum iri, si locupletent eos quacunque ratione. id autem tantum abest ab officio, ut nihil magis officio possit esse contrarium. uidendum est igitur, ut ea liberalitate utamur, quæ profit amicis, noceat nemini. quare L. Syllæ, & C. Cæsaris pecuniarum translatio à iustis dominis ad alienos non debet liberalis uideri: nihil enim est liberale, quod nō sit idem iustum. Alter locus erat cautionis, ne benignitas maior est, quàm facultates; quòd, qui benigniores uolūt esse, quàm res patitur, primum in eo peccat, quòd iniuriosi sunt in proximos: quas enim copias his & suppeditari æquius est, & relinquere, eas transferunt ad alienos. inest autem in tali liberalitate cupiditas rapiendi plerunque, & auferendi per iniuriam, ut ad largiendum superent copiae. uidere etiā licet plerosq; nō tū natura liberales, quàm quādam gloria ductos, ut benefici uideantur, facere multa, quæ ab ostentatione proficisci magis, quàm à uolūta te uideantur. talis autem simulatio uanitati est coniūctior, quàm aut liberalitati, aut honestati. Tertium est propositum, ut in beneficentia delectus esset dignitatis. in quo & mores eius erunt spectandi, in quem beneficium conferetur, et animus erga nos, & cōmunitas, ac societas uitæ, & ad nostras utilitates officia ante collata. quæ ut concurrant omnia, optabile est: sin minus, plures causæ, maioresq; ponderis plus habebunt. quoniam autem uiuitur non cū perfectis hominibus, pleneq; sapientibus, sed cum ijs in quibus, præclare agitur, nisi sint simulacra uirtutis: etiam hoc intelligendum puto, neminem omnino esse negligendū, in quo aliqua signi-

ficatio uirtutis appareat; colendum autē esse ita quen-
 que maxime, ut quisque maxime uirtutibus his leniori-
 bus erit ornatus, modestia, temperantia, ac ipsa, de qua
 iam multa dicta sunt, iustitia: nam fortis animus, &
 magnus in homine nō perfectō, nec sapiente feruentior
 plerumque est: illæ uero uirtutes bonum uirum uiden-
 tur potius attingere. atque hæc in moribus consideren-
 tur. De beneuolentia autem, quam quisque habeat er-
 ga nos, primum illud est in officio, ut ei plurimum tri-
 buamus, à quo plurimum diligimur, sed beneuolentiā
 non adolescentulorum more, ardore quodam amoris,
 sed stabilitate potius, & constantia iudicemus. sin erūt
 merita, ut non ineunda, sed referenda sit gratia; maior
 quædam cura adhibenda est: nullum enim officium re-
 ferenda gratia magis necessarium est. quod si ea, quæ
 acceperis utenda, maiore mensura, si modo possis, iubet
 reddere Hesiodus: quidnam beneficio prouocati facere
 debemus? an non imitari agros fertiles, qui multo plus
 afferunt, quàm acceperunt? etenim si in eos, quos spera-
 mus nobis profuturos, non dubitamus officia conferre:
 quales in eos esse debemus, qui iam profuerunt? nam
 cum duo genera liberalitatis sint, unum dādi beneficij,
 alterum reddēdi: demus, nec ne, in nostra potestate est;
 non reddere uiro bono non licet, si modo id facere pos-
 sit sine iniuria. Acceptorum autem beneficiorum sunt
 delectus habēdi: nec dubium, quin maximo cuiq; plu-
 rimum debeat. in quo tamen in primis, quo quisq;
 animo, studio, beneuolentia fecerit, ponderandum est:
 multi enim multa faciunt temeritate quadam, sine iu-
 dicio, uel modo, in omnes, uel repentino quodam, quasi

C I C E R O N I S

ueto, impetu animi incitati. quæ beneficia æque magna non sunt habēda, atq; ea, quæ iudicio, cōsiderate, cōstanterq; delata sunt. Sed in collocando beneficio, & in referenda gratia, si cætera paria sunt, hoc maxime officij est, ut quisq; maxime opis indigeat, ita ei potissimū opitulari. quod contra fit à plerisq; : à quo enim plurimum sperant, etiam si ille his non eget, tamen ei potissimum inferuiunt. Optime autem societas hominum, coniunctioq; seruabitur. si ut quisque erit coniunctissimus, ita in eum benignitatis plurimum conferetur. Sed quæ naturæ principia sint communitatis, & societatis humanæ, repetēdum altius uidetur. est enim primum, quod cernitur in uniuersi generis humani societate. eius autem uinculum est ratio, & oratio, quæ docēdo, discendo, communicando, disceptando, iudicando conciliat inter se homines, coniungitq; naturali quadam societate. neque ulla re longius absumus à natura ferarum: in quibus inesse fortitudinem sæpe dicimus, ut in equis, in leonibus, iustitiam, æquitatem, bonitatē non dicimus: sunt enim rationis, & orationis expertes. ac latissime quidē patens hominibus inter ipsos, omnibus inter omnes societas hæc est. in qua omnium rerum, quas ad communem usum hominum natura genuit, est seruanda communitas, ut, quæ descripta sunt legibus, & iure ciuili, hæc ita teneantur, ut sit constitutum; è quibus ipsis cætera sic obseruentur, ut in Græcorum prouerbio est amicorum omnia esse communia. omnia autem communia hominum uidentur ea, quæ sunt generis eiusdem, quod ab Ennio positum in una re, transferri per multas potest:

Vt homo, qui erranti comiter monstrat uiam,
Quasi lumen de suo lumine accendat, facit,
Vt nihilo minus ipsi luceat, cum illi accenderit.
una enim ex re satis precipitur, ut, quidquid sine detrimento possit communi dari, id tribuatur cuique, uel ignoto. ex quo sunt communia, non prohibere aquam profluentem; pati ab igne ignem capere; si quis uelit consilium, fidele deliberanti dare. quæ sunt ipsius utilia, qui accipiunt; danti non molesta. quare & his utendum est, & semper aliquid ad communem utilitatem afferendum. sed quoniam copiae paruae singulorum sunt; eorum autem, qui his egeant, infinita est multitudo: uulgaris liberalitas referenda est ad illum Ennii finem: Nihilo minus ut ipsi luceat: ut facultas sit, qua in nostros simus liberales. Gradus autem plures sunt societatis hominum: ut enim ab illa discedatur infinitate, propior est eiusdem gentis, nationis, linguae; qua maxime homines coniunguntur: interius etiam est, eiusdem esse ciuitatis: multa sunt enim ciuibus inter se communia, forum, fana, porticus, uia, leges, iura, iudicia, suffragia, consuetudines praeterea, & familiaritates, multæque cum multis res, rationesque contractæ. arctior uero colligatio est, societas propinquorum: ab illa enim immensa societate humani generis, in exiguum, angustumque concluditur. nam cum sit hoc natura commune omnium animantium, ut habeant libidinem procreandi; prima societas in ipso est coniugio, proxima in liberis, deinde una domus communia omnia. id autem est principium urbis, et quasi seminariū Reip. sequuntur fratrum coniunctiones, post consobrinorum, sobria

C I C E R O N I S

norumq; : qui cum una domo iam capi non possint, in
 alias domos, tanquam in colonias, exeunt. sequuntur
 connubia, & affinitates: ex quibus etiam plures pro-
 pinqui. quæ propagatio, & soboles, origo est Rerump.
 sanguinis autem coniunctio, & beneuolentia deuincit
 charitate homines: magnum est enim eadem habere
 monimenta maiorum, eisdem uti sacris, sepulchra habe-
 re communia. sed omnium societatum nulla præstantior
 est, nulla firmitior, quàm cum uiri boni, moribus similes,
 sunt familiaritate coniuncti: illud enim honestum, quod
 sæpe diximus, etiam si in alio cernimus, tamen nos mo-
 uet, atq; illi, in quo id inesse uidetur, amicos facit. &
 quanquam omnis uirtus nos ad se allicit, facitq; ut di-
 ligamus, in quibus ipsa inesse uideatur; tamē iustitia,
 & liberalitas id maxime efficit. nihil autem est ama-
 bilius, nec copulantiùs, quàm morum similitudo bono-
 rum: in quibus enim eadem studia sunt, eademq; uo-
 luntates, in his fit, ut æque quisq; altero delectetur, ac
 se ipso: efficiturq; id, quod Pythagoras uult in amicitia,
 ut unus fiat ex pluribus. magna etiam illa communi-
 tas est, quæ conficitur ex beneficijs ultero, citroq; datis, ac
 ceptisq; quæ mutua, & grata dum sunt, inter quos ea
 sunt, firma deuinciuntur societate. sed, cum omnia ra-
 tione, animoq; lustraueris, omnium societatum nulla est
 gratior, nulla carior, quàm ea, quæ cum Rep. est unicui-
 que nostrum. chari sunt parentes, chari liberi, propin-
 qui, familiares: sed omnes omnium charitates patria
 una complexa est. pro qua quis bonus dubitet mortem
 oppetere, si ei sit profuturus? quo est detestabilior isto-
 rum immanitas, qui lacerarunt omni scelere patriam,

Et in ea funditus delenda occupati et sunt, et fuerunt. sed si contentio quædam, et cōparatio fiat, quibus plurimum tribuendum sit officij; principes sunt patria, et parentes, quorum beneficijs maxime obligati sumus; proximi liberi, totaq; domus, quæ spectat in nos solos, neque aliud ullum potest habere perfugium; deinceps bene conuenientes propinqui, quibus communis etiā plerunq; fortuna est. quamobrem necessaria uitæ præsidia debentur ijs maxime quos ante dixi: uita autem, uiētusq; communis, consilia, sermones, cohortationes, consolationes, interdū etiam obiurgationes in amicis uigent maxime; estq; ea iucundissima amicitia, quam similitudo morum coniugauit. Sed in his omnibus officijs tribuendis, uidendum erit, quid cuiq; maxime necesse sit, et quid quisq; nobiscum, uel sine nobis aut possit consequi, aut non possit. ita non ijdē erunt necessitudinum gradus, qui et temporum. suntq; officia, quæ alijs magis, quàm alijs, debeantur: ut, uicinum citius adiuueris in frugibus percipiendis, quàm aut fratrem, aut familiarem: at si lis in iudicio sit, propinquum potius, et amicum, quàm uicinum defenderis. hæc igitur, et talia circumspicienda sunt in omni officio: et consuetudo, exercitatioq; capienda, ut boni ratiocinatores officiorum esse possimus, et addendo, deducendoq; uidere, quæ reliqui summa fiat, ex quo, quantum cuiq; debeat, intelligas. sed, ut nec medici, nec imperatores, nec oratores, quamuis artis præcepta perceperint, quidquā magna laude dignum sine usu, et exercitatione consequi possunt: sic officij conseruādi præcepta traduntur illa quidem, ut faciamus ipsi; sed rei

C I C E R O N I S

magnitudo usum quoque, exercitationemq; desiderat. atq; ab ijs rebus, quæ sunt in iure societatis humanæ, quemadmodum ducatur honestum, ex quo ortū est officium, satis ferè diximus. Intelligendum est autem, cum proposita sint genera quatuor, è quibus honestas, officiumq; manaret, splendidissimum uideri, quod animo magno, elatoq; humanasq; res despiciente factum sit. itaque in probris maxime in promptu est, si quid tale dici potest:

Vos enim iuvenes animum geritis muliebrem, illaque uirgo uiri: Et, si quid huiusmodi: Salmaci da spolia sine sanguine, Et sudore. contraq; in laudibus; quæ magno animo, Et fortiter, excellenterq; gesta sunt, ea nescio quo modo quasi pleniore ore laudamus. hinc rhetorum campus de Marathone, Salamine, Plataeis, Thermopylis, Leucthis, Stratoncle: hinc noster Cocles, hinc Decij, hinc Cn. Et P. Scipiones, hinc M. Marcellus, innumerabilesq; alij: maximeq; ipse populus R. animi magnitudine excellit. declaratur aut studiū bellicæ gloriæ, q̄ statuas quoq; uidemus ornatum ferè militari. sed ea animi elatio, quæ cernitur in periculis, Et laboribus, si iustitia uacat, pugnatq; non pro salute communi, sed pro suis commodis, in uitio est: non enim modo id uirtutis non est, sed potius immanitatis omnē humanitatem repellentis. itaq; probe definitur à Stoicis fortitudo, cum eam uirtutem esse dicunt propugnantem pro æquitate. quo circa nemo, qui fortitudinis gloriam consecutus est, insidijs, Et malitia laudem est adeptus: nihil enim honestum esse potest, quod iustitia uacat. præclarum igitur Platonis illud: non so-

lum, inquit, scientia, quæ est remota à iustitia, calliditas
 potius, quàm sapientia est appellanda; uerum etiam ani-
 mus paratus ad periculum, si sua cupiditate, non utilita-
 te communi impellitur, audaciæ potius nomen habeat,
 quàm fortitudinis. itaque uiros fortes, & magnani-
 mos, eosdem bonos, & simplices, ueritatis amicos, minime-
 quæ fallaces esse uolumus: quæ sunt ex media laude
 iustitiæ. sed illud odiosum est, quòd in hac elatione, &
 magnitudine animi facillime pertinacia, & nimia cupi-
 ditas principatus innascitur: ut enim apud Platonem
 est, omnem morem Lacedæmoniorum inflammatum esse
 cupiditate uincendi; sic ut quisque animi magnitudi-
 ne maxime excellit, ita maxime uult princeps omnium
 esse uel potius solus esse. difficile autem est, cū præsta-
 re omnibus cōcupieris, seruare æquitatē, quæ est iustitiæ
 maxime propria. ex quo fit, ut neque disceptatione uin-
 ci se, nec ullo publico, ac legitimo iure patiantur: exis-
 tuntque in Rep. plerunque largitores, et factiosi, ut opes
 quammaximas consequantur, & sint ui potius superio-
 res, quàm iustitia pares. sed quo difficilius, hoc præcla-
 rius: nullum enim est tempus, quod iustitia uacare de-
 beat. fortes igitur, & magnanimi sunt habendi, non
 qui faciunt, sed qui propulsant iniuriam. uera autē,
 & sapiens animi magnitudo honestum illud, quod ma-
 xime natura sequitur, in factis positum, non in gloria
 iudicat, principemque esse mauult, quàm uideri: et e-
 nim qui ex errore imperitiæ multitudinis pendet, hic in
 magnis uiris non est habendus. facillime autem ad res
 iniustas impellitur, ut quisque est altissimo animo &
 gloriæ cupido. qui locus est sanè lubricus, quæ uix inue-

nitur, qui laboribus susceptis, periculisq; aditis, nō qua-
 si mercedem rerū gestarum desideret gloriam. Om-
 nino fortis animus, & magnus duabus rebus maxime
 cernitur: quarum una, in rerum externarum despiciē-
 tia ponitur, cum persuasum sit nihil hominē, nisi quod
 honestum, decorūq; sit, aut admirari, aut optare, aut
 expetere oportere, nulliq; neq; homini, neq; perturba-
 tioni animi, nec fortunæ succūbere. altera est res, ut,
 cum ita sis affectus animo, ut supra dixi, res geras ma-
 gnas illas quidem, et maxime utiles, sed ut uehemēter
 arduas, plenasq; laborum. & periculorum, tū causa ui-
 tæ, tum multarum rerū, quæ ad uitam pertinent. ha-
 rum rerum duarum splendor omnis, et amplitudo est,
 addo etiam utilitatem, in posteriore: causa autē, et ra-
 tio efficiens magnos uiros est in priore: in eo enim est il-
 lud, quod excellentes animos, et humana contēnentes
 facit. id autem ipsum cernitur in duobus, si & solum
 id, quod honestū sit, bonum iudices, et ab omni animi
 perturbatione liber sis: nam & ea, quæ eximia ple-
 risque, et præclara uidentur, parua ducere, eaq; ratio-
 ne stabili, firmaq; cōtemnere, fortis animi, magniq; di-
 cendum est; et ea, quæ uidentur acerba, quæ multa, et
 uaria in hominū uita, fortunaq; uersantur, ita ferre,
 ut nihil à statu naturæ discedas, nihil à dignitate sapiē-
 tis, robusti animi est, magnæq; constantiæ. non est au-
 tem consentaneum, qui metu non frangatur, eū fran-
 gi cupiditate; nec, qui inuictum se à labore præstiterit,
 uinci à uoluptate. quamobrem & hæc uitanda sunt,
 & pecuniæ fugienda cupiditas: nihil enim est tam an-
 gusti animi, tamq; parui, quàm amare diuitias: nihil

honestius, magnificentius, quàm pecuniam contemnere,
si non habeas; si habeas, ad beneficentiam, liberalita-
temq; conferre. cauenda est etiam gloriæ cupiditas, ut
supra dixi: eripit enim libertatem, pro qua magni-
mis uiris omnis debet esse contentio. nec uero imperia
expetenda, ac potius non accipiēda interdum, aut depo-
nenda non nunquam. uacandum autem est omni ani-
mi perturbatione, tum cupiditate, & metu, tum etiā
agritudine, & uoluptate animi, & iracundia, ut tran-
quillitas animi adsit, & securitas, quæ afferat tum con-
stantiam, tum etiam dignitatem. multi autem & sunt,
& fuerunt, qui eam, quam dico, tranquillitatem expe-
tentes à negocijs publicis se remouerunt, ad ociumq; per-
fugerunt. in his & nobilissimi philosophi, longeq; prin-
cipes, & quidam homines seueri, & graues nec populū,
nec principum mores ferre potuerunt: uixeruntq; non
nulli in agris, delectati re sua familiari. his idem pro-
positum fuit, quod & regibus, ut ne qua re egerent, ne
cui parerent, libertate uterentur, cuius proprium est sic
uiuere, ut uelis. quare, cum hoc commune sit potentie
cupidorum cum ijs, quos dixi, ociosis; alteri se adipisci
id posse arbitrantur, si opes magnas habeant; alteri, si
contenti sint & suo, & paruo. in quo quidem neutro-
rum omnino contemnēda est sententia: sed & facilius,
& tutius, & minus alijs grauis, aut molesta uita est
ociosorum, fructuosior autem hominum generi, & ad
claritatem, amplitudinemq; aptior eorum, qui se ad
Remp. & ad magnas res gerendas accommodauerunt.
quapropter & his forsitan concedendum sit Remp. non
capeffentibus, qui excellēti ingenio, doctrinæ sese dedi-

derunt; & ijs qui aut uoletudinis imbecillitate, aut aliqua grauiore causa impediti, à Rep. recesserunt, cū eius administrandæ potestatem alijs, laudemq; concederent. quibus autem talis nulla est causa, si despicere se dicant ea, quæ pleriq; admirentur, imperia, et magistratus, his non modo non laudi, uerum etiam uitio dandum puto. quorum iudicium in eo, quod gloriam contemnunt, & pro nihilo putent, difficile factu est non probare: sed uidentur labores, & molestias tum offensionum, tum repulsarum, quasi quandam ignominiam, timere, & infamiam: sunt enim, qui in rebus contrarijs parum sibi constant; uoluptatem seuerissime contemnunt, in dolore sint molliores; gloriam negligant, frangantur infamia; atque ea quidem non satis constanter. sed ijs, qui habent à natura adiumenta rerum gerendarum, abiecta omni cunctatione adipiscendi magistratus sunt, & gerenda Resp. est: nec enim aliter aut regi ciuitas, aut declarari animi magnitudo potest. Capeissentibus autem Remp. nihil minus quàm philosophis, haud scio an magis etiam, & magnificentia, et despicientia adhibenda est rerum humanarum, quam sæpe dico, et tranquillitas animi, atque securitas: si quidem nec anxij futuri sunt, & cum grauitate, constantiaq; uicturi. quæ eo facilia sunt phllosophis, quo minus patent multa in eorum uita, quæ fortuna feriat; et quo minus multis rebus egent; et quia, si quid aduersi eueniat, tã grauius cadere non possunt. quocirca nō sine causa maiores motus animorum concitantur: maioraq; efficienda Remp. gerentibus, quàm quietis, quo magis his & magnitudo animi est adhibenda, & securitas

cuitas ab angoribus . ad rem gerendam autem qui acce-
 dit , caveat , ne id modo consideret , quàm illa res hones-
 ta sit ; sed etiam , ut habeat efficiendi facultatem . in
 quo ipso considerandum est , ne aut temere desperet pro-
 pter ignauiam , aut nimis confidat propter cupiditatem .
 in omnibus autem negotijs prius , quàm aggrediare , ad-
 hibenda est preparatio diligens . sed cum plerique arbi-
 trentur res bellicas maiores esse , quàm urbanas ; minuenda
 est hæc opinio : multi enim bella sæpe quæsiuerunt
 propter gloriæ cupiditatem ; atque in magnis animis , in-
 genijsq̃ ; id plerunque contingit , eoq̃ ; magis si sunt ad rem
 militarem apti , & cupidi bellorum gerendorum . uere
 autem si uolumus iudicare , multæ res extiterunt urba-
 næ maiores , clarioresq̃ ; quàm bellicæ . quamuis enim
 Themistocles iure laudetur , & sit eius nomen , quàm So-
 lonis , illustrius ; citeturq̃ ; Salamis clarissimæ testis uictor-
 riæ , quæ anteponatur consilio Solonis , ei , quo primum
 constituit Arcopagitas : non minus præclarum hoc ,
 quàm illud , iudicandum est : illud enim semel profuit ,
 hoc semper proderit ciuitati : hoc consilio leges Athenien-
 sium , hoc maiorum instituta seruantur . & Themisto-
 cles quidem nihil dixerit , in quo ipse Arcopagum ad-
 iuuerit : at ille adiunxit Themistoclem : est enim bellum
 gestum consilio senatus eius , qui à Solone erat constitu-
 tus . licet eadem de Pausania , Lysandroq̃ ; dicere . quo-
 rum rebus gestis quanquam imperium Lacedæmonio-
 rum dilatatum putatur , tamen ne minima quidem ex
 parte Lycurgi legibus , & disciplinæ conferendi sunt ;
 quin etiam ob has ipsas causas & paratiores habuerunt
 exercitus , & fortiores . mihi quidem neque , pueris nobis ,

M. Scaurus C. Mario, neque, cum uersaremur in Rep.
 Q. Catulus Cn. Pompeio cedere uidebatur: parua enim
 sunt foris arma, nisi est consilium domi. nec plus Africa=
 nus: singularis & uir, & imperator, in excidenda Nu=
 mantia Reip. profuit, quàm eodem tempore P. Nasica
 priuatus, cum Ti. Gracchum interemit. quanquam hæc
 quidem res non solum ex domestica est ratione: attingit
 enim & bellicam, quoniam ui, manuq; confecta est. sed
 tamen id ipsum gestum est consilio urbano sine exercitu.
 illud autem optimum est, in quo me inuadi solere ab in=
 uidis, & improbis audio:

Cedant arma togæ: concedat laurea linguæ.
 ut enim alios omittam, nobis Remp. gubernantibus non
 ne togæ arma cessere? neque enim in Rep. periculum fuit
 grauius unquam, nec maius otium. ita consilijs, diligen=
 tiaq; nostra celeriter de manibus audacissimorum ciuium
 delapsa arma ipsa ceciderunt. quæ res igitur gesta est un=
 quam in bello tanta? quis triumphus conferendus? li=
 cet enim Marce fili apud te gloriari, ad quem & hære=
 ditas huius gloriæ, & faëtorum imitatio pertinet. mi=
 hi quidem certe uir abundans bellicis laudibus Cn. Pom=
 peius multis audientibus hoc tribuit, ut diceret frustra
 se tertium triumphum deportaturum fuisse, nisi meo in
 Rep. beneficio, ubi triumpharet, esset habiturus. sunt
 ergo domesticæ fortitudines non inferiores militaribus:
 in quibus plus etiam, quàm in his, operæ, studiijq; po=
 nendum est: omnino enim illud honestum, quod ex a=
 nimo excelso, magnificoq; querimus, animi efficitur,
 non corporis uiribus. exercendum tamen est corpus, &
 ita afficiendum, ut obedire consilio, rationiq; possit in

exequendis negotijs, & in labore tolerando. honestum
autem id, quod exquirimus, totum est positum in animi
cura, & cogitatione. in quo non minorem utilitatem af-
ferunt, qui togati Reip. præsunt, quàm qui bella gerunt.
itaque eorum consilio sæpe aut non suscepta, aut confecta
bella sunt, non nunquam etiam illata, ut M. Catonis con-
silio bellum tertium Punicum: in quo etiam mortui ui-
luit auctoritas. quare expetenda quidem magis est de-
cernendi ratio, quàm decertandi fortitudo: sed cauend-
um, ne id bellandi magis fuga, quàm utilitatis ratione
faciamus. bellum autem ita suscipiatur, ut nihil aliud,
nisi pax quæsita uideatur. fortis uero animi, & constan-
tis est non perturbari in rebus asperis, nec tumultuam rem
de gradu deiici, ut dicitur; sed præsens animi uti con-
silio, nec à ratione discedere. quanquam hoc animi, il-
lud etiam ingenij magni est, præcipere cogitatione futu-
ra, & aliquanto ante constituere, quid accidere possit in
utranque partem; & quid agendum sit, cum quid eue-
nerit; nec committere aliquid, ut aliquando dicendum
sit, non putaram. hæc sunt opera magni animi, & excel-
si, & prudentia, consilioq; fidentis. temere autem in acie
uersari, & manu cum hoste configere, immane quiddā,
& belluarum simile est. sed, cum tempus est, necessitasq;
postulat, decertandum manu est, & mors seruituti, tur-
pitudiniq; anteponenda. De euertendis autem, diripien-
disq; urbibus ualde illud considerandum est, ne quid te-
mere, ne quid crudeliter fiat. idq; est uiri magnanimi,
rebus agitatæ punire fontes, multitudinem conseruare,
in omni fortunarecta, atque honesta retinere: ut enim
sunt (quemadmodum supra dixi) qui urbanis rebus bel-

C I C E R O N I S

licas anteponunt; sic reperias multos, quibus periculosa, & callida consilia quietis cogitationibus splendidiora, & maiora uideantur. nunquam omnino periculi fuga committendum est, ut imbelles, timidiq; uideamur: sed fugiendum etiam illud, ne offeramus nos periculis sine causa: quo nihil potest esse stultius. quapropter in aduendis periculis consuetudo imitanda medicorum est, qui leuiter ægrotantes leuiter curant, grauioribus autem morbis periculosas curationes, & ancipites adhibere coguntur. quare in tranquillo tempestatem aduersam optare, dementis est: subuenire autem tempestati quauis ratione, sapientis, eoq; magis, si plus adipiscere re explicata boni, quàm addubitata mali. periculosa autem rerum actiones partim ijs sunt, qui eas suscipiunt; partim Reip. itemq; alij de uita, alij de gloria, & beneuolentia ciuium in discrimen uocantur. promptiores igitur debemus esse ad nostra pericula, quàm ad communia, dimicareque paratius de honore, & gloria, quàm de ceteris commodis. inuenti autem multi sunt, qui non modo pecuniam, sed uitam etiam profundere pro patria parati essent; iidem gloriæ iacturam ne minimam quidem facere uellent, ne Rep. quidem postulante: ut Callicratidas, qui, cum Lacedæmoniorum dux esset Peloponnesiaco bello, multaue fecisset egregie, uertit ad extremum omnia, cum consilio non paruit eorum, qui classem ab Arginnusis remouendam, nec cum Atheniensibus dimicandum putabant. quibus ille respondit; Lacedæmonios, classe illa amissa, aliam parare posse; se fugere sine suo dedecore non posse. atque hæc quidem Lacedæmonijis plaga mediocris fuit, illa pestifera, qua, cum Cleom

brotus inuidiam timens, temere cum Epaminunda conflisset, Lacedæmoniorum opes corruerunt. quanto Q. Maximus melius? de quo Ennius:
Vnus homo nobis cunctando restituit rem:
Non ponebat enim rumores ante salutem.
Ergo postq; , magisq; uiri nunc gloria claret.
quod genus peccandi uitandum est etiam in rebus urbanis: sunt enim, qui, quod sentiunt, etiam si optimum sit, tamen inuidiæ metu non audent dicere. Omnino, qui Reip. præfuturi sunt, duo Platonis præcepta teneant: unum, ut utilitatem ciuium sic tueantur, ut, quidquid agunt, ad eam referant, obliti commodorum suorum: alterum, ut totum corpus Reip. curent; ne, dum partem aliquam tuentur, reliquias deferant: ut enim tutela, sic procuratio Reip. ad utilitatem eorum, qui commissi sunt, non ad eorum, quibus commissi, gerenda est. qui autem parti ciuium consulunt, partem negligunt, rem perniciosissimam in ciuitatem inducunt, seditionem, atque discordiam: ex quo euenit, ut alij populares, alij studiosi optimi cuiusque uideantur, pauci uniuersorum. hinc apud Athenienses magnæ discordiæ ortæ, in nostra Rep. non solum seditionis, sed pestifera etiam bella ciuilia. quæ grauis & fortis ciuis, in Rep. dignus principatu fugiat, atque oderit, tradetq; se totum Reip. neque opes, aut potentiam consecrabitur, totamq; eam sic tuebitur, ut omnibus consulat. nec uero criminibus falsis in odium aut inuidiam quenquam uocabit: omninoq; ita iustitiæ, honestatiq; adhærescet, ut, dum eam conseruet, quamuis grauitè offendant, mortem appetat potius, quàm deferat illa, quæ dixi. miserrima est omnino ambitio, honorumq;

C I C E R O N I S

contentio. de qua præclare apud eundem est Platonem :
 similiter facere eos, qui inter se contenderent, uter potius
 Remp. administret, ut, si nautæ certarent, quis eorum
 potissimum gubernaret. idemq; præcepit, ut eos aduer-
 sarios existimemus, qui arma contra ferant; non eos,
 qui suo iudicio tueri Remp. uelint: qualis fuit inter P.
 Africanum, & Q. Metellum sine acerbitate dissensio.
 Nec uero audiendi, qui grauiter irascendum inimicis pu-
 tant, idq; magnanimi, & fortis uiri esse censent. nihil
 enim laudabilius, nihil magno, & præclaro uiro dignius
 placabilitate, atq; clementia. In liberis uero populis, &
 iuris æquabilitate, exercenda etiam est facilitas, & alti-
 tudo animi quæ dicitur; ne, si irascamur aut intempe-
 stive accedentibus, aut impudenter rogantibus, in moro-
 sitatem inutilem, & odiosam incidamus. & tamen ita
 probanda est mansuetudo, atque clementia, ut adhibea-
 tur Reipub. causa seueritas, sine qua administrari ciui-
 tas non potest. omnis autem & animaduersio, & casti-
 gatio contumelia uacare debet, neque ad eius, qui punit
 aliquem, aut uerbis castigat, sed ad Reipub. utilitatem
 referri. Cauendum est etiam, ne maior pœna, quàm
 culpa sit; &, ne iisdem de causis alij plectantur, alij
 ne appellentur quidem. Prohibenda autem maxime est
 ira in puniendo: nunquam enim, iratus qui accedet ad
 pœnam, mediocritatem illam tenebit, quæ est inter ni-
 mium, & parum: quæ placet peripateticis, & recte
 placet, modo ne laudarent iracundiam, & dicerent
 utiliter à natura datam. illa uero omnibus in rebus re-
 pudianda est: oprandumq; ut ij, qui præsunt Reipub.
 legum similes sint: quæ ad puniendum non iracundia,

sed equitate ducuntur. Atque etiam in rebus prosperis, & ad uoluntatem nostram fluentibus, superbiam magnopere, fastidium, arrogantiamq; fugiamus: nam ut aduersas res, sic secundas immoderate ferre, leuitas est: præclaraque est æquabilitas in omni uita, & idem semper uultus, eademq; frons: ut de Socrate, item de Caio quoque Lælio accepimus. Philippum quidem Macedonum Regem, rebus gestis, & gloria superatum à filio, facilitate uero, & humanitate uideo superiorem fuisse: itaque alter semper magnus, alter sæpe turpissimus fuit: ut recte præcipere uideantur, qui monent, ut, quanto superiores simus, tanto nos summissius geramus. Panætius quidem auditorem Africanum, & familiarem suum solitum ait dicere; ut equos propter crebras contentiones præliorum ferocitate exultantes domitoribus tradere soleant, ut his facilioribus possint uti; sic homines secundis rebus effrenatos, sibiq; præfidentes tanquam in gyrum rationis, & doctrinæ duci oportere, ut perscicerent rerum humanarum imbecillitatem, uarietatemq; fortunæ. Atque etiam in secundissimis rebus maxime est utendum consilio amicorum: hisq; etiam maior, quàm ante, tribuenda est auctoritas: iisdemq; temporibus cauendum est, ne assentatoribus patrefaciamus aures, nec adulari nos sinamus. in quo falli facile est: tales enim nos esse putamus, ut iure laudemur: ex quo nascuntur innumerabilia peccata, cum homines inflati opinionibus, turpiter irridentur, & in maximis uersantur erroribus. sed hæc quidem hætenus. Illud autem sic est iudicandum, maximas geri res, & maximi animi ab ijs, qui Remp. regant, quòd eorum

administratio latissime pateat, ad plurimosq; pertineat. esse autem magni animi, & fuisse multos, etiam in ult-
 ta ociosa, qui aut inuestigarent, aut conarentur ma-
 gna quædam, seseq; suarum rerum finibus continerent;
 aut interiecti inter philosophos, & eos, qui Remp. admini-
 strarent, delectarentur re sua familiari, non eam quî-
 dem omni ratione exaggerantes, neque excludetes ab eius
 usu suos, poriusq; & amicis impartientes, & Reip. si
 quando usus esset. quæ primum bene parata sit, nulloq;
 turpi quæstu, neque odioso: tum quamplurimis, modo
 dignis, se utilem præbeat: deinde augeatur ratione, dili-
 gentia, parsimonia: nec libidini potius, luxuriæq;, quàm
 liberalitati, & beneficentiæ pateat. hæc præscripta seruan-
 tem licet magnifice, graviter, animoseque uiuere, atque
 etiam simpliciter, fideliter, uitæq; hominum amice sequi-
 tur, ut de illa reliqua parte honestatis dicendum sit, in
 qua uerecundia, & quasi quidam ornatus uitæ, tempe-
 rantia & modestia, omnisq; sedatio perturbationum ani-
 mi, & rerum modus cernitur, hoc loco continetur id,
 quod dici latine decorum potest: græce enim *πῆπον* dici-
 tur. huius uis est ea, ut ab honesto non queat separari:
 nam & quod decet, honestum est; & quod honestum
 est, decet. qualis autem differentia sit honesti, & decori,
 facilius intelligi, quàm explanari potest: quidquid enim
 est, quod deceat, id tum apparet, cum antegressa est hos-
 nestas: itaque non solum in hac parte honestatis, de qua
 hoc loco differendum est, sed etiam in tribus superiori-
 bus, quid deceat, apparet: nam & ratione uti, atque ora-
 tione prudenter; & agere, quod agas, considerate;
 omniq; in re, quid sit ueri, uidere, & tueri decet: cons

πῆπον
nestum

traq; falli, errare, labi, decipi tam dedecet, quam delirare,
& mente captum esse. & iusta omnia decora sunt; in-
iusta omnia contra, ut turpia sic indecora. similis est ra-
tio fortitudinis: quod enim uiriliter, animoq; magno
fit, id dignum uiro, & decorum uidetur; quod contra,
id ut turpe, sic indecorum. quare pertinet quidem ad
omnem honestatem hoc, quod dico, decorum, & ita per-
tinet, ut non recondita quadam ratione cernatur, sed sit
in promptu: est enim quiddam, idq; intelligitur in omni
uirtute, quod deceat: quod cogitatione magis à uirtu-
te potest, quàm re separari. ut enim uenustas, & pul-
chritudo corporis secerni non potest à ualitudine; sic
hoc, de quo loquimur, decorum, totum quidem illud est
cum uirtute confusum, sed mente, & cogitatione distin-
guitur. est autem eius descriptio duplex: nam & gene-
rale quoddam decorum intelligimus, quod in omni ho-
nestate uersatur; & aliud huic subiectum, quod perti-
net ad singulas partes honestatis. atque illud superius sic
ferè definiri solet: decorum id esse, quod consentaneum
sit hominis excellentiæ in eo, in quo natura eius à reliquis
animantibus differat. quæ autem pars subiecta generi
est, eam sic definiunt, ut id decorum esse uelint, quod ita
naturæ consentaneum sit, ut in eo moderatio, & tempe-
rantia appareat cum specie quadam liberali. hæc ita in-
telligi a philosophis, possumus existimare ex eo decore,
quod poetæ sequuntur, de quo alio loco plura dici solent.
sed tum seruare illud poetæ dicimus, quod deceat, cum
id, quod quaque persona dignum est, & fit, & dicitur:
ut, si aut Aeacus, aut Minos diceret, ODERINT,
dum metuant; aut,

C I C E R O N I S

NATIS sepulcrum ipse est parens;
 indecorum uideretur, quod eos fuisse iustos accepimus. at
 Atreo dicente, plausus excitantur: est enim digna perso-
 na oratio. sed poetae, quid quenque deceat, ex persona
 iudicabunt: nobis autem personam imposuit ipsa natu-
 ra, magna cum excellentia, praestantiaque animantium re-
 liquorum. quocirca poetae in magna uarietate persona-
 rum, etiam uiciosis quid conueniat, et quid deceat, uide-
 bunt: nobis autem cum à natura constantia, moderatio-
 nis, temperantiae, uerecundiae partes datae sint, cumque ea-
 dem natura doceat non negligere, quemadmodum nos
 aduersus homines geramus; efficitur, ut et illud, quod
 ad omnem honestatem pertinet, decorum, quam late fu-
 sum sit, appareat, et hoc, quod spectatur in uno quoque
 genere uirtutis: ut enim pulchritudo corporis apta com-
 positione membrorum mouet oculos, et delectat hoc ip-
 so, quod inter se omnes partes cum quodam lepore consen-
 tiunt; sic hoc decorum, quod elucet in uita, mouet appro-
 bationem eorum, quibuscum uiuitur, ordine, et constan-
 tia, moderatione dictorum omnium, atque factorum. ad-
 hibenda est igitur quaedam reuerentia aduersus homi-
 nes, et optimi cuiusque, et reliquorum: nam negligere,
 quid de se quisque sentiat, non solum arrogantis est: sed
 etiam omnino dissoluti. est autem, quod differat in om-
 ni ratione habenda, inter iustitiam, et uerecundiam.
 iustitiae partes sunt, non uiolare homines: uerecundiae,
 non offendere: in quo maxime perspicitur uis decori.
 his igitur expositis, quale sit id quod decere dicimus, in-
 tellectum puto. Officium autem, quod ab eo ducitur,
 hanc primum habet uiam, quae deducit ad conuenientiam

conservationemq; naturæ: quam si sequemur ducem, nunquam aberrabimus; sequemurq; & id, quod acutum, & perspicax natura est, & id quod ad hominum societatem accommodatum; & id, quod uehemens, atq; forte. sed maxima uis decori in hac inest parte, de qua disputamus, neque enim solum corporis, qui ad naturam apti sunt, sed multo etiam magis animi motus probandi, qui item ad naturam accommodati sunt. Duplex est enim uis animorum, atq; naturæ. una pars in appetitu posita est; quæ est ὁρμή græce; quæ hominem huc, & illuc rapit: altera in ratione; quæ docet, & explanat, quid faciendum, fugiendumq; sit. ita fit, ut ratio præsit, appetitus uero obtemperet. omni autem actio uacare debet temeritate, & negligentia; nec uero agere quidquam, cuius non possis causam probabilem reddere: hæc est enim ferè descriptio officij. Efficiendum autem est, ut appetitus rationi obediant, eamq; neq; præcurrant, nec propter pigritiam, aut ignauiam deferant; sintq; tranquilli, atq; omni perturbatione animi careant. ex quo elucebit omnis constantia, omnisq; moderatio. nam qui appetitus longius eugantur, et tanquã exultantes siue cupiendo, siue fugiendo non satis à ratione retinentur, hi sine dubio finem, et modum transeunt: relinquunt enim, & abijciunt obedientiam, nec rationi parent, cui sunt subiecti lege naturæ. à quibus non modo animi perturbantur, sed etiam corpora. licet ora ipsa cernere iratorum, aut eorum, qui aut libidine aliqua, aut metu commoti sunt, aut uoluptate nimia gestiunt: quorum omnium uultus, uoces, motus, statusq; mutantur. ex quibus illud intelligitur (ut ad officij formam reuertamur) appetitus omnes contrahendos, se-

omni peruenit

C I C E R O N I S

dandoq; excitandamq; esse animaduersionem, & diligenteriam, ut ne quid temere, ac fortuito, inconsiderate, negligenterq; agamus: neque enim ita generati à natura sumus, ut ad ludum, & iocum facti esse uideamur, sed ad seueritatem potius, & ad quædam studia grauiora, atque maiora. ludo autem, & ioco uti illis quidem licet, sed, sicut somno & quietibus cæteris, tum, cū grauib; serijsq; rebus satisfecerimus. ipsumq; genus iocandi non profusum, nec immodestum, sed ingenuum, & facetum esse debet: ut enim pueris non omnem licentiam ludēdi damus, sed eam, quæ ab honestatis actionibus non sit aliena; sic in ipso ioco aliquod probi ingenij lumen eluceat. duplex omnino est iocandi genus: unum illiberale, petulans, flagitiosum, obscœnum: alterum elegans, urbanum, ingeniosum, facetum. quō genere non modo Plautus noster, & Atticorum antiqua comœdia, sed etiam philosophorum Socraticorum libri referti sunt: multaue multorum facete dicta; ut ea, quæ à sene Catone sunt collecta, quæ uocantur ἀποφθεγματὰ. facilis igitur est distinctio ingenui, & illiberalis ioci. alter est, si tempore fit, ac remisso animo, libero dignus: alter ne homine, quidem, si rerum turpitudini adhibetur uerborum obscœnitas. ludendi etiam est quidam modus retinendus, ut ne nimis omnia profundamus, elatiq; uoluptate in aliquam turpitudinem delabamur. suppeditant autem & campus noster, & studia uenandi honesta exempla ludendi. sed pertinet ad omnem officij quæstionem semper in promptu habere, quantum natura hominis pecudibus, reliquisq; bestijs antecedit: illæ enim sentiunt, nisi uoluptatem, ad eamq; feruntur omni impetu: hominis autem mens discendo ali-

prophete
nata

tur, & cogitando semper aliquid aut inquit, aut agit, uidendiq; , & audiendi delectatione ducitur. quin etiam, si quis est paulo ad uoluptates propensior, modo ne sit ex pecudum genere (sunt enim quidam homines non re, sed nomine) sed si quis est paulo erectior, quamuis uoluptate capiatur, occultat, & dissimulat appetitum uoluptatis, propter uerecundiam. ex quo intelligitur corporis uoluptatem non satis esse dignam hominis præstantia, eamq; contemni, & reijci oportere: sin sit quispiam, qui aliquid tribuat uoluptati, diligenter ei tenendum esse modum eius fruendæ. itaque uictus, cultusq; corporis ad ualitudinem referantur, & ad uires, non ad uoluptatem. atque etiam, si considerare uolumus, quæ sit in natura excellentia, & dignitas, intelligemus, quàm sit turpe diffluere luxuria, & delicate, ac molliter uiuere; quamq; honestum, parce, continenter, seuerè, sobrieq;. intelligendum est etiam, duabus quasi nos à natura indutos esse personis: quarum una est communis, ex eo, quòd omnes participes sumus rationis, præstantiaq; eius, qua antecellimus bestiis, à qua omne honestum, decorumq; trahitur, & ex qua ratio inueniendi officij exquiritur: altera autem, quæ proprie singulis est tributa: ut enim in corporibus magnæ dissimilitudines sunt (alios enim uidemus uelocitate ad cursum, alios uiribus ad luctandum ualere; itemq; in formis. alijs dignitatem inesse, alijs uenustatem) sic & in animis existunt etiam maiores uarietates. erat in L. Crasso, & L. Philippo multus lepos, maior etiam, magisq; de industria in C. Cæsare L. filio. at ijsdem temporibus in M. Scauro, & in M. Druso adolescente singularis seueritas, in C. Lælio multa hilaritas, in eius

C I C E R O N I S

familiari Scipione ambitio maior, uita tristior. de Græcis autem dulcem & facetum, festiuq; sermonis, atque in omni ratione simulatorem, quem ^{et} Græci nominauerunt, Socratem accepimus; contra Pythagoram, & Periclem summam auctoritatem consecutos sine ulla hilaritate. callidum Annibalem ex Poenorum, ex nostris duobus Q. Maximum accepimus, facile celare, tacere, dissimulare, insidiari, præripere hostium consilia. in quo genere Græci Themistoclem Atheniensem, & Pheræum Iasonem cæteris anteponunt. in primisq; uersutum, & callidum factum Solonis: qui, quo & tutior uita eius esset, & plus aliquanto Reip. prodesset, furere se simulauit. sunt his alij multum dispares, simplices, & aperti, qui nihil ex occulto, nihil ex insidijs agendum putant, ueritatis cultores, fraudis inimici: itemq; alij, qui quiduis perpetiantur, cuius deseruiant, dum, quod uelint, consequantur: ut Syllam, & M. Crassum uidebamus. quo in genere uersutissimum, & patientissimum Lacedæmonium Lysandrum accepimus; contraq; Callicratidam, qui præfectus classis proximus post Lysandrum fuit. itemq; in sermonibus, alium quidem uidemus, quanuis præpotens sit, efficere, ut unus de multis esse uideatur. quod in Catulo & in patre, & in filio, idemq; & in Q. Mutio Mancino uidimus, audiui & ex maioribus natu hoc idem fuisse in P. Scipione Nasica; contraq; patrem eius, illum, qui Tiberij Gracchi conatus perditos uindicauit, nullam comitatem habuisse sermonis; nec non Xenocratem quidem seuerissimum philosophorum, ob eamq; rem ipsam magnum, clarumq; fuisse. innumerales aliæ dissimilitudines sunt naturæ, morumq; , mi-

nime tamen uituperandorum . admodum autem tuenda sunt sua cuique non uitiosa, sed tamen propria, quo facilius decorum illud, quod quærimus, retineatur : sic enim est faciendum, ut contra naturam uniuersam nihil contēdamus ; ea tamen conseruata, propriam naturam sequamur ; ut, etiam si sint alia grauiora, atque meliora, tamē nos studia nostra naturæ regula metiamur : neque enim naturæ attinet repugnare, nec quidquam sequi, quod assequi nequeas . ex quo magis emergit, quale sit decorum illud : ideo quia nihil decet inuita (ut aiunt) Minerva, id est aduersante, & repugnante natura . omnino, si quidquam est decorum, nihil est profecto magis, quàm æquabilitas uniuersæ uitæ, cum singularum actionum : quam conseruare non possis, si aliorum naturam imiteris, omittas tuam : ut enim sermone eo debemus uti, qui notus est nobis, ne, ut quidam, græca uerba inculcantes, iure optimo rideamur ; sic in actiones, omnemq; uitam nullam discrepantiam conferre debemus . atque hæc differentia naturarum tantam habet uim, ut non nunquam mortem sibi ipsi alius consciscere debeat, alius in eadem causa non debeat : non enim alia in causa M. Cato fuit, alia cæteri, qui se in Africa Cæsari tradiderunt : atqui cæteris forsitan uitio datum esset, si se interemissent, propterea quòd eorum uita lenior, & mores fuerant faciliores : Catoni autem, cum incredibilem tribuisset natura grauitatem, eamq; ipse perpetua constantia roborasset, semperq; in proposito, susceptoq; consilio permansisset, moriendum potius, quàm tyranni uultus aspiciendus, fuit . quàm multa passus est Vlysses in illo errore diuturno, cum & mulieribus (si Circe, & Calypso mulieres appellandæ sunt)

C I C E R O N I S

Inseruiret, & in omni sermone omnibus affabilem se esse uellet; domi uero & contumelias seruorum, ancillarumq; pertulit, ut ad id aliquando, quod cupiebat, perueniret. at Ajax, quo animo traditur, millies oppetere mortem, quàm illa perpeti ab alio maluisset. quæ contemplantur expendere oportebit, quid quisq; habeat sui; eaq; moderari, nec uelle experiri, quàm se aliena deceant: id enim quenque decet, quod est cuiusque suum maxime. suum igitur quisq; noscat ingenium, acremq; se & uirtutum, & bonorum suorum iudicem præbeat; ne scenici plus, quàm nos, uideantur habere prudentiæ: illi enim non optimas, sed sibi accommodatissimas fabulas eligunt: qui enim uoce freti sunt, Epigonos, Medeamq; ; qui gestu, Menalippam, Clytemnæstram: semper Rupilius, quem ego memini, Antiope, non sæpe Aesopus Aiacem. ergo histrio hoc uidebit in scena, quod non uidebit sapiens in uita? ad quas igitur res aptissimi erimus, in ijs potissimum elaborabimus. si aliquando necessitas nos ad ea detruserit, quæ nostri ingenij non erunt: omnis adhibenda erit cura, meditatio, diligentia, ut ea si non decore, at quāminimū indecore facere possimus: nec tam est enitendum, ut bona, quæ nobis data non sunt, sequamur, quàm ut uitia fugiamus. Ac duabus his personis, quas supra dixi, tertia adiungitur; quam casus aliquis, uel tempus imponit: quarta etiam, quam nobismet ipsis iudicio nostro accommodabimus: nam regna, imperia, nobilitates, honores, diuitiæ, opes, eaq; , quæ sunt his contraria, in casu sita, temporibus gubernantur; ipsi autem quā personam gerere uelimus, à nostra uoluntate proficiscitur: itaque se alij ad philosophiam, alij ad ius ciuile, alij ad eloquentiam

ad eloquētiā applicant, ipsarumq; uirtutum in alia
 alius mauult excellere: quorum uero patres, aut maio
 res in aliqua gloria præstiterunt, eorum pleriq; in hoc
 genere laudis student excellere; ut Q. Mutius P. filius
 in iure ciuili, Pauli filius Africanus in re militari. qui
 dam autem ad eas laudes, quas à patribus acceperunt,
 addunt aliquam suam; ut hic idem Africanus eloquē
 tia cumulauit bellicam gloriam: quod idem fecit Ti
 motheus Cononis filius; qui, cum belli laude non infe
 rior fuisset quàm pater, ad eam laudem, doctrinæ, et
 ingenij gloriam adiecit. fit autem interdum, ut non
 nulli ommissa imitatione maiorum, suum quoddā insti
 tutum consequantur: maximeq; in eo plerunq; elabo
 rant ij, qui magna sibi proponunt, obscuris orti parēti
 bus. hæc igitur omnia, cum quærimus quid deceat, cō
 plecti animo, et cogitatione debemus. In primis autem
 constituendum est, quos uos, et quales esse uelimus, et
 in quo genere uitæ. quæ deliberatio est omniū difficilli
 ma: ineunte enim adolescentia, cū inest maxima imbe
 cillitas consilij, tunc id sibi quisq; genus ætatis degen
 dæ constituit, quod maxime adamauit: itaq; ante im
 plicatur aliquo certo genere, cursuq; uiuendi quàm po
 tuit, quod optimum esset, iudicare. nam quod Hercu
 lem Prodicus dicit (ut est apud Xenophontem) cum pri
 mum pubesceret, quod tempus à natura ad deligendū
 quam quisque uiam uiuendi sit ingressurus, datū est,
 exisse in solitudinem atq; ibi sedētem diu secum, mul
 tumq; dubitasse, cū duas cerneret uias, unam uolupta
 tis, alteram uirtutis, utram ingredi melius esset: hoc
 Herculi Iouis sacro edito potuit fortasse cōtingere; no-

bis non item, qui imitamur, quos cuique uisum est, atque
 ad eorum studia, institutaque impellimur. plerumque autem
 parentum praeceptis imbuimur, ad eorum consuetudinem,
 moremque deducimur. alij multitudinis iudicio feruntur,
 quaeque maiori parti pulcherrima uidentur, ea maxime exoptant.
 non nulli tamen siue felicitate quadam, siue bonitate naturae,
 siue parentum disciplina, re etiam uitae secuti sunt uiam. illud autem maxime rarum
 genus eorum, qui aut eccellente ingenij magnitudine, aut
 praecleara eruditione, atque doctrina, aut utraque re ornat,
 spatium deliberandi habuerunt, quem potissimum uitae cursum
 sequi uellent. in qua deliberatione ad suam cuiusque naturam
 consilium est omne reuocandum: nam cum in omnibus, quae
 aguntur, ex eo modo, quo quisque natus est, ut supra dictum est,
 quid deceat, exquirimus, tum in tota uita constituenda multo
 est eius rei cura maior adhibenda, ut constare in uitae
 perpetuitate possimus nobismet ipsis, nec in ullo officio claudicare.
 ad hanc autem rationem quoniam maxima uim natura habet,
 fortuna proximam, utriusque omnino ratio habenda est
 in deligendo genere uitae, sed naturae magis: multo enim
 et firmitior est, et constantior: ut fortuna non nunquam
 ipsa mortalis cum immortali natura pugnare uideatur.
 qui igitur ad naturae suae non uitiosae genus, consilium
 uitae omne contulerit, is constantiam teneat: id enim
 maxime decet. nisi forte se errasse intellexerit in
 deligendo genere uitae. quod si acciderit (potest autem
 accidere) facienda morum, institutorumque mutatio est.
 eam igitur mutationem, si tempora adiuuabunt, facilius,
 commodiusque faciemus, si minus sensim

erit, pedetentimq; facienda: ut amicitias, quæ minus delectent, & minus probentur, magis decere censent sapientes sensim dissuere, quàm repente præcidere. commutato autem genere uitæ, omni ratione curandum est, ut id bono cõsilio fecisse uideamur. Sed quoniam paulo antedictum est, imitandos esse maiores: primum illud exceptum sit, ne uitia sint imitanda: deinde, si natura non ferret, ut quædam imitari possint; ut superioris Africa ni filius, qui hunc Paulo natum adoptauit, propter infirmitatem uoletudinis non tam potuit patris similis esse, quàm ille fuerat sui: si igitur non poterit siue causas defensitare, siue populum concionibus tenere, siue bella gerere; illa tamen præstare debet, quæ erunt in ipsius potestate, iustitiã, fidem, liberalitatem, modestiam, temperantiam; quo minus ab eo id, quod desit, requiratur. optima autem hæreditas à patribus traditur liberis, omniq; patrimonio præstantior, gloria uirtutis, rerumq; gestarum: cui dedecori esse, nefas, & uitium indicandum est. Et quoniam officia non eadem disparibus ætatibus tribuuntur, aliaq; sunt iuuenum, alia seniorum: aliquid etiam de hac distinctione dicendum est. Est igitur adolescentis, maiores natu uereri, ex hisq; eligere optimos, & probatissimos, quorũ cõsilio, atq; auctoritate nitatur: ineuntis enim ætatis inscitia, senum constituenta, & regenda prudentia est. maxime autem hæc ætas à libidinibus arcenda est, exercendaq; in labore, patientiaq; & animi, & corporis, ut eorum & in bellicis, & ciuilibus officijs uigeat industria. atque etiam cum relaxare animos, & dare se iucunditari uolent, caueant intemperatiam, meminerint uerecundiæ: quod erit fa-

C I C E R O N I S

cilius, si eiusmodi quoq; rebus maiores natu interesse uelint. Denibus autem labores corporis sunt minuendi, exercitationes animi etiam augenda uidentur: danda uero opera, ut amicos, & iuuentutem, et maxime Rēp. consilio, et prudentia quamplurimum adiuuent. nihil autem magis cauendum est senectuti, quā ne lāguori, desidiaq; se dedat. luxuria uero cū omni ætati turpis, tum senectuti foedissima est. sin autem et libidinū intemperantia accesserit, duplex malum est, q̄ & ipsa senectus cōcipit dedecus, et facit adolescentium impudentiorem intemperantiam. Ac ne illud quidem alienum est, de magistratum, de priuatorū; de ciuium, de peregrinorum officijs dicere. Est igitur proprium munus magistratus, intelligere, se gerere personam ciuitatis, debereq; eius dignitatem, et decus sustinere, seruare leges, iura describere, ea fidei suæ cōmissa meminisse. Priuatū autem oportet æquo, et paricum ciuibus iure uiuere, neq; summissum, & abiectum, neq; se effeurentem; tum in Rep. ea uelle, quæ tranquilla, & honesta sint: talem enim & sentire, & bonum ciuē dicere solemus. Peregrini autem & incolæ officium est, nihil præter suum negotiū agere, nihil de alio inquirere, minimeq; in aliena esse Rep. curiosum. ita ferè officia reperiuntur, cum quæretur, quid deceat, et quid aptū sit personis, temporibus, ætatibus. nihil est autē, quod tam deceat, quā in omni re gerenda, consilioq; capiēdo seruare constantiam. Sed quoniam decorum illud in omnibus factis, et dictis, in corporis denique motu, et statu cernitur, idq; positum est in tribus rebus, formositate, ordine, ornatu ad actionem apto (difficilius ad elos

quendum, sed satis erit intelligi) in his autē tribus con-
tinetur cura etiam illa, ut probemur ab ijs, cum quib-
us, & apud quos utuamus: his quoq; de rebus pauca
dicantur. Principio, corporis nostri magnam natura
ipsa uidetur habuisse rationem: quæ formam nostrā,
reliquamq; figuram, in qua esset species honesta, eā po-
suit in promptu; quæ autem partes corporis ad natu-
ræ necessitatem datæ aspectum esset deformem habita-
turæ, atq; turpem, eas contexit, atque abdidit. hanc
naturæ tam diligentem fabricam imitata est hominū
uerecundia: quæ enim natura occultauit, eadē omnes,
qui sana mente sunt, remouent ab oculis; ipsiq; necessi-
tati, dant operam, ut quam occultissime pareant; qua-
rumq; partium corporis usus sunt necessarij, eas neq;
partes, neque earum usus suis nominibus appellant;
quodq; facere non turpe est, modo occulte, id dicere ob-
scœnum est: itaque nec ætlo rerum illarum aperta,
petulantia uacat, nec oratio obscœnitate. nec uero au-
diendi sunt Cynici, aut si qui fuerūt Stoici penē Cyni-
ci, qui reprehendunt, et irrident, q̄ ea, quæ turpia re-
non sunt, uerbis flagitiosa dicamus; illa autem, quæ tur-
pia sint, nominibus appellemus suis. latrocinari, frau-
dare, adulterari re turpe est, sed dicitur non obscœne:
liberis dare operam, re honestum est; nomine obscœnū:
pluraque in eam sententiam ab eisdem cōtra uerecun-
diam disputantur. nos autem naturam sequamur, et
ab omni, quod abhorret ab ipsa oculorū, auriumq; cō-
probatione, fugiamus. status, incessus, sessio, accubatio,
uultus, oculi, manuum motus teneant illud decorum.
quibus in rebus duo sunt maxime fugiēda, ne quid ef-

C I C E R O N I S

foemina tū, aut molle; aut ne quid durū, aut rusticum sit. nec uero histrionibus, oratoribusq; cōcedendum est, ut ijs hæc apta sint, nobis dissoluta. scenicorū quidem mos tantam habet à uetere disciplina uerecundiam, ut in scena sine subligaculo prodeat nemo: uerētur enim, ne, si quo casu euenerit, ut corporis partes quadam aperiantur, aspiciantur non decore. nostro quidem more cum parentibus puberes filij, cum soceris quidem generi non lauantur. retinenda est igitur huius generis uerecundia, præsertim natura ipsa magistra, & duce. Cū autem pulchritudinis duo genera sint, quorum in altero uenustas sit, in altero dignitas: uenustatem muliebrem ducere debemus, dignitatem uirilem. Ergo & à forma remoueatur omnis uiro non dignus ornatus, & huic simile uitium in gestu, motuq; caueatur: nam & palaestrici motus sæpe sunt odiosiores, et histrionum nonnulli gestus ineptijs non uacant, et in utroque genere, quæ sunt recta, & simplicia, laudantur. Formæ autem dignitas coloris bonitate tuenda est, color exercitationibus corporis. adhibenda est præterea munditia non odiosa, neque exquisita nimis, tantum quæ fugiat agrestem, & inhumanam negligentiam. eadem ratio est habenda uestitus: in quo, sicut in plerisq; rebus, mediocritas optima est. cauendum est autem, ne aut tarditatibus utamur in gressu mollioribus, ut similes pō parum ferculis esse uideamur: aut in festinationibus suscipiamus nimias celeritates: quæ cum fiunt, anhelitus mouētur, uultus mutantur, ora torquentur: ex quibus magna significatio fit, non adesse constantiā. sed multo etiam magis elaborandū est, ne animi motus à natu

ea recedat: quod assequemur, si cauebimus, ne in perturbationes, atq; exanimationes incidamus, & si attētos animos ad decori conseruationē tenebimus. motus autē animorū duplices sunt, alteri cogitationis, alteri appetitus. cogitatio in uero exquirēdo maxime uersatur: appetitus impellit ad agendum. curādum est igitur; ut cogitatione ad res quamoptimas utamur, appetitū rationi obedientem præbeamus. Et quoniā magna uis orationis est, eademq; duplex, altera cōtentionis, altera sermonis: cōtentio disceptationibus tri buatur iudiciorū, concionum, senatus; sermo in circulis, disputationibus, congressionibus familiarīū uersetur, persequatur etiā conuiuia. contentionis præcepta rhetorum sunt, nulla sermonis. quanquam haud scio, an possint hæc quoque esse. sed discipulorum studiis inueniuntur magistri. huic autē qui studeant, sunt nulli. rhetorum turba refer ta omnia. quanquam quæ uerborum sententiarumq; præcepta sunt, eadem ad sermonē pertinebunt. sed cū orationis iudicem uocem habeamus, in uoce autē duo sequamur, ut clara sit, ut suauis: utrunque omnino a natura petendum est; uerum alterū exercitatio augebit, alterum imitatio presse loquentiū, et leniter. quid fuit in Catulis, ut eos exquisito iudicio putares uti literarum? quanquam erant literati: sed & alij: hi autē optime uti lingua latina putabātur. sonus erat dulcis: literæ neq; expressæ, neq; oppressæ; ne aut obscurum esset, aut nimis putidum. sine contentione uox nec lāguēs, nec canora. uberior oratio L. Crassi, nec minus facetæ: sed bene loquendi de Catulis opinio nō minor. sale uero conditus, & facilijs Cæsar, Catuli patris frater,

D iij

uicit omnes; ut in ipso illo forenſi genere dicendi con-
 tentiones aliorum, ſermone uinceret. in omnibus igitur
 his elaborandum eſt, ſi in omnibus, quod deceat, ex-
 quirimus. ſit igitur hic ſermo, in quo Socratici maxi-
 me excellunt, lenis minimeq; pertinax: inſit in eo lepos:
 nec uero, tanquam in poſſeſſionem ſua uenerit, exclu-
 dat alios; ſed cum reliquis in rebus, tum in ſermone
 cōmuni, uiciſſitudine nonnunquam utendum putet.
 ac uideat in primis, quibus de rebus loquatur; ſi ſerijs,
 ſeueritatem adhibeat; ſi iocoſis, leporem. in primis pro-
 uideat, ne ſermo uitiū aliquod indicet ineſſe moribus.
 quod maxime tum ſolet euenire, cum ſtudioſe de abſen-
 tibus detrahendi cauſa aut per ridiculum, aut ſeuere,
 maledice, contumelioſeq; dicitur. habentur autem ple-
 runq; ſermones aut de domeſticis negocijs, aut de Rep.
 aut de artium ſtudijs, & doctrina. danda igitur ope-
 ra eſt, ut, etiam ſi aberrare ad alia cōperit, ad hæc re-
 uocetur oratio ſed utcunque aderūt res: neque enim
 ijsdem de rebus, nec in omni tempore, nec ſimiliter de-
 lectamur. animaduertendum eſt etiam, quatenus ſer-
 mo delectationē habeat, & ut incipiendi ratio fuerit,
 ita ſit deſinendi modus. ſed quoniam in omni uita re-
 ctiffime præcipitur, ut perturbationes fugiamus, id eſt
 motus animi nimios, rationi nō obtemperantes: ſic eijs
 modi motibus ſermo debet uacare; ne aut ira exiſtat.
 aut cupiditas aliqua, aut pigritia, aut ignauia, aut
 quid tale appareat. maximeq; curandū eſt, ut eos, quiſ-
 buſcū ſermonem cōferimus, et uereri, et diligere uidea-
 mur. Obiurgationes etiam non nunquam incidunt ne-
 ceſſariæ: in quibus utendum eſt fortasſe et uocis conſ-

centione maiore, et uerborum grauitate acriore. id
 agendum etiam, ut ea facere non uideamus irati, sed,
 ut ad urendum, et secandum medici, sic nos ad hoc ge-
 nus castigandi raro, inuitiq; ueniamus, nec unquā, nisi
 necessario, si nulla reperietur alia medicina: sed tamen
 ira procul absit, cū qua nihil recte fieri, nihil conside-
 rate potest. magna autem ex parte clementi castigatio-
 ne licet uti, grauitate tamē adiuncta, ut seueritas adhi-
 beatur, et contumelia repellatur. atque etiam illud ip-
 sum, quod acerbioris habet obiurgatio, significandum
 est, ipsius causa, qui obiurgetur, susceptum esse. Rectū
 est autem, etiam in illis contentionibus, quæ cum inimi-
 cissimis fiunt, etiam si nobis indigna audiamus, tamen
 grauitatem retinere, iracundiam repellere: quæ enim
 cum aliqua perturbatioe fiunt, ea neq; constanter fie-
 ri possunt, nec ab ijs, qui adsunt, approbari. deforme
 etiam est de se ipso prædicare, falsa præsertim, et cum
 irrisione audiētium imitari militem gloriosum. et quo-
 niam omnia persequimur, uolumus quidem certe; di-
 cendum est etiam, qualem hominis honorati, et prin-
 cipis domum placeat esse. cuius finis est usus: ad quem
 accomodanda est ædificandi descriptio: et tamen adhi-
 benda dignitatis, commoditatisq; diligentia. Cn. Octa-
 uio, qui primus ex illa familia Consul factus est, hono-
 ri fuisse accepimus, quod præclaram ædificasset in Pa-
 latio; et plenam dignitatis domum: quæ cum uulgo
 uiseretur, suffragata domino, nouo homini ad consula-
 tum putabatur. hanc Scaurus demolitus, accessionem
 adiunxit ædibus. itaque ille in suam domum Consula-
 tum primus intulit: hic summi, et clarissimi uiri filius

In domum multiplicatam non repulsam solū reulit,
 sed ignominiam, & calamitatem: ornanda est enim di-
 gnitas domo, non ex domo dignitas tota quæreda; nec
 domo dominus, sed domino domus honestanda est. &
 ut in cæteris habēda ratio non sui solū, sed etiam alio-
 rum, sic in domo clari hominis, in quam et hospites
 multi recipiendi, & admittenda hominū cuiusq; gene-
 ris multitudo, adhibenda est cura laxitatis: aliter am-
 pla domus dedecori domino sæpe fit, si est in ea solitu-
 do, et maxime, si aliquādo alio domino solita est frequē-
 tari: odiosum est enim, cū a prætereuntibus dicitur;
 O domus antiqua, heu quā dispari dominaris domi-
 no: quod quidem his temporibus in multis licet dicere.
 Cauēdum est etiam, præsertim si ipse ædifices, ne extra
 modum sumptu, & magnificentia prodeas, quo in ge-
 nere multum mali etiā in exemplo est: studiose enim
 plerique, præsertim in hac parte, facta principū imi-
 tantur: ut L. Luculli summi uiri uirtutem quis? quā
 multi uillarum magnificentiam imitati sunt? quarum
 quidem certe est adhibendus modus, ad mediocritatē
 reuocādus: eademq; mediocritas ad comunē usum,
 cultumq; uitæ referenda est. sed hæc hætenus. In om-
 ni autem actione suscipienda, tria sunt tenenda: pri-
 mum, ut appetitus rationi pareat; quo nihil est ad offi-
 cia conseruāda accommodatius; deinde, ut animaduer-
 tatur, quanta illa res sit, quam efficere uelimus; neu-
 minor, ne ue maior cura, & opera suscipiatur, quā
 causa postulet: tertium est, ut caueamus, ut ea, quæ
 pertinent ad liberalem speciem, & dignitatem, mode-
 rata sint. modus autem est optimus, decus ipsum tene-

re, de quo ante diximus, nec progredi longius. horum autem trium præstantissimū est, appetitum obtemperare rationi. Deinceps de ordine rerum, & temporum opportunitate dicendum est. hæc autem scientia continet eā, quam Græci *ὁρτασία* nominant, non hāc, quā interpretamur modestiam: quo in uerbo modus inest. sed illa est *ὁρτασία*, in qua intelligitur ordinis conseruatio. itaque, ut eandem nos modestiam appellemus, sic definitur à stoicis, ut modestia sit scientia earū rerum, quæ agentur, aut dicentur, loco suo collocādarū. itaque uidetur eadem uis ordinis, et collocationis fore: nam & ordinem sic definiunt, compositionem rerum aptis, & accommodatis locis: locum autē actionis, oportunitatē temporis esse dicunt. tempus autem actionis opportunum, græce *ὁκαιρία*, latine appellatur occasio. sic fit, ut modestia hæc, quam interpretamur ita, ut dixi, scientia sit opportunitatis idoneorum ad agendum temporū. sed potest eadem esse prudentiæ diffinitio: de qua principio diximus. hoc autē loco de moderatione, & temperantia, & alijs similibus uirtutibus quarimus. itaque, quæ erant prudentiæ propria, suo loco dicta sunt: quæ autem harum uirtutum, de quibus iam dudum loquimur, quæ pertinet ad uerecundiā, & ad eorum approbationem, quibuscū uiuimus, nūc dicenda sunt. Talis est igitur ordo actionum: adhibendus ut, quemadmodum in oratione cōstanti, sic in uita omnia sint apta, et inter se cōueniētia: turpe est enim, ualdeq; uitiosum, in re seuera conuiuio dignum, aut delicatum aliquem inferre sermonem. bene Pericles, cum haberet collegam in Prætura Sophoclem, hīq; de

C I C E R O N I S

communi officio conuenissent, & casu formosus puer
 prateriret, dixissetq; Sophocles, ò puerū pulchrū Peri-
 cle: at enim, Pericles, Prætozem Sophocle decet non
 solum manus, sed etiam oculos abstinentes habere. at-
 que hoc idem Sophocles si in athletarum approbatione
 dixisset, iusta reprehensione caruisset. tanta uis est &
 loci, & temporis, ut si quis, cum causam sit acturus, in
 itinere, aut in ambulatione secum ipse meditetur, aut
 si quid aliud attentius cogitet, nō reprehēdatur: at hoc
 idem si in cōuiuio faciat, inhumanus uideatur in scitia
 temporis. sed ea, quæ multum ab humanitate discre-
 pant, ut si quis in foro cāter, aut si qua est alia magna
 peruersitas, facile apparent, nec magnopere admonitio-
 nem, & præcepta desiderant: quæ autem parua uiden-
 tur esse delicta, neque à multis intelligi possunt, ab his
 est diligentius declinandum. ut in fidibus, aut in tibijs,
 quāuis paulum discrepent, tamē id à sciēte animad-
 uerti solet: sic uiuendum est in uita, ne forte quid dis-
 crepet; uel multo etiam magis, quo maior, & melior
 actionum, quàm sonorum concentus est: itaque, ut in
 fidibus musicorum aures uel minima sentiunt, sic nos,
 si acres, ac diligentes iudices esse uolumus, animaduer-
 soresq; uitiorum, magna intelligimus sæpe ex par-
 uis. ex oculorum obtutu, superciliorum aut remissio-
 ne, aut cōtractione, ex mæstitia, ex hilaritate, ex risu,
 ex locutione, ex reticentia, ex cōtentione uocis, ex sum-
 missione, ex cæteris similibus facile iudicabimus, quid
 apte eorū fiat, quid ab officio, naturaq; discrepet. quo
 in genere non est incommodum, quale quodq; eorum
 sit, ex alijs iudicare; ut, si quid dedecet in illis, uitemus

Et ipsi: fit enim nescio quo modo, ut magis in alijs cer-
 namus, quàm in nobismet ipsis, si quid delinquitur. ita
 que facillime corriguntur illi in discendo, quorū uitia
 imitantur emendandi causa magistri. nec uero alie-
 num est ad eligenda, quæ dubitationem afferunt,
 adhibere doctos homines, uel etiā usu peritos, et, quid
 his de uno quoq; genere officij placeat, exquirere: max-
 ior enim pars eo serè deferri solet, quò à natura ipsa
 deductur. in quibus uidendū est non modo, quid quis-
 que loquatur; sed etiam, quid quisq; sentiat; atque
 etiam, de qua causa quisque sentiat. ut enim pictores,
 Et ij, qui signa fabricant, Et uero etiam poetæ suum
 quisque opus à uulgo cōsiderari uult, ut, si quid repre-
 hendendū sit à pluribus, id corrigatur, hiq; et secū, Et
 cum alijs, quid in eo peccatum sit, exquirunt: sic alio-
 rum iudicio permulta nobis Et facienda, et non facien-
 da; Et mutanda, et corrigenda sunt: quæ uero more
 aguntur, et institutis civilibus, de his nihil est præcipiē-
 dum: illa enim ipsa præcepta sunt: nec quenquam hoc
 errore duci oportet, ut, si quid Socrates, aut Aristippus
 contra morem, consuetudinemq; civilem fecerint, locu-
 ti'ue sint, idem sibi arbitretur licere. magnis illi, et di-
 uinis bonis hanc licentiam assequebantur. Cynicorum
 uero ratio tota est eiicienda: est enim inimica uerecun-
 diæ, sine qua nihil rectum esse potest, nihil honestum.
 eos autem quorum uita perspecta in rebus honestis, at-
 que magnis est, de Rep. sentientes, ac bene meritos, aut
 merentes, aliquo honore, aut imperio affectos observa-
 re, et colere debemus; tribuere etiam multū senecturi,
 cedere ijs, qui magistratū habebunt; habere delectum

cluis, & peregrini; in ipso quoque peregrino, priuatim ne, an publice uenerit. ad summam (ne agam de singulis) communem totius generis hominum conciliationem, & consociationem colere, tueri, seruare debemus. iam de artificijs, & quaestibus, qui liberales habendi, qui sordidi sint, haec ferè accepimus. primum improbantur ij quaestus, qui in odia hominum incurrunt; ut portitorum, & foeneratorum. illiberales autem, & sordidi quaestus mercenariorum omnium, quorum operæ, non quorum artes emuntur: est enim in illis ipsa merces auctorem tum seruitutis. sordidi etiam putandi, qui mercantur à mercatoribus, quod statim uedant: nihil enim proficiunt, nisi admodum mentiantur, nec uero quidquam est turpius uanitate. opificesque omnes in sordida arte uersantur. nec uero quidquam ingenuum potest habere officina; minimeque artes probandæ, quæ ministræ sunt uoluptatum; Cetarij, lanij, coqui, fartores, piscatores, ut ait Terentius. adde his, si placet, unguentarios, saltatores, totumque ludum talarium. quibus autem artibus aut prudentia maior inest, aut non mediocris utilitas quaeritur, ut medicina, architectura, ut doctrina rerum honestarum; hæ sunt ipsæ, quorum ordini conueniunt, honestæ: mercatura autem, si tenuis est, sordida putanda est: si magna, & copiosa, multa undique apportans, multisque sine uanitate impartiens, non est admodum uituperanda: atque etiam, si satiata quaestu, uel contenta potius, ut sæpe ex alto in portum, ex ipso portu se in agros, possessionesque contulerit, uidetur iure optimo posse laudari. omnium autem rerum, ex quibus aliquid exquiruntur, nihil est agricultura melius, nil uberius, nil dul-

cius, nil libero homine dignius. de qua quoniam in Ca-
 rone Maiore satis multa diximus, illinc assumes, quæ ad
 hunc locum pertinebunt. Sed ab ijs partibus, quæ sunt
 honestatis, quemadmodum officia ducerentur, satis
 expositum uidetur. Eorum autem ipsorum, quæ hone-
 sta sunt, potest incidere sæpe contentio, & comparatio,
 de duobus honestis utrum honestius: qui locus à Pa-
 nætio est prætermisus. nam cum omnis honestas ma-
 net à partibus quatuor, quarum una sit cognitionis, al-
 tera communis, tertia magnanimitatis, quarta mo-
 derationis; hæ in deligendo officio sæpe inter se compa-
 rentur, necesse est. placet igitur aptiora esse naturæ ea
 officia, quæ ex communitate, quàm ea, quæ ex cognitio-
 ne ducantur: idq; hoc argumento confirmari potest,
 quod, si contigerit ea uita sapienti, ut omnium rerum
 affluentibus copijs ditetur, quamuis ea, quæ cognitione
 digna sunt, summo ocio secum ipse consideret, & con-
 templetur, tamen, si solitudo tanta sit, ut hominem ui-
 dere non possit, excedat è uita. princepsq; omnium uir-
 tutum est illa sapientia, quam σοφία Græci uocant: pru-
 dentiam enim, quam Græci φρόνησις dicunt, aliam quã
 dam intelligimus, quæ est rerum expetendarum, fugiẽ-
 darumq; scientia: illa autem sapientia, quam principem
 dixi, rerum est diuinarum, atque humanarum, scientia:
 in qua continetur deorum, & hominum communitas,
 & societas ipsorum inter ipsos. ea si maxima est, ut cer-
 te; necesse est, quod à communitate ducatur officium,
 id esse maximum: etenim cognitio, contemplatioq; na-
 turæ manca quodam modo, atque inchoata sit, si nulla
 actio rerum consequatur, ea uero actio in hominum

commodis tuendis maxime cernitur : pertinet i gitor
ad societatem generis humani : ergo hæc cognitioni
anteponenda est : atque id optimus quisque re ipsa ostē
dit , & indicat : quis est enim tam cupidus perspicien
da, cognoscendaq; rerum natura, ut, si ei tractanti,
contemplantiq; res cognitione dignissimas subito sit
allatum periculum, discrimenq; patriæ, cui subuenire,
opitulariq; possit, non illa omnia relinquat, atque abi
ciat, etiam si dinumerare se stellas, aut metiri mundi
magnitudinem posse arbitretur; atque hoc idem in pa
rentis, in amici re, aut periculo fecerit? quibus rebus in
telligitur, studijs, officijsq; scientiæ præponēda esse offi
cia iustitiæ: quæ pertinet ad hominum utilitatem: qua
nihil homini debet esse antiquius. atque illi, quorum
studia, uitaque omnis in rerum cognitione uersata est,
tamen ab augendis hominum utilitatibus, & cōmodis
non recesserunt: nā & erudierunt multos, quo melio
res ciues, utilioresq; rebus suis publicis essent; ut The
banum Epaminundam Lysis Pythagoreus, Syracu
sium Dionem Plato, multiq; multos : nosq; ipsi, quico
quid ad Remp. attulimus, (si modo aliquid attulimus)
a doctōribus, atque doctōribus, atq; doctrina instru
eti ad eam & ornati accessimus. neque solum uiui, at
que præsentes studiosos discendi erudiūt, atque docēt,
sed hoc idem etiam post mortem monumentis literarū
assequuntur: nec enim locus ullus prætermisus est ab
ijs, qui ad leges, qui ad mores, qui ad disciplinā Reip. p
tineret, ut otium suum ad nostrum negotium cōtuliss
se uideantur. ita illi ipsi doctrinæ studijs, et sapientiæ
dediti, ad hominum utilitatem, suam, sapientiam, pru
dentiam,

dentiam, intelligentiamq; potissimum conferunt. ob eā etiam causam eloqui copiose, modo prudenter, melius est, quā uel acutissime sine eloquentia cogitare; quod cogitatio in se ipsa uertitur, eloquentia uero complectitur eos, quibuscum communitate iuncti sumus. atque, ut apum examina non fingendorum fauorum causa congregantur, sed, cum congregabilia natura sint, fingunt fauos: sic homines, ac multo etiam magis natura congregati, adhibent agendi, cogitandi q; solertiam. itaque nisi ea uirtus, quæ cōstat ex hominibus tuendis, id est ex societate generis humani, attingat rerum cognitionem, soliuaga cognitio, & ieiuna uideatur: itemq; magnitudo animi, remota cōmunitate, coniunctioneq; humana, feritas sit quædam, & immanitas. ita fit, ut uincat cognitionis studium consociatio hominum, atque communitas. nec uerum est, quod dicitur à quibusdam, propter necessitatē uitæ, quòd ea, quæ natura desideraret, consequi sine alijs, atque efficere non possemus, idcirco istam esse cum hominibus communitatem, & societatem; quòd, si omnia nobis, quæ ad uictum, cultumq; pertinent, quasi uirgula diuina (ut aiunt) suppeditarentur, tum optimo quisq; ingenio, negotijs omnibus omis- sis, totum se in cognitione, & scientia collocaret. non est ita: nam & solitudinem fugeret, & socium studij quæreret; tum docere, tum discere uellet, tum audire, tum dicere. ergo, omne officium, quod ad coniunctionem hominum, & ad societatem tuendam ualet, anteponen- dum est illi officio, quod cognitione, & scientia contine- tur. illud forsitan quærendum sit, num hæc communi- tas, quæ maxime est apta naturæ, sit etiam moderatio=

ni, modestiæq; semper anteponenda. non placet: sunt enim quædam partim ita fœda, partim ita flagitiosa, ut ea ne conservande quidem patriæ causa sapiens faturus sit. ea Posidonius collegit permulta, sed ita tætra quædam, ita obscœna, ut dictu quoq; uideatur turpia. hæc igitur non suscipiet quisquam Reip. causa, nec Resp. quidem pro se suscipi uolet. sed hæc commodius se res habet, quod non potest accidere tempus, ut intersit Reip. quidquam illorum facere sapientem. quare sapientem. quare hoc quidem effectum sit in officijs diligendis, hoc genus officiorum excellere, quod teneatur hominum societate: etenim cognitionem, prudentiamq; sequetur considerata actio: ita sit, ut, considerate agere, pluris sit, quàm cogitare prudenter. Atque hæc quidem hætenus: patefactus est enim iocus ipse, ut non sit difficile in exquirendo officio, quod cuique sit præponendum, uidere. in ipsa autem communitate sunt gradus officiorum, ex quibus, quod cuique præstet, intelligi possit; ut prima dijs immortalibus, secunda patriæ, tertia parentibus, deinceps gradatim reliqua reliquis debeantur. quibus ex rebus breuiter disputatis intelligi potest, non solum id homines solere dubitare, honestum ne, an turpe sit; sed etiam, duobus propositis honestis, utrum honestius. hic locus à Panætio est (ut supra dixi) prætermisus. sed ad reliqua pergamus.

MARCI TVLLII CICERONIS
OFFICIORVM AD MAR-
CVM FILIVM LIBER II.

¶ Venadmodum officia ducerentur ab honestate, Marce fili, atq; ab omni genere virtutis, satis explicatū arbitror libro superiore. sequitur, ut hæc officiorū genera persequar, quæ pertinet ad vitæ cultum, & ad earū rerum, quibus utitur homines, facultatem, ad opes, ad copias. in quo tum quæri dixi, quid utile, quid inutile; tum, ex utilibus quid utilius, aut quid maxime utile. de quibus dicere aggrediar, si pauca prius de instituto, ac de iudicio meo dixerō. Quanquam enim libri nostri complures non modo ad legendi, sed etiā ad scribendi studium excitauerint: tamen interdum vereor, ne quibusdam bonis uiris philosophiæ nomē sit inuisum, mirenturq; in ea tantū me operæ & temporis ponere. ego autem, quā diu Resp. per eos regebatur, quibus se ipsa cōmiserat, omnes meas curas, cogitationesq; in eam conferebam. cum autem dominatu unius omnia tenerentur, neque esset usquā cōsilio, aut auctoritati locus, socios deniq; tuendæ Reip. summos viros amisisssem; nec me angoribus dedi, quibus essem confectus, nisi ijs restitisssem; nec rursus indignis homine docto uoluptatibus. atque utinam Resp. stetisset, quo cœperat, statu, nec in homines non tam cōmunitandarum rerum, quā euertendarum cupidos incidisset: primum enim, ut stante Rep. facere solebamus, in agendo plus, quā in scribendo operæ poneremus; de-

C I C E R O N I S

inde ipsis scriptis non ea, quæ nunc, sed actiones nostras mandaremus, ut sæpe fecimus. cum autem Reip. in qua omnis mea cura, cogitatio, opera poni solebat, nulla esset omnino, illæ scilicet literæ conticuerunt forenses, & senatoriæ. nihil autem agere cum animus non posset, in ijs studijs ab initio uersatus ætatis, existimaui honestissimæ molestias deponi posse, si me ad philosophiam retulissetem. cui cum multum adolescens discendi causa temporis tribuissetem, postea quàm honoribus inservire cœpi, meq; totum Reip. tradidi, tantum erat philosophiæ loci, quantum superfuerat amicorum, & Reip. temporibus. id autem omne consumebatur in legendo: scribendi otium non erat. maximis igitur in malis hoc tantum boni affecuti uidemur, ut ea literis mandaremus, quæ nec satis erant nota nostris, & erant cognitione dignissima: quid est enim per deos optabilius sapientia? quid præstantius? quid homini melius? quid homine dignius; hanc qui expetunt igitur, philosophi nominantur: nec quidquam aliud est philosophia, si interpretari uelis, quàm studium sapientiæ. sapientia autem est (ut à ueteribus philosophis definitum est) rerum diuinarum, & humanarum, causarumq;, quibus hæ res continentur, scientia. cuius studium qui uituperat, haud sanè intelligo, quidnam sit, quod laudandum putet. nam siue oblectatio quæritur animi, requiesq; curarum, quæ conferri cum eorum studijs potest, qui semper aliquid acquirunt, quod spectet, & ualeat ad bene, beateq; uiuendum; siue ratio constatiæ, uirtutisq; quæritur. aut hæc ars est, aut nulla omnino, per quam eas assequamur. nullam dicere maximarum rerum artem esse,

cum minimarum sine arte nulla sit, hominum est par-
rum considerate loquentium, atque in maximis rebus
errantium. si autem est aliqua disciplina uirtutis; ubi ea
quæretur, cum ab hoc discendi genere discesseris? sed
hæc, cum ad philosophiam cohortamur, accuratius so-
lent disputari: quod alio quidem libro fecimus. hoc au-
tem tempore tantum nobis declarandum fuit, cur orba-
ti Reip. muneribus ad hoc nos studium potissimum cō-
tulissemus. Occurritur autem nobis, & quidem à do-
ctis, & eruditis, quærentibus, satis ne constanter facere
uideamur, qui, cum percipi nihil posse dicamus, tamen
& alijs de rebus differere soleamus, & hoc ipso tempo-
re præcepta officij persequamur. Quibus uellem satis
cognita esset nostra sententia: non enim sumus ij, quo-
rum uagetur animus errore, nec habeat unquam, quid
sequatur: quæ enim esset ista mēs, uel quæ uita potius,
non solum disputandi, sed etiam uiuēdi ratione subla-
ta? nos autem, ut cæteri, qui alia certa, alia incerta esse
dicunt, sic ab his dissentientes alia probabilia, contra
alia improbabilia esse dicimus. quid est ergo, quod me
impediat ea, quæ mihi probabilia uideantur, sequi; quæ
contra, improbare; atque affirmandi arrogantiam ui-
tare, fugere temeritatem, quæ à sapientia dissidet plu-
rimum? contra autem omnia disputatur à nostris, &
hoc ipsum probabile elucere non posset, nisi ex utraq;
parte causarum esset facta contētio. sed hæc explana-
ta sunt in Academicis nostris satis, ut arbitror, diligē-
ter. Tibi autē mi Cicero, quanquā in antiquissima, no-
bi'issimaq; philosophia Cratippo auctore uersaris, ijs si-
millimo, qui ista præclara pepererūt; tamen hæc nostra,

finitima uestris, ignota esse nolui. sed iam ad instituta
 pergamus. Quinque igitur rationibus propositis
 officij persequendi, quarum duæ ad decus, honestatēq;
 pertinent, duæ ad commoda uitæ, copias, opes, facultates,
 quinta ad eligendi iudiciū, si quando ea, quæ dixi
 pugnare inter se uiderentur; honestatis pars perfecta
 est, quam quidem tibi cupio esse notissimam. hoc autē,
 de quo nunc agimus: id ipsum est, quod utile appellatur.
 in quo uerbo lapsa cōsuetudo deflexit de uia, sensimq;
 eò deducta est, ut ab honesto utile secerneret, et
 constitueret honestum aliquod, quod utile nō esset; et
 utile, quod nō honestū: qua nulla perniciēs maior hominum
 uitæ potuit afferri. summa quidem auctoritate philosophi
 seuerē sanē atq; honeste hæc tria genera cōfusa,
 cogitatione distinguūt: quidquid enim iustum sit,
 id utile etiam esse censent; itemq;, quod honestū
 idem esse iustū: ex quo efficitur, ut quidquid honestum
 sit, idem sit utile. quod qui parum prospiciunt, hi
 sæpe uersutos homines, et callidos admirantes, eorū
 malitiam, sapientiam iudicant. quorum error eripien-
 dus est; omnisq; opinio ad eam spem traducēda, ut
 honestis consilijs, iustisq; factis, nō fraude, et malitia se
 intelligant ea, quæ uelint, consequi posse. quæ ergo ad
 uitam hominum tuendam pertinent, partim sunt inani-
 mata, ut aurum, argentum, ut ea, quæ gignūtur è terra,
 ut alia eiusdem generis; partim animalia, quæ habent
 suos impetus, et rerum appetitus. eorum autem
 alia rationis expertia sunt, alia ratione utentia. expertes
 rationis sunt equi, boues, reliquæ pecudes, apes, quarum
 opere efficitur aliquid ad hominum usum, atq;

uitam. ratione autem utentium duo genera ponuntur:
unum deorum, alterum hominum. deos placatos pietas
efficiet, & sanctitas. proxime autem, et secundum deos,
homines hominibus maxime utiles esse possunt. earumque
iterum rerum, quae noceant, & obsint, eadem diuisio est.
sed quia deos nocere non putant, his exceptis homines
hominibus plurimum obesse, uel prodesse arbitrantur: ea
enim ipsa, quae inanimata diximus, pleraque sunt homi-
num, effecta operis: quae nec haberemus, nisi manus, et
ars accessisset; nec his sine hominum administratione
uteremur: neque enim uoletudinis curatio, neque nauigatio,
neque agricultura, neque frugum, fructuumque
reliquorum perceptio, & conseruatio sine opera homi-
num, ulla esse potuisset. iam uero & earum rerum,
quibus abundaremus, exportatio, et earum, quibus ege-
remus, inuectio certe nulla esset, nisi his muneribus ho-
mines fungeretur. eademque ratione nec lapides excide-
rentur a terra ad usum nostrum necessarii, nec ferrum,
aurum, aes, argentum effoderetur penitus abditum, sine
hominum labore, & manu. tecta uero, quibus & fri-
gorum uis pelleretur, & calorum molestiae sedaretur,
unde aut initio generi humano dari potuissent, aut
postea subuenire, si aut uis tempestatis, aut terrae motu,
aut uetustate cecidissent, nisi communis uita ab homini-
bus harum rerum auxilia petere didicisset: adde ductus a-
quarum, deriuationes fluminum, agrorum irrigationes,
moles oppositas fluctibus, portus manu factos: quae non
sine hominum opere habere possemus. ex quibus omni-
bus, multisque alijs perspicuum est, qui fructus, quaeque uti-
litates ex rebus istis, quae sunt inanimatae percipiuntur,

C I C E R O N I S

eas nos nullo modo sine hominū manu, atq; opera ca-
 pere potuisse. qui deniq; ex bestiis fructus, aut quæ cō-
 moditas, nisi homines adiuuarent, percipi posset? nam
 et qui principes inueniendi fuerunt, quæ ex quaq; bel-
 lua usum habere possemus, homines certe fuerunt: nec
 hoc tempore sine hominū opera aut pascere equos, aut
 domare, aut tueri, aut tempestiuos fructus ex his cape-
 re possemus: ab eisdemq; et ea, quæ nocent, interficiū-
 tur, & quæ usui possunt esse, capiuntur. quid enume-
 rem artium multitudinem, sine quibus uita omnino nul-
 la esse potuisset? quis enim agris subueniret? quæ esset
 oblectatio ualētium, qui uictus, aut cultus, nisi tā mul-
 tæ nobis artes ministrarent? quibus rebus excultra ho-
 minum uita tantū destitit à uictu, et cultu bestiarū.
 urbes uero sine hominū cœtu non potuissent nec ædifi-
 cari, nec frequentari: ex quo leges, moresq; cōstituti, tū
 iuris æqua descriptio, certa q; uiuēdi disciplina; per
 quas bene, beateq; uiuitur. quas res & māsuētudo ani-
 morū cōsecuta, et uerecūdia est: effectūq; est, ut esset ui-
 ta munitior, atq; ut dādo, et accipiēdo, permutādisq;
 facultatibus, et cōmodis nulla re egeremus. longiores
 hoc loco sumus, quā necesse est: quis est enim, cui nō
 perspicua sint illa, quæ pluribus uerbis à Panætio com-
 memorantur, neminē neq; ducē in bello, nec principē
 domi magnas res, et salutare sine hominū studiis ge-
 rere potuisse? cōmemoratur ab eo Themistocles, Peris-
 cles, Cyrus, Agesilaus, Alexander: quos negat sine adiu-
 mentis hominum tantas res efficere potuisse. utitur in-
 re non dubia testibus non necessarijs. atque ut magnas
 utilitates adipiscimur conspiratione hominū, atq; con-

sensu, sic nulla tā detestabilis pestis est, quæ non homi-
 ni ab homine nascatur. est Dicæarchi liber de interitu
 hominum, peripatetici magni, & copiosi: qui collectis
 ceteris causis, eluuiionis, pestilentiae, uastitatis, belluarū
 etiam repentinæ multitudinis, quarum impetu docet
 quædam hominum genera esse consumpta; deinde cō-
 parat, quanto plures deleti sint homines hominū impe-
 tu, id est bellis, aut seditiōibus, quā omni reliqua ca-
 lamitate. cū igitur hic locus nihil habeat dubitationis,
 quin homines plurimū hominibus et profint, et obsint;
 propriū hoc statuo esse uirtutis, conciliare sibi animos
 hominum, et ad usus suos adiungere. itaq; quæ in re-
 bus inanimis, quæq; in usu, et tractatione belluarum
 fiunt utiliter ad hominū uitam, artibus ea tribuuntur
 operosis: hominum autem studia ad amplificationem
 nostrarum rerum prompta, ac parata, uirorū præstan-
 tium sapientia, et uirtute excitantur: etenim uirtus fe-
 re omnis in tribus rebus uertitur. quarum una est in
 perspiciedo, quid in quaque re uerum, sincerumq; sit,
 quid consentaneū cuiq; quid consequēs, ex quo quæq;
 gignantur, quæ culusq; rei sit causa. alterum, cohibere
 motus animi turbatos, quos Græci πᾶθη nominant;
 appetitiones, quas illi ὁρμᾶς, obediētes efficere ratiōi:
 tertium, ijs, quibuscū congregamur, uti moderate, &
 scienter, quorū studijs ea, quæ natura desiderat, exple-
 ta, cumulataq; habeamus: per eos denique, si quid im-
 portetur nobis incommodi, propulsemus: ulciscamurq;
 eos, qui nocere nobis conati sunt; tantaq; pœna afficia-
 mus, quātam æquitas, humanitasq; patitur. quibus au-
 tem rationibus hanc facultatē assequi possimus, ut ho-

C I C E R O N I S

minum studia cōplectamur, eaq; teneamus, dicemus,
 neq; ita multo post. sed pauca ante dicenda sunt. Ma-
 gnam uim esse in fortuna in utranq; partē, uel ad se-
 cundas res, uel aduersas, quis ignorat? nam et, cum pro-
 spero flatu eius utimur, ad optatos exitus prouehimur:
 et, cum refluuit, affligimur. hæc igitur ipsa fortuna
 ceteros casus rariore habet; primum ab inanimis pro-
 cellas, tempestates, naufragia, ruinas, incendia; deinde à
 bestiis ictus, morsus, impetus. hæc igitur (ut dixi) ratio
 ra. at uero interitus exercitum, ut proxime trium, sæ-
 pe multorum; clades imperatorum, ut nuper summi,
 ac singularis uiri; inuidiæ præterea multitudinis, atq;
 ob eas bene meritorū sæpe ciuium expulsionēs, calami-
 tates, fugæ. rursusq; secundæ res, honores, imperia, ui-
 ctoria, quanquam fortuita sunt, tamen sine hominū
 operibus, & studijs neutram in partem effici possunt.
 hoc igitur cognito, dicendum est, quonam modo homi-
 num studia ad utilitates nostras allicere, atq; excitare
 possimus. quæ si longior fuerit oratio, cum magnitudi-
 ne utilitatis comparetur: ita fortasse etiam breuior ui-
 debitur. quæcunque igitur homines homini tribuunt
 ad eum augendum, atque honestandum; aut beneuolē-
 tiæ gratia faciunt, cum aliqua de causa quempiā dili-
 gunt; aut honoris, si cuius uirtutem suspiciunt, & si
 quem dignum fortuna quam amplissima putant; aut
 cui fidem habent, & bene rebus suis consulere arbitra-
 tur; aut cuius opes metuunt; aut contra, à quibus ali-
 quid expectant, ut cum Reges, populares, uel homines
 largitiones aliquas proponunt; aut postremo pretio, aut
 mercede uinductur. quæ sordidissima quidem est ratio,

Et inquinatissima Et ijs, qui ea tenentur, Et illis, qui ad eam confugere conantur: male enim se res habet, cum, quod uirtute effici debet, id tentatur pecunia. sed quoniam nonnunquam subsidium hoc necessariū est, quemadmodum sit utendum eo, dicemus, si prius ijs de rebus, quæ uirtuti propiores sunt, dixerimus. atq; etiā subiiciunt se homines imperio alterius, et potestati pluribus de causis: ducuntur enim aut beneuolentia, aut beneficiorum magnitudine, aut dignitatis præstantia, aut spe, sibi id utile futurum; aut metu, ne uī parere cogantur; aut spe largitionis, promissionisq; capti; aut postremo, ut sæpe in nostra Rep. uidemus, mercede conducti. rerum autem omnium nec aptius est quidquā ad opes tuendas. quā diligere; nec alienius, quā time-
ri. præclare Ennius:

Quem metuunt, oderunt:

Quem quisque odit, perijisse expetit.

multorum autem odijs nullas opes posse obsistere, si antea fuit ignotum, nuper est cognitum. nec uero huius tyrāni solum, quem armis oppressa pertulit ciuitas, interitus declarat, quātum odium hominū ualet ad pestem; sed reliquorum similes exitus tyrannorum; quorum haud ferè quisquam interitū similem effugit: malus enim custos diuturnitatis metus: contraq; beneuolētia fidelis est uel ad perpetuitatem. sed ijs, qui ui. oppressos imperio coercēt, sit sanè adhibenda sæuitia, ut heris in famulos, si aliter teneri non possunt. qui uero in libera ciuitate ita se instruunt, ut metuātur; his nihil potest esse dementius: quāuis enim demersæ sint leges alicuius opibus, quāuis tremefacta libertas, emer

gunt tamen hæc aliquādo aut iudicijs tacitis, aut occultis de honore suffragijs: acriores autem morsus sunt in remissa libertatis, quā retēta. quod igitur latissime patet, neq; ad incolumitatem solum, sed etiā ad opes, et potentiam ualet plurimum, id amplectamur, ut metus absit, charitas retineatur: ita facillime, quæ uolumus, et priuatis in rebus, et in Rep. consequemur: etenim, qui se metui uolent, à quibus metuantur, eosdem metuant ipsi, necesse est: quid enim censemus superiorem illum Dionisium, quo cruciatu timoris angisolutum, qui cultros metuens consorios candente carbone sibi adurebat capillum? quid Alexandrum Phœraum, quo animo uixisse arbitramur? qui (ut scriptum legimus) cum uxorem Theben admodum diligere, tamen ad eam ex epulis in cubiculum ueniens, barbarum, & eum quidem (ut scriptum est) compunctum notis Threicijs, districto gladio iubeat anteire, præmittebatq; de stipatoribus suis, qui perscrutarētur arculas muliebres, et, ne quod in uestimentis occultaretur telum, exquirerent. o miserum, qui fideliorē & barbarum, & stigmatiam putaret, quā coniugem. nec eum fefellit opinio: ab ea est enim ipse propter pellicatus suspicionem interfectus. nec uero ulla uis imperij tanta est, quæ premente metu possit esse diuturna. testis est Phalaris: culus est præter ceteros nobilitata crudelitas: qui non ex insidijs interiit, ut is, quem modo dixi, Alexander; non à paucis, ut hic noster; sed in quem uniuersa Agrigentinarum multitudo imperiū fecit. quid Macedones? non ne Demetrium reliquerunt, & uniuersiq; se ad Pyrrhum contulerunt? quid La

cedamontos iniuste imperantes? non ne repente omnes
ferè socij deseruerunt, spectatoresq; se ociosos præbue-
runt Leuētrica calamitatis? externa libentius in tali
re, quàm domestica, recordor. ueruntamen quàm diu
imperium populi R. beneficijs tenebatur, non iniurijs,
bella aut pro socijs, aut de imperio gerebantur; exitus
erant bellorum aut mites, aut necessarij. Regum, popu-
lorum, nationum portus erat, & refugium senatus.
nostri autem magistratus, imperatoresq; ex una hac re
maximam laudem capere studebant, si prouincias, si so-
cios æquitate, & fide defendissent: itaque illud patrocl-
nium orbis terræ uerius, quàm imperium poterat nomi-
nari. sensim hanc consuetudinem, & disciplinam iam
antea minuebamur, post uero Syllæ uictoriam penitus
amissimus: desitum est enim uideri quidquam in socios
iniquum, cum extitisset etiam in ciues tāta crudelitas.
ergo in illo secuta est honestam causam non honesta ui-
ctoria: est enim ausus dicere, hasta posita cum bona in
foro uenderet & bonorum uirorum, & locupletum,
& certe ciuium, prædam suam se uendere. secutus est,
qui in causa impia, uictoria etiam foedior non solum
singulorum ciuium bona publicaret, sed uniuersas quo-
que prouincias, regionesq; uno calamitatis iure compre-
henderet: itaque uexatis, & perditis exteris natiōibus,
ad exemplum amissi imperij portari in triumpho Mas-
siliam uidimus, & ex ea urbe triumphari, sine qua nū-
quam nostri imperatores ex transalpinis bellis triūpha-
runt. multa præterea commemorarem nefaria in so-
cios, si hoc uno sol quidquam uidisset indignius. iure igi-
tur plectimur: nisi enim multorum impunita scelera

C I C E R O N I S

tuliffemus, nunquam ad unum tanta perueniffet licentia: à quo quidem rei familiaris ad paucos, cupiditatum ad multos improbos uenit hereditas. nec uero unquam bellorum ciuiliū ſemē, & cauſa deerit, dum homines perditū haſtam illam cruentam & meminerint, & ſperabunt, quam P. Sylla cum uibratſet, Dictatore propinquo ſuo, idem ſexto & triceſimo anno poſt à ſcleratio re haſta eadem non reſceſſit. alter autem, qui in illa Dictatura ſcriba fuerat, in hac fuit Quæſtor urbanus. ex quo debet intelligi, talibus præmijs propoſitis, nūquam defutura bella ciuilia. itaq; parietes urbis modo ſtant, & manent, ūq; ipſi iam extrema ſclera metuentes: Rē uero publicam penitus amiſimus. atq; in has clades incidimus (redeundum eſt enim ad propoſitum) dū metui, quā chari eſſe, & diligere, maluimus. quæ ſi populo R. iniuſte imperanti accidere potuerunt, quid debent putare ſinguli? quod cum perſpicuū ſit, beneuolentiæ uim eſſe magnam, metus imbecillem: ſequitur, ut diſſeramus, quibus rebus poſſimus facillime eam, quam uolumus, adipiſci cum honore, & fide charitatem. ſed ea nō pariter omnes egemus: nam ad cuiuſq; uitam inſtituendam accommodandum eſt, à multis ne opus ſit, an ſatis ſit à paucis diligere. certum igitur hoc ſit, & id, quod & primum, & maxime neceſſarium, familiaritates habere fidas amantiū nos amicorum, & noſtra mirantium: hæc enim eſt una res prorſus, ut nō differat multum inter ſummos, & mediocres uiros: eaq; utriſq; prope modum comparanda. honore, & gloria, & beneuolentia ciuium fortasſe nō æque omnes egent: ſed tamen ſi cui hæc ſuppetunt, adiuuant aliquantū tum ad cæte

ra, tum ad amicitias comparandas. sed de amicitia libro dictum est, qui inscribitur Lælius. nunc dicamus de gloria, quanquam ea quoq; de re duo sunt nostri libri. sed attingamus, quando quidem ea in rebus maioribus administrandis adiuuat plurimum. Summa igitur, & perfecta gloria constat ex tribus his: si diligit multitudo: si fidem habet: si cum admiratione quadam, honore nos dignos putat. hæc autem, si est simpliciter, breuiterq; dicendum, quibus rebus pariuntur à singulis, eisdem fere à multitudine. sed est alius quoq; quidam aditus ad multitudinem, ut in uniuersorum animos tamquam influere possimus. Ac primum de illis tribus, quæ ante dixi, beneuolentiæ præcepta uideamus: quæ quidē beneficijs capitur maxime: secundo autem loco benefica uoluntate beneuolentia mouetur, etiā si res forte nō suppetit. uehementer autem amor multitudinis commouetur ipsa fama, et opinione liberalitatis, beneficentiæ, iustitiæ, fidei, omniumq; earum uirtutum, quæ pertinet ad mansuetudinem morum, ac facilitatē. etenim illud ipsum, quod decorum, honestumq; diximus, quia per se nobis placet, animosq; omnium natura, & specie sua commouet, maximeq; quasi perlucet ex ijs, quas commemorauimus, uirtutibus, iccirco illos, in quibus eas uirtutes essemur, à natura ipsa diligere cogimur. atque hæc quidem causæ sunt diligendi grauissimæ: possunt enim præterea non nullæ esse leuiiores. Fides autem ut habeatur, duabus rebus effici potest; si existimabimur adepti coniunctam cum iustitia prudentiam: nam & ijs fidē habemus, quos plus intelligere, quàm nos, arbitramur, quosq; & futura prospicere credimus, & cum res aga-

C I C E R O N I S

tur, in discrimenq; uentum sit, expedire rem, & consili-
 um ex tempore capere posse: (hanc enim omnes existi-
 mant utilem, ueramq; prudentiam) iustis autem, & fi-
 dis hominibus, idest bonis, ita fides habetur, ut nulla sit
 in his fraudis, iniuriæq; suspicio: itaque his salutem
 nostram, his fortunas, his liberos rectissime committi ar-
 bitramur. harum igitur duarum ad fidem faciendam
 iustitia plus pollet, quippe cū ea sine prudentia satis ha-
 beat auctoritatis, prudentia sine iustitia nihil ualeat ad
 faciendam fidem: quo enim quis uersutior, & callidior
 est, hoc inuisior, & suspectior, detracta opinione probita-
 tis. quamobrem intelligentiæ iustitia coniuncta, quan-
 tum uolet habebit ad faciendam fidem uirium: iustitia
 sine prudentia multum poterit: sine iustitia nihil uale-
 bit prudentia. Sed ne quis sit admiratus, cur, cum inter
 omnes philosophos constet, à meq; ipso sæpe disputatum
 sit, qui unam haberet, omnes habere uirtutes, nunc ita
 seiungā, quasi possit quisquam, qui nō idem prudens sit,
 iustus esse: alia est illa, cum ueritas ipsa limatur in dis-
 putatione, subtilitas; alia, cum ad opinionem cōmunem
 omnis accommodatur oratio. quamobrem, ut uulgus, ita
 nos hoc loco loquimur, ut alios fortes, alios bonos uiros,
 alios prudentes dicamus: popularibus enim uerbis est a-
 gendū, & usitatis, cum loquamur de opinione populari:
 idq; eodē modo fecit Panætius. sed ad propositum reuer-
 tamur. Erat igitur ex tribus, quæ ad gloriam pertine-
 rent, hoc tertium, ut cum admiratione hominum hono-
 re ab his digni iudicaremur. admirantur igitur com-
 muniter illi quidem omnia, quæ magna, & præter opti-
 mionem suam animaduertunt; separatim autem in
 singulis,

singulis, si perspicunt nec opinata quidem bona: ita-
 que eos uiros suspiciunt, maximisq; efferunt laudibus, in
 quibus existimant se excellentes quasdam, & singulares
 uirtutes perspicere; despiciunt autem eos, & contem-
 nunt, in quibus nihil uirtutis, nihil animi, nihil neruorum
 putant: non enim omnes eos contemnunt, de quibus ma-
 le existimant: nam quos improbos, maledicos, fraudu-
 lentos putant, & ad faciendam iniuriam instructos, eos
 haud contemnunt quidem, sed de ijs male existimant.
 quambrem (ut ante dixi) contemnuntur ij, qui nec sibi,
 nec alteri profunt, ut dicitur; in quibus nullus labor,
 nulla industria, nulla cura est: admiratione quadam ue-
 ro afficiuntur ij, qui anteire ceteros uirtute putantur, et
 cum omni carere dedecore, tum uero ijs uitijs, quibus
 alij non facile possunt obsistere: nam & uoluptates blan-
 dissimae dominae saepe maiores partes animi a uirtute de-
 torquent; & dolorum cum admouentur faces, prae-
 ter modum plerique exterrantur: uita, mors, diuitiae,
 paupertas omnes homines uehementissime permouent.
 quae qui in utraque partem excelso animo, magnoq; de-
 spiciunt; cumq; aliqua his ampla, & honesta res obie-
 cta est, totos ad se conuertit, et rapit: tum quis non ad-
 miretur splendorem, pulchritudinemq; uirtutis? ergo et
 haec animi perspicientia admirabilitatem magnam facit
 & maxime iustitia, ex qua una uirtute uiri boni appel-
 lantur, mirifica quaedam res multitudini uidetur: nec
 iniuria: nemo enim iustus esse potest, qui mortem, qui
 dolorem, qui exilium, qui egestatem timet, aut qui ea,
 quae his sunt contraria, aequitati anteponit. maximeq;
 admirantur eum, qui pecunia non mouetur: quod in

C I C E R O N I S

quo uiro perspectum sit, hunc dignū spectatu arbitran-
tur. itaq; illa tria, quæ proposita sunt ad gloriā, omnia
iustitia cōficit; et beneuolētiā, quod prodesse uult plu-
rimis; et ob eandem causam fidem, et admirationem,
quod eas res spernit, et negligit, ad quas pleriq; inflam-
mati auiditate rapiuntur. ac mea quidem sententia om-
nis ratio, et institutio uitæ adiumenta hominū desin-
derat, in primisq; ut habeas, quibuscum possis familia-
res conferre sermones: quod est difficile, nisi speciē prae-
te boni uiri feras. ergo etiam solitario homini, atq; in
agro uiam agenti opinio iustitiæ necessaria est, eoq;
etiā magis, quod si eam non habebunt, iniusti habebun-
tur, nullis praesidijs septi multis afficiētur iniurijs. Atq;
his etiam, qui uendunt, emunt, conducunt, locant, cōtra-
hendisq; negotijs implicantur, iustitia ad rem gerendā
necessaria est. cuius tanta uis est, ut nec illi quidē, qui
maleficio, et scelere pascuntur, possint sine ulla particu-
la iustitiæ uiuere: nam qui eorum culpam, qui unā la-
trocinantur, furatur aliquid, aut clam eripit, is sibi ne
in latrocinio quidem relinquit locum: ille autem, qui
archipirata dicitur, nisi æquabiliter prædā dissipet, aut
occidetur à socijs, aut relinquetur. quin etiam le-
ges latronum esse dicuntur, quibus pareant, quas obser-
uent. itaque propter æquabilem prædæ portionem et
Bargulus Illyricus latro, de quo est apud Theopompū,
magnas opes habuit; et multo maiores Viriatus Lusit-
anus: cui quidem exercitus nostri, imperatoresq; cesser-
unt: quem C. Lælius, is, qui sapiens usurpatur, Præ-
tor fregit, et comminuit; ferocitatemq; eius ita repres-
sit, ut facile bellum reliquis traderet. cum igitur tunc

ta uis iustitiæ sit, ut ea etiam latronū opes firmet, atq;
augeat, quantam eius uim inter leges, & iudicia, & in
stituta Rei. fore putamus? mihi quidem non apud
Medos solum (ut ait Herodotus) sed apud etiam maio-
res nostros fruendæ iustitiæ causa uidentur olim bene
morati Reges constituti: nam, cum premeretur initio
multitudo ab ijs, qui maiores opes habebant, ad
unum aliquem confugiebant uirtute præstantem; qui,
cum prohiberet iniuria tenuiores æquitate constituen-
da, summos cum infimis pari iure retinebat. eademq;
constituendarum legum fuit causa, quæ Regum: ius
enim si mper quæsitum est æquabile: neque enim ali-
ter esset ius. id si ab uno iusto, & bono uiro conseque-
batur, eo erant contēti. cum id minus contingeret, eges
sunt inuenta, quæ cū omnibus semper una, atq; eadem
uoce loquerentur. ergo hoc quidē perspicuum est, eos ad
imper. idū deligi solitos, quorū de iustitia magna esset
opinio multitudinis. adiuncto uero hoc, ut ijdem etiam
prudentes haberentur, nihil erat, quod homines his au-
ctioribus non posse consequi se arbitrarentur. omni igitur
ratione colenda, & retinēda iustitia est, tū ipsa pro-
pter sese (nam aliter iustitia non esset) tum propter am-
plificationem honoris, & gloriæ. Sed ut pecuniæ quæ-
rendæ non solum ratio est, sed etiam collocandæ, quæ
perpetuos sumptus suppeditet, nec solū necessarios, sed
etiam liberales: sic gloria quærenda, & collocanda ra-
tione est. quanquā præclare Socrates hanc uiam ad glo-
riam proximam, & quasi cōpendariam dicebat esse, si
quis id ageret, ut, qualis haberi uellet, talis esset. Quod
si qui simulatione, et inani ostentatione, ficto nō modo

C I C E R O N I S

sermone, sed etiam uultu stabilem se gloriam consequi posse rentur, uehementer errant. uera gloria radices agit, atque etiam propagatur. ficta omnia celeriter, tamquam flosculi, decidunt; nec simulatum potest quicquam esse diuturnum. testes sunt permulti in utraque partem, sed breuitatis causa familia erimus contenti una; Ti. enim Gracchus P filius tam diu laudabitur, dum memoria rerum Romanarum manebit: at eius filij nec uiui probabantur à bonis, & mortui numerum obtinent iure cæsorum. Qui igitur adipisci ueram iustitiæ gloriam uolet, iustitiæ fungatur officijs: ea quæ essent, dictum est in superiore libro. sed ut facillime, quales simus, tales esse uideamur; etsi in eo ipso uis maxima est, ut simus ij, qui haberi uelimus: tamen quædam præcepta danda sunt. nam si quis ab ineunte ætate habet causam celebritatis, & nominis, aut à patre acceptam, quod tibi mi Cicero arbitror contigisse; aut aliquo casu, atq; fortuna; in hunc oculi omnium coniunguntur, atque in eo, quid agat, quemadmodum uiuat, inquiritur; & tanquam in clarissima luce uersetur, ita nullum obscurum potest nec dictum eius esse, nec factum: quorum autem prima ætas propter humilitatem, & obscuritatem in hominum ignoratione uersatur, hi, simul ac iuuenes esse cœperunt, magna spectare, & ad ea rectis studijs debent contendere. quod eo firmiore animo facient, quia non modo non inuidetur illi ætati, uerum etiam fauetur. Prima igitur est adolescenti commendatio ad gloriam: si qua ex bellicis rebus comparari potest, in qua multi apud maiores nostros extiterunt: semper enim ferè bella gerebantur. tua autem ætas in-

cidit in id bellum, cuius altera pars sceleris nimium habuit altera felicitatis parum. quo tamen in bello, cum te Pompeius alæ alteri præfecisset, magnam laudem et à summo uiro, et ab exercitu consequere, equitādo, iaculando, omnia militari labore tolerando. atque ea quidem tua laus pariter cum Rep. cecidit. mihi autem hæc oratio suscepta nō de te est, sed de genere toto. quā obrem ad ea, quæ restant, pergamus. Ut igitur in reliquis rebus multo maiora sunt opera animi, quàm corporis: sic et res, quas persequimur ingenio, ac ratione, gratiores sunt, quàm illæ, quas uiribus. prima igitur commendatio profiscitur à modestia, tum pietate in parentes, tum in suos beneuolentia. facillime autem in optimam partem cognoscuntur adolescentes, qui se ad claros, et sapientes uiros, bene consulentes Reip. contulerunt. quibuscum si frequentes sunt, opinionem afferunt populo, eorum fore se similes, quos sibi ipsi delegerunt ad imitandum. P. Rutilij adolescentiam ad opinionem et innocentiam, et iuris scientiam P. Mutij commendauit domus: nam L. quidem Crassus, cum esset admodum adolescens, nō aliunde mutuatus est, sed sibi ipse peperit maximā laudem ex illa accusatione nobili, et gloriosa. et qua ætate qui exercetur, laude affici solent; ut de Demosthene accepimus: ea ætate L. Crassus ostendit, id se in foro optime iū præmeditatū facere, quod etiam tum poterat domi cum laude meditari. sed cum duplex sit ratio orationis, quarum in altera sit sermo, in altera contentio: non est id dubium, quin contentio orationis plurimum possit, et maiorem uim habeat ad gloriam; ea est enim, quam eloquentiā

F iij

C I C E R O N I S

dicimus: sed tamen difficile dictu est, quanto opere cōciliet animos hominū comitas, affabilitasq; sermonis. exstant epistolæ et philippi ad Alexandrum, et Antipatri ad Cassandrū, et Antigoni ad Philippum, triū prudentissimorum, (sic enim accepimus) quibus præcipiunt, ut oratione benigna multitudinis animos ad beneuolentiā alliciant, militesq; blando appellādo sermone deliniāt. quæ autē in multitudine cū contentione habetur oratio, ea sæpe uniuersam excitat gloriā: magna est enim admiratio copiose, sapienterq; dicē ris: quē qui audiūt, intelligere etiam, et sapere plus, quā ceteros arbitrantur. si uero inest in oratione mixta modestiæ grauitas, nil admirabilius fieri potest, eoq; magis, si ea sunt in adolescente. sed cum sint plurima causarū genera, quæ eloquentiam desiderant; multiq; in nostra Rep. adolescentes et apud iudices, et apud senatum dicendo laudem affecuti sint: maxima admiratio est in iudicijs. quorum ratio duplex est: nam ex accusatione, et defensione constat: quarum et si laudabilior est defensio, tamen etiā accusatio probata persæpe est. dixi paulo ante de Crasso: idem fecit adolescēs M. Antonius: etiā P. Sulpitij eloquentiam accusatio illustrauit, cum seditiosum, et inutilem ciuem C. Norbanum in iudicium uocauit. sed hoc quidem non est sæpe faciendum; nec unquam, nisi aut Reip. causa, ut duo Luculli; aut patrocinii, ut nos pro Siculis, pro Sardis; pro M. Albutio Iulius Cæsar. in accusando etiam M. Aquilio L. Fusij cognita industria est. semel igitur, nō sæpe certe. sin erit, cui faciendum sit sæpius; Reip. tribuat hoc muneris; cuius inimicos ulcisci sæpe, nō est reprehendendū: modus

tamē adsit. duri enim hominis, uel potius uix hominis uidetur, periculum capitis inferre multis: id enim tum periculosum ipsi est, tū etiam sordidum ad famā, committere, ut accusator nominetur: quod contigit M. Bruto summo genere nato, illius filio, qui iuris civilis in primis peritus fuit. atq; etiam hoc præceptum officij diligenter tenendum est, ne quē unquam innocentem in iudicium capitis arceffas: id enim sine scelere fieri nullo pacto potest: nam quid est tam inhumanum, quā eloquentiam, à natura ad salutem hominum, et ad cōseruationem datam, ad bonorum pestem, perniciemq; conuvertere? nec tamen, ut hoc fugiendum est, ita habendum est religioni contrarium, nocentem aliquādo, & nefarium, impiumq; defendere. uult hoc multitudo, patitur consuetudo, fert etiam humanitas. iudicis, est, semper in causis uerum sequi; patroni, nonnunquam uerisimile, etiam si minus sit uerum, defendere: quod scribere, præsertim cum de philosophia scriberē, non auderem, nisi idem placeret grauiissimo Stoicorū Panætio. maxime autem & gloria paritur, & gratia defensionibus, eoq; maior, si quādo accidit, ut ei subueniatur qui potentis alicuius opibus circūueniri, urgeriq; uideatur; ut nos & sæpe aliās, & adolescentes contra L. Syllæ dominantis opes pro Sex. Roscio Amerino fecimus: quæ, ut scis, extat oratio. Sed expositis adolescentium officijs, quæ ualeant ad gloriam adipiscendam, deinde de beneficētia, ac liberalitate dicēdū est. cuius est ratio duplex: nam aut opera benigne fit indigentibus aut pecunia facilius est hæc posterior, locupleti præsertim; sed illa lauior, ac splendidior, et uia

ro forti,claroq; dignior:quanquam enlm in utroque
 inest gratificandi liberalis uoluntas; tamen altera ex
 arca,altera ex uirtute depromitur;largitioq;, quæ fit
 ex re familiari,fontem ipsum benignitatis exhaurit:
 ita benignitate benignitas tollitur: qua quo in plures
 usus sis, eo minus in multos uti possis.at, qui opera, id
 est uirtute, et industria benefici, et liberales erunt, pri-
 mū, quo pluribus profuerint, eo plures ad benigne fa-
 ciendū adiutores habebunt: deinde cōsuetudine beneficē
 tiæ paratiores erūt, & tanquā exercitatiores ad bene-
 de multis promerendū.præclare in epistola quadā Ale-
 xandrum filiū Philippus accusat, quòd largitione be-
 neuolentiam Macedonum conseētetur. quid te (malū)
 inquit, rationis in istā spem induxit, ut eostibi fideles
 putares fore, quos pecunia corrupisses? an tu id agis, ut
 Macedones non te Regem suum, sed ministrum & præ-
 bitorē putent? quo quid sordidius Regi? melius etiam
 quòd largitionem corruptelam dixit esse: fit enim dete-
 rior qui accipit, atque ad idem semper expectandum
 paratior. hoc ille filio: sed præceptum putemus omni-
 bus. quomobrem id quidem non est dubium, quin illa
 benignitas, quæ constat ex opera, & industria, et hone-
 stior sit, & latius pateat, & possit prodesse pluribus.
 nonnunquam tamen est largiendum: nec hoc benigni-
 tatis genus omnino repudiandum est: & sæpe idoneis
 hominibus ināigentibus de re familiari impertiendū,
 sed diligenter, atq; moderate: multi enim patrimonia
 effuderunt inconsulte largiendo: quid autem est stul-
 tius, quàm, quod libēter factas, curare, ut id diutius fa-
 cere non possis: atq; etiam sequuntur largitionem ra-

plnæ: cum enim dando egere cœperunt, alienis bonis manus afferre coguntur: ita, cum beneuolentiæ cōparandæ causa benefici esse uelint, non tanta studia assequuntur eorum, quibus dederunt: quanta odia eorū, quibus ademerunt. quamobrem nec ita claudenda est res familiaris, ut eam benignitas aperire nō possit; nec ita referenda, ut pateat omnibus: modus adhibeatur, isq; referatur ad facultates. omnino meminisse debemus id, quod à nostris hominibus sæpiissime usurpatū, iāq; in prouerbij consuetudinē uenit, largitionē fundū non habere: etenim quis potest esse modus, cū & ijdem q ui consueuerunt, & illud idem alij desiderent? omnino duo sunt genera largorum, quorum alteri prodigi, alteri liberales: prodigi, qui epulis, et uiscerationibus, et gladiatorum muneribus, ludorum, uenationūq; apparatu pecunias profundunt in eas res, quarum memoriam aut breuem, aut nullā sint relicturi omnino. liberales, autem, qui suis facultatibus aut captos à prædonibus redimunt, aut æs alienum suscipiunt amicorū causa, aut in filiarum collocatione adiuant, aut opitulantur uel in re quærenda, uel augenda. itaq; miror, quid in mentem uenerit Theophrasto in eo libro, quē de diuitijs scripsit; in quo multa præclare, illud absurde: est enim multus in laudanda magnificentia, & apparatione popularium munerum: taliumq; sumptuū facultatē, fructum diuitiarum putat. mihi autem ille fructus liberalitatis, cuius exempla pauca posui, multo & maior uidetur, & certior. quanto Aristoteles grauius, et uerius nos reprehendit, qui has effusiones pecuniarū non admiremur, quæ fiunt ad multitudinē deli

C I C E R O N I S

niendam, atque, qui ab hostibus obsidentur, si emere aquæ sextarium mina cogeretur, hoc primo auditu incredibile nobis uideri, omnesque mirari; sed cum attēderimus, ueniam necessitati dare; in his immanibus læturis, infinitisque sumptibus nihil nos magnopere mirari; cum præsertim neque necessitati subueniatur, nec dignitas augeatur; ipsaque illa delinitio multitudinis ad breue tempus, exiguumque duratura sit, eaque à leuissimo quoque animo; in quo tamen ipso una cum satietate memoria quoque moriatur uoluptatis. bene etiam colligitur, hæc pueris, et mulierculis, et seruis, et seruorum simillimis liberis esse grata; graui uero homini, et ea, quæ fiunt, iudicio certo ponderanti, probari posse nullo modo. quanquam intelligo, in nostra ciuitate inueterasse iam bonis temporibus, ut splendor Aedilitatum ab optimis uiris, postuletur. itaque P. Crassus cum cognomine Diues, tum copiis, functus est Aedilitio maximo munere. et paulo post L. Crassus cum omnium hominum moderatissimo Q. Mutio magnificentissima Aedilitate functus est: deinde C. Claudius App. filius: multi post, Lucullus, Hortensius, Silanus. omnes autem P. Lentulus me Consule uicit superiores: hunc est Scæu-
rus imitatus. magnificentissima uero nostri Pompeij, munera secundo Consulatu. in quibus omnibus, quid mihi placeat, uides. uitanda tamen est suspicio auaritiæ: nam Mamerco homini ditissimo prætermissio Aedilitatis, Consulatus repulsam attulit. quare et, si postulatur à populo, bonis uiris si non desiderantibus, attamen approbantibus, faciendum est, modo pro facultatibus; nos ipsi ut fecimus: et, si quando aliqua res maior, aut

utilior populari largitione acquiritur; ut Orestis nuper prandia in semitis decimæ nomine magno honori fuerunt. ne M. quidem Seio uitio datum est, quod in caritate annonæ asse modium populo dedit: magna enim se, et inueterata inuidia, nec turpi iactura, quādo erat Aedilis, nec maxima liberauit. sed honori summo nuper nostro Miloni fuit, quod gladiatoribus emptis Reipublicæ causa, quæ salute nostra contineretur, omnes P. Clodij conatus, furoresque compressit. causa igitur largitionis est, si aut necesse est, aut utile. in his autem ipsis mediocritatis regula optima est. L. quidem Philippus Quæstus filius, magno uir ingenio, in primisque clarus, gloriari solebat se sine ullo munere adeptum esse omnia, quæ haberentur amplissima. dicebat idem Cotta, Curio. nobis quoque; licet in hoc quodam modo gloriari: nam pro amplitudine honorum, quos cunctis suffragiis adepti sumus nostro quidem anno, quod contigit eorum nemini, quos modo nominavi, sanè exiguus sumptus Aedilitatis fuit. atque etiam illæ impensæ meliores sunt, muri, manualia, portus, aquarum ductus, omniaque, quæ ad usum Reipublicæ pertinent. quanquam, quod præsens tanquam in manu datur, iucundius est: tamen hæc in posterum gratiora, theatra, porticus, noua templa. uerecundius reprehendo propter Pompeium: sed doctissimi non probant; ut et hic ipse Panætius, quem multum in his libris secutus sum, non interpretatus; et Phalereus Demetrius, qui Periclem principem Græciæ uituperabat, quod tam pecuniam in præclara illa Propylea contecit. sed de hoc genere toto in istis libris, quos de Republica scripsi, diligenter est disputatum. tota igitur ratio talium largitionum gene-

C I C E R O N I S

re uitiosa est temporibus necessaria, et tū ipsa & ad facultates accommodanda, & mediocritate moderāda est. In illo autem altero genere largiendi, quod à liberalitate proficiscitur, non uno modo in disparibus causis affecti esse debemus. alia causa est eius, qui calamitate premitur; et eius, qui res meliores quærit nullis suis rebus aduersis propēsiior benignitas esse debet in calamitosos: nisi forte erunt digni calamitate. in ijs tamen, qui se adiuuari uolent, non ut ne affligantur, sed ut ad altiore gradum ascēdant, restricti omnino nullo modo esse debemus, sed in diligēdis idoneis iudiciū, & diligentiam adhibere; nam præclare Ennius.

Benefacta male locata, malefacta arbitror. quod autem tributum est bono uiro, et grato, in eo cū ex ipso fructus est, tum etiam ex cæteris: temeritate enim remota, gratissima est liberalitas: eoq; eam studio suis plerique laudāt, quod summi cuiusque bonitas cōmune perfugium est omnium. danda igitur opera est, ut hos beneficijs quamplurimis afficiamus, quorū liberis, posterisq; prodatur memoria, ut his ingratis esse nō liceat. omnes enim immemorē beneficij oderunt; eāq; iniuriam in deterrēda liberalitate sibi etiā fieri, eūq; qui faciat, communem hostem tenuiorum putant. atque hæc benignitas etiam Reip. utilis est, redimi ē seruitute captos, locupletari tenuiores: quod quidem uulgo solitū fieri ab ordine nostro, in oratione Crassi scriptum copiose uidemus. hanc ergo consuetudinē benignitatis largitioni munerum antepono: hæc est grauiū hominum, atque magnorum, illa quasi assentatorū populi, multitudinis leuitatē uoluptate quasi titillantū

conuenit autem tum in dando munificum esse, tum in exigendo non acerbum; in omniq; re contrahenda, uedendo, emendo, conducendo, locando, in uicinitatibus, et confinijs æquum, & facilem, multa multis de iure suo cōcedentem; à litibus uero, quātum liceat, & nescio an paulo plus etiam quā liceat, abhorrentē: est enim non modo liberale, paulum nōnunquam de suo iure decedere, sed interdum etiam fructuosum. habenda autem est ratio rei familiaris; quā quidem dilabi sinere flagitiosum est; sed ita, ut illiberalitatis, auaritiæq; absit suspicio: posse enim liberalitate uti, nō spoliante se patrimonio, nimirum est pecuniæ fructus maximus. Recte etiam à Theophrasto est laudata hospitalitas: est enim (ut mihi uidetur) ualde decorum, patere domos hominū illustrium illustribus hospitibus: idq; etiā Reip. est ornamento, homines externos hoc liberalitatis genere in urbe nostra non egere: est etiam uehementer utile ijs, qui honeste posse multa uolūt, per hospites apud externos populos ualere opibus, & gratia. Theophrastus quidem scribit Cimonē Athenis etiam in suos curiales Laciadas hospitalem fuisse: ita enim instituisse, & uillicis imperasse, ut omnia præberentur, quicunque Laciades in uillam suam diuertisset. Quæ autem opera, nō largitione beneficia dātur; hæc tum in uniuersam Remp. tum in singulos ciues conferuntur: nam in iure cauere, consilio iuuare, atque hoc scientiæ genere prodesse quamplurimis, uehementer & ad opes augendas pertinent, & ad gratiam. itaque cum multa præclara maiorum, tum quamoptime constituti iuris ciuiliis summo semper in honore fuit cognitio, atq; interpretatio: quam

CICERONIS

quidem ante hanc confusionem temporum in possessione sua principes retinuerunt: nunc, ut honores, ut omnis dignitatis gradus, sic huius scientiæ splendor deletus est: idq; eo indignius, quòd eo tempore hoc contigit, cū is esset, qui omnes superiores, quibus honore par esset, scientia facile uicisset. hæc igitur opera grata multis, & ad beneficijs astringendos homines accommodata. Atq; huic arti finitima est dicendi grauior facultas, & gratior, & ornatior: quid enim eloquētia laudabilius, & præstabilius, uel admiratione audientium, uel spe indigentium, uel eorum, qui defensi sunt, gratia? huic quoque ergo à maioribus nostris est in tota dignitate principatus datus. disertus igitur hominis, & facile laborantis, quodq; in patrijs est moribus, multorum causas & non grauate, & gratuito defendentis, beneficia, & patrocinia late patent. admonerat me res, ut hoc quoque loco intermissionem eloquentiæ, ne dicam interitū, deplorarem, nisi uererer, ne de me ipso aliquid uiderer queri. sed tamen uidemus, quibus extinctis oratoribus, quàm in paucis spes, quàm in paucioribus facultas, quàm in multis sit audacia. cum autem omnes non possint, ne multi quidem, aut iuris periti esse, aut disertus; licet tamen opera prodesse multis, beneficia petentem, commendantem iudicibus, & magistratibus, uigilantem pro re alterius, eos ipsos, qui aut consulunt, aut defendunt, rogantem: quod qui faciunt, plurimum gratiæ consequuntur, latissimeq; eorum manat industria. iam illud non sunt admonendi (est enim in pròptu) ut animaduertant, cum alios iuuare uelint, ne quos offendant: sæpe enim aut eos lædunt, quos non debent; aut

eos quos non expedit: si imprudentes, negligentiae est; si
scientes, temeritatis. utendum etiā est excusatione ad-
uersus eos, quos inuitus offendas, quacunque possis, quare
id, quod feceris, necesse fuerit, nec aliter facere potue-
ris. certisq; operis, & officijs erit, quod uiolatū est, com-
pensandū. sed cum in hominibus inuadis aut mores spe-
ctari, aut fortuna soleat, dictū quidē est procline, itaq;
uulgo loquuntur, sese in beneficijs collocandis mores
hominum, non fortunam sequi: honesta oratio est: sed
quis est tandem, qui inopis, & optimi uiri causā nō an-
teponat in opera danda gratiam fortunati, & potētis?
à quo enim expeditior, & celerior remuneratio fore ui-
detur, in eum ferē est uoluntas nostra propensior. sed
animaduertendū est diligentius, quā natura rerum sit:
nimirum enim inops ille, si bonus est uir, etiam si refer-
re gratiam nō potest, habere certe potest. commodē au-
tem, quicunque dixit: pecuniam qui habeat, non reddi-
disse; & qui reddiderit, non habere: gratiam autem
& qui reddiderit, habere; & qui habeat, retulisse. at
qui se locupletes, honoratos, & beatos putant, hi ne obli-
gari quidem beneficio uolunt: quin etiam beneficium
se dedisse arbitrantur, cum ipsi, quamuis aliquod ma-
gnū acceperint, æque etiam à se aut postulari, aut ex-
pectari aliquid suspicantur: patrociniū uero se ufos,
aut clientes appellari, mortis instar putant. at uero
ille tenuis, cum quid factū sit, sese spectatum, non
fortunam putans, non modo illi, qui est meritis, sed
etiam illis, à quibus expectat (eget enim multis) gra-
tū se uideri studet: neque enim uerbis auget suū
munus, si quo forte fungitur; sed etiam extenuat.

C I C E R O N I S

uidendumq; illud idem, quòd, si opulētum, fortunatūq;
 defenderis, in illo uno, aut forte in liberis eius mneat
 gratia; sin autē inopem, probum tamen, & modestum,
 omnes nō improbi humiles, quæ magna in populo mul-
 titudo est, præsidium sibi paratum uident. quamobrem
 melius apud bonos, quàm apud fortunatos beneficium
 collocari puto. danda omino opera est, ut omni ge-
 neri satisfacere possimus: sed si res in cōtentionem ue-
 niat, nimirum Themistocles est auctōr adhibendus: qui,
 cum consuleretur, utrum bono uiro pauperi, aut minus
 probato diuiti filiam collocaret; ego, inquit, malo ui-
 rum, qui pecunia egeat; quàm pecuniam, quæ uiro.
 sed corrupti mores, deprauatūq; sunt admiratione di-
 uitiarum. quarum magnitudo quid ad unumquen-
 que nostrum pertinet? illum fortasse adiuuat, qui ha-
 bet: ne id quidem semper: sed fac iuuare: potentior
 sanè sit, honestior uero quo modo? quòd si etiam bonus
 erit uir; ne impediant diuitiæ, quo minus iuuetur; modo
 ne adiuuent; sitq; omne iudicium, non quàm locuples,
 sed qualis quisque sit. Extremum autem præceptum
 in beneficijs; operaq; danda est, ne quid contra æquitatē
 contendas, ne quid per iniuriam: fundamentum enim
 perpetuæ commendationis, & famæ est iustitia: sine
 qua nihil potest esse laudabile. Sed quoniam de eo ge-
 nere benefactorū dictum est, quæ ad singulos spectant:
 deinceps de iis, quæ ad uniuersos, quæq; ad Remp. perti-
 nent, disputandum est. Eorū autem ipsorū partim eiu-
 modi sunt, ut ad uniuersos ciues pertineant; partim, sin-
 gulos ut attingāt; quæ sunt etiam gratiora. danda est
 opera omnino, si possit, utriq; nec minus ut etiam sin-
 gulis

gulis consulatur; sed ita, ut ea res aut prosit, aut certe ne obsit Reip. C. Gracchi frumentaria magna largitio fuit; exhauriebat igitur ararium: modica M. Octauij, & Reip. tolerabilis, & plebi necessaria; ergo & ciuib; & Reip. salutaris. in primis autem uidendum erit ei, qui Remp. administrabit, ut suum quisq; teneat, neq; de bonis priuatorum publice diminutio fiat: perniciose enim Philippus in Tribunatu, cum legem agrariam ferret; quam tamen antiquari facile passus est, & in eo uolenter se moderatum præbuit: sed cum in agendo multa populariter, tum illud male; non esse in ciuitate duo millia hominum, qui rem haberent. capitalis omnino oratio est ad æquationem bonorum pertinens: qua peste quæ potest esse maior? hanc enim ob causam maxime, ut sua tenerentur, Resp. ciuitatesq; constitutæ sunt: nam etsi duce natura congregabantur homines, tamē, spe custodiæ rerum suarum, urbiū præsidia quærebant. danda etiam opera est, ne, quod apud maiores nostros sæpe fiebat, propter ararij tenuitatem; assiduitatemq; bellorum tributum sit conferendum; idq; ne eueniat, multo ante erit prouidendum. sin qua necessitas huius muneris alicui Reip. obuenerit (malo enim aiteri, quàm nostræ, ominari: neque tamen de nostra, sed de omni Rep. disputo) danda erit opera, ut omnes intelligant, si salui esse uelint, necessitati esse parendum. atq; etiam omnes, qui Remp. gubernabunt, consulere debent, ut earum rerum copia sit, quæ sunt necessaria. quarum qualis comparatio fieri soleat, et debeat, nō est necesse disputare: est enim in promptu. tamen locus arguendus fuit. caput autem est in omni procuratione

C I C E R O N I S

negotij, & muneris publici, ut auaritiæ pellatur etiam minima suspitio. utinam, inquit C. Pontius Samnis, ad illa tempora fortuna me seruasset, & tunc essem natus, quando Romani dona accipere cœpissent: nō essem passus diutius eos imperare. nā illi quidem multa secula expectanda fuerunt: modo enim hoc malum in hanc Remp. inuasit: itaq; facile patior tunc potius Pōtium fuisse, si quidem in illo tantum fuit roboris. non dum centum, & decem anni sunt, cum de pecunijs repetundis a L. Pisone lata est lex, nulla antea cum fuisset. at uero postea tot leges, & proximæ quæque duriores; tot rei, tot damnati; tantum Italicum bellum propter iudiciorum metum excitatum; tanta sublaris legibus, & iudicijs expilatio, direptioq; sociorum; ut imbecillitate aliorum, non nostra uirtute ualeamus. laudat Africanum Panætius, quod fuerit abstinent. quidni laudetur? sed in illo alia maiora: laus enim abstinentiæ non hominis est solum, sed etiam temporum illorum. omni Macedonum gaza, quæ fuit maxima, potitus est Paulus, tantum in ærarium pecuniæ inuexit, ut unius imperatoris præda finem attulerit tributorum: at hic nihil in domum suam intulit præter memoriā nominis sempiternam. imitatus patrem Africanus nihilo locupletior Carthagine euerfa. quid, qui eius collega in Censura fuit, L. Mummius? nunquid copiosior? cum copiosissimam urbem funditus sustulisset, Italiam ornare, quàm domū suam maluit: quanquam, Italia ornata, domus ipsa uidetur mihi ornatio. Nullum igitur uitium est terrius (ut eò, unde egressa est, referat se oratio) quàm auaritia, præsertim in principibus, & Remp. gubernantibus:

habere enim quæstui Remp. non modo turpe est, sed sceleratum etiam, & nefarium. itaque, quod Apollo Pythius oraculo edidit Spartam nulla re alia, nisi auaritia esse periturā, is uidetur non solū Lacedæmonijs, sed & omnibus opulētis populis prædixisse. nulla autem re conciliare facilius beneuolentiam multitudinis possunt ij, qui Reip. præsumunt, quā abstinentia, & cōtinētia. qui uero esse populares uolunt, ob eamq; causam aut agrariam rem tentant, ut possessores suis sedibus pellantur, aut pecunias creditas debitoribus condonandas putant; labefaciunt fundamenta Reip. concordiam primum tollunt, quæ esse non potest, cum alijs adimuntur, alijs condonantur pecuniæ; deinde æquitatem, quæ tollitur omnis, si habere suum cuique non licet: id enim est proprium, ut supra dixi, ciuitatis, atque urbis, ut sit libera, & non sollicita suæ rei cuiusq; custodia. atque in hac perniciē Reip. ne illam quidem consequuntur, quā putant, gratiam: nam, cui res erepta est, inimicus; cui data est, etiam dissimulat se accipere uoluisse; & maxime in pecunijs creditis occultat suum gaudium, ne uideatur non fuisse soluendo. at uero ille, qui accipit iniuriam, & meminit, & præ se fert dolorem suum. nec, si plures sunt ij, quibus improbe datum est, quā illi, quibus iniuste ademptum est, iccirco plus etiam ualēt? non enim numero hæc iudicantur, sed pondere. quam autem habet æquitatem, ut agrum multis annis, aut etiam seculis ante possessum, qui nullū habuit, habeat; qui autem habuit, amittat? at propter hoc iniuriæ genus Lacedæmonij Lysandrum Ephorum expulerunt. Agin Regem, quod nūquam antea apud eos acciderat,

G ij

C I C E R O N I S

necauerunt. ex quo eo tempore tanta discordie secuta
 sunt, ut tyranni existerent, & optimates exterminaren-
 tur, & praeclarissime constituta Resp. dilaberetur. nec
 uero solum ipsa cecidit, sed etiam reliquam Graciam
 euertit contagionibus malorum, quae à Lacedemonijs
 profecta manarunt latius. quid nostros Gracchos, Ti.
 Gracchi summi uiri filios, Africani nepotes? non ne a-
 grariae contentiones perdiderunt? at uero Aratus Si-
 cyonius iure laudatur, qui, cum eius ciuitas quinquagin-
 ta annos à tyrannis teneretur, profectus Agis Sicyo-
 nem, clandestino introitu urbe est potitus; cumq; tyrā-
 num Nicoclem improviso oppressisset, sexcentos exules,
 qui fuerant eius ciuitatis locupletissimi, restituit, Rēq;
 pub. aduentu suo liberauit. sed, cum magnam animad-
 uerteret in bonis, & possessionibus difficultatem, quod
 & eos, quos & ipse restituerat, quorum bona alij posse-
 derant, egere iniquissimum arbitrabatur; & quinqu-
 ginta annorum possessiones mouere, non nimis equum
 putabat; propterea quod tam longo spatio multa here-
 ditatibus, multa emptionibus, multa dotibus detineba-
 tur: sine iniuria, iudicauit, neq; illis adimi, neq; his nō
 satisfieri, quorum illa fuerant, oportere. cum igitur sta-
 tuisset opus esse ad eam rem constituendam pecunia,
 Alexandriam se proficisci uelle dixit, remq; integram
 ad reditum suum iussit esse: isq; celeriter ad Ptolemæū
 suum hospitem uenit, qui tum regnabat alter post Ale-
 xandriam conditam: qui cum exposuisset, patriam se
 liberare uelle, causamq; docuisset, à Rege opulento uir
 summus facile impetrauit, ut grandi pecunia adiun-
 tur: quam cum in Sicyonem attulisset, adhibuit sibi in

consilium quindecim principes, cum quibus causas cognouit & eorum, qui aliena detinebant; et eorum, qui sua amiserant; præfecitq; æstimandis possessionibus, et ut persuaderent alijs, ut pecuniam accipere mallent, et possessionibus cederent; alijs, ut commodius putarent numerari sibi quod tanti esset, quàm suū recuperare: ita perfectum est, ut omnes cōstituta cōcordia sine querela discederent. ò uirum magnum, dignumq;, qui in nostra Rep. natus esset. sic par est agere cum ciuibus, non, ut bis iam uidimus, hastam in foro ponere, et bona ciuium uoci subijcere præconis. at ille Græcus, id quod fuit sapientis, & præstantis uiri, omnibus consulendū putauit, eaq; est summa ratio, & sapientia summi ciuis, commoda ciuium defendere, non diuellere, atq; omnes æquitate eadem continere. habitent gratis in alieno. quid ita? ut, cum ego emerim, ædificauerim, tuear, impēdam, tu me inuito fruarere meo? quid est aliud, nisi alijs sua eripere, alijs dare aliena? tabulæ uero nouæ quid habent argumenti, nisi ut emas mea pecunia fundum, & cum tu habeas, ego non habeam pecuniam? quamobrem, ne sit æs alienū, quod Reip. noceat prouidendum est: quod multis rationibus caueri potest, si hoc non fuerit, ut locupletes suum perdant, debitores lucrētur alienum: nec enim ulla res uehementius Remp continet, quàm fides; quæ esse nulla potest, nisi erit necessaria solutio rerum creditarum: nunquam enim uehemētius actum est, quàm me Consule, ne solueretur; armis, et castris tentata res est ab omni genere hominū, & ordine. quibus sic restiti, ut hoc tantum malum de Rep. tolleretur. nunquam nec maius æs alienū fuit;

C I C E R O N I S

nec melius, nec facilius dissolutum est: fraudādi enim spe sublata, soluendi necessitas cōsecuta est. at uero hic noster uictor, nūc quidem uictus, quæ cogitabat, ea perfecit, cum eius iam nihil interesset. tanta in eo peccādi libido fuit, ut hoc ipsum eum delectaret, peccare, etiā si causa non esset. ab hoc igitur genere largitionis, ut alijs detur, alijs auferatur, aberunt ij, qui Remp. tuebūtur; in primis q; operam dabunt, ut iuris, et iudiciorū æquitate suum quisq; teneat et neq; tenuiores propter imbecillitatem circumueniantur, neq; locupletibus ad sua uel tenenda, uel recuperanda obsit inuidia: præterea quibuscunque rebus uel belli, uel domi poterunt, Remp. augeant imperio, agris, uectigalibus. hæc magnorum hominum sunt: hæc apud maiores nostros factitata: hæc genera officiorum qui persequuntur, cum summa utilitate Reipub. magnam ipsi adipiscuntur et gratiam, & gloriam. In his autem utilitatum præceptis Antipater Tyrius, Stoicus, qui Athenis nuper est mortuus, duo præcepta censet esse a Panætio prætermissa, ualitudinis curationem, et pecuniæ. quas res à summo philosopho præteritas arbitror. quod essent faciles: sunt certe utiles. Sed ualitudo sustentatur notitia sui corporis, & obseruatione earū rerum, quæ res aut prodesse soleant, aut obesse; et continentia in uictu omni atq; cultu, corporis tuēdi causa, et prætermittendis uoluptatibus; postremo arte eorum, quorum ad scientiā hæc pertinent. Res autem familiaris quæri debet ijs rebus, à quibus abest turpitudine; conseruari autem diligentia, et parsimonia; ijsdem etiam rebus augeri. has res commodissime Xenophon Socraticus persecutus est

in eo libro, qui Oeconomicus inscribitur. quē nos, ista
ferē aetate cum essemus, qua est nunc, ē Græco in lati-
num conuertimus. Sed utilitatum comparatio (quo-
niam hic locus erat quartus à Panætio prætermis-
sus) sæpe est necessaria: nam & corporis com-
moda cum externis, & externa cum corporis, & ipsa inter se corpo-
ris, et externa cum externis comparari solent, cum ex-
ternis, corporis hoc modo comparantur; ualere ut ma-
lis quā diues esse: cum corporis externa, hoc modo;
diues esse potius, quā maximis corporis uiribus: ipsa
inter se corporis comparantur sic; bona ualētudo uolu-
ptati antepōnatur, uires celeritati; externorum autē,
ut gloria diuitijs, uel igtalia urbana rusticis. ex quo ge-
nere comparationis illud est Catonis senis: à quo cum
quæreretur, quid maxime in re familiari expediret,
respondit, bene pascere; quid secūdum, satis bene pasce-
re; quid tertium, bene uestire; quid quartum, arare:
et, cum ille, qui quæsierat, dixisset; quid fœnerari? tum
Cato, quid hominem, inquit occidere? ex quo, et multis
alijs intelligi debet, utilitatum comparatiōes solere fie-
ri, recte q̄; hoc adiunctum esse quartum exquirendo-
rum officiorum genus. sed toto hoc de genere, de quæ-
renda, de collocanda pecunia, etiam de utenda, com-
modus à quibusdam optimis uiris ad medium tanum se-
dētibus, quā ab ullis philosophis ulla in schola, dispu-
tatur. sunt tamen ea cognoscenda: pertinent enim ad
utilitatem, de qua hoc libro disputandum est. reliqua
deinceps persequemur.

MARCI TVLLII CICERONIS
OFFICIORVM AD MAR-
CVM FILIVM LIBER III.

P. Scipionem Marce fili, eum, qui pri-
mus Africanus appellatus est, dicere
solitū scripsit Cato, qui fuit ferè eius
equalis, nunquam se minus ociosum
esse, quàm cum ociosus; nec minus so-
lum, quàm cum solus esset. magnifica uero uox, &
magno uiro, & sapiente digna; quæ declarat illum &
in ocio de negocijs cogitare, & in solitudine secū loqui
solitum; ut neque cessaret unquam, & interdum collo-
quio alterius non egeret. itaque duæ res, quæ languo-
rem afferunt cæteris, illum acuebant, ocium, & soli-
tudo: uellem et nobis hoc idem uere dicere liceret: sed
si minus imitatione tantam ingenij præstantiam conse-
qui possumus, uoluntate certe proxime accedimus: nā
& à Reip. forensibusq; negocijs armis impijs, uiq; pro-
hibiti ocium persequimur; & ob eam causam urbe re-
lictā, rura peragrantes, sæpe soli sumus. sed nec ocium
hoc cum Africani ocio, nec solitudo cum illa com-
paranda est: ille enim requiescens à Reip. pulcherrimis
muneribus, ocium sibi sumebat aliquando, & à cœtu
hominum, frequentiaq; interdum tanquam in portū
se in solitudinem recipiebat: nostrum autem ocium ne-
gocij inopia, nec requiescendi studio constitutum est: ex-
tincto enim senatu, deletisq; iudicijs, quid est, quod di-
gnum nobis aut in curia, aut in foro agere possimus?
itaq; in maxima celebritate, atq; in oculis ciuium quō



dam uiximus, nūc fugiētes conspectum sceleratorum,
 quibus omnia redundant, abdimus nos, quantū licet,
 & saepe soli sumus. sed quia sic ab hominibus doctis ac
 cepimus, non solum ex malis eligere minima oportere,
 sed etiam excerpere ex ipsis, si quid inesset boni; pro
 pterea & ocio fruor, non illo quidē, quo debeat is, qui
 quōdam peperisset ocium ciuitati; nec eam solitudinē
 languere patior, quam mihi affert necessitas, nō uolun
 tas. quanquam Africanus maiorem laudem uel meo iu
 dicio assequeretur: nulla tamen eius ingenij monimē
 ta mandata literis, nullū opus ocij, nullum solitudinis
 munus extat. ex quo intelligi debet, illum mētis agita
 tione, inuestigationeq; earum rerū, quas cogitando cō
 sequebatur, nec ociosum, nec solum unquam fuisse. nos
 autem, qui nō tantum roboris habemus, ut cogitatiōe
 tacita à solitudine abstrahamur, ad hanc scribēdi ope
 ram omne studium, curamq; conuertimus. itaq; plura
 breui tempore euerfa, quàm multis annis stante Rep.
 scripsimus. sed cum tota philosophia mi Cicero frugis
 fera, et fructuosa, nec ulla pars eius inculta, ac deserta
 sit; tamen nullus feracior in ea locus est, nec uberior,
 quàm de officijs; à quibus constanter, honesteq; uiuen
 di praecepta ducuntur. quare, quanquam à Cratippo
 nostro, principe huius memoriae philosophorum, hoc te
 assidue audire, atq; accipere confido: tamen conducere
 arbitror, talibus aures tuas uocibus undiq; circumsona
 re, nec eas, si fieri possit, quidquam aliud audire. quod
 cum omnibus est faciendum, qui uitam honestā ingre
 di cogitant: tamen haud scio, an nemini potius, quàm
 tibi: sustines enim non paruam expectationem imitā

de industria nostra, magnam honorum, non nullā for-
tasse nominis. suscepisti onus præterea graue & Athe-
narum, & Cratippi: ad quos cum tanquā ad merca-
turam bonarum artium sis profectus, inanem redire tur-
pissimum est, de decorantem & urbis auctoritatem, et
magistri. quare, quantum conniti animo potes, quātū
labore contendere; (si discendi labor est potius, quā
uoluptas) tantum fac ut efficias; ne ue committas, ut,
cum omnia suppeditata sint à nobis, tute tibi defuisse
uideare. sed hæc hætenus: multa enim sæpe ad te co-
hortandi gratia scripsimus. nunc ad reliquam partem
propositæ diuisionis reuertamur. Panætius igitur, qui
sine controuersia de officijs accuratissime disputauit,
quemq; nos correctione quadam adhibita potissimū
secuti sumus; tribus generibus propositis, in quibus de
liberare homines, & consultare de officio solerēt; uno,
cum dubitarent, honestū ne id esset, de quo ageretur,
an turpe; altero, utile ne esset, an inutile; tertio, si id,
quod specimē haberet honesti, pugnaret cum eo, quod
utile uideretur, quomodo ea discerni oporteret: de duo-
bus generibus primis tribus libris explicauit: de tertio
autem genere deinceps se scripsit dicturum; nec exol-
uit, quod promiserat. quod eo magis miror, quia scri-
ptū à discipulo eius Posidonio est, triginta annos uixis-
se Panætium post quā illos libros edidisset. quem lo-
cum miror à Posidonio breuiter esse tractatum in qui-
busdam commentarijs, præsertim cum scribat nullum
esse locum in tota philosophia tam necessarium. mini-
me uero assentior ijs, qui negant eū locum à Panætio
prætermissum, sed consulto relictum, nec omnino scri-

bendum fuisse, quia nunquam posset utilitas cū hone-
 state pugnare. de quo alterum potest habere dubitatio-
 nem, adhibendum ne fuerit hoc genus, quod in diuisione
 ne Panætij tertium est, an planè omittendum: alterum
 dubitari non potest, quin à Panætio susceptum sit, sed
 derelictum: nam, qui è diuisione tripartita duas par-
 tes absoluerit, huic necesse est restare tertiam. præterea
 in extremo libro tertio de hac parte pollicetur se dein-
 ceptus esse dicturum. accedit eodem testis locuples Posido-
 nius; qui etiam scribit in quadam epistola, P. Rutilium
 Rufum dicere solere, qui Panætium audiuerat; ut ne-
 mo pictor esset inuentus, qui Veneris eam partem, quā
 Apelles inchoatā reliquisset, absolueret, (oris enim pul-
 chritudo reliqui corporis imitandi spem auferebat) sic
 ea, quæ Panætius prætermisisset, et nō perfecisset, pro-
 pter eorum, quæ fecisset, præstantiam neminē esse per-
 secutum. quamobrem de iudicio Panætij dubitari nō
 potest. recte ne autem hanc tertiam partem ad exqui-
 rendum officium adiūxerit, an secus, de eo fortasse du-
 bitari potest. nam siue honestum solum bonum est, ut
 Stoicis placet; siue, quod honestum est, id ita summum
 bonum est, quemadmodū Peripateticis nostris uidetur,
 ut omnia ex altera parte collocata, uix minimi momen-
 ti instar habeant: dubitandum non est, quin nunquā
 possit utilitas cū honestate contēdere. itaq; accepimus;
 Socratem solitū execrari eos, qui primum hac natura
 cohærentia opinione distraxissent. cui quidem ita sunt
 Stoici assensu, ut etiam, quidquid honestū esset, id utile
 esse censerent; nec utile quidquā, quod nō honestum.
 quod si is esset Panætius, qui uirtutem propterea colē

C I C E R O N I S

dam diceret, quod ea efficiens utilitatis esset; ut ij, qui res expetendas uel uoluptate, uel indolentia metiuntur: liceret ei dicere, honestatem aliquando cum utilitate pugnare, sed, cum sit is, qui id solum bonum iudicet, quod honestum sit; quæ autem huic repugnent specie quadam utilitatis, eorum neq; accessione meliorem uitam fieri, nec discessione peiorem: non uidetur huiusmodi debuisse deliberationem introducere; in qua, quod utile uideretur, cum eo, quod honestum est, comparatur. etenim, quod summum bonum à Stoicis dicitur, conuenienter naturæ uiuere, id habet hæc, ut opinor, sententiam, cum uirtute congruere semper; cætera autem, quæ secundum naturam essent, ita legere si ea uirtuti non repugnarent. quod cum ita sit, putant quidam hanc comparisonem recte non esse introductam, nec omnino de eo genere quidquam præcipiendum fuisse. atq; illud quidem honestum, quod proprie, uereq; dicitur, id in sapientibus est solis, neq; à uirtute diuelli unquam potest: in ijs autem, in quibus sapientia perfecta non est, ipsum illud quidem perfectum honestum nullo modo esse potest, similitudines honesti esse possunt. hæc igitur omnia officia, de quibus his libris disputamus, media Stoici appellant; & ea communia sunt, & late patent: quæ et ingenij bonitate multi assequuntur, et progressionem discendi. illud autem, quod rectum idem appellant, perfectum, atq; absolutum est, & ut iidem dicunt, omnes numeros habet, nec, præter sapientem, cadere in quenquam potest. cum autem aliquid actum est, in quo media officia comparantur, id cumulate uidetur esse perfectum; propterea quod uulgus, quid absit à perfecto, ferè non ex toto

intelligi; quatenus autem intelligit, nihil putat prætermissum. quod autem in poematibus, & in picturis usu euenit, in alijsq; compluribus, ut delectentur imperiti, laudentq; ea, quæ laudanda nō sint; ob eam credo causam, quod insit in his aliquid probi, quod capiat ignaros, qui quidem, quid in unaquaq; re uitij sit, nequeant indicare. itaq; cum sint docti à peritis, desistunt facile à sententia. hæc igitur officia, de quibus his libris disse- rimus quasi secunda quædam honesta dicunt esse, non sapientum modo propria, sed cum omni hominum ge- nere cōmunia: itaq; ij omnes, in quibus est uirtutis in- doles, commouentur. nec uero, cum duo Decij, aut duo Scipiones fortes uiri commemorantur, aut cum Fabri- tius, aut Aristides iustus nominatur, aut ab illis fortitu- dinis, aut ab his iustitiæ, tãquam à sapiente, petitur exē- plum: nemo enim horum sic sapiens, ut sapientem in- telligi hic uolumus: nec ij: qui sapientes habiti sunt, & nominati, M. Cato & C. Lælius, sapientes fuerunt; nec illi quidem septem; sed ex mediorum officiorū frequen- tia similitudinem quandam gerebant, speciemq; sapien- rum. quocirca nec id, quod uere honestum est, fas est cum utilis repugnantiā comparari: nec id, quod cōmu- niter appellamus honestum, quodq; colitur ab ijs, qui bonos se uiros haberi uolunt, cum emolumentis unquā est comparandum: tamq; id honestum, quod in nostram intelligentiam cadit, tuendum, conseruandumq; est no- bis, quā id, quod proprie dicitur, uereq; est honestum, sapientibus: aliter enim teneri non potest, si qua ad uir- tutem est facta progressio. sed hæc quidem de ijs, qui cō- seruatione officiorum existimantur boni. Qui autem

C I C E R O N I S

omnia metiuntur emolumentis, & commodis, neq; ea uolunt præponderari honestate, hi solent in deliberando, honestum cum eo, quod utile putant, comparare; boni utri non solent. itaq; existimo Panætium, cum dixerit homines solere in hac cōparatione dubitare; hoc ipsum sensisse, quod dixerit, solere modo, non etiam oportere: etenim non modo pluris putare, quod utile uideatur, quàm quod honestum, sed hæc etiam inter se comparare, & in his dubitare, turpissimum est. quid est ergo, quod nonnunquam addubitationem afferre soleat, cōsiderandumq; uideatur? credo, si quando dubitatio accidit, quale sit id, de quo consideretur: sæpe enim tempore fit, ut, quod plerunq; turpe haberi soleat, inueniatur non esse turpe. exempli causa ponatur aliquid, quod pateat latius. Quod potest esse maius scelus, quàm nō modo hominem, sed etiam familiarem occidere? num igitur se obstrinxit scelere, si quis tyrannum occidit quāuis familiarem? populo quidem Romano non uidetur: qui ex omnibus præclaris factis illud pulcherrimū existimat. uicit igitur utilitas honestatem: immo uero honestas utilitatem secuta est. itaq; ut sine ullo errore diiudicare possimus, si quando cum illo, quod honestum intelligitur, pugnare id uidebitur, quod appellamus utile; formula quædam constituenda est: quam si sequemur in cōparatione rerum, ab officio nunquam recedemus. erit autem hæc formula Stoicorum rationi disciplinæq; maxime consentanea. quam quidem in his libris propterea sequimur, quod, quanquam à ueteribus Academiis, & Peripateticis nostris, qui quondam iidem erant, qui Academici, quæ honesta sunt, anteponuntur

ijs, quæ uidentur utilia, tamen splendidius hæc ab eis dis-
 seruntur, quibus, quidquid, honestum est, idem utile ui-
 detur, nec utile quidquam, quod non honestum, quàm
 ab ijs, quibus est honestum aliquod non utile, aut utile
 non honestum. nobis autem nostra Academia magnam
 licentiam dat, ut, quodcunq; maxime probabile occur-
 rat, id nostro iure liceat defendere. sed redeo ad formu-
 lam. Detrahære igitur aliquid alteri, & hominem ho-
 minis incommodo suum augere commodum, magis est
 contra naturam, quàm mors, quàm paupertas, quàm do-
 lor, quàm cætera, quæ possunt aut corpori accidere, aut
 rebus externis: nam principio tollit conuictum huma-
 num, & societate, si enim sic erimus affecti, ut propter
 suum quisq; emolumentum spoliæ, aut uiolet alterum,
 dirumpi necesse est eam, quæ maxime est secundum na-
 turam, humani generis societatem, ut, si unumquodq;
 membrum sensum hunc haberet, ut posse putaret se ua-
 lere, si proximi membri ualeitudinem ad se traduxisset,
 debilitari, & interire totum corpus necesse esset: sic, si
 unusquisq; nostrum rapiat ad se comoda aliorum, de-
 trahatq; quod cuiq; possit, emolumentum sui gratia, socie-
 tas hominum, & communitas euertatur necesse est.
 nam, sibi ut quisq; malit, quod ad usum uitæ pertineat,
 quàm alteri acquirere, concessum est non repugnante na-
 tura. illud quidem natura non patitur, ut aliorum spo-
 lijs nostras facultates, copias, opes augeamus. neque uero
 hoc solum natura, id est iure gentium, sed & legibus
 populorum, quibus in singulis ciuitatibus Resp. continen-
 tur, eodem modo constitutum est, ut non liceret sui com-
 modi causa nocere alteri: hoc enim spectant leges, hoc

C I C E R O N I S

uolunt, incolumem esse ciuium coniunctionē: quā qui
 dirimunt, eos morte, exilio, uinculis, damno coercēt. atque
 hoc multo magis exigit ipsa naturae ratio, quae est
 lex diuina, & humana: cui parere qui uelit (omnes au-
 tem parebunt, qui secundum naturam uolent uiuere)
 nūquam cōmittet, ut alienum appetat, & id, quod alte-
 ri detraxerit, sibi assumat. etenim multo magis est se-
 cundum naturam celsitas, & animi magnitudo, itemq;
 cōmunitas, iustitia, liberalitas, quā uoluptas, quā ui-
 ta, quā diuitiae. quae quidem cōtemnere, & pro nihilo
 ducere, comparantem cum utilitate cōmuni, magni ani-
 mi, & excelsi est. detrahere autem alteri sui commodi
 causa, magis est contra naturam, quā mors, quā do-
 lor, quā cætera generis eiusdem: itemq; magis est se-
 cundum naturam, pro omnibus gentibus, si fieri possit,
 conseruandis, aut iuuandis maximos labores, molestiasq;
 suscipere, imitantes Herculem illum, quē hominum fa-
 ma beneficiorum memor in concilio cœlestium colloca-
 uit, quā uiuere in solitudine nō modo sine ullis mole-
 stijs, sed etiam in maximis uoluptatibus, abūdantem om-
 nibus copijs, ut excellas etiam pulchritudine, et uiribus.
 quocirca optimo quisq;, splendidissimoq; ingenio longe
 illam uitam huic anteponebat. ex quo efficitur, hominem
 naturae obedientem, homini nocere non posse. deinde,
 qui alterum uiolat, ut ipse aliquid commodi consequatur;
 aut nihil se existimat contra naturam facere; aut
 magis fugiendam censet mortem, paupertatem, dolorē
 amissionem etiam liberorum, propinquorum, amicorū
 quā facere cuiquam iniuriam. si nihil existimat con-
 tra naturam fieri hominibus uiolandis: quid cū eo dis-
 seras,

seras, qui omnino hominem ex homine tollat? sin fugiē
dum id quidē censeret, sed multo illa peiora, mortem, pau
pertatem, dolorem: errat in eo, quōd ullum aut corpo
ris, aut fortunæ uitium, animi uitijis grauius existimat.
ergo unum debet esse omnibus prop suum, ut eadem sit
utilitas uniuscuiusque, & uniuersorum; quam si ad se
quisq; rapiat, dissoluetur omnis humana cōsociatio. atq;
si etiā hoc natura præscribit, ut homo homini, quicunq;
sit, ob eam ipsam causam tamen, q̄ is homo sit, consultiū
uelit, necesse est secundum eandem naturam omniū uti
litem esse cōmunem. quod si ita est, una continemur
omnes, & eadem lege naturæ. idq; ipsum si ita est, cer
te uiolare alterum lege naturæ prohibemur. uerum au
tem primum: uerum igitur & extremum. nam illud
quidem absurdum est, quod quidam dicunt, parenti se,
aut fratri nihil detracturos cōmodi sui causa: aliam ra
tionem esse ciuium reliquorū. hi sibi nihil iuris, & nul
lam societatem communis utilitatis causa statuunt esse
cum ciuibz: quæ sententia omnem societatem distra
hit ciuitatis. qui autem ciuium rationem dicunt esse
habendam, externorum negant; hi dirimunt commu
nem humani generis societatem: qua sublata, beneficen
tia, liberalitas, bonitas, iustitia funditus tollitur: quæ qui
tollunt, etiam aduersus deos immortales impij iudicādi
sunt: ab ijs enim constitutam inter homines societatem
euertūt: cuius societatis arētissimum uinculum est, ma
gis arbitrari esse contra naturam, hominem homini de
trahere sui cōmodi causa, quā omnia incommoda su
bire uel externa, uel corporis, uel etiā ipsius animi, quæ
uacent iustitia: hæc enim uirtus omnium est domina,

C I C E R O N I S

Et regina uirtutum. Forsitan quispiam dixerit: non
 ne igitur sapiens, si fame ipse conficiatur, abstulerit ci-
 bum alteri homini ad nullam rem utili? minime uero:
 nō enim mihi est uita mea utilior, quā animi talis af-
 fectio, neminem ut uiolem cōmodi mei gratia. Quid?
 si Phalarim crudelem tyrannum, et immanem uir bo-
 nus, ne ipse frigore conficiatur, uestitu spoliare possit,
 non ne faciat? Hæc ad iudicandum sunt facillima: nam
 si quid ab homine ad nullam partē utili utilitatis tuæ
 causa detraxeris, inhumane feceris, contraq; naturæ le-
 gem: sin autem istu sis, qui multam utilitatem Reip.
 atq; hominum societati, si in uita remaneas, afferre pos-
 sis, si quid ob eam causam alteri detraxeris, non sit rea-
 prehendum: sin autem id non sit eiusmodi, suum
 cuiq; incommodum ferendum est potius, quā de alte-
 rius commodis subtrahendum. non igitur magis est cō-
 tra naturam morbus, aut egestas, aut quid eiusmodi,
 quā detractio, atq; appetitio alieni. sed communis uti-
 litatis derelictio contra naturam est: est enim iniusta:
 itaq; lex ipsa naturæ, quæ utilitatem hominum conser-
 uat, et continet, decernit profecto, ut ab homine inerti,
 atq; inutuli ad sapientem, bonum, fortemq; uirum trās-
 ferantur res ad uiuendum necessariae; qui si occiderit,
 multum de cōmuni utilitate detraxerit: modo hoc ita
 faciat, ut ne ipse de se bene existimans, seseq; diligens,
 hanc causam habeat ad iniuriam. itaq; semper officio
 fungatur, utilitati consulens hominum, et ei, quam sæ-
 pe cōmemoro, humanæ societati. Nam, quod ad Phala-
 rim attinet, perfacile iudicium est: nulla est enim socie-
 tas nobiscum tyrannis, sed potius summa distractio:

neq; est contra naturā spoliare eum, si possis, quem honestum est necare. atq; hoc omne genus pestiferum, atque impium ex hominum cōmunitate exterminandū est: etenim, ut membra quædam amputantur, si & ipsa sanguine, & tanquam spiritu carere cœperunt, & nocent reliquis partibus corporis; sic ista in figura hominis feritas, & immanitas belluæ à cōmuni tanquam humanitate corporis segregāda est. huius generis quæstiones sunt omnes eæ, in quibus ex tempore officiū exquiritur. eiusmodi igitur credo res Panætium persecuturum fuisse, nisi aliquis casus, aut occupatio consilium eius præuenisset: ad quas ipsas consultationes ex superioribus libris satis multa præcepta sunt, quibus perspicui possit, quid sit propter turpitudinē fugiendum; quid sit id, quod idcirco fugiendum non sit, quia omnino turpe non est. Sed quoniam operi inchoato, propè tamen absoluto tanquam fastigium imponimus, ut geometræ solent non omnia docere, sed postulare, ut quædam sibi concedantur, quo facilius, quæ uelint, explicent: sic ego à te postulo mihi Cicero, ut mihi concedas, si potes, nihil præter id, quod honestū sit, esse propter se expetendum. sin hoc non licet propter Cratippum: at illud certe dabis, quod honestum sit, id esse maxime propter se expetendum. mihi utrūuis satis est; & cum hoc, tum illud probabilius uidetur, nec præterea quidquam probabile. Ac primum Panætius in hoc loco defendendus est, q̄ nō utilia cum honestis pugnare dixerit aliquando posse, (neq; enim ei fas erat) sed ea, quæ uiderentur utilia. nihil uero utile, quod nō idem honestum; nec honestum, quod non idem utile sit, sæpe testatur; negatq; ullam pestem

H ij

C I C E R O N I S

maiores in uitam hominum inuasisse, quàm eorū opinionem, qui ista distraxerint. itaq; non, ut aliquando anteponeremus utilia honestis, sed ea sine errore diiudicarem, si quando incidissent, induxit eam, quæ uideretur esse, nō quæ esset, repugnantiam. hanc igitur partē relictam explebimus, nullis adminiculis, sed, ut dicitur, Marte nostro: neque enim quidquam de hac parte post Panætium explicatum est, quod mihi probaretur de ijs, quæ in manus meas uenerūt. cum igitur aliqua species utilitatis obiecta est, nos commoueri necesse est. sed si, cum animū attenderis, turpitudinem uideas adiunctā ei rei, quæ speciem utilitatis attulerit; tunc utilitas non requirenda est; sed intelligendum, ubi turpitudine sit, ibi utilitatem esse non posse. / quod si nihil est tam contra naturam, quàm turpitudine, (recta enim, et cōuenientia, et constantia natura desiderat, aspernaturq; contraria) nihilq; tam secundum naturam, quàm utilitas: certe in eadem re utili turpitudine esse non potest. itemq; si ad honestatem nati sumus, eaque aut sola expetenda est, (ut Zenoni est uisum) aut certe omni pondere grauior est habenda, quàm reliqua omnia, quod Aristoteli placet: necesse est, quod honestum sit, id esse aut solum, aut summum bonum; quod autem bonum, id certe utile; itaq; quidquid honestum, id utile. quare error hominū non proborum cum aliquid, quod utile uisum est, arripuit, id continuo secernit ab honesto. hinc siccæ, hinc uenena, hinc falsa testamenta nascuntur, hinc furta, hinc peculatus, expilationes, direptionesq; sociorū, & ciuium, hinc opum nimiarum potentia non ferenda: postremo etiam in liberis ciuitatibus existunt regnandi cupidita-

res: quibus nihil, nec tertius, nec foed ius excogitari potest: emolumenta enim rerum fallacibus iudicijs uident, poenam, non dico legum, quas saepe perumpunt, sed ipsius turpitudinis, quæ acerbissima est, non uident. quam obrem hoc quidem deliberantium genus pellatur è medio, (est enim totum sceleratum, et impium) qui deliberant, utrum id sequantur, quod honestum esse uideant, an se scientes scelere contaminent: in ipsa enim dubitatione facinus inest, etiam si ad id non peruenerint. ergo ea deliberanda omnino non sunt, in quibus est turpis ipsa deliberatio. atque etiã in omni deliberatione, cœlã di, et occultandi spes, opinioque remouenda est: satis enim nobis (si modo in philosophia aliquid profecimus) persuasum esse debet, si omnes deos, hominesque cœlare possimus, nihil tamẽ auare, nihil iniuste, nihil libidinosè, nihil incontinentè esse faciendũ. hinc ille Gyges inducitur à Platone: qui, cum terra discessisset magnis quibusdam imbribus, in illum hiatum descendit, æneumque equum (ut ferunt fabulæ) animaduertit, cuius in lateribus fores essent: quibus apertis, hominis mortui uidit corpus magnitudine inusitata, annulumque aureũ in digito; quem ut detraxit, ipse induit. erat autem regius pastor. tum in concilium pastorum se recepit. ibi cum palã eius annuli ad palmam cõuerterat, à nullo uidebatur, ipse autem omnia uidebat: idem rursus uidebatur, cum in lucẽ annulum inuerterat. itaque hac opportunitate annuli usus, Reginae stuprũ intulit; eaque adiutrice Regem dominũ interemit, sustulitque; quos obstare arbitrabatur: nec in his quisquam eũ facinoribus potuit uidere. sic repente annuli beneficio Rex ortus est

C I C E R O N I S

Lydia. hunc igitur ipsum annulum si habeat sapiens, nihil plus sibi licere putet peccare, quàm si nō haberet honesta enim bonis uiris, non occulta quæruntur. atq; hoc loco philosophi quidā, minime mali illi quidē, sed non satis acuti, fictā, & cōmentitiā fabulam dicunt prolatam à Platone. quasi uero ille aut factū id esse, aut fieri potuisse defendat. hæc est uis huius annuli, et huius exempli; si nemo sciturus, nemo ne suspicaturus quidem sit, cum aliquid diuitiarum, potentiæ, dominationis, libidinis causa feceris, si id dijs, hominibusq; futurum sit semper ignotum, sis ne facturus. negāt id fieri posse. quanquam non potest id quidem: sed quæro, quod negant posse, id si posset, quidnā facerent? urgent rustice sanē: negant enim posse, & in eo perstant: hoc uerbum quid ualeat, nō uident: cum enim quærimus, si possint cœlare, quid facturi sint; non quærimus, possint, ne cœlare; sed tanquam tormenta quædā adhibemus, ut, si responderint se impunitate proposita facturos, quod expediat, facinorosos se esse fateantur; negēt, omnia turpia per se ipsa fugienda esse concedant. sed iam ad propositum reuertamur. incidunt. sæpi multæ causæ, quæ conturbant animos utilitatis specie, nō, cū hoc deliberetur, relinquenda ne sit honestas propter utilitatis magnitudinem (nam id quidem improbū est) sed illud, possit ne id, quod utile uideatur, fieri nō turpiter. cum Collatino Tarquinio collegæ Brutus imperiū abrogabat, poterat uideri facere id iniuste: fuerat enim in Regibus expellendis socius Bruti, consiliorum etiam adiutor. cum autem consilium hoc principes cepissent, cognationem Superbi, nomēq; Tarquiniorū, et

memoriam regni esse tollendam, quod erat utile patriae consulere; id erat ita honestum, ut etiam ipsi Collatino placere deberet. itaque utilitas ualuit propter honestatem: sine qua nec utilitas quidem esse potuisset. at in eo Rege, qui urbem condidit, non ita: species enim utilitatis animum pepulit eius: cui cum uisum esset utilis, solum se quam cum altero regnare, fratrem interemit. omisit hic et pietatem, et humanitatem, ut id, quod utile uidebatur, neque erat, assequi posset. et tamen muri causam opposuit specimen honestatis, nec probabilem, nec satis idoneam. peccauit igitur, pace uel Quirini, uel Romuli dixerim. nec tamen nostrae nobis utilitates omittendae sunt, alijsque tradendae, cum his ipsi egeamus: sed suae cuique utilitati, quod sine alterius iniuria fiat, seruiendum est. scite Chrysippus, ut multa; qui stadium, inquit, currit, eniti, et contendere debet, quam maxime possit, ut uincat; supplantare eum, quicum certet, aut manu depellere nullo modo debet. sic in uita sibi quaeque petere, quod pertineat ad usum, non iniquum est; alteri surripere, ius non est. maxime autem perturbantur officia in amicitijs: quibus et non tribuere, quod recte possis; et tribuere, quod non sit aequum, contra officium est. sed huius generis totius breue, et non difficile praecceptum est: quae enim uidentur utilia, honores, diuitiae, uoluptates, et cetera generis eiusdem, haec amicitiae nunquam anteponenda sunt. at neque contra Rempublicam. neque contra iusiurandum, ac fidem: amici sui causa uir bonus faciet; nec si iudex quidem erit de ipso amico: ponit enim personam amici, cum induit iudicis. tantum dabit amicitiae, ut ueram amici causam esse malit; ut perorandae

C I C E R O N I S

litis tempus, quoad per leges liceat, accommodet. cum
 uero iurato dicenda sententia sit, meminerit deū se ad
 hibere testē, id est (ut ego arbitror) mentem suam, quā
 nihil homini dedit ipse deus diuinius. itaq; praeclarum
 à maioribus accepimus morem rogandi iudicis, si eum
 teneremus: QVAE salua fide facere possit. haec roga-
 tio ad ea pertinet, quae paulo ante dixi honeste amico
 à iudice posse concedi: nā si omnia facienda sint, quae
 amici uelint, non amicitiae tales, sed coniurationes pu-
 tanda sunt. loquor autē de cōmunibus amicitijs: nā in
 sapiētibus uiris atq; perfectis nihil potest esse tale. Da-
 monem, & Pythiam Pythagoreos ferunt hoc animo in-
 ter se fuisse, ut, cum eorum alteri Dionysius tyrannus
 diem necis destinauisset, et is, qui morti addictus esset,
 paucos sibi dies cōmendātorum suorum causa postula-
 uisset, uas factus sit alter eius sistendi; ut, si ille non re-
 uertisset ad diem, moriendū esset sibi ipsi. qui cum ad
 diem se recepisset, admiratus eorum fidē tyr. inus, peti-
 uit, ut se in amicitiam tertium ascriberent. cum igitur
 id, quod utile uidetur in amicitia, cū eo, quod honestū
 est, cōparatur, iaceat utilitatis species, ualeat honestas.
 cū autem in amicitia, quae honesta non sunt postulabū-
 tur, religio, & fides anteponantur amicitiae: & sic ha-
 bebatur is, quē exquirimus, delectus officij. sed utilitatis
 specie in Rep. saepissime peccatur, ut in Corinthi distur-
 batione nostri, durius etiam Atheniēses, qui sciuerunt,
 ut Aeginetis, qui classe ualebant, pollices praeciderētur.
 hoc uisum est utile: nimis enim imminebat propter pro-
 pinquitatē Aegina Piræo sed nihil, qđ crudele, utile:
 est enim hominū naturae, quā sequi debemus, maxime

inimica crudelitas. male etiam, qui peregrinos urbibus
 uti prohibent, eosq; extermināt, ut Petronius apud pa-
 tres nostros, Papius nuper. nam esse pro ciue, qui ciuis
 non sit, reētum est non licere; quam tulerunt legem sa-
 pientissimi consules Crassus, & Scauola: usu uero ur-
 bis prohibere peregrinos, sanè inhumanum est. illa præ-
 clara, in quibus publicæ utilitatis species præ honestate
 contemnitur. plena exemplorum est nostra Resp. cum
 sepe aliàs, tum maxime bello Punico secundo; quæ Cā-
 nēsi calamitate accepta maiores animos habuit, quàm
 unquam rebus secundis. nulla fuit timoris significatio,
 nulla mentio pacis. tanta uis est. honesti, ut speciē uti-
 litatis obscurēt. Athenienses cum Persarum impetum
 nullo modo possent sustinere, statuerentq; ut urbe reli-
 cta, coniugibus, et liberis Trœzene depositis, naues con-
 scenderent, libertatēq; Græciæ classe defenderent, Cyr-
 silium quendam suadentem, ut in urbe manerēt, Xer-
 xemq; reciperent, lapidibus obruerunt. atq; ille sequi
 utilitatem uidebatur: sed ea nulla erat repugnāte ho-
 nestate. Themistocles post uictoriam eius belli, quod
 cum Persis fuit, dixit in concione se habere consilium
 Reip. salutare, sed id sciri opus non esse: postulauit, ut
 aliquem populus daret, quicum communicaret. datus
 est Aristides. huic ille classem Lacedæmoniorum, quæ
 subducta esset ad Gythium, clam incendi posse; quo fa-
 cto frangi Lacedæmoniorum opes necesse esset. quod
 Aristides cum audiuiisset, in cōcionem magna expecta-
 tione uenit, dixitq; perutile esse consiliū, quod Themi-
 stocles afferret, sed minime honestum. itaq; Atheniens-
 es, quod honestum non esset, id ne utile quidem puta-

C I C E R O N I S

runt, totamq; eam rem, quam ne audiuerant quidē,
 auctore Aristide repudiauerunt: melius hi, quam nos,
 qui piratas immunes, socios uectigales habemus. ma-
 neat ergo, quod turpe sit, id nunquam esse utile, ne tū
 quidem, cum id, quod esse utile putes, adipiscare: hoc
 enim ipsum utile putare, quod turpe sit, calamitosum
 est. sed incidunt (ut supra dixi) saepe causæ, cum repu-
 gnare utilitas honestati uideatur; ut animaduertendū
 sit, repugnet ne planē, an possit cū honestate coniungi.
 eius generis hæ sunt quæstiones: si, exempli gratia, uir
 bonus ab Alexandria profectus Rhodum magnū fru-
 mēti numerum aduexerit in Rhodiorum inopia, et fa-
 me, summaq; annonæ caritate, si idem sciat cōplures
 mercatores ab Alexandria soluisse, nauesq; in cursu fru-
 mento onustas petētes Rhodum uiderit, dicturus ne sit
 id Rhodijs, an silentio suū quamplurimo uenditurus.
 sapientem, et bonum uirum fingimus; de eius delibera-
 tione, & consultatione quærimus, qui cœlaturus Rho-
 dios non sit, si id turpe iudicet; sed dubitet, an turpe nō
 sit. in huiusmodi causis aliud Diogeni Babilonio uide-
 ri solet, magno, & graui Stoico; aliud Antipatro disci-
 pulo eius, homini acutissimo: Antipatro, omnia patefa-
 cienda, ut ne quid omnino, quod uēditor norit, emptor
 ignoret; Diogeni, uenditorem, quatenus iure ciuili con-
 stitutū sit, dicere uitia oportere, cætera sine insidijs age-
 re, & quoniā uendas, uelle quamoptime uendere. ad-
 uexi, exposui; uendo meum non pluris, quā cæteri;
 fortasse etiam minoris, cum maior est copia: cui fit in-
 iuria? exoritur Antipatri ratio ex altera parte. quid
 agis? tunc, cum hominibus consulere debeas, et seruire

humanae societati; eaq; lege natus sis, ut ea habeas principia naturae, quibus parere, et quae semper sequi debeas, ut utilitas tua, communis utilitas sit, uticissim et aequae communis utilitas, tua sit: coelabis homines, quid ijs ad sit & commoditatis, & copiae? respondebit Diogenes fortasse sic: aliud coelare, aliud est tacere: neque ego nunc te coelo, si tibi non dico, quae natura deorum sit, quis sit finis bonorum: quae tibi plus prodesse cognita, quam tritici uilitas: sed non, quidquid tibi audire utile est, id mihi dicere necesse est. immo uero, inquit ille, necesse est: si quidem inter homines natura meminit coniunctam societatem. memini, inquit ille: sed num ista societas talis est, ut nihil suum cuiusque sit? quod si ita est, nec uendendum quidem quidquam est, sed donandum. uides in hac tota disceptatione non illud dici: quamuis hoc turpe sit, tamen, quoniam expedit, faciam; sed ita expedire, ut turpe non sit: ex altera autem parte, ea re, quia turpe sit, non esse faciendum. uendat aedes uir bonus propter aliqua uitia, quae ipse norit, ceteri ignoret: pestilentes sint, et habeantur salubres: ignoretur in omnibus cubilibus apparere serpentes: male materiatae, ruinosae: sed hoc praeter dominum nemo sciat: quaero, si hoc emptoribus uenditor non dixerit, aedesq; uendiderit pluris multo quam se uediturum putarit, num id iuste, aut improbe fecerit? ille uero, inquit Antipater, improbe facit: quid enim est aliud erranti uiam non monstrare, quod Athenis execrationibus publicis sancitum est, si hoc non est, emptorem pariter ruere, & per errorem in maximam fraudem incurre re? plus etiam est, quam uiam non monstrare: nam

C I C E R O N I S

est, scientem in errorem alterum inducere. Diogenes contra: num te emere coegit, qui ne hortatus quidem est? ille, quod non placebat, proscripsit: tu, quod placebat, emisisti. quod si, qui proscribunt uillam bonam (ut ipsi asserunt) beneque aedificatam, non existimantur fefellisse, etiam si illa nec bona est, nec aedificata ratione: multo minus, qui domum non laudarunt: ubi enim iudicium emptoris est, ibi fraus uenditoris quae potest esse? sin autem dictum non omne praestandum est: quod dictum non est, id praestandum putas? quid uero est stultius, quam uenditorem eius rei, quam uendat, uitia narrare? quid autem tam absurdum, quam si domini iussu ita praeco praedicet, domum pestilentem uendo? sic ergo in quibusdam causis dubijs, ex altera parte defenditur honestas; ex altera ita de utilitate dicitur, ut id, quod utile uideatur, non modo honestum facere sit, sed etiam, non facere turpe. haec est illa, quae uidetur utilium fieri cum honestis saepe, dissensio: quae diiudicanda sunt: non enim, ut quae reremus, exposuimus, sed ut explicaremus. non igitur uidetur nec frumentarius ille Rhodius, nec hic aedium uenditor coelare emptores debuisse: neque enim id est coelare, quidquid reticeas: sed cum quod tu scias, id ignorare emolumentum tui causa uelis eos quorum intersit id scire. hoc autem coelandi genus quale sit, et cuius hominis, quis non uidet? certe non aperti, non simplicis est, non ingenui, non iusti, non uiri boni; uersuti potius, obscuri, astuti, fallacis, malitiosi, callidi, ueteratoris, uasfri. haec tot, et alia plura non ne inutile est uitiorum subire nomina? quod si uituperandi sunt, qui reticuerunt: quid de ijs existimandum est, qui orationis uanitatem

adhibuerunt? C. Canius eques R. homo nec infacetus,
& satis literatus, cum se Syracusas oriandi causa, non
negoriandi (ut ipse dicere solebat) contulisset, diētitabar
se hortulos aliquos uelle emere, quò inuitare amicos, &
ubi se oblectare sine interpellatoribus posset. quod cum
percrebuisset, Pythius ei quidam, qui argentariam face
ret Syracusis, dixit, uenales quidem se hortos non habe
re, sed licere uti Canio, si uellet, ut suis: & simul ad cœ
nam inuitauit in posterum diem. cum ille promississet,
tum Pythius, ut argentarius, qui esset apud omnes ordi
nes gratiofus, piscatores ad se conuocauit, & ab ijs peti
uit, ut ante suos hortulos postera die piscarentur; di
xitq; , quid eos facere uellet. ad cœnam tempore uenit
Canius. opipare paratum erat conuiuium. cymbarum
ante oculos multitudo. pro se quisq; , quod ceperat, affe
rebat. ante pedes Pythij pisces abijciebantur. tum Can
nius, quæso, inquit, quid est ò Pythi, tantum ne piscium?
tantum ne cymbarum? & ille, quid mirum? inquit:
hoc loco est, Syracusis quidquid est piscium: hic aqua
tio: hac uilla isti carere non possunt. incensus Canius
cupiditate, contendit à Pythio, ut uenderet. grauare ille
primo. quid multa? impetrat: emit homo cupidus, &
locuples tanti, quanti Pythius uoluit, et emit instructos
nomina facit: negotium conficit. inuitat Canius poste
ra die familiares suos: uenit ipse mature: scalmum nul
lum uidet: quærit ex proximo uicino, num feriæ quæ
dam piscatorum essent, quòd eos nullos uideret: nullæ,
quod sciam, inquit ille: sed hic piscari nulli solent: itaq;
heri mirabar, quid accidisset. stomachari Canius: sed
quid faceret? non dum enim Aquilius collega, & fami

C I C E R O N I S

liaris meus protulerat de dolo malo formulas. in quibus ipsis, cum ex eo quærerem, quid esset dolus malus; respondebat, cum esset aliud simulatum, aliud actum. hoc quidem sanè luculenter, ut ab homine perito definiendi. ergo & Pythius, & omnes aliud agentes, aliud simulantes, perfidi, improbi, malitiosi sunt. nullum igitur factum eorum potest utile esse, cum sit tot uitij inquinatum. quod si Aquiliana definitio uera est, ex omni uita simulatio, dissimulatioq; tollenda est. ita nec, ut emat melius, nec, ut uendat, quisquā simulabit, aut dissimulabit uir bonus. atque iste dolus malus etiam legibus erat uindicatus: ut tutela Duodecim tabulis, & circumscriptio adolescentium lege Pleetoria, & sine lege, iudicijs, in quibus, EX FIDE BONA, additur. reliquorum autem iudiciorum hæc uerba maxime excellent, in arbitrio rei uxoriæ, MELIUS, AEQVIVS: in fiducia, VT INTER BONOS BENE AGIER. quid ergo? aut in eo, quod melius, æquius est, potest ulla pars inesse fraudis? aut, cum dicitur, inter bonos bene agier, quidquam agi dolo, aut malitiose potest? dolus autem malus simulatione, & dissimulatione (ut ait Aquilius) continetur. tollendum est igitur in rebus contrahendis omne mendacium. non licitatore, uenditor, nec, qui contra se liceatur, emptor opponet: uterq; si ad loquendum uenerit, non plus, quàm semel, loquetur. Quintus quidem Scæuola P. filius, cum postulasset, ut sibi fundus, cuius emptor erat, semel indicaretur, idq; uenditor ita fecisset, dixit se pluris aestimare, addidit centum millia. nemo est, qui hoc uiri boni fuisse neget: sapientis negant: ut si minoris, quàm potuisset,

uendidisset. hæc igitur est illa pernicies, quòd alios bonos, alios sapientes existimant. ex quo Ennius: Nequidquam sapere sapientem, qui sibi ipsi prodesse nequiret. uere id quidem, si, quid esset prodesse, mihi cum Ennio conueniret. Hecatonem quidem Rhodium, discipulum Panætij, uideo in ijs libris, quos de officijs scripsit Q. Tuberoni, dicere, sapientis esse, nihil contra mores, leges, instituta facientem, habere rationem rei familiaris: neque enim solū nobis diuites esse uolumus, sed liberis, propinquis, amicis, maximeque Reip. singulorum enim facultates, & copie, diuitiæ sunt ciuitatis. huic Scauolæ factum, de quo paulo ante dixi, placere nullo modo potest: etenim omnino se negat facturū compendij sui causa, quod nō liceat. huic nec laus magna tribuenda est, nec gratia. sed siue & simulatio, & dissimulatio dolus malus est, per pauca res sunt, in quibus dolus iste malus nō uersetur: siue uir bonus est is, qui prodest, quibus potest, nocet nemini, recte iustum uirum, bonum non facile reperiemus. nunquam igitur est utile peccare, quia semper est turpe: & quia semper est honestum uirum bonum esse, semper est utile. ac de iure quidem prædiorū sancitum est apud nos iure ciuili, ut in his uendendis uirtia etiam dicerentur, quæ nota essent uenditori. nam, cum ex Duodecim tabulis satis esset cautum, ea præstari, quæ essent lingua nūcupata, quæ qui inficiatus esset, duplicem pœnam subiret: à iurisconsultis etiam reticentiæ pœna est constituta: quidquid enim inest prædio uitij, id, statuerunt, si uenditor sciret, nisi nominatim dictum esset, præstari oportere. ut, cum in arce augurium Augures acturi essent, iussissentque T. Claudium

C I C E R O N I S

Centimalum, qui ædes in Cœlio monte habebat, demoli-
 ri eas, quarum altitudo officeret auspicijs: Claudius
 proscripsit, insulam uendidit: emit P. Calphurnius Lana-
 rius. huic ab Auguribus illud idem denunciatum est.
 itaque Calphurnius, cum demolitus esset, cognouissetq;
 claudium ædes postea proscripsisse, quàm esset ab Au-
 guribus demoliri iussus, arbitrum illum adegit: QUID
 QUID sibi de ea re facere oporteret ex fide bona. M.
 Cato sententiam dixit, huius nostri Catonis pater: ut
 enim ceteri ex patribus, sic hic, qui illud lumen proge-
 nuit, ex filio est nominandus. is igitur iudex ita pronun-
 ciauit: cum in uenundando rem eam scisset, & nō pro-
 nunciauisset, emptori damnum præstari oportere. igitur
 ad fidem bonam statuit pertinere, notū esse empto-
 ri uitium, quod nosset uenditor. quòd si recte dijudica-
 uit, non recte frumentarius ille, non recte ædium pesti-
 lentium uenditor tacuit. sed huiusmodi reticentiæ iure
 ciuili omnes comprehendere non possunt; quæ autem pos-
 sunt, diligenter tenentur. M. Marius Gratidianus propin-
 quus noster C. Sergio Oratæ uendiderat ædes eas, quas
 ab eodem ipse paucis ante annis emerat. hæ Sergio ser-
 uiebant: sed hoc in mancipio Marius non dixerat. ad-
 ducta res in iudicium est. Oratam Crassus, Gratidia-
 num defendebat Antonius. ius Crassus urgebat; quod
 uitium uenditor non dixisset sciens, id oportere præsta-
 ri: æquitatem Antonius; quoniam id uitium ignotum
 Sergio non fuisset, qui illas ædes uendidisset, nihil fuisse
 necesse dici; nec eum esse deceptum, qui id, quod eme-
 rat, quo iure esset, teneret. quorsum hæc? ut illud in-
 telligas, non placuisse maioribus nostris astus. sed aliter
 leges,

leges, aliter philosophi tollūt astutias : leges, quatenus manu tenere res possunt: philosophi, quatenus ratioe, & intelligentia. ratio igitur hoc postulat, ne quid insidiöse, ne quid simulate, ne quid fallaciter. sunt ne igitur insidiæ, tēdere plagas, etiā si excitaturus nō sis, nec agiturus: ipsæ enim feræ nullo insequente sæpe incidunt, sic, tu cum ædes proscribas, tabulam tanquam plagam ponas, domum propter uitia uēdas, in eā aliquis incurrat imprudens. hoc quanquam uideo propter deprauationem cōsuetudinis neque more turpe haberi; neq; aut lege sanciri, aut iure ciuili: naturæ tamē lege sancitum est: societas enim est (quod et si sæpe dictum est, dicendum tamē est sæpius) latissime quidem quæ pateat, hominum inter homines; interior eorum, qui eiusdem gentis sunt; propior eorum, qui eiusdē ciuitatis. itaq; maiores aliud ius gētium, aliud ius ciuile esse uoluerūt: quod enim ciuile, nō idem continuo gentiū; quod autem gētium, idem ciuile esse debet. sed nos ueri iuris, germanæq; iustitiæ solidam, & expressam effigiem nullā tenemus: umbra, & imaginibus utimur: easq; ipsas utinā sequeremur: feruntur enim ex optimis naturæ principijs, & ueritatis exemplis: nā quāti uerba illa? VTI NE PROPTER TE, FIDEM'VE TVAM CAPTVS, FRAVDATVS'VE SIM. quā illa aurea? VT, INTER BONOS BENE AGIER OPORTET, ET SINE FRAVDATIONE. sed, qui sint boni, & quid sit bene agi, magna quæstio ē. Quintus quidē Scæuola Pōtifex Maximus summam uim esse dicebat in omnibus ijs arbitrijs, in qbus adderetur ex fide bona:

fideiꝫ; bonæ nomē existimabat manare latissime, idꝫ; uersari in tutelis, societatibus, fiducijs, mandatis, rebus emptis, uēditis, cōduētis, locatis: quibus uitæ societas cōtinetur: in his magni esse iudicis statuere, præsertim cū in plerisq; essent iudicia cōtraria, quid quēq; cuiq; præstare oporteret. quocirca astutiæ tollēdæ sunt, eaq; malitia, quæ uult quidē uideri se esse prudentiā, sed abest ab ea, distatq; plurimū: prudentia est enim locata in delectu bonorū, & malorum; malitia, si omnia, quæ turpia sunt, mala sunt, mala bonis antepōnit. nec uero in prædijs solū ius ciuile ductum à natura malitiam, fraudemq; uindicat; sed & in mancipiorū uenditione uenditorū fraus omnis excluditur: qui enim scire debuit de sanitate, de fuga, de furtis, præstat edito Aediliū. heredū alia causa est. ex quo intelligitur, quoniam iuris natura fons sit, hoc secundum naturā esse, neminē id agere, ut ex alterius prædetur in scitia: nec ulla perniciēs uitæ maior inueniri potest, quā in malitia simulatio intelligentiæ. ex quo illa innumera bilia nascūtur: ut utilia cū honestis pugnare uideantur: quotus enim quisq; reperietur, qui, impunitate, et ignoratione omniū proposita, abstinere possit iniuria? periclitemur, si placet, in ijs quidē exemplis, in quibus, peccare uulꝫ; hominū fortasse nō putat: neq; enim de sicarijs, ueneficis, testamētarijs, furibus, peculatoribus hoc loco differendū est; qui non uerbis sunt, & disputatione philosophorum, sed uinculis, & carcere castigādi, sed hæc consideremus, quæ faciunt ij, qui habentur boni. L. Minutij Basilij, locupletis hominis, falsum testamentum quidem è Græcia. Romam attulerunt.

quod quo facilius obtinerent, scripserunt hæredes se-
cū M. Crassum, & Q. Hortensiū, homines eiusdē ciui-
tatis potentissimos: qui, cum illud falsum esse suspi-
carentur, sibi autem nullius essent conscij culpæ, alieni
facinoris munusculū nō repudiauerunt. quid ergo?
satin hoc est, ut nō deliquisse uideantur? mihi quidē
non uidetur. quanquam alterum amari uiuum, alte-
rum non odi mortuum. sed cum Basilus M. Satirium
sororis filium nomen suū ferre uoluisset, eumq; fecis-
set hæredem; hunc dico patronum agri Piceni, & Sa-
bini: (ò turpem notam temporum illorum) non erat
æquum principes ciuitatis rem habere, ad Satiriū ni-
hil præter nomen peruenire. etenim si is, qui nō defen-
dit iniuriam, neq; propulsat à suis, cum potest, iniuste
facit, ut in primo libro disserui: qualis habendus est is,
qui non modo repellit, sed etiam adiuuat iniuriā? mi-
hi quidem etiam ueræ hæreditates non honestæ uidē-
tur, si sint malitiosis blanditijs officiorū, non ueritate,
sed simulatione quæsitæ. atqui in talibus rebus aliud
utile interdum, aliud honestum uideri solet: falso:
nam eadem utilitatis, quæ honestatis, est regula. qui
hoc non præuiderit, ab hoc nulla fraus aberit, nullum
facinus: sic enim cogitans; est istud quidem honestum,
uerum hoc expedit; res à natura copulatas audebit er-
rore diuellere: qui fons est fraudū, maleficiorum, scele-
rum omnium. itaq; si uir bonus habeat hanc uim, ut, si
digitis concrepauerit, possit in locupletium testamenta
nomen eius irrepere, hac uī nō utatur, ne si explora-
tum quidem habeat id omnino neminē unquā suspi-
caturū. at si dares hanc uim M. Crasso. ut dicitur

C I C E R O N I S

percussione hæres posset scriptus esse, qui re uera nō esset hæres; in foro, mihi crede, saltaret. homo autem iustus, et is, quem sentimus uirum bonū, nihil cuiquā, quod in se transferat, detrahet. hoc qui admiratur, is se, quis sit uir bonus, nescire fatetur. at uero, si quis uoluerit animi sui complicatā notionē euoluere, iam se ipse doceat, eum uirū bonū esse, qui profit, quibus possit; noceat nemini, nisi laceffit in iniuria. quid ergo? hic nō noceat, qui quodam quasi ueneno perficiat, ut ueros hæredes moueat, in eorum locum ipse succedat? nō ergo faciat, dixerit quis, quod utile sit, quodq; expediat? immo intelligat, nihil nec expedire, nec utile esse, quod sit iniustum. hoc qui non didicerit, bonus esse non poterit. Fimbriam consularem, audiebam de patre nostro puer, iudicē M. Lutatius Pythiæ fuisse, equiti R. sane honesto, cum is sponsionem fecisset, N I bonus uir esset: itaque ei dixisse Fimbriam, se illam rem nunquam iudicaturū, ne aut spoliaret fama probatum hominem, si contra iudicasset; aut statuisse uideretur uirum bonū aliquem esse, cum ea res innumerabilibus officijs, & laudibus cōtineretur. huic igitur uiro bono, quē Fimbria etiam, nō modo Socrates, nouerat, nullo modo uideri potest quidquam esse utile, quod nō honestū sit. itaque talis uir nō modo facere, sed ne cogitare quidem quidquam audebit, quod nō audeat prædicare. hæc, nō ne est turpe, dubitare philosophos, quæ ne rustici quidē dubitēt? à quibus natum est id, quod iam tritum est uetustate prouerbiū: cū enim fidem alicuius, bonitatemq; laudāt, dignū esse dicūt, quicum in tenebris mices. hoc quā habet uim, nisi il

lam, nihil expedire, quod non deceat, etiam si id possis
 nullo resellente obtinere. uides ne igitur hoc prouer-
 bio, neq; Gygi illi posse ueniam dari, neq; huic, quem
 paulo ante fingebam digitorū percussione hæreditates
 omnium posse ad sese conuertere? ut enim, quod turpe
 est, id quamuis occultetur, tamen honestum fieri nullo
 modo potest: sic, quod honestum non est, id utile ut sit,
 effici non potest, aduersante etiā, & repugnante natu-
 ra. at enim, cum permagna præmia sunt, est causa pec-
 candi. C. Marius, cum à spe Consulatus longe abesset,
 & septimum annum post Præturam iaceret, neq; peti-
 turus unquam Consulatum uideretur, Q. Metellum,
 cuius Legatus erat, summum uirum, & ciuem, cū ab
 eo Imperatore suo Romam missus esset, apud populū
 R. criminatus est, bellum illum producere; si se Consu-
 lem fecissent, breui tempore aut uiuum, aut mortuum
 Iugurtham se in potestatem populi R. redacturū. ita-
 que factus est ille quidem Cōsul, sed à fide iustitiaq; dis-
 cessit, qui optimum, & grauiissimum ciuē, cuius Lega-
 tus, & à quo missus esset, in inuidiā falso crimine ad-
 duxerit. nec noster quidem Gratidianus officio boni ui-
 ri functus est tum, cum Prætor esset, collegiumq; præto-
 rium Tribuni pl. adhibuissent, ut res numaria de com-
 muni sententia constitueretur: iactabatur enim tēpo-
 ribus illis numus, sic, ut nemo posset scire quid haberet.
 conscripserunt communiter edictum cum pœna, atq;
 iudicio, constitueruntq; ut omnes simul in Rostra post
 meridiem descenderent. & cæteri quidem alius aliò:
 Marius à subsellijs in Rostra recta: idq; quod commu-
 niter compositum fuerat, solus edixit: et ea res (si quæ-

C I C E R O N I S

ris) ei magno honori fuit: omnibus uicis statuae factae sunt: ad eas thus, & cerei. quid multa? nemo unquam multitudini fuit charior. haec sunt, quae conturbant homines in deliberatione nonnunquam, cum id, in quo uiolatur aequitas, non habetur ita magnum; illud autem, quod ex eo paritur, permagnum uidetur: ut Mario praeripere collegis, et Tribunis pl. popularem gratiam, non ita turpe; Consulem ob eam rem fieri, quod sibi tunc proposuerat, ualde utile uidebatur. sed omnium una regula est, quam cupio tibi esse notissimam: aut illud, quod utile uidetur, turpe ne sit: aut si turpe est, ne uideatur esse utile. quid igitur? possumus ne aut illum Marium uirum bonum iudicare, aut hunc? explica, atque excute intelligentiam tuam, ut uideas, quae sit in ea species, forma, & notio uiri boni. cadit ergo in uirum bonum mentiri emolumentum sui causa, criminari, praeripere, fallere? nihil profecto minus. est ergo ulla res tanti, aut commodum ullum tam expetendum, ut uiri boni et splendorem, & nomen amittas? quid est, quod afferre tantum utilitas ista, quae dicitur, possit, quantum auferre, si boni uiri nomen eripuerit, fidem, iustitiamque; detraxerit? quid enim interest, utrum ex homine se conuertat quis in belluam, an in hominis figura immanitatem gerat belluae? quid, qui omnia recta, & honesta negligunt, dummodo potentiam consequantur; non ne id faciunt, quod is, qui etiam socerum habere uoluit eum, cuius ipse audacia potens esset? utile enim uidebatur plurimum posse alterius inuidia: id quam iniustum in patriam, quam inutile, quam turpe esset, non uidebat. ipse autem socer in ore semper Gracos uersus

Euripidis de Phœnissis habebat: quos dicam, ut potero;
incondite fortasse, sed tamen ut res possit intelligi:

Nam si uiolandum est ius, regnandi gratia.

Violandum est: alijs rebus pietatem colas.

capitalis Eteocles, uel potius Euripides, qui id unum so-
lum, quod omnium sceleratissimum fuerat, exceperit.
quid igitur minuta colligimus, hæreditates, mercatu-
ras, uenditiones fraudulentas: ecce tibi, qui Rex populi
R. dominusq; omniũ gentiũ esse concupierit, idq; perfe-
cerit. hanc cupiditatem si quis honestam esse dicit, a-
mens est: probat enim legum, et libertatis interitum,
earumq; oppressionem tetram, & detestabilem, glorio-
sam putat. qui autem fateatur honestũ non esse in ea
ciuitate, quæ libera fuit, quæq; esse debeat, regnare, sed
ei, qui id facere possit, esse utile; qua hunc obiurgatio-
ne, aut quo potius conuitio à tãto errore coner auerte-
re? potest enim, dij immortales, cuiquam esse utile fœ-
dissimum, & teterrimũ parricidium patriæ, quamuis,
eo qui se obstrinxerit, ab oppressis ciuibus parens nomi-
netur? honestate igitur dirigenda utilitas est, & qui-
dem sic, ut hæc duo uerba inter se discrepare, sed tamẽ
unum sonare uideantur. nunc ab eo ad uulgi opinio-
nem, quæ maior utilitas, quàm regnandi esse possit: ni-
hil contra inutilius, ei qui id iniuste consecutus sit, inue-
nio, cum ad ueritatem cœpi reuocare rationẽ: possunt
enim cuiquã esse utiles angores, sollicitudines, diurni et,
nocturni metus, uita insidiarum periculorũq; plenissi-
ma? Multi iniqui, atq; infideles regno, pauci boni sunt,
inquit Accius: at cui regno? quod à Tantalo, et Pelope
proditum iure obtinebatur. nam quãto plures ei Regi

putas, qui cum exercitu populi R. populum ipsum Ro-
 manum oppressisset, ciuitatemq; nō modo liberam, sed
 etiam gentibus imperantem seruire sibi coegisset? hūc
 tu quas cōscientiæ labe in animo censes habuisse? quæ
 uulnera? cuius autem uita ipsi potest utilis esse, cum
 eius uitæ ea conditio sit, ut, qui illā eripuerit, in ma-
 xima gratia futurus sit, et gloria? quod si hæc utilia
 non sunt, quæ maxime uidentur, quia plena sunt de-
 decoris, ac turpitudinis? satis persuasum esse debet, ni-
 hil esse utile, quod non honestū sit: quanquam id quī
 dem cum sæpe aliās, tum Pyrrhi bello à C. Fabritio Cō-
 sule iterum, & à senatu nostro iudicatum est. cū e-
 nim rex Pyrrhus populo R. bellū ultro intulisset, cūq;
 de imperio certamen esset cum Rege generoso, ac potē-
 te, perfuga ab eo uenit in castra Fabritij, eiq; est polli-
 citus, si præmium ei proposuisset, se, ut clam uenisset,
 sic clam in Pyrrhi castra rediturum, et eū ueneno ne-
 caturum. hunc Fabritius reducendum curauit ad Pyr-
 rhum: idq; eius factum à senatu laudatum est. atqui,
 si speciem utilitatis, opinionemq; querimus, magnum
 illud bellum, perfuga unus, & grauem aduersarium
 imperij sustulisset: sed magnum dedecus, & flagitiū,
 quicum laudis certamē fuisset, eum nō uirtute, sed sce-
 lere superatum. utrum igitur utilius uel Fabritio, qui
 talis in hac urbe, qualis Aristides Athenis, fuit; uel se-
 natui nōstro, qui nunquā utilitatem à dignitate seiū-
 xit, armis cum hoste certare, an uenenis? si gloriæ cau-
 sa imperium expetendum est, scelus absit, in quo non
 potest esse gloria: sin ipsæ opes expetuntur quoquo mo-
 do, non poterunt esse utiles cū infamia. non igitur uti

lis illa L. Philippi Q. filij sententia: quas ciuitates L. Sylla pecunia accepta ex S.C. liberauisset, ut eae rursus uectigales essent, neq; ijs pecuniā, quam pro libertate dederāt, redderemus. est ei senatus assensus. turpe imperio: piratarum enim melior fides, quā senatus. at aucta uectigalia: utile igitur. quousq; audebunt dicere, quidquam utile, quod non honestum? potest autem ulli imperio, quod gloria debet fultum esse, & beneuolentia sociorū, utile esse odium, et infamia? ego etiam cū Catone meo saepe dissenſi: nimis enim mihi uidebatur praefraete aerarium, uectigaliaq; defendere; omnia publicanis negare, multa socijs; cū in hos benefici esse deberemus, cum illis sic agere, ut cum colonis nostris solemus; eoq; magis, quod illa ordinum coniunctio ad salutem Reip. pertinebat. male etiam Curio, cum causam Transpadanorū æquam esse dicebat; semper autē addebat, Vincat utilitas. potius diceret, nō esse æquam, quia non esset utilis Reip. quā, cū æquam esse diceret, non esse utilem fateretur: plenus est sextus liber de officijs Hecatonis talium quaestionū: sit ne boni uiri, in maxima caritate annonae familiā nō alere. in utranq; partem disputat: sed tamen ad extremum utilitate putat officium dirigi magis, quā humanitate. quaerit si in mari iaetura faciēda sit, equi ne pretiosi potius iaetura faciat, an seruuli uilis. hic aliō res familiaris, aliō ducit humanitas. si tabulā de naufragio stultus arripuerit, extorquebit ne eā sapiens, si potuerit? negat, quia sit iniurium. quid dominus nauis eripiet ne suū? minime, non plus, quā si nauigantem in altū eijcere de naui uelit, quia sua nō sit: quoad enim perueniū sit

eò, quò sumpta nauis est, nō domini est nauis, sed nau-
 gantium. quid, si in una tabula sint duo naufragi. hiq;
 sint sapientes, sibi uterq; rapiat, an alter cedat alteri? ce-
 dat uero, sed ei, cuius magis intersit uel sua, uel Reip.
 causa uiuere, quid, si hæc paria in utroq;? nullū erit
 certamē; sed quasi in sorte, aut in micādo uictus, alteri
 cedit alter. quid, si pater fana expilet, cuniculos agat
 ad ærarium, indicet ne id magistratibus filius? nefas id
 quidē est: quin etiā defendat patrem, si arguatur. nō
 igitur patria præstat omnibus officijs? immo uero: sed
 ipsi patriæ cōducit, pios habere ciues in parentes. quid,
 si tyrannidem occupare, si patriam prodere conabitur
 pater, silebit ne filius? immo uero obsecrabit patrem,
 ne id faciat: si nihil proficiet, accusabit, minabitur etiā:
 ad extremū, si ad perniciē patriæ res spectabit, patriæ
 salutē anteponet saluti patris. quærit etiam, si sapiens
 adulterinos numos accipiet imprudēs pro bonis, cū id
 rescierit, soluturus ne sit eos, si cui debeat, pro bonis.
 Diogenes ait, Antipater negat: cui potius assentior. qui
 uinū fugiens uēdat sciens, debeat ne dicere? nō necesse
 putat Diogenes, Antipater uiri boni existimat. hæc sunt
 quasi controuersie in iure Stoicorū. in mancipio uen-
 dendo, dicenda ne uitia? non ea, quæ nisi dixeris, redhi-
 beatur mancipium iure ciuili; sed hæc, mendacē esse,
 aleatorem, furacem, ebriosum, alteri dicenda uidentur,
 alteri non dicenda. si quis aurum uendēs, aurichalcum
 se putat uendere, indicet ne ei uir bonus aurum illud
 esse, an emat denario quod sit millenarium? perspicuū
 ita est, & quid mihi uideatur, et quæ sit inter eos philo-
 sophos, quos nominaui, cōtrouersia. pacta, et promissa

semper ne seruanda sint, quæ nec uī, nec dolo malo (ut Prætores solent dicere) facta sint? si quis medicamentū cuipiam dederit ad aquam intercutem, pepigeritq; ne illo medicamento unquam postea uteretur; si eo medicamento sanus factus fuerit, & annis aliquot post inciderit in eūdem morbū, nec ab eo, quicum pepigerat, impetret, ut item eo liceat uti, quid faciendū sit, cum sit is inhumanus, qui nō concedat, uti, nec ei quidquā fiat iniuriæ? uitæ, et saluti consulendum est. quid, si quis sapiens rogatus sit ab eo, qui eum hæredem faciat, cū ei testamento sestertium milies relinquatur, ut ante quā hæreditatē adeat, luce palām in foro salter, idq; se facturum promiserit, quod aliter eum hæredem scripturus ille nō esset: faciat, quod promiserat ille, nec neq; promississe nollem, et id arbitror fuisset gravitatis: sed, quoniam promissit, si saltare in foro turpe ducet, honestius mentietur, si ex hæreditate nihil ceperit: nisi forte eam pecuniam in Reip. magnum aliquod tēpus contulerit, ut uel saltare eum, cum patriæ consulturus sit, turpe non sit. ac ne illa quidē promissa seruāda sunt, quæ non sunt ijs ipsis utilia, quibus illa promiseris. Sol Phaethonti filio (ut redeamus ad fabulas) facturū se esse dixit, quidquid optasset: optauit, ut in currum patris tolleretur: sublatuſ est insanus: ante quā cōstitit, ictu fulminis deflagrauit. quāto melius fuerat in hoc promissum patris non esse seruatum? quid, quod Theseus exegit promissum à neptuno? cui cum tres optio nes Neptunus dedisset, optauit interitū Hippolyti filij sui, cum is patri suspectus esset de nouerca; quo oprato impetrato, Theseus in maximis fuit luctibus. quid Aga

memnon? cū deuouisset Dianæ, quod in suo regno pulcherrimum natū esset illo anno, immolauit Iphigeniā, qua nihil erat eo quidem anno natum pulchrius. promissum potius non faciendum, quā tam tetrum facinus admittendum fuit. ergo & promissa nō facienda nonnunquam. Neq; semper deposita reddenda sunt. si gladiū quis apud te sanæ mentis deposuerit, reperat insaniens; reddere peccatum sit, non reddere officium. quid, si is, qui apud te pecuniam deposuerit, bellū inferat patriæ, reddes ne depositum? non, credo: facies enim cōtra Remp. quæ debet esse charissima. sic multa, quæ natura honesta uidentur esse, temporibus fiūt non honesta. facere promissa, stare cōuentis, reddere deposita, cōmutata utilitate fiunt non honesta. ac de ijs quidem, quæ uidentur esse utilitatis contra iustitiam simulatione prudentiæ, satis, arbitror, dictum. sed quoniam à quatuor fontibus honestatis primo libro officia duximus, in eisdem uersabimur, cū docebimus, ea, quæ uidentur esse utilia, neque sunt, quā sint uirtutis inimica. ac de prudentia quidem, quam uult imitari malitia; itemq; de iustitia, quæ semper est utilis, disputatum est. Reliquæ sunt duæ partes honestatis: quarum altera in animi excellentis magnitudine, et præstantia cernitur; altera in conformatione, et moderatione continentiae, & tēperantiæ. utile uidebatur Ulyssi (ut quidam poetæ tragici prodiderunt: nam apud Homerum optimū auctorem talis de Ulysse nulla suspicio est) sed insimulant eum tragœdiæ simulatione insanie militiam subterfugere uoluisse. non honestū consilium: at utile (ut aliquis fortasse dixerit) regnare; et Ithacæ uiuere otiose

cum parentibus, cum uxore, cum filio . ullū tu decus
in quotidianis periculis, & laboribus cū trāquillitate
hac conferendum putas? ego uero istā contēnendam,
& abijciendam; quoniā, quæ honesta nō sit, ne utilem
quidē esse arbitror: quid enim auditurū putas fuisse
Vlyssēm, si in illa simulatiōe perseuerasset? qui, cū ma-
ximas res gesserit in bello, tamē hæc audiuit ab Aiace:
Cuiu' ipse princeps iurisiurandi fuit,
Quod omnes scitis, solus neglexit fidem:
Furere assimulauit. ne coiret, institit.
Quod ni Palamedis perspicax prudentia
Istiū percepset malitiosam audaciam,
Fides sacratæ ius perpetuo falleret.
illi uero non modo cum hostibus, uerum etiā cum flu-
ētibus, id quod fecit, dimicare melius fuit, quā desere-
re consentientem Græciam ad bellum barbaris inferē-
dum. sed dimittamus & fabulas, & externa: ad rem
factaq; ueniamus. M. Attilius Regulus, cum Cōsul ite-
rum in Africa ex insidijs captus esset, duce Xantippo
Lacedæmonio, imperatore autē patre Annibalis Amil-
care, iuratus missus est ad senatū, ut, nisi redditi essent
Pœnis captiui nobiles quidā, rediret ipse Carthaginē.
is, cum Romam uenisset, utilitatis speciē uidebat: sed
eam, ut res declarat, falsam iudicauit: quæ erat talis,
manere in patria, esse domi suæ cum uxore, cū liberis;
quam calamitatem accepiisset in bello, cōmunē fortu-
næ bellicæ iudicātem, tenere cōsularis dignitatis gra-
dū. quis hæc neget esse utilia? quid censes? magnitudo
animi, & fortitudo negat. an locupletiores quæris au-
ctiores? harum enim est uirtutum propriū nil extime-

scere omnia humana despicere, nihil, quod homini accidere possit, intolerandum putare: itaq; quid fecit? in senatum uenit: mandata exposuit: sententiam ne diceret, recusauit: quàm diu iureiurando hostium teneretur, nō esse se senatorem. atq; illud etiam: (ò stultum hominem, dixerit quispiā, & repugnātē utilitati suā) reddi captiuos, negauit eē utile: illos enim adolescētes, & bonos duces, se iam confectum senectute. cuius cū ualuisset auctoritas, captiui retēri sunt, ipse Carthaginem redijt, neq; eum charitas patriæ retinuit, nec suorum. neq; uero tamen ignorabat se ad crudelissimum hostem, & ad exquisita supplicia proficisci: sed iusurādum conseruandum putabat. itaq; tum, cum uigilādo necabatur, erat in meliore causa, quā si domi senex captiuus, periurus, & cōsularis remansisset. at stulte, qui non modo non censuerit captiuos remittendos, uerum etiam dissuaserit. quo modo stulte? etiam ne, si Reip. cōducebat? potest autē, quod inutile Reip. sit, id cuiquā ciui utile esse? peruertūt homines ea, quæ sunt fundamenta naturæ, cum utilitatē ab honestate seiungunt: omnes enim expetimus utilitatē, ad eamq; rapimur; nec facere aliter ullo modo possumus: nā quis est, qui utilia fugiat? aut quis potius, qui ea non studiosissime persequatur? sed quia nusquā possumus, nisi in laude, decore, honestate, utilia reperire, propterea illa prima, & summa habemus, utilitatis nomen nō tā splēdidū, quàm necessarium ducimus. quid est igitur, dixerit quis, in iureiurando? num iratum timeamus Iouē? at hoc quidem cōmune est omnium philosophorum, non eorū modo qui deū nihil habere ipsum negotij dicūt

& nihil exhibere alteri; sed eorū etiam, qui deū semper agere aliquid, & moliri uolunt, nunquā nec irasci deum, nec nocere. quid autē iratus Iupiter plus nocere potuisset, quā nocuit sibi ipse Regulus? nulla igitur uis fuit religionis, quæ tantā utilitatem peruerteret. an, ne turpiter faceret? primum minima de malis. num igitur tantum mali turpitudine ista habebit, quā tum ille cruciatus? deinde illud etiam apud Accium, Fregisti ne fidem? neq; dedi, neq; do infideli cuiquam. quanquam ab impio rege dicitur, luculente tamē dicimur. addunt etiam: quēadmodum nos dicamus, uideri quædā uilia, quæ nō sint; sic se dicere, uideri quædam honesta, quæ nō sint: ut hoc ipsum uidetur honestum conseruādi iurisiurandi causa ad cruciatū reuertisse, sed fit nō honestum, quia, quod per uim hostium esset actū, ratū esse nō debuit. addunt etiā; quidquid ualde utile sit, id fieri honestū, etiam si antea non uidetur. hæc ferē contra Regulū. sed prima uideamus. Nō fuit Iupiter metuendus, ne iratus noceret, quia neque irasci solet, neq; nocere. hæc quidem ratio nō magis cōtra Regulum, quā contra omne iusiurandum ualeat. sed in iureiurando, nō qui metu, sed quæ uis sit, debet intelligi: est enim iusiurādū affirmatio religiosa. quod autē affirmatiue, quasi deo teste, promiseris, id tenendū est: iam enim nō ad iram deorum, quæ nulla est, sed ad iustitiā, et ad fidē pertinet: nā præclare Ennius, O fides alma, apta pennis, & iusiurandum Iouis. qui igitur iusiurādū uiolat, is fidem uiolat. quam in Capitolio uicinā Iouis Optimi Maximi, ut in Catonis oratione est, maiores nostri esse uoluerunt. at enim ne

C I C E R O N I S

iratus quidē Iupiter plus Regulo nocuisset, quā sibi
 nocuit ipse Regulus: certe, si nihil malū esset, nisi dolere.
 id autem nō modo non summū malum, sed nec malum:
 quidē esse, maxima auctoritate philosophi affirmant.
 quorum quidē testem nō mediocrem, sed haud scio an
 grauissimum, Regulū nolite, quæso, uituperare: quem enim
 locupletiores quærimus, quā principem Reip. qui retinēdi
 officij causa cruciatum subierit uolūtarium? nam, quod
 aiunt minima de malis, id est ut turpiter potius, quā
 calamitose: an est ullum maius malū turpitudine? quæ
 si in deformitate corporis habeat aliquid offensionis,
 quāta illa deprauatio, et fœditas turpificati animi
 debet uideri? itaq; neruosius qui ista differunt,
 solum audēt malum dicere id, quod turpe sit: qui autem
 remissius, hi tamē non dubitant summum malum dicere.
 nam illud quidem, Neque dedi, neque do fidem infideli cuiquam,
 idcirco recte à poeta dicitur, quia, cū tractaretur Atræus,
 personæ seruiendū fuit. sed si hinc sibi sumunt, nullam
 esse fidē, quæ infideli data sit: uideant, ne quæ ratur
 latebra periurio. est autem etiam ius bellicum, fidesq;
 iurisiurādi sæpe hosti seruanda: quod enim ita iuratum
 est, ut mens deferētis conciperet fieri oportere, id
 obseruādū est; quod aliter, id si non fecerit, nullum
 periurium est: ut, si prædōibus pactum pro capite pretium
 nō attuleris, nulla fraus est, ne si iuratus quidem id
 non feceris: nam pirata nō est ex perduellium numero
 definitus, sed cōmunis hostis omniū. cum hoc nō fides
 esse debet, nec iusiurandū cōmune: nō enim, falsum
 iurare, peierare est; sed, quod ex animi tua sententia

sentia iuraueris, sicut uerbis concipitur, more nostro, id non facere, periurium est: scite enim Euripides; Iuravi lingua, mentem iniurata gero.

Regulus uero nō debuit conditiones, pactionesq; bellicas, & hostiles perturbare periurio: cum iusto enim, et legitimo hoste res gerebatur: aduersus quē & totum ius fœciale, & multa sunt iura cōmunia. quod ni ita esset nūquā claros uiros senatus uinctos hostibus deditisset. at uero T. Veturius, & Sp. Posthumius, cum iterum Cōsules essent, quia, cum male pugnatū apud Caudium esset, legionibus nostris sub iugū missis pacē cum Samnitibus fecerant, dediti sunt his: iniussu enim populi, senatusq; fecerant. eodemq; tempore T. Numitius, & Aemilius, qui tum Tribuni pl. erant, quōd eorum auctoritate pax erat facta, dediti sunt, ut pax Samnitum repudiaretur. atque huius deditiois ipse Posthumius, qui dedebatur, suasor, et auctor fuit. quod itē multis annis post C. Mancinus: qui, ut Numātinis, quibuscum sine senatus auctoritate fœdus fecerat, dederetur, rogationem suasisit eam, quam L. Furius, & Sex. Atilius ex S. C. ferebant: qua accepta, est hostibus deditus. honestius hic, quā Q. Pōpeius: quo, cum in eadem causa esset, deprecante, accepta lex nō est. hic ea, quæ uidebatur utilitas, plus ualuit, quā honestas: apud superiores utilitatis species falsa, ab honestatis auctoritate superata est. at non debuit ratum esse, quod erat actum per uim. quasi uero forti uiro uis possit adhiberi. cur igitur ad senatum proficisceretur, cū præsertim de captiuis dissuasurus esset? quod maximum in eo est, id reprehenditis: non enim suo tu

dicio stetit; sed suscepit causam, ut esset iudiciū senatus: cui nisi ipse auctor fuisset, captiui profecto Pœnis redditi essent. ita incolumis in patria Regulus restitisset. quod quia patriæ nō utile putauit, iccirco honestū sibi & sentire illa, & pati credidit. nam quod aiunt, quod ualde utile sit, id fieri honestum: immo uero, esse, nō fieri: est enim nihil utile, quod idē nō honestum: nec, quia utile, honestum est; sed, quia honestum, utile. quare ex multis mirabilibus exemplis haud facile quis dixerit hoc exemplo aut laudabilius, aut præstātius. sed ex tota hac laude Reguli, unū illud est admiratione dignum, q̄ captiuos retinendos censuerit. nam q̄ rediit, nobis nō mirabile uidetur: illis quidem temporibus aliter facere nō potuit: itaq; ista laus non est hominis, sed temporum: nullum enim uinculū adstringēdam fidem iureiurando maiores arētius esse uoluerunt. id indicāt leges in Duodecim tabulis, indicāt sacra, indicant fœdera, quibus etiam cum hoste deuincitur fides; indicant notationes, animaduersionesq; Censorum, qui nulla de re diligentius, quā de iureiurando iudicabant. L. Manlio A. filio, cum Dictator fuisset, M. Pomponius Tribunus pl. diem dixit, quod is paucos sibi dies ad Dictaturam gerendam addidisset. criminabatur etiā, quod Titū filium, qui Torquatus postea est appellatus, ab hominibus relegasset, & ruri habitare iussisset. quod cū audiuisset adolescēs filius, negotiū exhiberi patri, accurrisse Romā, & prima luce Pōponij domū uenisse dicitur. cui cum esset nūtiatum; q̄ illum iratum allaturum ad se aliquid contra patrem arbitraretur, surrexit e lectulo, remotisq;

arbitris ad se adolescentē iussit uenire. at ille, ut ingres-
sus est, confestim gladium distrinxit, iurauitq; se illum
statim interfectorum, nisi iusiurādum sibi dedisset, se-
parem missum esse facturum. iurauit hoc terrore co-
actus Pomponius: rem ad populū detulit: docuit, cur
sibi à causa desistere necesse esset: Manliū missum fe-
cit: tantum temporibus illis iusiurādum ualebat, atq;
hic T. Manlius is est, qui ad Anienem Gallo, quem ab
eo prouocatus occiderat, torque detracto, cognomē in-
uenit: cuius tertio Consulatu Latini ad Vesperim fusi,
& fugati: magnus uir in primis: & qui nuper indul-
gens in patrem, idem acerbus, & seuerus in filiū. sed
ut laudandus Regulus in conseruando iureiurādo, sic
decem illi, quos post Cānensem pugnam iuratos ad se
natum misit Annibal, in castra redituros ea, quorum
erant potiti Pœni, nisi de redimēdis captiuis impetra-
uissent, si nō redierunt, uituperādi. de quibus nō om-
nes uno modo: nam Polybius, bonus auctor in primis,
scribit; ex decē nobilissimis, qui tunc erāt missi, nouē
reuertisse à senatu re nō impetrata; unū ex decē, qui
paulo post, quā egressus erat è castris, redisset, quasi ali-
quid esset oblitus, Romæ remansisse: reditu enim in
castra, liberatum se esse iureiurando interpretabatur:
nō recte: fraus enim distringit, non dissoluit periuriū.
fuit igitur stulta calliditas, peruerse imitata prudētiā.
itaq; decreuit senatus, ut ille ueterator, et callidus uin-
ctus ad Annibalē duceretur. sed illud maximū: octo
hominū millia tenebat Annibal, nō quos in acie cepis-
set, aut qui piculo mortis diffugissent, sed qui relictī in
castris fuissent à Paulo, et Varrone Cōsulibus: eos sena-

C I C E R O N I S

tus nō censuit redimendos, cum id parua pecunia fieri potuisset; ut esset insitū militibus nostris aut uincere, aut emori. qua quidē re audita fractū animū Anibalī scribit idē, quōd senatus, populusq; R. rebus afflictis tam excelsō animo fuisset. sic honestatis cōparatione ea, quæ uidentur utilia, uincuntur. Acilius autē, ille, qui græce scripsit historiā, plures ait fuisse, qui in castra reuertissent, eadē fraude, ut iureiurādo liberarentur; eosq; à Censoribus omnibus ignominij notatos, sit iam huius loci finis: perspicuum est enim, quæ timido animo, humili, demisso, fractoq; fiant, quale fuisset Reguli factū, si aut de captiuis, quod ipsi opus esse uideret, non quod Reipublicæ, censuisset, aut domi remanere uoluisset; nō esse utilia, quia sunt flagitiosa, foeda, & turpia. Restat quarta pars, quæ de core, moderatione, modestia, continētia, tēperantia continetur. potest igitur quidquā esse utile, quod sit huic talium uirtutū choro contrarium? atqui ab Aristippo Cyrenæici, atq; Annicerij philosophi nominati, omne bonū in uoluptate posuerunt; uirtutemq; censuerunt ob eam rem esse laudādā, quōd efficiens esset uoluptatis. quibus obsoletis floret Epicurus, eiusdē ferē adiutor, auctorq; sententiæ. cum his, uelis equisq; (ut dicitur) si honestatem tueri, ac retinere sentētia est, decertandum est: nā si nō modo utilitas, sed uita omnis beata, corporis firma constitutione, eiusq; cōstitutionis spe explorata (ut à Metrodoro scriptū est) continetur; certe hæc utilitas, & quidem summa (sic enim cēsant) cū honestate pugnabit. nā ubi primum prudentiæ locus dabitur? an, ut conquirat undiq; suauitates? quām mi

ser uirtutis famulatus seruientis uoluptati? quod autē
munus prudentiae? an legere intelligenter uoluptates?
fac nihil isto esse iucundius: quid excogitari potest tur
pius? iam, qui dolorem summum malum dicat, apud
eum quem habet locum fortitudo, quæ est dolorū, la
borumq; contemptio? quamuis enim multis in locis di
cat Epicurus, sicut hic dicit, satis fortiter de dolore; ta
men non id spectandum est, quid dicat, sed quid cōsen
taneū sit ei dicere, qui bona uoluptate terminauerit,
mala dolore; ut si illum audiam de continentia, et tem
perantia. dicit ille quidem multa multis locis: sed aqua
hæret, ut aiunt; nam quo modo potest temperantiam
laudare is, qui ponat summum bonū in uoluptate? est
enim temperantia libidinum inimica, libidines autē cō
sectatrices uoluptatis. atq; in his tamen tribus generi
bus, quoquo modo possunt, non incallide tergiuersan
tur. prudentiam introducunt scientiam suppeditantē
uoluptates, depellentem dolores. fortitudinem quoque
aliquo modo expediunt, cum tradunt rationem negli
gendæ mortis, peptiendiq; doloris. etiam temperan
tiam inducunt, nō facillime illi quidem, sed tamē quo
quo modo possunt: dicunt enim, uoluptatis magnitudi
nem doloris detractiōe fieri. iustitia uacillat, uel iacet
potius, omnesq; hæ uirtutes, quæ in cōmunitate cernū
tur, et in societate generis humani: neque enim boni
tas, nec liberalitas, nec comitas esse potest, non plus
quàm amicitia, si hæc nō per se expetatur, sed ad uolu
ptatē, utilitatē ue referantur. cōferamus igitur in pau
ca: nā ut utilitatē nullā esse docuimus, quæ honestati
esset cōtraria; sic omnem uoluptatem dicimus hone

C I C E R O N I S

stati esse contrariam. quo magis reprehendendos Calli-
phonem, & Dinomachum iudico: qui se dirempturos
controuersiam putauerunt, si cum honestate uolupta-
tem, tãquam cum homine pecudem, copulauissent. nō
recipit istā coniunctionē honestas, aspernatur, repellit.
nec uero finis bonorum, & malorū, qui simplex esse
debet, ex dissimilibus rebus misceri, & tēperari potest.
sed de hoc hactenus: magna enim res, alio loco pluribus
uerbis disputata. nunc ad propositum. quemadmo-
dum igitur, si quando ea, quæ uideretur utilitas, hone-
stati repugnat, diiudicanda res sit, satis est supra dispu-
tatum. sin autem speciem utilitatis etiam uoluptas ha-
bere dicatur, nulla potest esse ei cum honestate cōiun-
ctio: nam ut tribuamus aliquid uoluptati, condimenti
fortasse nonnihil, utilitatis certe nihil habebit.
Habes à patre munus Marce fili, mea quidem senten-
tia, magnum: sed perinde erit, ut acceperis. quanquam
tibi hi tres libri inter Cratippi commentarios, tanquā
hospites, erunt recipiendi. sed ut, si ipse uenissem Athe-
nas, quod quidē esset factum, nisi me de medio cursu
clara uoce patria reuocasset, aliquādo me quoque au-
dires: sic, quoniam his uoluminibus ad te profecta uox
mea est, tribues his temporis, quantum poteris; poteris
autem, quantum uoles. cum uero intellexero, te hoc sci-
entiae genere gaudere, tum & præsens tecū propediem
(ut spero) &, dum aberis, absens loquar. Vale igitur
mi Cicero; tibiq; persuade, te mihi quidem esse cha-
rissimum, sed multo fore chariorem, si talibus moni-
mentis, præceptisq; letabere.

M. TVLLII CICERONIS CATO MA-
IOR, VEL DE SENECTUTE AD
T. POMPONIVM ATTICVM.

DIALOGI PERSONAE,
SCIPIO, CATO, LAELIVS.

Tite, si quid ego adiuto, curam'ue leuaffo,
O Quæ nunc te coquit, et uersat sub pectore fixa,
Ecquid erit præmij?

licet enim uersibus iisdem mihi affari te Attice, quibus
affatur Flaminium ille uir, haud magna cum re, sed
fide plenus. quanquam certo scio, non, ut Flaminium,
solicitari te Attice sic noctesq; diesq;: noui enim mo-
derationem animi tui, & æquitatem: teq; non cogno-
men solum Athenis deportasse, sed humanitatem, &
prudentiam intelligo. & tamen suspicor iisdem re-
bus te, quibus me ipsum, interdum grauius commoueri.
quarum cōsolatio & maior est, et in aliud tempus diffe-
renda. nunc autem mihi uisum est, de senectute aliquid
ad te scribere: hoc enim onere, quod mihi tecum comu-
ne est, aut iam urgentis, aut certe aduentantis senectu-
tis & te, & me ipsum leuari uolo. etsi te quidem id mo-
deste, ac sapienter, sicut omnia, & ferre, et laturum esse
certo scio. sed mihi, cum de senectute uellem aliquid
scribere, tu occurrebas dignus eo munere, quo uterque
nostrum communiter uteretur. mihi quidem ita iucun-
da huius libri confectio fuit, ut non modo omnes abster-
serit senectutis molestias, sed effecerit mollē etiam, et
iucundam senectutem. nunquam igitur satis laudari
digne poterit philosophia: cui qui pareat, omne tempus

K iiij

C I C E R O N I S

etatis sine molestia possit degere. sed de ceteris & diximus multa, & saepe dicemus. hunc uero librum de senectute ad te misimus. omnem autem sermonem tribuimus non Tithono, ut Aristo Chius, ne parum esset auctoritatis in fabula; sed M. Catoni seni, quo maiorem auctoritatem haberet oratio; apud quem Laelium, & Scipionem facimus admirantes, quod is tam facile senectutem ferat, iisque eum respondentem: qui si eruditius uidebitur disputare, quam consuevit ipse in suis libris, attribuito graecis literis, quarum constat eum perstudiosum fuisse in senectute. sed quid opus est plura? iam enim ipsius Catonis sermo explicabit nostram omnem de senectute sententiam. SCI. Saepe numero mirari soleo cum hoc C. Laelio tum ceterarum rerum tuam excellentem M. Cato, perfectamque sapientiam, tum uel maxime, quod senectutem tuam nunquam tibi grauem esse senserim: quae plerisque senibus sic odiosa est, ut onus se Aetna grauius dicant sustinere. CA. Rem haud sane Scipio, & Laeli difficilem admirari uidemini: quibus enim nihil opis est in ipsis ad bene, beateque uiuendum, iis omnis grauis est aetas: qui autem omnia bona a se ipsis petunt, iis nihil potest malum uideri, quod naturae necessitas afferat: quo in genere in primis est senectus: quam ut adipiscantur, omnes optant; eadem accusant adepti: tanta est incostantia, stultitia, atque peruersitas. Obrepere aiunt eam citius, quam putassent. primum, quis coegit eos falsum putare? qui enim citius adolescentiae senectus, quam pueritiae adolescentia obrepit? deinde, qui minus grauis esset iis senectus, si octingentesimum annum agerent, quam octogesimum? praeterita

enim aetas, quamuis longa, cum effluxisset, nulla cōsolatione permulcere posset stultam senectutem. quocirca si sapientiam meam admirari soletis, quæ utinā digna esset opinione uestra, nostroq; cognomine; in hoc sumus sapientes, quod naturam optimam ducem, tāquā deum, sequimur, eiq; paremus: à qua nō uerisimile est, cum ceteræ partes ætatis bene descriptæ sint, extremū actum, tanquam ab inerti poeta, esse neglectū. sed tamen necesse fuit esse aliquod extremū, et, tanquam in arborum bacis, terræq; frugibus, maturitate repestiua quasi uietum, et caducum: quod ferendum est mollior sapienti: quid enim est aliud gigantum more bellare cum dijs, nisi naturæ repugnare? L A E. Atquē Cato gratissimū nobis, ut etiā pro Scipione pollicear, feceris, si, quoniā speramus, et uolumus quidē senes fieri, ante multo à te didicerimus, quibus facillime rationibus ingrauescentē ætatē ferre possimus. C A. Faciam uero Læli, præsertim si utriq; uestrū gratum, ut dicis, futurum est. L A E. Volumus sanē, nisi molestum est tibi Cato, tanquam aliquam uiam longam confeceris, qua nobis quoq; ingrediendū sit, istuc, quo peruenisti, uidere quale sit. C A. Faciam, ut potero, Læli: sæpe enim interfui querelis meorum æqualium, (pares autem cum paribus ueteri prouerbio facillime congregantur) quas C. Salinator, quas Sp. Albinus, homines consulares, nostri ferē æquales, deplorare solebant; tum, quod uoluptatibus carerent, sine quibus uitam nullā putarent; tum, quod spernerentur ab ijs, à quibus essent coli soliti. qui mihi non id uidebantur accusare, quod esset accusandū; nam si id culpa senectutis acci-

deret, eadē mihi usu euenirent, reliquisq; omnibus maioribus natu: quorū ego multorum cognoui senectutē sine querela, qui se à libidinū uinculis laxatos esse nō moleste ferrent, nec à suis despicerentur. sed omnium istiusmodi querelarū in moribus est culpa, non in etate: moderati enim, nec difficiles senes, nec inhumani tolerabilē agunt senectutem: importunitas autem, et inhumanitas omni etate molesta est. LAEL. Est, ut dicis, Cato; sed fortasse dixerit quispiam, tibi propter opes, et copias, et dignitatē tuam, tolerabilem senectutē uideri, id autem non posse multis contingere. CA. Est istud quidē Laeli aliquid, sed nequaquā in isto sunt omnia. ut Themistoclem ferunt Seriphio cuidā in iurgio respondisse, cum ille dixisset, non illū sua, sed patriæ gloria splendorem assecutū: nec hercle, inquit, si ego Seriphius essem, nobilis; nec, si tu Atheniēsis esses, clarus unquam fuisses. quod eodē modo de senectute potest dici: nec enim in summa inopia leuis esse senectus potest, ne sapiētī quidē, nec insipiētī in sūma copia nō grauis. aptissima omnino sunt Scipio, et Laeli arma senectutis, artes, exercitationesq; uirtutū. quæ in omni etate cultæ, cū multū, diuq; uixeris, mirificos afferunt fructus, non solū quia nunquam deserunt, nec in extremo quidem tempore etatis; (quanquā id maximū est) uerum etiā quia conscientia bene actæ uitæ, multorūq; benefactorū recordatio iucundissima est. ego quidem Q. Maximū, eū, qui Tarentum recepit, adolescens ita dilexi senem, ut aequalē: erat enim in illo uiro comitate condita grauitas: nec senectus mores mutauerat. quanquam cum colere cōpi non admodū grandem natū,

sed tamen iā etate prouectum: anno enim post, quā
primum Consul fuerat, ego natus sum: cūq; eo quaro-
rum Consule adolescentulus miles profectus sum ad Ca-
puam, quintoq; anno post ad Tarentum Quæstor: de-
inde Aedilis, quadriennio post factus sum Prætor, quē
magistratum gessi Consulibus Tuditano, et Cethego,
cum quidē ille admodum senex suasor legis Cincie de
donis, & muneribus fuit. hic et bella gerebat, ut ados-
lescens, cum planē grandis esset: & Annibalem iuue-
niliter exultātem patientia sua mollebat: de quo præ-
clare familiaris noster Ennius:

Vnus homo nobis cunctando restituit rem:

Non ponebat enim rumores ante salutem.

Ergo postq; magisq; uiri nunc gloria claret.

Tarentū uero qua uigilantia, quo consilio recepit? cū
quidē me audiente Salinatori, qui amisso oppido fuge-
rat in arcem, gloriantī, atque ita dicenti; mea opera
Q. Fabi Tarentum recepisti; certe, inquit, ridens, nisi
tu amisisses, nunquā recepissem. nec uero in armis præ-
stantior, quā in toga; qui Consul iterum, Sp. Caruli-
lio collega quiescēte, C. Flaminio Tribuno pl. quoad po-
tuit, restitit, agrum Picenum, et Gallicum uirilit̃ con-
tra senatus auctoritatem diuidenti: Augurq; cum es-
set, dicere ausus est, optimis auspicijs ea geri, quæ pro-
Reip. salute gererentur; quæ cōtra Remp. fierent, con-
tra auspicia fieri. multa in eo uiro præclara cognoui:
sed nihil est admirabilius, quā quo modo ille mortē
Marci filij tulit, clari uiri, & cōsularis. est in manibus
uiri laudatio: quam cum legimus, quem philosophum
nō contemnimus? nec uero ille in luce modo, atq; in

C I C E R O N I S

oculis ciuium magnus; sed intus, domiq; præstantior .
 qui sermo? quæ præcepta? quanta notitia antiquitatis?
 quæ scientia iuris augurij? multæ etiam, ut in homine
 Romano, literæ; omnia memoria tenebat nō domestica
 solum, sed etiam externa bella, cuius sermone ita tum
 cupide fruebar, quasi iam diuinarem id, quod euenit,
 illo extincto fore, unde discerem, neminem. quorsum
 igitur hæc tam multa de Maximo? quia profecto uide
 ris, nefas esse dictu, miserā fuisse talem senectutē. nec
 tamē omnes possunt esse Scipiones, aut Maximi, ut ur
 bium expugnationes, ut pedestres, nauales'ue pugnas,
 ut bella à se gesta, ut triumphos recordentur: est enim
 quiete, & pure, et eleganter ætæ ætatis placida, ac le
 nis senectus: qualem accepimus Platonis; qui uno, &
 octogesimo anno scribens mortuus est: qualem Isocra
 tis; qui eum librū, qui Panathenæicus inscribitur, quar
 to, & nonagesimo anno scripsisse dicitur, uixitq; quin
 quennium postea: cuius magister Leontinus Gorgias
 centum, & septem compleuit annos; neque unquā in
 suo studio, atq; opere cessauit. qui, cum ex eo querere
 tur, cur tandiu uellet esse in uita, nihil habeo, inquit, q̃
 accusem senectutem. præclarum responsum, & docto
 homine dignum: sua enim uitia insipientes, & suam
 culpam in senectutem conferunt: quod nō faciebat is,
 cuius modo mentionem feci, Ennius .

Sicut fortis equus, spatio qui sæpe supremo
 Vicit Olympia, nunc senio confectus quiescit .
 equi sortis, & uictoris senectuti comparat suam: quē
 quidē probe meminisse potestis: anno enim undecies
 simo post eius mortem hi Consules, L. Flaminius, et M.

Attilius, facti sunt: ille autem Cepione, & Philippo iterum Cōsulibus mortuus est, cum ego quidē quinq; & sexaginta annos natus legem Voconiam uoce magna, & bonis lateribus suasissem. annos septuaginta natus (tot enim dixit Ennius) ita ferebat duo, quæ maxima putatur, onera, paupertatē, senectutē, ut eis penē deletari uideretur. Etenim, cū cōplector animo, quatuor causas reperio, cur senectus misera uideatur; unam, q̄ auocet à rebus gerendis; alterā, q̄ corpus faciat infirmum; tertiam, quòd priuet omnibus fere uoluptatibus; quartam, q̄ haud procul absit à morte. earum, si placet, causarum quantū quæque ualeat, quātumq; iusta sit, uideamus. A rebus gerendis senectus abstrahit: quibus? an ijs, quæ iuuetute geruntur, & uiribus? nulla ne igitur res seniles sunt, quæ uel infirmis corporibus, animo tamē administrantur? nihil igitur agebat Q. Maximus? nihil L. Paulus pater tuus Scipio, socer optimi uiri filij mei? ceteri senes, Fabritij, Curiij, Coruncanij, cū Rēp. consilio, & auctoritate defendebāt, nihil agebant? ad App. Claudij senectutem accedebat etiā, ut cæcus esset: tamen, cū sententia senatus inclinaret ad pacem, & fœdus faciendum cum Pyrrho, nō dubitauit dicere illa, quæ uersibus persecutus est Ennius: Quò uobis mentes, rectæquæ stare solebant Antehac, dementi sese flexere ruina? ceteraq; grauissime: notū uobis enim carmen: & tamen ipsius Appij extat oratio. atq; hac ille egit septē & decem annis post alterum Consulatum, cum inter duos Consulatus anni decem interfuissent, Cēsorq; ante Consulatum superiore fuisset: ex quo intelligitur,

C I C E R O N I S

Pyrrhi bello grandem sanè fuisse: & tamen sic a patribus accepimus. nihil igitur afferunt, qui in re gerenda uersari senectutem negant: similesq; sunt, ut si qui gubernatorē in nauigando agere nihil dicāt, cum alij malos scandant, alij per foros cursent, alij sentinam ex hauriant; ille autem clauum tenens, sedeat in puppi quietus. non facit ea, quæ iuuenes. at uero multo maiora, & meliora facit: non enim uiribus: aut uelocitatibus, aut celeritate corporū res magnæ geruntur, sed consilio, & auctoritate, & sententia; quibus nō modo non orbari, sed etiam augeri senectus solet. nisi forte ego uobis, qui & miles, et Tribunus, et Legatus, & Cōsuluersatus sum in uario genere bellorum, cessare nūc uideor, cum bella non gero: at senatui, quæ sunt gerenda, præscribo, & quo modo Carthaginī male iam diu cogitanti bellū inferatur, multo ante denūtio. de qua non ante uereri desinam, quā illā excisam esse cognouero. quā palmam utinam dii immortales tibi Scipio reseruent; ut aui reliquias persequare: cuius à morte hic tertius, & trigessimus est annus: sed memoriam illius uiri excipient omnes anni consequētes. anno ante me Censorem mortuus est, nouē annis post meum Consulatum; cum Consul iterum, me Consule creatus esset. nū igitur, si ad centesimū annum uixisset, senectutis eum suæ pœniteret? nec enim excursione, aut saltu, nec eminus hastis, aut comminus gladijs uteretur, sed consilio, ratione, sentētia, quæ nisi essent in senibus, nō summum consiliū maiores nostri appellassent senatū. apud Lacedæmonios quidem ij, qui amplissimum magistratum gerunt, ut sunt, sic etiam appellantur sen

nes. q̄ si legere, & audire uoletis externa, maximas
Resp. per adoleſcēculos labefaētatas, à senibus ſustenta-
tas reperiētis: Cedò, qui ueſtram Rempublitam tātā
amiſiſtiſti tam cito? ſic enim percunētanti, ut eſt in
Nēuij ludo, reſpondentur & alia, & hæc in primis:
Proueniebant oratores noui, ſtulti adoleſcentuli.
temeritas eſt uidelicet florentis ætatis, prudentia ſene-
ctutis. at memoria minuitur: credo, niſi exceſſas eam,
aut etiam ſi ſis natura tardior. Themiftoeles omnium
ciuium nomina perceperat. num igitur cenſetis eum,
cum ætate proceſſiſſet, qui Ariſtides eſſet, Lyſimachiũ
ſalutare ſolitum? equidē nō modo eos noui, qui ſunt,
ſed eorum patres etiam, & auos: nec ſepulcra legens,
uereor (quod aiunt) ne perdam memoriam: his enim
iſſis legendis redeo in memoriam mortuorũ. nec uero
quenquam ſenũ audiui oblitum, quo loco theſaurũ
obuiſſet. omnia, quæ curāt, meminērunt, uadimonia
conſtituta, qui ſibi, quibus iſſi debeāt. quid iuriſcōſul-
ti, quid Pōrifces, quid Augures, quid philoſophi ſenes?
quā multa meminērunt? manent ingenia ſenibus, mo-
do permaneat ſtudium, & induſtria; nec ea ſolum in
claris, & honoratis uiris, ſed in uita etiam priuata, &
quieta. Sophocles ad ſummā ſenectutem tragoedias fe-
cit. qui propter ſtudium cum rem familiarem negligere
uideretur, à filijs in iudiciũ uocatus eſt: ut, quēad-
modum noſtro more male rem gerentibus patribus bo-
nis interdici ſolet, ſic illum, quaſi deſipiētem, à re fami-
liari remouerent iudices. tum ſenex dicitur eam fabu-
lam, quam in manibus habebat, & proxime ſcripſe-
rat, Oedipũ Coloneũ recitaſſe iudicibus, quaſiſſe q̄, nũ

C I C E R O N I S

illud carmen desipientis uideretur: quo recitato, sentē
 tijs iudicum est liberatus. num igitur hunc, num Hesio
 dum, num Simonidem, nū Stesichorum, num, quos an
 te dixi, Isocratē, Gorgiam, num Homerum, nū philo
 sophorū principes Pythagorā, Democritum, nū Plato
 nem, nū Xenocratē, num postea Zenonem, Cleāthē,
 aut eum, quem uos etiam Romæ uidistis, Diogenē Stoi
 cum coegit in suis studijs obmutescere senectus? an nō
 in omnibus his studiorum agitatio uitæ equalis fuit?
 age, ut ista diuina studia omittamus: possum nomina
 re ex agro Sabino rusticos uicinos, & familiares meos,
 quibus absentibus nunquā ferē ulla in agro maiora
 opera sūt, nō serēdis, nō percipiēdis fructibus, nō con
 dēdis, quāquā in ijs hoc minus mirū: nemo enim est tā
 senex, qui se annum non putet posse uiuere, sed ijdem
 laborāt in eis, quæ sciūt nihil ad se omnino pertinere:
 Serunt arbores, quæ alteri seculo prosint,
 ut ait Staius noster in Synephebis. nec uero dubitat
 agricola quāuis senex, quærenti, cui serat, respondere;
 dijs immortalibus, qui me nō accipere tātūmodo hæc
 à maioribus uoluerūt, sed etiā posteris prodere. melius
 Cæcilius de sene alteri seculo prospiciēte, quā illud idē:
 Aedepol senectus, si nihil quidquam aliud uitij
 Apportet secum, cum aduenerit; unum id satis est,
 Quod diu uiuendo, multa, quæ non uult, uidet:
 & multa fortasse, quæ uult: atque in ea quidem, quæ
 non uult, sæpe etiam adolescentia incurrit. illud uero
 idem Cæcilius uitiosius:
 Tum etiam in senectā hoc reputo miserrimum,
 Sentire ea ætate esse odiosum se alteri:

iucundum

iucundum potius, quàm odiosum: ut enim adolescenti-
 bus bona indole præditis sapientes senes delectantur, le-
 uiorq; sit eorū senectus, qui à iuuentute coluntur, &
 diliguntur; sic adolescentes senum præceptis gaudent,
 quibus ad uirtutū studia ducuntur. nec minus intelli-
 go me uobis, quàm uos mihi esse iucundos. sed uidetis,
 ut senectus nō modo languida, atq; iners non sit, uerū
 etiam sit operosa, & semper agens aliquid, et moliens,
 tale scilicet, qualecuiusq; studiū in superiore uita fuit.
 quid, q̄ etiam addiscunt aliquid: ut Solonem in uersi-
 bus gloriantē uidemus, qui se, quotidie aliquid addiscē-
 tem, senem fieri dicit: ut ego feci, qui græcas literas se-
 nex didici. quas quidem sic auide arripui, quasi diutur-
 nam sitim explere cupiēs; ut ea ipsa mihi nota essent,
 quibus me nunc exemplis uti uidetis. quod cum fecisse
 Socratem in fidibus audirem: uellem equidē & illud:
 (discebant enim fidibus antiqui) sed in literis certe ela-
 borauī. Nec nunc quidē uires desidero adolescentis, (is
 enim locus erat alter de uitijs senectutis) nō plus, quā
 adolescens etiā uires tauri, aut elephantis desiderabā:
 quod enim homini naturaliter insitū est, eo uti decet;
 et quidquid agas, agere pro uiribus. quæ enim uox po-
 test esse cōreptior, quā Milonis Crotoniatæ? qui, cū iā
 senex esset, athletasq; se in curriculo exercētes uideret,
 aspexisse lacertos suos dicitur, illacrymansq; dixisse:
 At hi quidem iam mortui sunt:
 non uero tam isti, quā tu ipse nugator: neq; enim ex
 te unquam es nobilitatus, sed ex lateribus, & lacertis
 tuis. nihil Sex. Aelius tale, nihil multis annis ante T. Co-
 runcanus, nihil modo P. Crassus: à quibus iura ciuibus

præscribebantur : quorum usq; ad extremum spiritum
 prouecta est prudentia. orator, metuo, ne languescat se-
 nectute: est enim munus eius non ingenij solum, sed la-
 terum etiam, et uirium. omnino canorum illud in uo-
 ce splēdescit etiā nescio quo pacto in senectute : quod
 equidē non amisi adhuc: & tamē uidetis annos meos.
 sed tamē decorus est sermo senis quietus, & remissus;
 facitq; persape ipsa sibi audientiam diserti senis cōpta
 oratio, & mitis, q̄ si exequi nequeas, possis tamen Sci-
 pioni præcipere, & Lælio : quid enim est iucundius se-
 nectute stipata studijs iuuentutis? an ne eas quidē ui-
 res senectuti relinquemus, ut adolēscētulos doceat, in-
 stituat, ad omne officiū munus instruat? quo quidē ope-
 re quid potest esse præclarius? mihi uero Cn. & P. Sci-
 piones, & aui tui duo L. Aemilius, & P. Africanus co-
 mitatu nobilium iuuenum fortunati uidebantur. nec
 ulli bonarum artium magistri nō beati putandi, quā-
 uis cōsenuerint uires, atq; defecerint: etsi ista ipsa defe-
 ctio uirium adolēscētiæ uitij efficitur sæpius, quā se-
 nectutis: libidiosa etenim, et intemperans adolēscētia
 effæctum corpus tradit senectuti. Cyrus quidem apud
 Xenophontem eo sermone, quem moriēs habuit, cū ad-
 modum senex esset, negat se unquā sensisse senectutē
 suam imbecilliores factam, quā adolēscētia fuisset.
 ego L. Metellum memini puer, qui, cū quadriēnio post
 alterum Consulatu Pōtifex Maximus factus esset, ui-
 ginti, & duos annos ei sacerdotio præfuit, ita bonis ui-
 ribus esse in extremo tēpore ætatis, ut adolēscētiā nō
 requireret. nihil necesse est de me ipso dicere mihi. quā-
 quam est id quidem senile, ætatiq; nostræ cōceditur: ui-

detis enim, ut apud Homerum sapissime Nestor de uir-
 tutibus suis prædicet: tertiam enim iam ætatem homi-
 num uiuebat; nec erat ei uerendum, ne uera de se præ-
 dicans, nimis uideretur aut insolens, aut loquax: etenim
 (ut ait Homerus) ex eius lingua melle dulcior fluebat
 oratio: quam ad suauitatem nullis egebat corporis ui-
 ribus. & tamen ille dux Græciæ nunquā oprat, ut Aia-
 cis similes decem habeat, at ut Nestoris: quod si accide-
 rit, non dubitat quin breui Troia sit peritura. sed res-
 deo ad me. quartum annum ago, & octogesimum.
 equidem posse uellem idē gloriari, quod Cyrus: sed ta-
 men hoc queo dicere, nō me quidē ijs esse uiribus, qui-
 bus aut miles Punico bello, aut Quæstor in eodē bello,
 aut Consul in Hispania fuerim, aut quadriennio post
 cū Tribunus militaris depugnaui apud Thermopylas
 M. Attilio Glabrione Consule: sed tamen (ut uos uide-
 tis) non planè me enervauit, non afflixit senectus: non
 curia uires meas desiderat, non Rostra, non amici, non
 clientes, non hospites: nec enim unquam sum assensus
 illi ueteri, laudatoq; prouerbio; quod monet mature
 fieri senem, si diu uelis esse senex. ego uero me minus
 diu senem esse mallē, quā esse senem ante, quā essem:
 itaq; nemo adhuc cōuenire me uoluit, quin fuerim oc-
 cupatus. at minus habeo uirium, quā uestrum uter
 uis. nec uos quidem T. Pontij Cæturionis uires habetis:
 nū idcirco ille est præstantior uobis? moderatio modo
 uirium adsit, & tātū, quātum quisq; potest, nitatur:
 nā ille non magno desiderio tenebitur uiriū. Olympiæ
 per stadium ingressus esse Milo dicitur, cū humeris su-
 stineret bouem. utrum igitur has corporis, an Pythagoræ

C I C E R O N I S

ra tibi malis vires ingenij dari? deniq; isto bono utare,
 dum adsit: cum absit, ne requiras: nisi forte adolescen-
 tes pueritiam, paululum aetate progressi adolescentiā
 debeant requirere. cursus est certus aetatis, & uia una
 natura, eaq; simplex; suaq; cuique parti aetatis tempe-
 stiuitas est data: ut enim infirmitas est puerorum, &
 ferocitas iuuenum, & grauitas iam cōstantis aetatis; sic
 senectutis maturitas naturale quiddam habet, quod
 suo tēpore percipi debeat. arbitror te audire Scipio, ho-
 spes tuus Masinissa quā faciat hodie, nonaginta an-
 nos natus; cū ingressus iter pedibus sit, in equū omni-
 no nō ascendere; cū equo, ex equo nō descendere; nul-
 lo imbre, nullo frigore adduci, ut capite operto sit; sum-
 mā in eo esse corporis siccitatē; itaq; exequi omnia re-
 gis officia, & munera. potest igitur exercitatio, & tē-
 perantia etiam in senectute conseruare aliquid pristi-
 ni roboris. non sunt in senectute vires: nec postulan-
 tur quidem vires a senectute. ergo & legibus, & insti-
 tutis uacat aetas nostra muneribus ijs, quā nō possunt
 sine uiribus sustineri. itaq; nō modo, quod non possu-
 mus, sed ne quantum possumus quidem, cogimur. at
 ita multi sunt imbecilles senes, ut nullū officij, aut om-
 nino uitae munus exequi possint. at id quidē non pro-
 prium senectutis est uitium, sed cōmune ualetudinis.
 quā fuit imbecillis P. Africani filius, is, qui te adopta-
 uit? quā tenui, aut nulla potius ualetudine? q̄ nisi ita
 fuisset, alterum ille extitisset lumen ciuitatis: ad pa-
 ternā enim magnitudinē animi, doctrina uberior ac-
 cesserat. quid mirum igitur in senibus, si infirmi sunt
 aliquando, cum ne id quidē adolescētes effugere pos-

sint? resistendum Læli, et Scipio senectuti est; & eius vitia diligentia corrigenda sunt: pugnandum, tanquā contra morbum, sic contra senectutem: habenda ratio valetudinis: utendum exercitationibus modicis: tantū cibi, & potionis adhibendum, ut reficiātur vires, nō opprimantur. nec uero corpori solum subueniendum est, sed etiam menti, atq; animo multo magis: nanq; hæc quoq; nisi tāquā lumini oleū in stilles, extinguūtur senectute. & corpora quidem defatigatione, et exercitatione ingrauescunt: animi autem se exercendo leuātur. nam, quos ait Cæcilius comicus stultos senes, hos significat credulos, obliuiosos, dissolutos. quæ vitia sunt nō senectutis, sed inertis, ignauæ, somniculosæ senectutis. ut petulātia, ut libido magis est adolescentū quā senum, nec tamen omnium adolescentum, sed nō proborum: sic ista senilis stultitia, quæ deliratio appellari solet, senum leuitum est, nō omnium. quatuor robustos filios, & filias quinque, tantam domum, tantas cliētelas Appius regebat & senex, et cæcus: intentum enim animum tanquam arcum habebat: nec languescēs succumberebat senectuti: tenebat non modo auctoritatem, sed etiam imperium in suos: metuebant eum serui, uerebātur liberi, charum omnes habebāt: uigebat in ea domo patrius mos, et disciplina: ita enim senectus honesta est, si se ipsa defendit, si ius suum retinet, si nemini mactata est, si usq; ad extremum spiritum dominatur in suos: ut enim adolescentē, in quo senile aliquid, sic senē, in quo adolescentis est aliquid, laudamus. quod qui sequitur, corpore senex esse poterit, animo nūquā erit. septimus mihi originū liber est in manibus: omnia an-

tiq̄uitatis monimenta colligo: caufarū illuſtriū, quaſ-
 cunq; defendi, nūc quāmaxime conficio orationes: ius
 augurium, pontificiū, ciuile tracto: multum etiam li-
 teris græcis utor: Pythagoreorumq; more exercēdæ me-
 moriæ gratia, quodcunq; dixerim, audiuerim, egerim,
 cōmemoro ueſperi. hæ ſunt exercitationes ingenij, hæ
 curricula mentis: in his deſudās, atq; elaborans, corpo-
 ris uires non magnopere deſidero: adſum amicis: ue-
 nio in ſenatum frequens, ultroq; afferō res multū, et
 diu cogitatas, eaſq; tueor animi, non corporis uiribus.
 quæ ſi exequi nequirem, tamen me lēctulus oblectaret
 meus ea ipſa cogitātem, quæ iam agere nō poſſem: ſed
 ut poſſim, facit aēta ulta: ſemper enim in his ſtudijs,
 laboribꝫq; uiuenti non intelligitur, quando obrepat ſe-
 neētus. ita ſenſim, ſine ſenſu ætas ſeneſcit; nec ſubito
 frangitur, ſed diuturnitate extinguitur. Sequitur
 tertia uituperatio ſeneētutis, quòd eā carere dicūt uo-
 luptatibus. ò præclarum munus ætatis: ſi quidem id
 aufert nobis, quod eſt in adoleſcētia uitioſiſſimū: ac-
 cipite enim optimi adoleſcentes ueterē orationem Ar-
 chyæ Tarētini, magni in primis, & præclari uiri: quæ
 mihi tradita eſt, cum eſſem adoleſcēs Tarēti cum Q.
 Maximo. Nullam capitaliorem peſtem, quā corporis
 uoluptem, hominibus dicebat à natura datam: cuius
 uoluptatis auidæ libidines, temere, & effrenate ad
 potiundum incitarentur. hinc patriæ proditiōes, hinc
 Rerump. euerſiones, hinc cum hoſtibus clādeſtina collo-
 quia naſci dicebat: nullum deniq; ſcelus, nullū magnū
 facinus eſſe, ad quod ſuſcipiendum nō libido uolupta-
 tis impelleret: ſupra uero, & adulteria, et omne tale

flagitium nullis alijs illecebris excitari, nisi uoluptate : cumq; homini siue natura, siue quis deus nihil mente præstabilis dedisset, huic diuino mûneri, ac dono nihil tam esse inimicum, quàm uoluptatem: nec enim libidine dominante tēperantiæ locū esse, nec omnino in uoluptatis regno uirtutem posse consistere. quod quo magis intelligi posset, fingere animo aliquem iubeat tanta incitatum uoluptate corporis, quanta percipi posset maxima: nemini censebat fore dubium, quin tam diu, dum ita gauderet, nihil agitare mēte, nihil ratione, nihil cogitatione consequi posset: quocirca nihil tam detestabile, tamq; pestiferum, quàm uoluptatem: si quidē ea, cum maior esset, atq; longior, omne animi lumen extingueret. Hæc cum C. Pontio Samnite, patre eius, à quo in Caudino prælio sp. Posthumius, & T. Veturius Cōsules superati sunt, locutū Archytam, Nearchus Tarentinus hospes noster, qui in amicitia populi R. permanerat, se à maioribus natu accepisse dicebat; cum quidem ei sermoni interfuisset Plato Atheniensis: quē Tarentum uenisse L. Aemilio, App. Claudio Coss. reperio. quorsum hæc? ut intelligatis, si uoluptatem aspernari ratione, & sapientia non possumus, magnam habēdam senectuti gratiam, quæ effecerit, ut nō liberet, quod non oporteret: impedit enim consiliū uoluptas, rationi inimica; ac mentis (ut ita dicam) præstringit oculos; nec habet ullum cum uirtute cōmercium. inuitus quidem feci, ut fortissimi uiri T. Flaminij fratrem L. Flamiū ē senatu eijcerem septem annis post quā Consul fuisset: sed notandam libidinem putauī nimiam: ille enim, cum esset Consul in Gallia, exoratus est

C I C E R O N I S

in conuiuio à scorto, ut securi feriret aliquem eorum, qui in uinculis essent damnati rei capitalis. tunc fratre suo Censore, qui proximus ante me fuerat, elapsus est. mihi uero, & Flacco neutiquam probari potuit tam flagitiosa, & tam perdita libido, quæ cū probro priuato coniungeret imperij dedecus. sæpe à maioribus natu audiui, qui se porro pueros à senibus audiuis se dicebant, mirari solitum. C. Fabritium, quòd, cū apud Regem Pyrrhum Legatus esset, audisset à Thessalo Cineæ, Athenis quendam esse, qui se sapientē profiteretur; eūq; dicere, omnia, quæ faceremus, ad uoluptatem esse referenda: quod ex eo audientes Manium Curium, & T. Coruncanum, optare solitos, ut id Samnitibus, ipsiq; Pyrrho persuaderetur; quo facilius uinci possent, cum se uoluptatibus dedissent. uixerat Manius Curius cum P. Decio, qui quinquennio ante eum Consulem se pro Rep. quarto Consulatu deuouerat: norat eundem Fabritius, norat Coruncanus: qui tum ex sua uita, tum ex eius, quem dico, P. Decij factō indicabāt esse profecto aliquid natura pulchrum, atq; præclarum, quod sua sponte peteretur, quodq; spreto, & contempta uoluptate optimus quisque sequeretur. quorsum igitur hæc tam multa de uoluptate? quia nō modo uituperatio nulla, sed etiā summa laus senectutis est, quòd ea uoluptates nullas magnopere desiderat. caret epulis, extructisq; mensis, et frequentibus poculis: caret ergo uinolentia, cruditate, & insomnijs. sed si aliquid dandum est uoluptati, quoniam etus blāditijs non facile obsistimus (diuinus enim Plato escam malorum uoluptatem appellat, quòd ea uidelicet homi-

nes capiantur, ut hamo pisces) quanquā immoderatis
epulis careat senectus, modicis conuiuijs tamē potest de
lectari. C. Duillum M. filium, qui Pœnos primus classe
deuicerat, redeūtem à cœna senem sæpe uidebā puer.
delectabatur cæreo funali, & tibicine: quæ sibi nullo
exemplo priuatus sumpserat: tantū licentiæ dabat glo
ria. sed quid ego alios? ad me ipsum iam reuertar. pri
mum habui semper sodales: sodalitates autē me Quæ
store cōstitutæ sūt, sacris Idæis Magnæ matris acceptis.
epulabar igitur cū sodalibus, omnino modice, sed erat
quidam feruor ætatis; qua progrediente, omnia fiunt
etiam in dies mitiora: neq; enim ipsorum conuiuiorū
delectationes corporis uoluptatibus magis, quā cœtu
amicorum, & sermonibus metiebar: bene enim maio
res accubationem epularem amicorum, quia uitæ con
iunctionem haberet, conuiuium nominarunt, melius,
quā Græci, qui hoc idem tum compotationem, tum
concoenationem uocāt: ut, quod in eo genere minimū
est, id maxime probare uideantur. ego uero propter ser
monis delectationem tēpestiuis conuiuijs delector, nec
cum æqualibus solum, qui pauci admodum restant, sed
cum uestra etiā ætate, atq; uobiscum: habeoq; senectu
ti magnam gratiam, quæ mihi sermonis auiditatē au
xit, potionis, et cibi sustulit. quod si quem etiā ista de
lectant, ne omnino bellū indixisse uidear uoluptati, cu
ius est etiā fortasse quidam naturalis modus: nō intel
ligo ne in istis quidē uoluptatibus ipsis carere sensu se
nectutem. me uero & magisteria delectant à maiori
bus instituta; & is sermo, qui more maiorum à sum
mo adhibetur magistro in poculo; & pocula, sicut in

C I C E R O N I S

symposio Xenophontis, minuta, atq; rorantia, et refrigeratio æstate, & uicissim in hyeme aut sol, aut ignis hybernus: quæ quidem in Sabinis etiam persequi soleo: conuiuiumq; uicinorum quotidie cōpleo; quod ad multam noctem, quàm maxime possumus, uario sermone producimus. at non est uoluptatum tanta quasi titillatio in senibus. credo: sed nec desideratio quidem: nihil autem molestum, quod non desideres. bene Sophocles, cum ex eo quidā iam confecto ætate quæreretur, ut ne rebus Venereis, dii meliora, inquit: libenter uero istinc tāquam à domino agresti, ac furioso profugit. cupidus enim rerum talium odiosum, & molestum est fortasse carere; satiatis uero, & expletis iucundius est carere, quàm frui. (quanquam non caret is, qui nō desiderat) ergo hoc nō desiderare dico esse iucundius, quàm frui. quòd si istis ipsis uoluptatibus bona ætas fruitur libentius; primum paruulis fruitur rebus, ut diximus; deinde ijs, quibus senectus, si etiam non abūde potitur, non omnino caret. ut Turpione Ambitio magis delectatur, qui in prima cauea spectat; delectatur tamen etiam, qui in ultima: sic in adolescētia uoluptates prope intuens magis fortasse letatur; sed delectatur etiā senectus procul eas spectans, tantū, quantum sat est. at illa quanti sunt, animum tanquā emeritis stipēdijs libidinis, ambitionis, contētionis, inimicitiarū, cupiditatum omnium, secum esse, secūq; (ut dicitur) uiuere? si uero habet aliquod tanquam pabulum studij, atq; doctrinæ, nihil est otiosa senectute iucundius. mori uidebamus in studio dimetiendi penè cæli, atq; terræ Gallū familiarem parristui Scipio. quoties illum lux, noctu

aliquid describere ingressum, quoties nox oppressit, cū
coepisset mane? quā delectabatur, cum defectiones
solis, & lunæ multo nobis ante prædiceret? quid in le-
uioribus studijs, sed tamen acutis? quā gaudebat bel-
lo suo Punico Nævius? quā Truculento Plautus?
quā Pseudulo? vidi etiam senem Liuium: qui, cum se-
ptē annis ante, quā ego natus sum, fabulam docuis-
set Centōne, Tuditanoq; Consulibus, usque ad adolescē-
tiam meam processit ætate. quid de P. Licinij Crassi et
pontificij, & civilis iuris studio loquar? aut de huius
P. Scipionis, qui his paucis diebus Pontifex maximus fa-
ctus est? atqui eos omnes, quos commemoravi, his stu-
dijs flagrant senes vidimus. Marcum uero Cethegū,
quem recte suadæ medullam dixit Ennius, quanto stu-
dio exerceri in dicendo uidebamus etiam senem? quæ
sunt igitur epularum, aut ludorum, aut scortorum uo-
luptates cum his uoluptatibus comparandæ? atq; hæc
quidem studia sunt doctrinæ: quæ quidem prudentia-
bus, et bene institutis pariter cū ætate crescunt. ut ho-
nestum illud Solonis est, quod ait uersiculo quodā, (ut
ante dixi) senescere se multa in dies addiscentem: qua
uoluptate animi nulla certe potest esse maior. Venio
nunc ad uoluptates agricolarum: quibus ego incredibi-
liter delector: quæ nec ulla impediuntur senectute, &
mihi ad sapientis uitam proxime uidetur accedere: ha-
bent enim rationem cū terra; quæ nunquam recusat
imperium, nec unquā sine usura reddit, quod accepit,
sed alias minore, plerunq; maiore cum fœnore. quā
quam me quidem nō fructus modo, sed etiā ipsius ter-
ræ uis, ac natura delectat. quæ cum gremio mollito, de

subactō semen sparsum excepit, primū id occatum cohibet; ex quo occatio, quæ hoc efficit, nominata est: de inde tepesactum uapore, & cōplexu suo diffundit, et elicit herbescentem ex eo uiriditatem: quæ nixa fibris stirpiū sensim adolescit; culmoq; erecta geniculato, uaginis iam quasi pubescens includitur: è quibus cū emergerit, fundit frugem spicæ ordine structam, & contra auium minorum morsum munitur uallo aristarum. quid ego uitium satus, ortus, incremēta commemorē? satari delectatione non possum; ut meæ senectutis requiem, oblectamētumq; noscatis. omitto enim uim ipsam omnium, quæ generantur è terra; quæ ex fici tantulo grano, aut ex acino uinaceo, aut ex cæterarū frugum, aut stirpium minurissimis seminibus tantos trūcos, ramosq; procreet: malleoli, planta, sarmēta, uiuirdices, propagines non ne ea efficiunt, ut quēuis admiratione delectent? uitis quidem, quæ natura caduca est, & nisi fulta sit, ad terram fertur, eadem, ut se erigat, clauiculis suis, quasi manibus, quidquid est nacta, complectitur: quam serpentem multiplici lapsu, & erratitico, ferro amputās coercet ars agricolarum, ne siluescat sarmentis, & in omnes partes nimia fundatur. itaq; ineunte uere in ijs, quæ relicta sunt, existit tanquā ad articulos sarmentorum ea, quæ gemma dicitur: à qua orlens uua sese ostendit: quæ & succo terræ, & calore solis augefcens, primo est peracerba gustui; deinde maturata dulcescit; uestitaq; pampinis, nec modico tepore caret & nimios solis defendit ardores: quæ quid potest esse tum fructu latius, tum aspectu pulchrius? cuius quidem non utilitas me solum, ut ante dixi, sed etiam

cultura, & ipsa natura delectat; adminiculorum ordi-
nes, capitū coniugatio, & religatio, & propagatio ui-
tium, sarmentorum ea, quam dixi; aliorū amputatio,
& aliorum immissio. quid ego irrigationes, quid agri
fossiones, repastinationesq; proferam, quibus fit multo
terra foecundior? quid de utilitate loquar stercoradi?
dixi in eo libro, quem de rebus rusticis scripsi: de qua
doctus Hesiodus ne uerbum quidem fecit, cū de cultu-
ra agri scriberet. at Homerus, qui multis (ut mihi uide-
tur) ante seculis fuit, Lactem lenientem desiderium,
quod capiebat ē filio, colentem agrum, & eum sterco-
rantem facit. nec uero segetibus solum, & pratis, et ui-
neis, & arbusis res rusticae laetae sunt, sed pomarijs etiā
& hortis, tum pecudum pastu, et apum examinibus,
tum florum omnium uarietate. nec consitiones modo
delectant, sed etiā insitiones: quibus nihil inuenit agri-
cola solertius. possum persequi multa oblectamēta re-
rum rusticarū: sed ea ipsa, quae dixi, sentio fuisse lon-
giora. ignoscetis autem: nam & studio rerum rustica-
rum prouectus sum; & senectus est natura loquacior;
ne ab omnibus eam uirijs uidear uendicare. ergo in
hac uita M. Curius, cum de Samnitibus, de Sabinis, de
Pyrrho triumphasset, cōsumpsit extremum tēpus aeta-
tis. cuius quidem uillam ego contemplans (abest enim
non longe à me) admirari satis non possum uel ipsius
hominis continentiam, uel temporum disciplinā. Curio
ad focum sedenti magnum auri pondus Samnites cū
attulissent, repudiati ab eo sunt: non enim aurum ha-
bere, praeclarum sibi uideri dixit, sed eis, qui haberent
aurum, imperare. poterat ne tantus animus non iu-

C I C E R O N I S

eundam efficere senectutē? sed uenio ad agricolas, ne
 à me ipso recedam. in agris erāt tunc senatores, idest
 senes; si quidē L. Quintio Cincinnato in agro arāri nū
 ciatum est, cum Dictatorem esse factū. cuius Dictato=
 ris iussu Magister Equitum C. Seruilius Hala Sp. Me=
 llum regnum appetentem, & occupantē interemit. à
 uilla in senatum accersebātur & Curius, & ceteri se
 nes. ex quo, qui eos accersebāt, uiatores nominati sunt.
 num igitur eorū senectus miserabilis fuit, qui se agri
 cultione obletābant? mea quidem sentētia, haud scio,
 hac an ulla uita beatior esse possit; neq; solum officio,
 q̄ hominum generi uniuerso cultura agrorū est salu=
 taris; sed & delectatione, quam dixi; & saturitate, co
 piaq; omnium rerum, quæ ad uictum hominum, &
 cultum etiam deorum pertinent: ut, quoniam hæc qui
 dam desiderant, in gratiam iam cū uoluptate redea=
 mus: semper enim boni, assiduiq; domini referta cella
 uinaria, olearia, & penuaria est; uillaq; tota locuples
 est; abundat porco, hædo, agno, gallina, lacte, caseo, mel
 le. iam hortum ipsi agricolæ succidiam alteram appel
 lant. tum conditiora facit hæc superuacaneis operis au
 cupium, atque uenatio. quid de pratorum uiriditate,
 aut arborum ordinibus, aut uinearū, oliuetorum' ue
 specie dicam? breui expediam. agro bene culto nil po=
 test esse nec usu uberius, nec specie ornatus: ad quem
 fruendum nō modo non retardat, uerum etiam inuie
 tat, atq; allectat senectus: ubi enim potest illa ætas aut
 calefcere uel apricatione melius, uel igni; aut uicissim
 umbris, aquis' ue refrigerari salubrius? habeant igitur
 alij sibi arma, sibi equos, sibi hastas, sibi clauam, & pi=

lam, sibi nationes, et cursus: nobis senibus ex lusiōibus multis talos relinquunt, & tesseras; id ipsum tamen, ut lubebit; quoniā sine his beata esse senectus potest. multas ad res perutiles Xenophōtis libri sunt: quos legite, quæso, studiose, ut facitis. quā copiose ab eo agricultura laudatur in eo libro, qui est de tuēda refamiliari, qui Oeconomicus inscribitur: atque, ut intelligatis nihil ei tam regale uideri, quā studium agri colēdi, Socrates in eo libro loquitur cum Critobulo, Cyrū minorē regem Persarum præstantem ingenio, atq; imperij gloria, cū Lysander Lacedæmonius uir summæ uirtutis uenisset ad eū Sardis, eiq; dona à socijs attulisset; & cæteris in rebus comem erga Lysandrū, atq; humanum fuisse; & ei quendam conseptū agrum, diligenter consitum ostendisse: cum autem admiraretur Lysander & proceritates arborū, & directos in quincūcem ordines, & humum subactam, atq; puram, et suauitatem odorum, qui efflarentur è floribus, tū eū dixisse, mirari se non modo diligentiam, sed etiam solertiam eius, à quo essent illa dimensa, atq; descripta: & ei Cyrum respondisse: atqui ego ista sum dimensus: mei sunt ordines, mea descriptio: multæ etiam istarū arborum mea manu sunt satæ: tum Lysandrū intuentem eius purpuram, et nitore corporis, ornatumq; Persicum multo auro, multisq; gēmis, dixisse: recte uero te Cyre beatum ferunt, quoniam uirtuti tuæ fortuna cōiuncta est. hac igitur fortuna frui licet senibus: nec ætas impedit, quo minus & cæterarū rerum, et in primis agri colendi studia teneamus usq; ad ultimū tempus senectutis. Marcum quidem Valerium Coruinum

C I C E R O N I S

acceptimus ad centesimum annum uitam perduxisse,
 cū esset exacta iam ætate in agris, eosq; coleret: cuius
 inter primum, & sextum Consulatum sex, & quadra-
 ginta anni interfuerunt. itaq; quantum spatium æta-
 tis maiores nostri ad senectutis initiū esse uoluerunt,
 tantus illi cursus honorū fuit. atq; eius extrema ætas
 hoc beatior, quā media, quod auctoritatis plus habe-
 bat, laboris uero minus. apex autem senectutis est au-
 thoritas: quanta fuit in L. Cecilio Metello, quanta in
 Attilio Calatino: in quem illud elogium, Vnicū pluri-
 mæ consentiunt gentes populi primum fuisse uirū:
 notum est totum eius carmē incisum in sepulcro. iure
 igitur grauis, cuius de laudibus omnīū esset fama con-
 sentiens. quem uirum nuper P. Crassum Pontificem
 Maximum, quem postea M. Lepidum eodē sacerdotio
 præditum uidimus? quid dē Paulo, aut Africano lo-
 quar? aut iam ante de Maximo? quorum non in sen-
 tentia solum, sed etiam in nutu refidebat auctoritas?
 habet senectus, honorata præsertim, tantam auctori-
 tē, ut ea pluris sit, quā omnes adolescentiæ uolupta-
 tes. sed in omni oratione mementote eam me laudare
 senectutem, quæ fundamentis adolescentiæ constituta
 sit. ex quo id efficitur, quod ego quondam magno cū
 assensu omnium dixi, miseram esse senectutē, quæ se
 oratione defenderet. non cani, non rugæ repente aucto-
 ritatē asferre possunt: sed honeste acta superior ætas,
 fructus auctoritatis capit extremos: hæc enim ipsa sūt
 honorabilia, quæ uidentur leuia, atque cōmunia, salu-
 tari, appeti, decedi, assurgi, deduci, reduci, consuli: quæ
 & apud nos, & in alijs ciuitatibus, ut quæque optime
 morata,

morata, ita diligentissime observantur. Lysandrum Lacedæmonium, cuius modo mentionem feci, dicere aiunt solitum, Lacedæmone esse honestissimum domiciliū senectutis: nusquam enim tantum tribuitur ætati, nusquam est senectus honoratior. quin etiam memoriæ proditum est: cum Athenis ludis quidam in theatrum grandis natu uenisset, in magno confessu locum ei à suis ciuibus nusquam datum: cum autem ad Lacedæmonio, accessisset, qui, cum Legati essent, in loco certo confederant, consurrexissent omnes, et senē illū sessum recepisse: quibus cum à cuncto confessu plausus esset multiplex datus, dixisse ex ijs quendam, Athenienses scire, quæ recta essent, sed facere nolle. multa in nostro collegio præclara, sed hoc, de quo agimus, in primis, quod ut quisque ætate antecellit, ita sententiæ principatum tenet: neque solum honore antecederibus, sed ijs etiā, qui cum imperio sunt, maiores natu Augures anteponuntur. quæ sunt igitur uoluptates corporum cum auctoritatis præmijs comparandæ? quibus qui splendide uisi sunt, ij mihi uidetur fabulam ætatis peregisse, nec, tanquam inexeritati histriones, in extremo actu corruisse. at sunt morosi, et anxij, et iracundi, et difficiles senes: si querimus, etiam auari: sed hæc morum uitia sunt, non senectutis. at morositas tamen, et hæc uitia, quæ dixi, habent aliquid excusationis, non illius quidē iustæ, sed quæ probari posse uideatur. contemni se putant, despici, illudi. præterea in fragili corpore odiosa omnis offensio est. quæ tamen omnia dulciora fiunt et bonis moribus, et artibus: id quod tum in uita, tum in scena intelligi potest ex ijs fratribus, qui in Ade-

M

C I C E R O N I S

phis sunt. quanta in altero duritas, in altero comitas? sic se res habent: ut enim non omne uinum, sic non omnis ætas uetustate coacescit. seueritatem in senectute probo, & eam, sicut alia, modicam; acerbicatem nullo modo. auaritia uero senilis quid sibi uelit, non intelligo: potest enim quidquam esse absurdius, quàm, quo minus uia restat, eo plus uiatitici querere? Quarta restat causa, quæ maxime angere, atque sollicitâ habere nostram ætatem uidetur; appropinquatio mortis, quæ certe à senectute non potest longe abesse. o' miserum senem, qui mortem contemnendam esse in tam longa ætate non uiderit: quæ aut planè negligenda est, si omnino extinguit animum; aut etiam appetenda, si aliquo' eum deducit, ubi sit futurus æternus. atqui tertium certe nihil inueniri potest. quid igitur timeâ, si aut non miser post mortem, aut beatus etiam futurus sum? quanquam quis est tam stultus, quamuis sit adolescens, cui sit exploratum, se ad uesperum esse uicturum? quin etiam ætas illa multo plures, quàm nostra mortis casus habet. facilius in morbos incidunt adolescentes: grauius egrotant: tristius curantur: itaque pauci ueniunt ad senectutem. quod nisi ita accideret, melius, & prudentius uiueretur: mens enim, & ratio, & cõsiliu in senibus est: qui si nulli fuissent, nullæ omnino ciuitates fuissent. sed redeo ad mortem impendentem. quod illud est crimen senectutis, cum illud uideatis cum adolescentia esse commune? sensi ego tum in optimo filio meo, tum in expectatis ad amplissimâ dignitatem fratribus tuis Scipio, omni ætati mortem esse communem. at sperat adolescens, diu se uictu-

rum: quod sperare idem senex non potest. insipienter sperat: quid enim est stultius, quàm incerta pro certis habere, falsa pro ueris? at senex ne quid speret, habet quidem. at est eo meliore conditione, quàm adolescens; cum id, quod sperat ille, hic iam affecutus est. ille uult diu uiuere; hic diu uixit. quanquam, o' dii boni, quid est in hominis uita diu? da enim supremum tempus: expectemus Tarteſſiorum regis ætatem: fuit enim (ut scriptum uideo) Argæthonijs quidã Gadibus, qui octo ginta regnauit annos, centum & uiginti uixit. sed mihi ne diuturnũ quidem quidquam uidetur, in quo est aliquid extremum: cum enim id aduenerit, tũc illud, quod præterijt, effluxit: tantũ remanet quidem, quod uirtute, & recte factis sis consecutus. horæ quidem cedunt, & dies, menses, & anni; nec præteritum tempus unquã reuertitur; nec, quid sequatur, sciri potest. quod cuique temporis ad uiuendũ datur, eo debet cõtentus esse: neque enim histrioni, ut placeat, peragenda est fabula; modo, in quocunq; fuerit actũ, probetur: neque sapienti usq; Plaudite, uiuendum: breue enim tempus ætatis satis est longum ad bene, honesteq; uiuendũ: sin processeris longius, nõ magis dolendum est, quàm agri colæ dolent, præterita uerni temporis suauitate, æstatẽ, autumnũq; uenisse: uer enim, tanquam adolescentia, significat, ostenditq; fructus futuros; reliqua tempora demetendis fructibus, aut percipiendis accommodata sunt: fructus autem senectutis est (ut sæpe dixi) in ante partorum bonorum memoria, & copia. omnia uero, quæ secundum naturam fiunt, sunt habenda in bonis. quid est autem tam secundum naturam, quàm se-

C I C E R O N I S

nibus emori? quod idem contingit adoleſcētibus aduerſante, & repugnante natura . itaq; adoleſcentes mori ſic mihi uidentur, ut cum aquæ multitudi- ne uiſ flamma opprimitur: ſenes autē, ſicut ſua ſponte, nulla adhibita ui, conſumptus ignis extinguitur: & quaſi poma ex arboribus, ſi cruda ſunt, ui auellūtur; ſi matura, et cocta, decidunt; ſic uitā adoleſcentibus uiſ auferit, ſenibus maturitas: quæ mihi quidem tam iucunda eſt, ut, quo propius ad mortem accedam, quaſi terrā uidear uidere, aliquandoq; in portum ex longa nauigatione eſſe uenturus. omnium ætatum certus eſt terminus: ſenectutis autem nullus certus eſt terminus; recteq; in ea uiuitur, quoad munus officiij exequi, & tueri poſſis, & tamē mortē cōtemnere. ex quo fit, ut animoſior etiā ſenectus ſit, q̄ adoleſcētia, & fortior. hoc eſt illud, quod Piſiſtrato tyrāno à Solone reſponſum eſt, cū illi quærenti, qua tādē ſpe fretus, ſibi tā audaciter obſiſteret, reſpondiſſe dicitur, ſenectute. ſed uiuendi eſt finis optimus, cum integra mēte, certisq; ſenſibus opus ipſa ſuū eadē, quæ coagmētauit, natura diſſoluit, ut nauē, ut ædificium idē deſtruit facillime, qui conſtruxit: ſic hominē eadem optime, quæ cōglutinauit, natura diſſoluit: nā omnis cōglutinatio recens, ægre; inueterata, facile diuellitur. ita fit, ut illud breue uitæ reliquū nec auide appetendū ſenibus, nec ſine cauſa deſerendū ſit: uetatq; Pythagoras, iniuſſu imperatoris, ideſt dei, de præſidio, & ſtatione uitæ decederes. Solonis quidē ſapientis elogium eſt, quo ſe negat uelle ſuam mortē dolore amicorū, lamentisq; uacare. uult ſe charū, credo, ſuis eſſe. ſed haud ſcio, an melius Ennius:

Nemo me lacrymis decoret, neque funera fletu
Faxit. Non esse lugendam mortem censeat, quam im=
mortalitas consequatur. iam sensus moriendi, si aliquis
esse potest, is ad exiguum tempus durat, praesertim se=
ni: post mortem quidem sensus aut optandus, aut nul=
lus est. sed hoc meditaturn ab adolescentia debet esse,
mortem ut negligamus, sine qua meditatione tranquil=
lo esse animo nemo potest: moriendum enim certe est,
& id incertum an eo ipso die. mortem igitur omni=
bus horis impendentem timens, quis possit animo consi=
stere? de qua non ita longa disputatione opus esse uide=
tur, cum recorder non solum L. Brutum, qui in libe=
randa patria est interfectus; non duos Decios, qui ad
uoluntariam mortem cursum equorum incitauerunt;
non M. Attilium, qui ad supplicium est profectus, ut
fidem hosti datam conseruaret; non duos Scipiones,
qui iter Poenis uel corporibus suis obstruere uoluerunt;
non auum tuum L. Paulum, qui morte sua luit collegae
in Cannensi ignominia temeritatem; non M. Marcel=
lum, cuius interitum ne crudelissimus quidem hostis ho=
nore sepulturae carere passus est; sed legiones nostras,
quod scripsi in originibus, in eum locum saepe profe=
ctas alacri animo, & erecto, unde nunquam se reditu=
ras arbitrarentur. quod igitur adolescentes, & ij qui=
dem non solum indocti. sed etiam rustici contemnunt,
id docti senes extimescent? omnino (ut mihi quidem ui=
detur) rerum omnium satietas uitae facit satietatem.
sunt pueritiae certa studia: num igitur ea desiderant
adolescentes? sunt & ineuntis adolescentiae: num ea
iam constans requirit aetas, quae dicitur media? sunt

C I C E R O N I S

etiam huius ætatis: ne ea quidem in senectute quæruntur. sunt autem extrema quædam studia senectutis. ergo, ut superiorum ætatum studia occidunt, sic occidunt etiam senectutis. quod cum euenit, satietas uitæ tempus maturum mortis affert. equidem non uideo, cur, quid ipse sentiam de morte, non audeam dicere uobis. quod eo melius cernere mihi uideor, quo ab ea propius absum. Ego uestros patres P. Scipio, tuque C. Læli, uiros clarissimos, mihi amicissimos, uiuere arbitror, et eam quidem uitam, quæ est sola uita nominanda: nam, dum sumus in his inclusi compagibus corporis munere quodam necessitatis, et graui opere perfungimur: est enim animus cœlestis ex altissimo domicilio depressus, et quasi demersus in terram, locum diuinæ naturæ, æternitatique contrarium. sed credo deos immortales sparsisse animos in corpora humana, ut essent, qui terras tuerentur, qui que cœlestium ordinem contemplantes, imitarentur eum uitæ modo, atque constantia. nec me solum ratio, ac disputatio impulit, ut ita crederem; sed nobilitas etiam summorum philosophorum, et auctoritas. audiebam, Pythagoram, Pythagoreosque incolas penè nostros, qui essent Italici philosophi quondam nominati, nunquam dubitasse, quin ex uniuersa mēte diuina delibatos animos haberemus. demonstrabantur mihi præterea, quæ Socrates supremo uitæ die de immortalitate animorum disseruisset, is, qui esset sapientissimus oraculo Apollinis iudicatus. quid multa? sic mihi persuasi, sic sentio: cum tanta celeritas animorum sit, tanta memoria præteritorum, futurorum prouidentia, tot artes, tantæ scientiæ, tot inuenta, non posse

eam naturam, quæ res eas contineat, esse mortalem : cumq; animus semper agitetur, nec principium motus habeat, quia ipse se moueat, nec finem quidē habiturū esse motus, quia nunquam se ipse sit relicturus: & cū simplex animi natura esset, neq; haberet in se quidquam admixtum dispar sui, atq; dissimile, non posse eum diuidi: quòd si non posset, non posse interire: magnoq; esse argumēto, homines scire pleraq; ante quàm nati sint, quòd iā pueri, cum artes difficiles discant, ita celeriter res innumerabiles arripiant, ut eas nō tū primum accipere uideantur, sed reminisci, & recordari. hæc Platonis sunt ferè. Apud Xenophōtem autem moriens Cyrus maior hæc dicit: Nolite arbitrari ò mihi charissimi filij, me, cum à uobis discessero, nusquā, aut nullum fore: nec enim, dum eram uobiscum, animum meum uidebatis; sed eum esse in hoc corpore, ex ijs rebus, quas gerebam, intelligebatis. eundē igitur esse creditote, etiam si nullum uidebitis. nec uero clarorum uirorum post mortem honores permanerent, si nihil eorum ipsorum animi efficerent, quo diutius memoriā sui teneremus mihi quidem nunquam persuaderi potuit animos, dū in corporibus essent mortalibus, uiuere; cum exissent ex ijs, emori: nec uero tum animum esse insipientē, cum ex insipienti corpore euasisset; sed, cū omni admixtione corporis liberatus, purus, & integer esse cœpisset, tum esse sapientem. atq; etiam, cum hominis natura morte dissoluitur, cæterarum rerum, perspicuū est, quò quæq; discedant: abeunt enim illuc omnia, unde orta sunt: animus autem solus, nec cum adest, nec cum discedit, apparet. iam uero uidetis nihil

C I C E R O N I S

morti esse tam simile, quàm somnū. atqui dormientiū animi maxime declarant diuinitatē suā, multa enim, cum remissi, et liberi sunt; futura prospiciunt. ex quo intelligitur, quales futuri sint, cū se planē corporis uinculis relaxauerint. quare, si hæc ita sunt, sic me colitote, ut deum. sin unā interiturus est animus cum corpore uos tamen deos uerentes, qui hanc omnem pulchritudinem tuentur, & regunt, memoriam nostri pie, inuolanteq; seruabitis. Cyrus quidem hæc moriens. nos, si placeat, nostra uideamus. Nemo unquam mihi Scipio persuadebit, aut patrem tuū Paulum, aut duos auos Paulum, & Africanū, aut Africani patrem, aut patruum, aut multos præstantes uiros, quos enumerare nō necesse est, tanta esse conatos, quæ ad posteritatis memoriam pertinerent; nisi animo cernerent, posteritatem ad se pertinere posse. an censes (ut de me ipso aliquid more senum glorier) me tantos labores diurnos, nocturnosq; domi, militiæq; suscepturum fuisse, si iisdem finibus gloriam meam, quibus uitā, essem terminaturus? non ne melius multo fuisset otiosam ætatē, et quietam, sine ullo labore, aut contentione traducere? sed nescio quo modo animus erigens se, posteritatem semper ita prospiciebat, quasi, cum excessisset è uita, tū deniq; uicturus esset. quod quidē nī ita se haberet, ut animi immortales essent; haud optimi cuiusq; animus maxime ad immortalē gloriā niteretur. quid, quòd sapientissimus quisq; æquissimo animo moritur. stultissimus iniquissimo? nōne uobis uidetur animus, is, qui plus cernat, et lōgius, uidere se ad meliora proficisci; ille autem, cuius obtusior sit acies. non uidere? equidem efferor studio patres

uestros, quos colui, et dilexi, uidendi: neq; eos uero so-
lū cōuenire aueo, quos ipse cognoui; sed illos etiam,
de quibus audiui, & legi, & ipse conscripsi. quò quidē
me proficiscentem haud sanē quis facile retraxerit, ne
ue tanquam Peliam recoxerit. quò si quis deus mihi
largiatur, ut ex hac ætate repuerascam, et in cunis ua-
giā, ualde recusem: nec uero uelim, quasi decurso spa-
tio, à calce ad carceres reuocari: quid enim habet uita
cōmodi? quid non potius laboris? sed habeat sanē: ha-
bet certe tamen aut satietatem, aut modum: nō libet
enim mihi deplorare uitam, quod multi, et ij docti, sæ-
pe fecerunt: nec me uixisse pœnitet, quoniā ita uixi,
ut non frustra me natum existimem: & ex uita ista
discedo, tanquam ex hospitio, non tanquā ex domo:
commorandi enim natura diuersorium nobis, nō habi-
tandi dedit. ò præclarum diem, cum in illud animorū
concilium, cœtumq; proficiscar, & cum ex hac turba,
et colluuiōe discedam: proficiscar enim non ad eos so-
lum uiros, de quibus ante dixi; sed etiam ad Catonem
meū: quo nemo uir melior natus est, nemo pietate præ-
stantior: cuius à me corpus crematum est: quod con-
tra decuit ab illo meum, animus uero nō me deserēs,
sed respectās, in ea profecto loca discessit, quò mihi ipsi
cernebat esse ueniendum. quem ego meum casum for-
titer ferre uisus sum; non quòd æquo animo ferrem;
sed me ipse consolabar, existimans non longinquum in-
ter nos digressum, & discessum fore. His mihi rebus
Scipio id enim te cum Lælio admirari solere dixisti: le-
uis est senectus, nec solum non molesta, sed etiā iucun-
da. quòd si in hoc erro, quòd animos hominū immor-

C I C E R O N I S

tales esse credam; libenter erro, nec mihi hunc errorem, quo delector, dum uiuo, extorqueri uolo. sin mortuus, ut quidam minuti philosophi censent, nihil sentiam; non uereor, ne hunc errorem meum mortui philosophi irrideant. quod si non sumus immortales futuri, tamen extinguere homini suo tempore optabile est: nam habet natura, ut aliarum omnium rerum, sic uiuendi modum. senectus autem peractio aetatis est, tanquam fabula: cuius defatigationem fugere debemus, praesertim adiuncta satietate. Habui, haec de senectute quae dicerem. ad quam utinam perueniatis, ut ea, quae ex me audistis, re experti probare possitis.

M. TVLLII CICERONIS LAELIUS,
VEL DE AMICITIA, AD T.
POMPONIVM ATTICVM.

DIALOGI PERSONAE,
FANNIVS, SCAEVOLA, LAELIVS.

Mutius Augur Scauola multa narrare de C. Laelio socero suo memoriter, et
Q. iucunde solebat, nec dubitare illum in
omni sermone appellare sapientem. ego
autem a patre ita eram deductus ad
Scauolam sumpta uirili toga, ut, quoad possem, set mihi
liceret, a senis latere nunquam discedere: itaque multa ab
eo prudenter disputata, multa breuiter, et comode dicta,
memoriae mandabam, fierique studebam eius prudentia
doctior. quo mortuo, me ad Pontificem Scauolam

contuli:quem unum nostræ ciuitatis et ingenio, & iustitia præstantissimum audeo dicere. sed de hoc aliàs. nunc redeo ad Augurem. cum sæpe multa narraret, tum memini domi in hemicyclo sedentē (ut solebat) cū & ego essem unā, et pauci admodum familiares, in eū sermonem illum incidere, qui tum ferè erat multis in ore: meministi enim profecto (ut opinor) Attice, & eo magis, q̃ P. Sulpitio utebare multum, cū is Tribunus pl. capitali odio à Q. Pompeio, qui tum erat Consul, dissideret, quicum contunētissime, & amātissime uixerat, quanta hominū esset uel admiratio, uel querela. itaq; tum Scæuola, cum in eam ipsam mentionem incidisset: exposuit nobis sermonē Lælij de amicitia, habitū ab illo secum, & cum altero genero C. Fannio M. filio paucis diebus post mortem Africanī. cuius disputationis sententias memoriæ mandauī: quas in hoc libro exposui meo arbitratu: quasi enim ipsos introduxi loquētes, ne, inquā, & inquit, sæpius interponeretur: atq; id eo feci, ut tanquam à præsentibus coram haberi sermo uideretur. cum enim sæpe mecum ageres Attice, ut de amicitia scriberem aliquid, digna mihi res tum omnīū cognitione, tum nostra familiaritate uisa est: itaq; feci non inuitus, ut prodessem multis tuo rogatu. sed, ut in Catone maiore, qui est scriptus ad te de senectute, Cato nem induxi senem disputantem, quia nulla uidebatur aptior p̃sona, quæ de illa ætate loqueretur, quā eius, qui & diutissime senex fuisset, & in ipsa senectute præceteris floruiisset: sic, cū accepissemus à patribus maxime memorabilem C. Lælij, & P. Scipionis familiaritātē fuisse, idonea mihi Lælij p̃sona uisa est, quæ de ami

C I C E R O N I S

citia ea ipsa differeret, quæ disputata ab eo meminisset
 magister meus Scæuola. genus autem hoc sermonum
 positum in hominū ueterum auctoritate, et eorū illu-
 striū, plus nescio quo pacto uidetur habere grauitatis.
 itaq; ipse mea legens sic affictor interdū, ut Catonem,
 non me, loqui existimem. sed, ut tū ad senem senex de
 senectute, sic in hoc libro ad amicū amicissimus de a-
 micitia scripsi. tum est Cato locutus, quo erat nemo fe-
 rē senior tēporibus illis, nemo prudentior: nunc Lælius
 & sapiens (sic enim est habitus) & amicitia gloria ex-
 cellēs, de amicitia loquitur. tu uelim à me animū pa-
 rumper auertas, Lælium loqui ipsum putes. C. Fannius,
 & Q. Mutius ad socerum ueniunt post mortē Afri-
 cani. ab ijs sermo oritur: respondet Lælius. cuius tota
 disputatio est de amicitia: quā legēs tu ipse cognoscēs.
 F A N. Sunt ista uera Læli: nec enim melior uir fuit
 Africano quisquam, nec clarior. sed existimare debes
 omnium oculos in te esse coniectos. unum te sapientē
 & appellant, et existimant. tribuebatur hoc modo M.
 Catoni: scimus L. Acilium apud patres nostros appella-
 rum esse sapientem: sed uterq; alio quodā modo. Ac-
 lius, quia prudens esse in iure ciuili putabatur: Cato,
 quia multarum rerum usum habebat, multaq; eius et
 in senatu, & in foro uel prouisa prudēter, uel acta cō-
 stanter, uel responsa acute ferebātur, propterea quasi
 cognomen iā habebat in senectute sapientis. te autem
 alio quodam modo dicunt non solum natura, et mori-
 bus, uerum etiam studio, & doctrina esse sapientē; nec
 sicut uulgus, sed ut eruditi solent appellare sapientem;
 qualem in reliqua Græcia neminem: nam, qui septem

appellantur, eos, qui ista subtilius quærunt, in numero sapientū non habent. Athenis unum accepimus, & eū quidē etiam Apollinis oraculo sapientissimum iudicatum. hanc esse in te sapientiam existimant, ut omnia tua in te posita esse ducas, humanosq; casus uirtute inferiores putes. itaq; ex me quærunt, credo ex hoc item Scauola, quonā pacto mortem Africani feras; eoq; magis, q̄ his proximis nonis, cum in hortos D. Bruti Auguris comentandi causa (ut assolet) uenissemus, tu non affuisti, qui diligentissime semper illum diē, & illud munus solitus esses obire. S C A E. Quærunt quidem C. Lælii multi, ut est à Fannio dictum: sed ego id respondeo, quod animaduerti, te dolorē, quem acceperis tum summi uiri, tū amantissimi morte, ferre moderate, nec potuisse non comoueri, nec fuisse id humanitatis tuæ: q̄ autem ijs nonis in collegio nostro nō affuisses, ualetudinem causam, non mœstulam fuisse. LAE. Recte tu quidē Scauola, & uere: nec enim ab isto officio, quod semper usurpauī cum ualerem, abduci incōmodo meo debui: nec ullo casu arbitror hoc constanti homini posse contingere, ut ulla intermissio fiat officij. Tu autē Fanni, quod mihi tātum tribui dicis, quātū ego nec agnosco, nec postulo, facis amice. sed (ut mihi uideris) non recte iudicas de Catone: aut enim nemo, quod quidē magis credo; aut, si quisquam, ille sapiens fuit: quo modo enim (ut alia omittam) mortem filij tui? memineram Paulum, uideram Caium: sed hi nec comparantur Catoni maximo, & spectato uiro. quamobrem caue Catoni anteponas ne istum quidem ipsum, quem Apollo (ut ais) sapientissimū iudicauit: huius enim facta, illius di

C I C E R O N I S

Et laudantur. De me autem, ut iam cum utroque lo-
 quar, sic habetote. ego, si Scipionis desiderio me moue-
 ri negē, quā id recte faciam, uiderint sapientes: sed
 certe mentiar: moueor enim tali amico orbatus, qualis
 (ut arbitror) nemo unquam erit, & ut cōfirmare pos-
 sum, nemo certe fuit. sed non egeo medicina: me ipse
 consolor, & maxime illo solatio, quod eo errore careo,
 quo amicorum decessu plerique angī solēt: nihil enim
 mali accidisse Scipioni puto: mihi accidit, si quid acci-
 dit: suis autem incommodis grauiter angī, nō amicū,
 sed se ipsum amanti est. cū illo uero quis neget actum
 esse praeclare? nisi enim, quod ille minime putabat, im-
 mortalitatem optare uellet: quid non est adeptus, quod
 homini fas esset optare? qui summā spem ciuium, quā
 de eo iam puero habuerāt, cōtinuo adolescens incredi-
 bili uirtute superauit: qui Consulatum petiit nūquam,
 factus est Consul bis, primum antetempus, iterum sibi
 suo tempore, Reip. penē sero: qui duabus urbibus euer-
 sis inimicissimis huic imperio, nō modo praesentia, ue-
 rū etiā futura bella deleuit. quid dicā de moribus fa-
 cillimis? de pietate in matrem, liberalitate in sorores,
 bonitate in suos, iustitia in omnes? haec nota sunt uobis.
 quā autē ciuitati charus fuerit, mœrore funeris in-
 dicatum est. quid igitur hūc paucorum annorum ac-
 cessio iuuare potuisset? senectus enim, quamuis nō sit
 grauis, ut memini Catonem uno anno, antequā mor-
 tuus est, mecum, & cum Scipione differere, tamen au-
 fert eam uiriditatem, in qua etiam nunc erat Scipio.
 quamobrem uita quidē talis fuit uel fortuna, uel glo-
 ria, ut nihil posset accedere: moriendi autem sensum

celeritas abstulit. quo de genere mortis difficile dictu est: quid homines suspicentur, uidetis. hoc tamen uere licet dicere, P. Scipioni ex multis diebus, quos in uita celeberrimos, letissimosq; uiderit, illum diem clarissimu fuisse, cum senatu dimisso domu redactus ad uespera est a patribus conscriptis, a populo R. socijs, & Latinis, pridie quam excessit e uita: ut ex tam alto dignitatis gradu ad superos uideatur potius, quam ad Inferos peruenisse. neq; enim assentior ijs, qui hac nuper differe re coeperunt, cum corporibus simul animos interire, atque omnia morte deleri. plus apud me antiquorum auctoritas ualet, uel nostrorum maiorum, qui mortuis tam religiosa iura tribuerunt, quod non fecissent profecto, si nihil ad eos pertinere arbitrarentur; uel eorum, qui in hac terra fuerunt, magnamq; Graeciam, quae nunc quidem deleta est, tunc florebat, institutis, & praeceptis suis erudierunt; uel eius, qui Apollinis oraculo sapientissimus est iudicatus. qui non tum hoc, tum illud, ut in plerisque, sed idem dicebat semper, animos hominum esse diuinos, ijsq; cum e corpore excessissent, reditum ad coelum patere, optimoq; et iustissimo cuiq; expeditissimu: quod idem Scipioni uidebatur: qui, idem quasi praesagiret, per paucis ante mortem diebus, cum & Philus, & Manilius adessent, & alij plures, tuq; etiam Scaeuola mecum uenisses, triduum differuit de Rep. cuius disputationis fuit extremu fere de immortalitate animorum: quae se in quiete per uisum ex Africano audisse dicebat. id si ita est, ut optimi cuiusq; animus in morte facillime euolet tanquam e custodia, uinculisq; corporis: cui ceterum cursus ad deos faciliore fuisse, quam Scipioni?

C I C E R O N I S

quocirca mœrere hoc eius euētu, uereor, ne inuidi ma-
gis, quā amici sit. sin autem illa uereor, ut idem inte-
ritus sit animorum, & corporum, nec ullus sensus ma-
neat: ut nihil boni est in morte, sic certe nihil mali, sen-
su enim amisso, fit idem, quasi natus nō esset omnino:
quem tamē esse natum & nos gaudemus, & hæc ci-
uitas, dum erit, letabitur. quamobrem cū illo quidem
(ut supra dixi) actum optime est, mecum autem incō-
modius, quem fuit æquius, ut prius introierā in uitā,
sic prius exire de uita. sed tamē recordatione nostræ
amicitiæ sic fruor, ut beate uixisse uidear, quia cū Sci-
pione uixerim. quocum mihi coniuncta cura de Rep.
& de priuata fuit: quocum domus fuit, & militia cō-
munis, & id in quo est omnis uis amicitiæ, uolūtātū,
studiorum, sententiarum summa consensio. itaq; non
tam ista me sapientiæ, quam modo Fannius cōmemo-
rauit, fama delectat, falsa præsertim; quā, quod a-
micitiæ nostræ memoriam spero sempiternā fore idq;
mihi eo magis est cordi, quod ex omnibus seculis uix-
tria, aut quatuor nominantur paria amicorum: quo
in genere sperare uideor Scipionis amicitiā, & Lælij
notam posteritati fore. F A N. istud quidem Læli ita
necessse est: sed quoniam amicitiæ mentionē fecisti, &
sumus otiosi, pergratum mihi feceris, spero item Scæ-
uolæ, si, quemadmodum soles de cæteris rebus, cum ex-
te quærentur, sic de amicitiâ disputabis, quid sentias,
qualem existimes, quæ præcepta des. S C A E. Mihi ue-
ro pergratum hoc erit: atq; id ipsum cum tecum age-
re conarer, Fānius anteuertit. quamobrem utrique no-
strum gratum admodum feceris. L A E. Ego uero

non

non grauarer, si mihi ipse considerem: nā & præcla-
 ra uisa res est, & sumus, ut dixit Fannius, uiosi: sed
 quis ego sum? aut quæ in me est facultas? doctori
 est ista co-uetudo, eaq; Græcorum, ut ipse proponitur,
 de quo disputent quamuis sub to. magnum opus est,
 egeiq; exercitatione nō parua. quamobrem quæ dispu-
 tari de amicitia possunt, ab eis censeo petari, qui ista
 profitentur. ego uos hortari tantum possum, ut amicitia
 tūc omnibus rebus humanis anteponatis: nihil est. na-
 tam naturæ aptum, tā cōueniens ad res uel secundas,
 uel aduersas. sed hoc primū sentio, nisi in bonis ami-
 ciam esse nō posse: neq; id ad uiuum refeco, ut illi,
 qui hæc subtilius differunt, fortasse uere, sed ad com-
 munem utilitatem parum: negant enim quenquā ui-
 rum bonum esse, nisi sapientem. sit ita sanè: sed eam
 sapientiā interpretatur, quam adhuc mortalis nemo
 est consecutus. nos autē ea, quæ sunt in usu, uitāq; cō-
 muni, nō ea, quæ finguntur, aut optantur, sperare debe-
 mus. nunquā ego dicam C. Fabritium, M. Curium, T.
 Coruncanum, quos sapientes nostri maiores indicabāt,
 ad istorum normam fuisse sapientes. quare sibi ha-
 beant sapientiæ nomen, & inuidiosum, & obscurū;
 concedantq; ut hi boni uiri fuerint. ne id quidem fa-
 cient: negabūt id, nisi sapienti, posse concedi. agamus
 igitur pingui Minerva, ut aiunt. qui ita se gerūt, ita
 uiuunt, ut eorum probetur fides, integritas, æquitas, li-
 beralitas, nec sit in eis ullā cupiditas, uel libido, uel au-
 dacia; sintq; magna cōstātia, ut hi fuerunt, quos modo
 nominaui: hos uiros bonos. ut habiti sunt, sic etiam ap-
 pellandos putemus; qui assequuntur, quātum homines

N

C I C E R O N I S

possunt, naturam optimam recte uiuendi ducem : sic enim mihi perspicere uideor, ita natos esse nos, ut inter omnes esset societas quædā, maior autē, ut quisq; proxime accederet. itaq; ciues potiores sunt, quā peregrini; & propinqui, quā alieni: cum his enim amicitiam natura ipsa peperit: sed ea non satis habet firmitatis: nāque hoc præstat amicitia propinquitati, q̄ ex propinquitate beneuolētia tolli potest, ex amicitia autem nō potest: sublata enim beneuolentia, amicitia nomen tollitur, propinquitatis manet. quāta autem uis amicitia sit, ex hoc intelligi maxime potest, q̄ ex infinita societate generis humani, quā concillauit ipsa natura, ita contracta res est, & adducta in angustū, ut omnis charitas aut inter duos, aut inter paucos iūgeretur. est autem amicitia nihil aliud, nisi omniū diuinarum, humanarumq; rerum cum beneuolentia, & charitate summa consensio. qua quidē haud scio an, excepta sapientia, quidquam melius homini sit à dijs immortalibus datum. diuitias alij præponunt, bonā alij ualitudinem, alij potentiam, alij honores, multi etiam uoluptates. belluarū hoc quidē extremū est: illa autē superiora caduca: & incerta, posita nō tā in nostris cōsilijs, quā in fortunæ temeritate. qui autem in uirtute summum bonum ponunt, præclare illi quidē, sed hæc ipsa uirtus amicitia gignit, & continet: nec sine uirtute amicitia esse ullo pacto potest. iā uirtutem ex consuetudine uitæ, sermonisq; nostri interpretemur, nec metiamur eā, ut quidā indocti, uerborū magnificentia; uirosq; bonos eos, qui habentur, numeremus, Paulos, Catones, Caios, Scipiones, Philos. his cōmunis uita

contenta est. eos autē omittamus, qui omnino nusquā
reperiuntur. tales igitur inter uiros amicitia tātas op
portunitates habet, quātas uix queo dicere. Principio
quis potest esse uita uitalis, ut ait Ennius, qui non in
amici mutua beneuolētia conquiescat? quid dulcius,
quā habere quocū omnia audeas sic loqui, ut tecum?
quis esset tātus fructus in prosperis rebus, nisi habe
res, qui illis aequae, ac tu ipse, gauderet? aduersas uero
ferre difficile esset sine eo, qui illas grauius etiā, quā
tu, ferret. deniq; ceterae res, quae expetuntur, opportunae
sunt singulae rebus ferē singulis; diuitiae, ut utare; opes
ut colares; honores, ut laudare; uoluptates, ut gaudeas;
ualerudo, ut dolore careas, & muneribus fungare cor
poris: amicitia plurimas res continet; quoquō te uer
teris, praesto est; nullo loco excluditur; nunquam intem
pestiua, nunquam molesta est: itaque non aqua, non
igni, non aere (ut aiunt) pluribus locis utimur, quā
amicitia. neque ego nunc de uulgari, aut de mediocri,
quae tamen ipsa delectat, & prodest; sed de uera, &
perfecta loquor; qualis eorum, qui pauci nominan
tur, fuit: nam & secundas res splendidiores facit a
micitia, & aduersas partiens comunicansq; leuiiores.
cumq; plurimas, & maximas commoditates amicitia
contineat, tum illa nimirū praestat omnibus, quod bo
na spe praelucet in posterū, nec debilitari animos, aut
cadere patitur. uerum etenim amicum qui intuetur,
tanquam exemplar aliquod intuetur sui. quocirca &
absentes adsunt, & egentes abundant, & imbecilles
ualent, & quod difficilius dictu est, mortui uiuunt:
tantus eos honos, memoria, desiderium prosequitur

C I C E R O N I S

amicorum. ex quo illorum beata mors uidetur, horū
 uita laudabilis. q̄ si exemeris ex natura rerum bene-
 uolentiæ coniunctionem; nec domus ulla, nec urbs sta-
 re poterit; ne agri quidem cultus permanebit. id si mi-
 nus intelligitur; quanta uis amicitiae, concordiaeq; sit,
 ex dissensionibus, atq; ex discordiis percipi potest: quæ
 enim domus tā stabilis, quæ tam firma ciuitas est, quæ
 nō odiis, atque dissidiis funditus possit eueri? ex quo,
 quātum boni sit in amicitia, iudicari potest. Agrigen-
 tinum quidē doctum quēdam uirum carminibus græ-
 cis uaticinatum ferunt; quæ in rerum natura, totoq;
 mundo constarent, quæq; mouerentur, ea contrahere
 amicitiam, dissipare discordiam. atq; hoc quidem om-
 nes mortales & intelligunt, & re probant. itaque, si
 quādo aliquod officium existit amici in periculis aut
 adeundis, aut cōmunicandis, quis est, qui id nō maxi-
 mis efferat laudibus? qui clamores tota cauea nuper
 hospitii, & amici mei M. Pacuuij in noua fabula? cū,
 ignorante Rege, uter eorū esset Orestes, Pylades Ore-
 stem se esse diceret, ut pro illo necaretur; Orestes autē,
 ita ut erat, Orestem se esse perseueraret? stantes autē
 plaudebant in re ficta: quid arbitramur in uera fuis-
 se facturos? facile indicabat ipsa natura uim suam; cū
 homines, quod facere ipsi non possent, id recte fieri in
 altero indicarent. Hactenus mihi uideor, de amici-
 tia quid sentirem potissime, dixisse. si qua præterea
 sunt (credo autem esse multa) ab ijs, si uidebitur. qui
 ista disputant, duæritote. FAN. Nos autem à te potius.
 quanquam etiam ab istis saepe quæsiui, & audiui, nō
 inuitus equidem: sed aliud quoddam expetimus si-

lum orationis tuæ. S C A E . Tu magis id diceres Fan-
ni, si nuper in hortis Scipionis, cū de Republica dispu-
tatum est, affuisses. qualis tum patronus iustitiæ fuit
contra accuratissimam orationem Philī? F A N . Facile id
quidē fuit. Nam iustissimo viro defendere. S C A E .
Quid amicitiam? non ne facile ei erit, qui ob eā sum-
ma fide, constantia, iustitiāq; seruata, maximam glo-
riam cepit? L A E . Vim hoc quidem est afferre: quid
enim refert, qua me ratione cogatis? cogitis certe: stu-
dijs enim generorum, præsertim in re bona, cū diffici-
le est tum ne æquum quidem obsistere. Sæpiissime igitur
mihi de amicitia cogitāti, maxime illud considerā-
dum uideri solet, num propter imbecillitatem, atq; ino-
piam desideranda sit amicitia, ut in dādis, recipiēdisq;
meritis, quod quisq; minus per se posset, id acciperet
ab alio, uicissimq; redderet; an esset hoc quidē propriū
amicitiæ, sed antiquior & pulchrior, & magis à natu-
ra ipsa profecta alia causa esset: amor enim, ex quo a-
micitia est nominata, princeps est ad beneuolentiā con-
iungendam. nam utilitates quidem etiam ab ijs perci-
piuntur sæpe, qui simulatione amicitiae colūtur, et ob-
seruantur temporis causa: in amicitia autem nihil fi-
ctum, nihil simulatum; & quidquid in ea est, id et ue-
rum, & uoluntarium est. quapropter à natura mihi
uidetur potius, quàm ab indigētia, orta amicitia, appli-
catione magis animi cum quodā sensu amādi, quàm
cogitatione, quantū illa utilitatis esset habitura quod
quidem quale sit, etiam in bestijs quibusdā animad-
uertī potest, quæ ex se natos ita amant ad quoddā tē-
pus, & ab eis ita amantur, ut facile earū appareat sen-

C I C E R O N I S

sus: quod in homine multo est euidentius: primum ex
 ea charitate, quæ est inter natos, et parètes, quæ dirimi
 nisi detestabili scelere non potest: dein uero, cū similis sen-
 sus extitit amoris, si aliquem nacti sumus, cuius cum
 moribus, et natura congruamus; quod in eo quasi lu-
 me aliquod probitatis, et uirtutis perspicere uideamur.
 nihil est enim amabilius uirtute; nihil, quod magis allu-
 ciat homines ad diligendū; quippe cum propter uirtu-
 tem, et probitatem eos etiam, quos nunquā uidimus,
 quodam modo diligamus. quis est, qui C. Fabritij, M.
 Curij cum charitate aliqua, et beneuolētia memoriā
 non usurpet, quos nunquam uiderit? quis autē est, qui
 Tarquinium Superbum, qui Sp. Cassium, Sp. Melium
 non oderit? cū duobus ducibus de imperio in Italia de-
 certatum est, Pyrrho, et Annibale. ab altero propter
 probitatem eius non alienos animos habemus, alterum
 propter crudelitatem eius semper hæc ciuitas oderit.
 quod si tanta uis probitatis est, ut eam uel in eis, quos
 nunquam uidimus, uel, quod maius est, in hoste etiam
 diligamus: quid mirum, si animi hominum moueantur,
 cum eorum, quibuscū usu coniuncti esse possunt,
 uirtutem, bonitatem perspicere uideantur? quanquam
 confirmatur amor et beneficio accepto, et studio per-
 specto, et consuetudine adiuncta. quibus rebus ad illū
 primum motū animi, et amoris adhibitis, admirabilis
 quædam exardescit beneuolētie magnitudo. quam si
 qui putant ab imbecillitate proficisci, ut sit per quam
 quisque assequatur quod desideret; humilem sanè re-
 linquunt, et minime generosum (ut ita dicam) ortū
 amicitie; quam ex inopia, atque indigentia natā non

lunt. quod si ita esset; ut quisq; minimum in se esse
arbitraretur, ita ad amicitiam esset aptissimus: quod
longe secus est: ut enim quisq; sibi plurimum confi-
dit, & ut quisque maxime uirtute, & sapientia sic mu-
nitus est, ut nullo egeat, suaq; omnia in se ipso posita
iudicet; ita in amicitijs expetendis, colendisq; maxime
excellit. quid enim? Africanus erat indigens mei? mi-
nime hercule: at ne ego quidem illius: sed ego admi-
ratione quadam uirtutis eius, ille uicissim opinione for-
tasse non nulla, quam de meis moribus habebat, me di-
lexit, auxit beneuolentiā cōsuetudo. sed quāquam uti-
litates multae, & magnae consecutae sunt, nō sunt tamē
ab earum spe causae diligendi profectae: ut enim bene-
fici, liberalesq; sumus: non ut exigamus gratiam (neq;
enim beneficium foeneramur) sed natura propēsi ad li-
beralitatem sumus; sic amicitiam non spe mercedis ad-
ducti, sed quēd eius omnis fructus in ipso amore inest,
expetendam putamus. ab ijs, qui pecudū ritu ad uo-
luptatem omnia referunt, longe dissentimus: nec mi-
rum: nihil enim altum, nihil magnificum, nec diui-
nū suspicere possunt, qui omnes suas cogitationes abie-
cerunt in rem tam humilem, tamq; contemptā. quā-
obrem hos quidem ab hoc sermone remoueamus: ipsi
autem intelligamus ē natura gigni sensum diligendi,
& beneuolentiā charitatē, facta significatione probi-
tatis: quam qui appetiuerunt, applicant sese, & propi-
us admovent, ut & usu eius, quem diligere coepe-
runt, fruantur, & moribus; sintq; pares in amore, &
æquales, propensioresq; ad bene merendum, quā ad
reposcendum; atque hac inter eos sit honesta certatio.

C I C E R O N I S

sic & utilitates ex amicitia maximæ capientur: et erit
 eius ortus à natura, quàm ab imbecillitate, grauior, et
 uerior. nam si utilitas amicitias conglutina-
 ret, eadem cõmutata dissolueret: sed, quia natura mutari non
 potest, ideo ueræ amicitie sempiternæ sunt. ortum
 quidem amicitie uidetis, nisi quid adhuc forte uultis.
 F A N Tu uero perge Læli: pro hoc enim, qui minor
 est, natu, meo iure respondeo. S C A E. Recte tu qui-
 dem. quamobrem audiamus. L A E. Audite uero op-
 timi uiri ea, quæ sæpissime inter me, & Scipionem de
 amicitia differebantur. quanquam ille quidem nihil
 difficilius esse dicebat, quàm amicitiam usque ad extre-
 mum uitæ diem permanere: nam, uel ut non idem ex-
 pediret utriq; incidere sæpe, uel ut de Republica non
 idem sentirent. mutari etiam mores hominum sæpe di-
 cebat, aliàs aduersis rebus, aliàs ætate ingreuescente.
 atque earum rerum exemplum ex similitudine capie-
 bat incutis ætatis, quod summi puerorū amores sæpe
 unà cum prætexta, sumpta toga deponerentur, sin-
 autem ad adolescentiam perduxissent, dirimi tamen in-
 terdum contentione uel luxuria, uel conditionis, uel
 cõmodi altitudo, quod idē adipisci uterque non posset:
 quod si qui longius in amicitia prouecti essent, tamē
 sæpe labefactari, si in honoris contentione incidissent:
 pestem enim maiorem esse nullam in amicitijs, quàm
 in plerisque pecuniæ cupiditatem, in optimis quibus-
 que honoris certamen, et gloriæ: ex quo inimicitias ma-
 ximas sæpe inter amicissimos extitisse: magna etiam
 dissidia & plerunque iusta nasci, cum aliquid ab ami-
 cis, quod rectū non esset, postularetur, ut aut libidinis

ministri, aut adiutores essent ad iniuriam: quod qui recasarent, quāuis honeste id facerent, ius tamē amicitiae deserere argueretur ab ijs, quibus obsequi nollēt: illos autē, qui quiduis ab amico auderent postulare, postulatione ipsa profiteri omnia se amici causa esse facturos: eorū querela inueterata nō modo familiaritates extinguere solere, sed etiam odia gigni maxima atq; sempiterna: haec multa ita, quasi fata, impendere amicitijs: ut omnia subterfugere, nō modo sapientiae, sed et felicitatis diceret sibi uideri. quamobrem id primum uideamus, si placet, si quatenus amor in amicitia progredi debeat. Num, si Coriolanus habuit amicos, ferre contra patriam arma illi cum Coriolano debuere? nō Becellinum amici regnum appetentem, num Sp. Meliū iuuare debuerunt? Tiberiū quidē Gracchum Remp. uexantem, à Q. Tuberone, aequalibusq; amicis derelictum uidebamus. at C. Blossius Cumanus, hospes familiae uestrae Scaeuola, cum ad me, qui aderam Lenati, et Rutilio Consulibus in consilio, deprecaturū uenisset, hāc, ut sibi ignoscerem, causam afferebat, quod tanti Ti. Gracchum fecisset, ut, quidquid ille uellet, sibi faciendum putaret. tum ego, etiam ne, inquam, si te in Capitolium faces ferre uellet? nunquam, inquit, uoluisset id quidem: sed, si uoluisset, paruissē. uidetis, quā nefaria uox: & hercle ita fecit, uel plus etiam, quā dixit: non enim paruit ille Ti. Gracchi temeritati, sed praefuit; nec se comitem illius furoris, sed ducem praebuit: itaque hac amentia, quaestione noua perterritus, in Asiam profugit: ad hostes se contulit: poenas Reip. graues, iustasq; persoluit. nulla est igitur ex

C I C E R O N I S

excusatio peccati, si amici causa peccaueris: nam cum cō-
 ciliatrix amicitiae uirtutis opinio fuerit, difficile est a-
 micitiā manere, si à uirtute defeceris, quòd si rectum
 statuerimus, uel cōcedere amicis, quidquid uelint; uel
 impetrare ab amicis, quidquid uelimus: perfecta qui-
 dem sapiētia sumus; si nihil habeat res uitij: sed loqui-
 mur de ijs amicis, qui ante oculos sunt, quos uidemus,
 aut de quibus memoriam accepimus, quos nouit uita
 cōmunis. ex hoc numero nobis exēpla sumenda sunt,
 et eorū quidē maxime, qui ad sapientiā proxime acce-
 dunt. uidemus Papum Aemiliū C. Luscinio familiarem
 fuisse (sic à patribus accepimus) bis unā Consules, et col-
 legas in Censura. tum etiam cum ijs, & inter se cōtun-
 ctissimos fuisse M. Curium, & T. Coruncanum, memo-
 ria traditū est. igitur ne suspicari quidē possumus,
 quenquam horum ab amico quidpiā cōtendisse, quod
 contra fidem contra iusiurandum, contra Remp. esset.
 nam hoc quidem in talibus uiris quid attinet dicere? si
 contendisset, scio impetraturū non fuisse; cum illi san-
 ctissimi uiri fuerint, & quæ autē nefas sit, tale aliquid
 & facere rogatum, & rogare. at uero Ti. Gracchū se-
 quebantur C. Carbo, C. Cato, et minime tunc quidē C.
 frater, nūc idem acerrimus hostis. hæc igitur prima lex
 in amicitia sancitur, ut neq; rogemus res turpes, nec
 faciamus rogati: turpis enim excusatio est, et minime
 accipiēda cū in ceteris peccatis, tū si quis contra Rēp.
 se amici causa fecisse fateatur: etenim eo loco Fāni, et
 Scæuola locati sumus, ut nos longe prospicere oporteat
 futuras causas Reip. deflexit. n. iam aliquantulum de
 spatio, curriculoq; consuetudo maiorū. Ti. Gracchus

regnum occupare conatus est, uel regnavit is quidem paucos mēses. nū quid simile populus R. audierat, aut uiderat? hunc etiam post mortem secuti amici, et propinqui quid in P. Scipionē effecerint, sine lacrymis nō queo dicere. nam Carbonem quoq; quem modo posuimus, propter recentē pœnam Ti. Gracchi sustinuimus. de C. Gracchi autem Tribunatu quid expectem, nō libet augurari: serpit enim deinde res, quæ proclivis ad pernitiem, cū semel cœpit, labitur. uidetis in tabella iā ante quanta sit facta labe, primo Gabinia lege, biēnio autem post Cassia. uidere iam uideo populum R. a senatu disunctū, multitudinisq; arbitrio res maximas agi: plures enim discent, quemadmodū hæc fiāt, quāmodum his resistatur. quorsum hæc? quia sine socijs nemo quidquā tale conatur. præcipiendū est igitur bonis, ut, si in eiusmodi amicitias ignari casu aliquo inciderint, ne existimēt ita se alligatos, ut ab amicis in magna re aliqua in Rep. peccātibus nō discedāt, improbis autē pœna statuenda est, nec minor uero ijs. qui secuti erūt alterū, quā ijs, qui ipsi fuerint impietatis duces. quis clarior in Græcia Themistocle? quis potētior? qui, cū imperator bello Persico seruitute Græciam liberasset, propterq; inuidiam in exilium pulsus esset, ingrata patriæ iniuriam non tulit, quam ferre debuit. fecit idē, quod uiginti annis ante apud nos fecerat Coriolanus. his adiutor contra patriam inuentus est nemo: itaque mortem sibi uterque consciuit. quare talis improborum consensio nō modo excusatione amicitiae regenda non est, sed potius omni supplicio uendicanda; ut ne quis sibi concessum putet amicum bel-

C I C E R O N I S

lum patriæ inferentem sequi, quod quidem, ut res ire
 coepit, haud scio an aliquando futurum sit. mihi au-
 tem non minori curæ est, qualis Resp. post mortem me-
 am futura sit, quàm qualis hodie sit. hæc igitur pri-
 ma lex amicitiae sancitur, ut ab amicis honesta petæ-
 mus, amicorum causa honesta faciamus; nec expecte-
 mus quidem, dum rogemur; sed studium semper ad-
 sit, cunctatio absit; consilium uerum dare gaudeamus
 libere; plurimum in amicitia amicorum bene suaden-
 tium ualeat auctoritas; eaque adhibeatur ad monen-
 dum non modo aperte, sed etiam acriter, si res postu-
 labit, & adhibita pareatur. nam quibusdā, quos au-
 dio sapientes habitos in Græcia, placuisse opinor mira-
 bilia quædam. sed nihil est, quod illi non persequantur
 suis argutijs; partim fugiendas esse nimias amicitias,
 ne necesse sit, unū sollicitū esse pro pluribus; satis supq;
 esse sibi suarum cuiq; rerum curam; alienis nimis im-
 plicari molestum esse; commodissimum esse, quā laxis-
 simas habenas habere amicitiae, quas uel adducas, cū
 uelis, uel remittas: caput enim esse ad beate uiuendum
 securitatem; qua frui non possit animus, si tanquā par-
 turiat unus pro pluribus. alios autem dicere aiunt etiā
 multo inhumanius; quē locū breuiter perstrinxi pau-
 lo ante, præsidij, adiumentiq; causa, nō beneuolentiae,
 neq; charitatis amicitias esse expetēdas, itaq; ut quisq;
 minimū firmitatis habeat, minimūq; uirium, ita ami-
 citias appetere maxime: ex eo fieri, ut mulierculæ ma-
 gis amicitiarum præsidia quærant, quàm uiri; & ino-
 pes, quàm opulenti; & calamitosi, quàm ij, qui putan-
 tur beati. ò præclaram sapientiam: solem enim è muno

do tollere uidentur, qui amicitiam è uita tollunt: quæ
nihil à dijs immortalibus melius habemus, nihil iucun-
dus: quæ est enim ista securitas specie quidem blanda,
sed re ipsa multis locis repudianda est: neq; enim est cõ-
sentaneum. ullam honestã rem, actionem uel, ne sollicitus
sis, aut non suscipere, aut susceptã deponere. quod
si curam fugimus, uirtus fugienda est, quæ, necesse est,
ut cum aliqua cura res sibi contrarias aspernetur, atq;
oderit, ut bonitas malitiam, temperantia libidinẽ, igna-
uiam fortitudo, itaque uideas rebus iniustis iustos ma-
xime dolere, imbecilibus fortes, flagitiosis modestos,
ergo hoc proprium est animi bene constituti, & læ-
tari bonis rebus, & dolere contrarijs. quamobrem si
cadit in sapientem animi dolor, qui profecto cadit,
nisi ex eius animo extirpatam humanitatem arbitre-
mur: quæ causa est, ut amicitiam funditus tollamus
è uita, ne aliquas propter eam suscipiamus molestias:
quid enim interest motu animi sublato, nõ dico inter
pecudem, & hominem, sed inter hominem, & sa-
xum, aut truncum, aut quiduis generis eiusdem? ne-
que enim sunt isti audiendi, qui uirtutem duram, &
quasi ferream esse uolunt: quæ quidem est tũ multis
in rebus, tum in amicitia tenera, atq; tractabilis; ut ex
bonis amici quasi diffundatur, & incõmodis contra-
hatur. quãobrem angor iste, qui pro amico sæpe canpiẽ-
dus est, non tantũ ualet, ut tollat è uita amicitia; non
plus, quã ut uirtutes, quia non nullas curas, & mole-
stias afferunt, repudiantur. cum autem contrahat uir-
tus amicitia (ut supra dixi) si qua significatio uirtutis
luceat, ad quã se similis animus applicet, & adiungat.

C I C E R O N I S

Id cū cōtingit, amor ibi exoriatur necesse est: quid. n. tam absurdum, quā delectari multis inanibus rebus, ut honore, ut gloria, ut edificio, ut uestitu, cultuq; corporis; animo autē uirtute prædito, eo, qui uel amare, uel (ut ita dicā) redamare possit, non admodū delectari? nihil est enim remuneratione beneuolentiæ, nihil uicissitudine studiorum, officiorumq; iucundius. q̄ si etiā illud addimus, quod recte addi potest, nihil esse, quod ad se rē ullam tam alliciat, & tā attrahat, quā ad amicitiam similitudo: concedatur profecto uerum esse, ut bonos boni diligant, asciscantq; sibi quasi propinquitate coniunctos, atq; natura: nihil est. n. appetētius similitum sui, nihil rapacius, quā natura. quamobrem hoc quidem Fanni, & Scæuola, cōstat (ut opinor) bonis inter bonos quasi necessariam beneuolentiā esse: qui est amicitiae fons à natura cōstitutus. sed eadē bonitas etiam ad multitudinem pertinet: nō est enim in humana uirtus, neq; superba; quæ etiam populos uniuersos tueri, eisq; optime cōsulere soleat: quod nō faceret profecto, si à charitate uulgi abhorreret. atq; etiā mihi quidē uidētur, qui utilitatis causa fingunt amicitias, amabiliissimū nodū amicitiae tollere: non enim tam utilitas parita per amicum, quā amici amor ipse delectat: tumq; illud fit, quod ab amico est profectū, iucundum, si cum amore, & studio est profectū: tantumq; abest, ut amicitiae propter indigentiam colantur, ut ij, qui opibus, & copijs, maximeq; uirtute præditi, in qua plurimū est præsidij, minime alterius indigeāt, liberalissimi sint, & beneficentissimi. atque haud scio an ne opus sit quidem, nihil unquam omnino deesse

se amicis : ubi enim studia nostra uiguisſent, ſi nun-
quam ſtudio, nunquam conſilio, nunquam opera no-
ſtra nec domi, nec militiæ Scipio eguiſſet ? non igitur
utilitatē amicitia, ſed utilitas amicitia conſecuta eſt.
non ergo erunt homines diuitijs affluentes audiēdi, ſe
quando de amicitia, quam nec uſu, nec ratione habē
cognitam, diſputabunt. nam qui eſt, pro deum fidem,
atque hominum, qui uelit, ut neque diligat quēquā,
nec ipſe ab ullo diligatur, circūſtuere omnibus copijs,
atque in omniū rerum abundantia uiuere? hæc enim
eſt tyrānorum uita nimirum: in qua nulla fides, nulla
charitas, nulla ſtabilis beneuolentiæ poteſt eſſe fidu-
cia: omnia ſemper ſuſpecta, atque ſolicita, nullus locus
eſt amicitia: quis enim aut eum diligat, quē metuit;
aut eum, à quo ſe metui putat? coluntur tamē ſimula-
tione amicitia duntaxat ad tempus. q̄ ſi forte (ut ſit
plerūque) ceciderint, tum intelligitur, quā fuerint in-
opes amicorum. quod Tarquinium dixiſſe ferunt, tū,
cū exul eſſet; ſe intellexiſſe, quos fidos amicos habuiſ-
ſet, quosq; in fidos, cū iā neutris gratiā referre poſſet.
quanquā miror, in illa ſuperbia, & importunitate ſi-
quenquam habere potuit. atque ut huius, quem dixi,
mores ueros amicos parare nō potuerunt: ſic multorum
opes præpotentium excludunt amicitias fideles: non
enim ſolum ipſa fortuna cæca eſt, ſed eos etiam plea-
rūque efficit cæcos, quos complexa eſt: itaque illi effe-
runtur ſaſtidio ferē, & contumacia; neque quidquā
inſipiente fortunato intolerabilius fieri poteſt. atque
hoc quidē uidere licet, eos, qui antea cōmodis fuerunt
moribus, imperio, poteſtate, proſperis rebus immutaz

C I C E R O N I S

ri; sperniq; ab ijs ueteres amicitias; & indulgeri nouis.
 quid autem stultius, quàm, ut plurimum copijs, facul-
 tatibus, opibus possint, cætera parare, quæ parant, pe-
 cuniam, equos, famulos, uestes egregias, uasa pretiosa;
 amicos non parare, optimam, & pulcherrimam uitæ
 (ut ita dicam) supellectilem? etenim cætera cum pa-
 rant, cui parent, nesciunt, nec cuius causa laborēt: eius
 enim est istorum quodque, qui uincit utribus: amicitia-
 rum suarum, cuiq; permanet stabilis, & certa possessio; ut
 etiam si illa maneant, quæ sunt quasi dona fortunæ,
 tamē uita inculta, & deserta ab amicis, nō possit esse
 iucunda. sed hæc hætenus. Constituendi autē sunt,
 qui sint in amicitia fines, & quasi termini diligēdi. de
 quibus tres uideo ferri sententias, quarum nullā pro-
 bo; unam, ut eodem modo erga amicū affecti simus,
 quo erga nosmet ipsos; alterā, ut nostra in amicos be-
 neuolentia, illorū erga nos beneuolētiæ pariter, æquali-
 terq; respondeat; tertiam, ut, quanti quisq; se ipse fa-
 cit, tanti fiat ab amicis. harum triū sententiarū nulli
 prorsus assentior: nec enim illa prima uera est, ut, quē
 admodum in se quisque, sic in amicum sit animatus:
 quàm multa enim, quæ nostra causa nunquā facere=
 mus, facimus causa amicorum? precari ab indigno,
 supplicare, tum acerbius in aliquem inuehi, in se ceta=
 uq; uehementius: quæ in nostris rebus non satis hone=
 ste, in amicorum fiunt honestissime. multa quoq; res
 sunt, in quibus de suis cōmodis uiri boni multa detra-
 hunt, detrahiq; patiuntur, ut ijs amici potius, quàm
 ipsi fruantur. Altera sententia est, quæ definit amicitia-
 m paribus officijs, ac uoluntatibus. hoc quidem est
 nimis

nimis exigue, et exiliter ad calculos reuocare amicitia,
ut par sit ratio acceptorum, et datorum. ditior mihi,
et affluētiore uidetur esse uera amicitia, nec observa-
re striete, ne plus reddat, quam acceperit: neq; enim ue-
redū est, ne quid excidat, aut ne quid in terrā defluat,
aut ne plus æquo quid in amicitia congeratur. Tertius
uero ille finis deterrimus, ut, quāti quisq; se ipse faciat,
tanti fiat ab amicis: saepe enim in quibusdā aut ani-
mus abiectior est, aut spes amplificandæ fortunæ fracti-
or. non est igitur amici, talem esse in eū, qualis ille in
se est; sed potius eniti, et efficere, ut amici iacentē ani-
mū excitet, inducatq; in spem, cogitationemq; melio-
rem. alius igitur finis ueræ amicitiae constituendus est,
si prius, quid maxime reprehendere Scipio solitus sit,
edixero. negabat ullam uocem inimiciorē amicitiae po-
tuisse reperiri, quā eius, qui dixisset, ita amare oport-
tere, ut aliquādo esset osurus: nec uero se adduci pos-
se, ut hoc, quemadmodū putaretur, à Biantē dictū esse
crederet, qui sapiens habitus esset unus è septē; sed im-
puri cuiusdā, aut ambitiosi, aut omnia ad suam poten-
tiam reuocantis esse sententiam: quoniam enim modo
quisquā amicus eius esse poterit, cuius se putabit ini-
micū esse posse? quin etiā necesse erit cupere, etiā opta-
re, quā saepissime peccet amicus, quo plures det sibi tan-
quā ansas ad reprehendendum. rursum autem recte
factis, comodisq; amicorū necesse erit angere, dolere, in-
uidere. quare hoc quidem præceptum, cuiuscūq; est, ad
tollendam amicitiam ualeat. illud potius præcipiendum
fuit ut eam diligentiam adhiberemus in amicitijs cō-
parandis, ut ne quando amare inciperemus eum, quē

O

aliquando odisse possemus. qui etiā, si minus felices in deligēdo fuisset, ferendū id Scipio potius, quā inimicitiarum tempus cogitandum putabat. his igitur finibus utendū arbitror, ut, cū emendati mores amicorum sint, tum sit inter eos omnium rerum, consiliorū, & uoluntatum sine ulla exceptione cōmunitas; & si qua fortuna acciderit, ut minus iustæ amicorū uoluntates sint adiuuandæ, in quibus eorū aut de capite agatur, aut fama, declinandū sit de uia, modo ne summa turpitudine sequatur: est enim, quatenus amicitie dari uenia possit. nec uero negligenda est fama: nec medio cre telum ad res gerēdas existimare oportet beneuolētiā ciuium, quam blanditijs, et assentationibus collire turpe est. uirtus, quam sequitur charitas, minime repudianda est. sed (sæpe enim redeo ad Scipionē, cuius omnis sermo erat de amicitia) querebatur, quod in omnibus rebus homines diligētiores essent: capras, et oues quot quisq; haberet, dicere posse; amicos quot haberet, non posse dicere: & in illis quidem parādis adhibere curam, in amicis eligendis negligentes esse; nec habere quasi signa quædā, & notas, quibus eos, qui ad amicitiam essent idonei, iudicarent. sunt igitur firmi, et stabiles, & constantes deligendi: cuius generis est magna penuria: & iudicare difficile est, sanè nisi expertum: experiendum autem est in ipsa amicitia; ita præcurrit amicitia iudiciū, tollitq; experiēdi potestatem. est igitur prudentis sustinere, ut cursum, sic impetū beneuolētiæ, quo utamur, quasi aquis tentatis, sic amicitijs, aliqua parte periclitatis moribus amicorum quidam sæpe in parua pecunia perspiciuntur, quā sint leues. qui

dam autem, quos parua mouere non potuit, cognoscū-
tur in magna. si uero erūt aliqui reperi, qui pecuniā
præferre amicitiæ sordidū existiment: ubi eos inuenie-
mus, qui honores, magistratus, imperia, potestates, opes
amicitiæ non anteponāt; ut, cum ex altera parte pro-
posita hæc sint, ex altera uis amicitiæ, non multo illa
malint: imbecilla enim natura est ad cōtemnendā potē-
tiam: quam etiam si neglecta amicitiā cōsecuti sunt,
excusari se arbitrātur, quia non sine magna causa sit
neglecta amicitiā. itaq; ueræ amicitiæ difficillime repe-
riūtur in ijs, qui in honoribus req; publica uersantur:
ubi enim inuenias, qui honorē amici anteponat suo?
quid? (hæc ut omittam) quā graues: q̄ difficiles ple-
risq; uidentur calamitatū societates? ad quas, non est
facile inuentus, qui descendat. quāquā Ennius recte,
Amicus certus in re incerta cernitur.

tamen hæc duo leuitatis, & infirmitatis plerosq; cōtin-
cunt; ut si in bonis rebus: contēnunt; aut si in malis
deserunt. qui igitur utraq; in re grauē, constantē,
stabilemq; se in amicitiā præstiterit, hunc ex maxime
raro hominū genere iudicare debemus, & penē diui-
no. firmamētrū autē stabilitatis, cōstantiæq; eius, quam
in amicitiā quærimus, fides est; nihil enim stabile est,
quod infidum est. simplicem præterea, & cōmunē, &
consentientiē, id est qui rebus ijsdē moueatur, eligi par-
est: quæ omnia pertinent ad fidelitatem: neq; enim fi-
dum potest esse multiplex ingeniū, et tortuosum: neq;
uero, qui non ijsdem rebus mouetur, & natura cōsen-
tit, aut fidus, aut stabilis potest esse. addendum eodem
est, ut ne criminibus aut inferendis delectetur amicus,

C I C E R O N I S

aut credat illatis. quæ pertinent omnia ad eā, quam
 iam dudum tracto, constantiam. ita fit uerum illud,
 quod initio dixi amicitia nisi inter bonos esse nō posse:
 est enim boni uiri, quem eundem sapientē licet dicere,
 hæc duo tenere in amicitia; primū, ne quid fictum sit,
 ne uel simulatū (aperte enim uel odisse magis ingenuū
 est, quā fronte occultare sententiā) deinde nō solum
 ab aliquo oblatas criminationes depellere, sed ne ipsū
 quidem esse suspiciosum, semper aliquid existimantē
 ab amico esse uiolatum. Accedat huc suauitas quædā
 oportet sermonum, atq; morum haud quaquā medio
 cre condimentum amicitie. tristitia autē, & in omni
 re seueritas absit. habet illa quidem grauitatem: sed
 amicitia remissior esse debet, & liberior, & dulcior, et
 ad omnem comitatem, facilitatemq; procliuior. existit
 autem hoc loco quædam questio subdifficilis; nū quā
 do amici noui, digni amicitia, ueteribus sint antepone
 di, ut equis uetulis teneros antepondere solemus. indigna
 homine dubitatio: non enim amicitiarum esse debent,
 sicut aliarum rerum, satietates: ueterrima quæq; (ut
 ea uina, quæ uetustatē ferunt) esse debet suauissima:
 uerūq; illud est, quod uulgo dicitur, multos modios sa
 lis simul edendos esse, ut amicitia munus expletū sit.
 nouitates autem, si spem afferunt, ut tanquam in her
 bis non fallacibus fructus appareat, nō sunt illæ quidē
 repudiandæ, uetustas tamen suo loco cōseruanda est:
 maxima est enim uis uetustatis, & cōsuetudinis. atquē
 in ipso equo, cuius modo mentionē feci, si nulla res im
 pediat, nemo est, quinō eo, quo consueuit, libentius utatur,
 quā in tractato, & nouo. nec modo in hoc, quod

est animal, sed in ijs etiam, quæ sunt inanimata, cōsue-
tudo ualet; cum locis etiā ipsis montosis deletemur,
et siluestribus, in quibus diutius cōmorati sumus. Sed
maximum est in amicitia, superiorem parem esse in-
feriori: sæpe enim excellētiæ quædam sunt; qualis erat
Scipionis in nostro (ut ita dicam) grege. nunquā se ille
Philo, nunquam Rutilio, nunquam Mummio antepo-
suit, nunquam inferioris ordinis amicis. Quintū uero
Maximum, fratrem, egregium uirum, omnino sibi ne
quaquam parem; q̄ is anteibat ætate, tanquam supe-
riorem colebat; suosq; omnes per se esse posse amplio-
res uolebat. quod faciendū, imitādumq; est omnibus;
ut, si quam præstantiam uirtutis, ingenij, fortunæ con-
secuti sunt, impartiant eam suis, communicentq; cum
proximis; ut, si parentibus nati sunt humilibus, si pro-
pinquos habeant imbecilliores uel animo, uel fortuna,
eorū augeāt opes, eisq; honori sint, et dignitati: ut in
fabulis, qui aliquandiu propter ignorantia stirpis, et
generis in famulatu fuerint, cū cogniti sunt, et aut
deorum, aut regū filij inuenti, retinent tamē charita-
tem in pastores, quos patres suos multos annos esse du-
xerunt. quod quidem est multo profecto magis in ue-
ris patribus, certisq; faciendum: fructus enim ingenij,
et uirtutis, omnisq; præstantiæ tum maxime capitur,
cum in proximum quæque confertur. ut igitur ijs, qui
sunt in amicitia, coniunctionisq; necessitudine supe-
riores, exæquare se cū inferioribus debent: sic infērio-
res dolere nō debent, se à suis amicis aut ingenio, aut
fortuna, aut dignitate superari. quorum pleriq; aut
querūtur semper aliquid, aut etiā exprobrāt, eoq; ma-

C I C E R O N I S

gis, si aliquid habere se putant, quod officiose, aut amice, & cum labore aliquo suo factū queant dicere: odio sum sanè genus hominū officia exprobrantium: quæ meminisse debet is, in quem collata sunt, nō commemorare, qui contulit. quāobré, ut iij, qui superiores sunt, submittere se debent in amicitia, sic quodā modo inferiores extollere: sunt enim quidam, qui molestas amicitias faciunt, cū ipsi se contēni putant. quod nō ferè contingit nisi ijs, qui etiā contēnendos se arbitrantur, qui hac opinione nō modo uerbis, sed etiam opere leuandi sunt. tantū autem cuique tribuendum est, primum quantum ipse efficere possis; deinde etiā, quantum ille, quem diligas, atq; adiuues, possit sustinere: nō enim tu possis, quantumuis licet excellas, omnes tuos ad honores amplissimos perducere: ut Scipio P. Rutilium potuit Cōsulē efficere, fratrem eius Lucium non potuit. q̄ si etiam possis quiduis deferre ad alterum; uidendum est tamen, quid ille possit sustinere. omnino amicitia corroboratis iam, cōfirmatisq; et ingenijs, & ataribus iudicanda sunt: nec, si qui ineunte ætate uenandi, aut pilæ studiosi fuerint, eos habere necessarios oportet, quos tū eodē studio præditos dilexerunt: isto enim modo nutrices, & pædagogi iure uetustatis plurimū beneuolentia postulabunt: qui negligēdi quidem nō sunt, sed alio quodam modo colendi: aliter enim amicitia stabiles permanere non possunt, dispares enim mores disparia studia sequuntur: quorū dissimilitudo dissociat amicitias: nec ob aliam causam ullam boni improbis, improbi bonis amici esse nō possunt, nisi quod tanta est inter eos, quanta maxima po-

test esse, morum, studiorumq; distantia. Recte etiam
precipi potest in amicitijs, ne quis intemperata quadā
beneuolētia (quod persæpe fit) impediāt magnas utili-
tates amicorū: nec enim (ut ad fabulas redeā) Troiam
Neoptolemus capere potuisset, si Lycomedē, apud quē
erat educatus, multis cū lacrymis iter suum impediē-
tem audire uoluisset; & sæpe incidūt magnæ res, ut di-
scedendum sit ab amicis: quas qui impedire uult, q̄ desi-
derium non facile ferat; & infirmus est, mollisq; na-
tura, & ob eā ipsam causam in amicitia parū iustus.
Atq; in omni re considerandū est, & quid postules ab
amico, & quid patiare à te impetrari. Est etiā quasi
quædam calamitas in amicitijs dimittendis nonnun-
quā necessaria: iam enim à sapientum familiaritati-
bus ad uulgares amicitias oratio nostra delabitur. erū-
pūt sæpe uiria amicorū tum in ipsos amicos, tū in alie-
nos: quorum tamen ad amicos redundet infamia. ta-
les igitur amicitie sunt remissione usus eleuandæ, &
(ut Catonem dicere audiui) dissuendæ magis, quā di-
scindendæ sunt; nisi quædam admodum intolerabilis
iniuria exarserit, ut neque rectū, neque honestum sit,
neque fieri possit, ut nō statim alienatio, disiunctioq; fa-
cienda sit. si autem morū, aut studiorum commutatio
quædam (ut fieri solet) facta erit, aut in Reip. partibus
dissensio intercesserit (loquor enim, ut paulo ante di-
xi, nō de sapientū, sed de communibus amicitijs) cauē-
dum erit, ne nō solum amicitia deposita, sed inimici-
tia etiam suscepta uideantur: nihil enim turpius, quā
cum eo bellum gerere, qui cū familiariter uixeris. ab
amicitia Q. Pōpeij meo nomine se remouerat (ut sci-

tis) Scipio. propter dissensionem autem, quæ erat in
 Rep. alienatus est à collega nostro Metello. utrunque
 egit grauitèr, auctoritate, et offensione animi nō acer
 ba. quā obrem primum danda opera est, ne qua amic
 eorum dissidia fiant: sin tale aliquid euenerit, ut extin
 ctæ potius amicitia, quā oppressæ uideantur. Cauens
 dū uero est, ne etiam in graues inimicitias conuertāt
 se amicitia: è quibus iurgia, maledicta, contumelia gi
 gnuntur. quæ tamen si tolerabiles erunt, ferēdæ sunt:
 et hic honos ueteri amicitia tribuēdus est, ut is in cul
 pa sit, qui faciat, non qui patiatur iniuriam. omnino
 omnium horum uitiorum, atque incommodorū una
 cautio ē, atq; una prouisio, ut ne nimis cito diligere in
 cipiāmus, ne ue indignos. digni autem sunt amicitia,
 quibus in ipsis inest causa, cur diligantur. rarū istud
 genus: & quidem omnia præclara rara: nec quidquā
 difficilius, quā reperire, quod sit omni ex parte in
 suo genere perfectum. sed plerique neque in rebus hu
 manis quidquam bonum norunt, nisi quod fructuo
 sum sit: & amicos, tanquam pecudes, eos potissimum
 diligunt, ex quibus sperant se maximum fructum
 esse capturos: itaque pulcherrima illa, & maxime
 naturali carent amicitia, per se, & propter se expeten
 da: nec ipsi sibi exemplo sunt, hæc uis amicitia qualis,
 & quanta sit: ipse enim se qui, que diligit, non ut ali
 quam à se ipso mercedem exigat charitatis suæ, sed
 quod per se sibi quisque charus est. quod nisi idem in
 amicitiam transferatur, uerus amicus nunquam repe
 rietur: est enim is amicus quidem, qui est tanquā alter
 idem. quod si hoc apparet in bestijs, uolucris, agre=

stibus, natantibus, cicuribus, feris, primum, ut se ipse diligant; (id enim pariter cū omni animāte nascitur) deinde, ut requirant, atque appetant, ad quas se appllcent eiusdem generis animantes; idq; faciunt cum desiderio, et cū quadā similitudine amoris humani: quāto id magis in homine sit natura? qui & se ipse diligit, & alterum acquirit, cuius animum ita cū suo cōmiscet, ut efficiat penē unum ex duobus. sed pleriq; peruerse, ne dicam impudenter, amicum habere talē uolunt, quales ipsi esse non possunt quæq; ipsi non tribuunt amicis, hæc ab ijs desiderant. par est autem primum ipsum esse uirum bonum, tum alterū simile suū querere. in talibus ea, quam iam dudū traētabamus, stabilitas amicitiae confirmari potest; cum homines beneuolentia coniuncti, primū cupiditatibus ijs, quibus ceteri seruiūt, imperabunt; deinde æquitate, iustitiāq; gaudebunt; omniaq; alter pro altero suscipiet; neque quidquam unquam nisi honestum, & rectū alter ab altero postulabit; neque solum colent se inter se, ac diligant, sed etiā uerebuntur: nam maximum ornamentum amicitiae tollit, qui ex ea tollit uerecundiā: itaq; in ijs perniciosus est error, qui existimāt libidinē, peccatorumq; omnium patere in amicitia licentiā: uirtutum enim amicitia adiutrix à natura data est, nō uirtutum comes; ut, quoniam solitaria nō posset uirtus ad ea, quæ summa sunt, peruenire, coniuncta, & cōsociata cum altera perueniret. quæ si quos inter societas aut est, aut fuit, aut futura est; eorum est habēdus ad summū naturæ bonum optimus, beatissimūq; comitatus. hæc est inquam societas, in qua omnia insunt, quæ

putant homines expetenda; honestas, gloria, tranquillitas animi, atque iucunditas; ut, cum hæc adsint, beata uita sit, et sine his esse non possit. quod cum optimū, maximumque sit, si id uolumus adipisci, uirtuti opera danda est: sine qua neque amicitiam, neque ullam rem expetendam consequi possumus: ea uero neglecta, qui se amicos habere arbitratur, tum se denique errasse sentiunt, cum eos grauis aliquis casus experiri cogit. quocirca (dicendum est enim sæpius) cum iudicaueris, diligere oportet, non cum dilexeris, iudicare. sed cum multis in rebus negligentia plectimur, tum maxime in amicis et diligendis, et colendis: præposteris enim utimur consilijs, et acta agimus; quod uetamur ueteri pro uerbio: nam implicati ultro et citro uel usu diuturno, uel etiam officijs, repente in medio cursu amicitias exorta aliqua offensione dirupimus. quo etiam magis uituperanda est rei tam maxime necessaria tanta incuria: una est enim amicitia in rebus humanis, de cuius utilitate omnes uno ore consentiunt. quamquam à multis ipsa uirtus continetur, et uenditatio quædam, atque ostentatio esse dicitur: multi diuitias despiciunt, quos paruo cõtento tenuis uictus, cultusque delectat: honores uero, quorum cupiditate quidam inflammantur, quam multi ita contemnunt, ut nihil inanius, nihil esse leuius existimēt: itemque cetera, quæ quibusdam admirabilia uidentur, permulti sunt, qui pro nihilo putent: de amicitia omnes ad unum idem sentiunt, et ij, qui ad Rēp. se contulerunt; et ij, qui rerum cognitione doctrinaque delectantur; et ij, qui suum negotiū gerunt otiose; postremo ij, qui se totos tradiderunt uoluptatibus; sine amicitia uitā esse nullo

Iam, si modo uelint aliqua ex parte liberaliter uiuere :
 serpit enim nescio quo modo per omnium uitam amici-
 tia; nec ullam ætatis degendam rationem patitur esse ex-
 pertem sui. quin etiam, si quis ea asperitate est, et im-
 manitate naturæ, ut congressus, societatemque hominum
 fugiat, atque oderit, qualem fuisse Athenis Timonem ne-
 scio quem accepimus: tamen is pati non possit, ut non
 acquirat aliquem, apud quem euomat uirus acerbitalis
 suæ. atque hoc maxime iudicaretur, si quid tale posset
 contingere, ut aliquis nos deus ex hac hominum frequen-
 tia tolleretur, et in solitudine uspiam collocaret, atque
 ibi suppeditans omnium rerum, quas natura desiderat,
 abundantiam, et copiam, hominis omnino aspiciendi potes-
 tatē eriperet: quis tam esset ferreus, qui eam uitam fere-
 re posset? cuique non auferret fructum uoluptatum omnium
 solitudo? uerum igitur illud est, quod à Tarantino Ar-
 chyta (ut opinor) dici solitum nostros senes comemora-
 re audiui ab alijs senibus auditum; si quis cælum ascen-
 disse, naturamque mundi, et pulchritudinem siderum per-
 spexisset, in suauem illam admirationem ei fore, quæ in-
 cundissima fuisset, nisi aliquem, cui narraret, habuisset.
 sic natura solitariū nihil amat; semperque ad aliquod
 tanquam adminiculū annititur; quod in amicissimo
 quoque dulcissimum est. sed cum tot signis eadem natu-
 ra declaret, quid uelit, ac quærat, quid desideret: obscurum
 descimus tamen nescio quo modo, nec ea, quæ ab ea
 monemur, audimus: est enim uariis, et multiplex
 usus amicitiae; multæque causæ suspicionum, offensionumque;
 dantur, quas tamen euitare, tamen eleuare, tum ferre sapientis
 est. una illa subleuanda offensio est, ut et utilitas in ami-

clia, & fides retineatur: nam et monendi amici saepe sunt, & obiurgandi; & haec accipienda amice, cum bene uole fiunt. sed nescio quo modo uerum est, quod in Andria familiaris meus Terentius dixit: Obsequium amicos, ueritas odium parit. molesta ueritas est, si quidē ex ea nascitur odiū, quod est uenenum amicitiae: sed obsequiū multo modestius, quod peccatis indulgens precipitem amicum ferri sinit. maxima autem culpa in eo est, qui & ueritatē aspernatur, & in fraudem obsequio impellitur. omnis igitur hac in re habenda ratio, & diligentia est, primū ut monitio acerbitate, deinde obiurgatio contumelia careat. in obsequio autē (quoniam Terentiano uerbo libenter utimur) comitas adsit, assentatio uitiorū aditrix procul amoueatur; quae nō modo amico, sed ne libero quidē digna est: aliter enim cū tyranno, aliter cum amico uiuitur. cuius autem aures clausae ueritatē sunt, ut ab amico uera audire nequeāt; huius salus desperanda est: scitū est enim illud Catonis, multo melius de quibusdam acerbos inimicos mereri, quā eos amicos, qui dulces uideantur: illos uerum saepe dicere, hos nunquā. atque illud absurdum est, quod ij, qui morientur, eam molestiam, quā debent capere, nō capiūt; eam capiunt, qua debent carere: peccasse enim se, non anguntur; obiurgari, moleste ferunt: quod cōtra oportebat, delicto dolere, obiurgatione gaudere, ut igitur & monere, & moneri propriū est uerae amicitiae; & alterū libere facere, nō aspere; alterū patienter accipere, non repugnanter: sic habendum est, nullam in amicitijs pestem esse maiorem, quā adulationem, blandi-

tias, assentationē: quamuis enim multis nominibus est hoc uicium notandum, leuium hominū, atq; fallaciū, ad uoluntatem loquentium omnia, nihil ad ueritatē. cum autem omnium rerū simulatio est uitiosa, (tollit enim iudiciū ueri, idq; adulterat) cum amicitiae repugnat maxime: delet enim ueritatem, sine qua nomen amicitiae ualere non potest. nam cū amicitiae uis sit in eo, ut unus quasi animus fiat ex pluribus, qui id fieri potest, si ne in uno quidē unus animus erit, idem semper, sed uariis, commutabilis, multiplex? quid enim potest esse tā flexibile tā deuium, quā animus eius qui ad alterius non modo sensum ac uoluntatem, sed etiam uultum, atque nutum conuertitur?

Negat q̄s, nego: ait, aio. postremo imperaui egomet mi Omnia assentari: (h̄t, ut ait idē Terētius: sed ille sub Gnatonis persona: quod amici genus adhibere, omnino leuitatis est. multi autē Gnatonū similes cum sint, loco fortuna, fama superiores; horum est assentatio molesta, cum ad uanitatem accessit auctoritas. secerni autem blandus amicus à uero, & internosci tam potest adhibita diligentia, quā omnia fucata, et simulata à sinceris, atque ueris. concio, quæ ex imperitissimis constat, tamē iudicare solet, quid intersit inter popularem, idest assentatorē, & leuem ciuem, & inter constantem, seuerum, & grauē. quibus blanditijs C. Papius Cos. nuper influebat in aures concionis, cum ferret legem de Tribunis pl. reficiendis? dissuasimus nos. sed nihil de me: de Scipione dicam libentius. quanta illi, dii immortales, fuit grauitas, quanta in oratione maiestas? ut facile ducem popu

li R. non comitem diceret. sed affuistis: & est in manibus oratio. itaq; lex popularis suffragijs populi repudiata est. atque (ut ad me redeam) meministis, Q. Maximo fratre Scipionis, & L. Mancino Coss. quam popularis lex de sacerdotijs C. Licinij Crassi uidebatur: cooptatio enim collegiorum ad populi beneficiũ trãse rebatur. atque is primũ instituit in forum uersus agere cum populo. tamen illius uendibilem orationẽ religio deorũ immortalium nobis defendẽtibus facile uincebat. atq; id actum est Pratore me, quinquẽnio ante, quã Cõsul sum factus: itaq; re magis, quã auctori tate causa illa defensa est. q̃ si in scena, id est in concione, in qua rebus fictis, & adumbratis loci plurimũ est, tamen uerum ualet, si modo id patefactũ, & illustratum est: quid in amicitia fieri oportet, quæ tota ueritate perpẽditur: in qua nisi (ut dicitur) apertũ amici pectus uideas, tuumq; ostendas, nihil fidum, nihil exploratum habeas, ne amare quidem, aut amari possis, cum, id quã uere fiat, ignores. quanquam ista assensatio perniciofa sit, nocere tamen nemini potest, nisi ei, qui eam recipit, atque ea delectatur. ita fit, ut is assentatoribus patefaciat aures suas maxime, qui ipse sibi assentetur, & se maxime ipse delectet. omnino est amas sui uirtus: optime. n. se ipsa nouit; quãq; amabilis sit, intelligit. ego autẽ non de uirtute nũc loquor, sed de uirtutis opinione: uirtute enim ipsa non tam multi pradii esse, quã uideri uolũt. hos delectat assensatio: his fictus ad eorum uoluntatem sermo cum adhibetur, orationem illam uanum testimoniũ esse laudũ suarũ putant. nulla est igitur hæc amicitia, cum alter

uerum audire non uult, alter ad mētiendum paratus est. nec parasitorum in comœdijs assentatio nobis facta uideretur, nisi essent milites gloriosi.

Magnas uero agere gratias Thais mihi?

satis erat respondere, Magnas: Ingentes, inquit. semper auget assentatio id, quod is, cuius ad uoluntatē dicitur, uult esse magnum. quamobrem, quamuis blāda ista uanitas apud eos ualet, qui ipsi illam allectant, et inuitant; tamen etiam grauiores, cōstantioresq; admonendi sunt, ut animaduertāt, ne callida assētatione capiuntur: aperte enim adulantem nemo non uidet, nisi qui admodum est excors; callidus ille, et occultus ne se insinuet, studiose cauendū est: nec enim facillime agnoscitur, quippe qui aduersando saepe assentetur, et litigare se simulans blandiatur, atq; ad extremū det manus, uinciq; se patiatur, ut is, qui illusus sit, plus uicisse uideatur. quid autē turpius, quā illudi? quod ne accidat, magis cauendum est: ut in Epicureo,

Hodie me ante omnes comicos stultos senes

Verfari, atque luseris lautissime:

hæc enim in fabulis stultissima persona est improuidorum, & credulorum senum. sed nescio quo pacto ab amicitijs perfectorum hominū, id est sapientum (de hac dico sapientia, quæ uidetur in hominē cadere posse) ad leues amicitias deflexit oratio. quamobrem ad illā primam redeamus; eamq; ipsam concludamus aliquādo. Virtus, inquā, C. Fanni, & tu Q. Muti, & conciliat amicitias, & conseruat: in ea est enim cōuenientia rerum, in ea constantia: quæ cum se extrulit, et ostēdit lumen suum, & idem aspexit, agnouitq; in alio, ad id se

C I C E R O N I S

admonet, uicissimq; accipit illud, quod in altero est. ex ardescit amor, siue amicitia: utrunq; enim dictum est ab amando: amare autem nihil aliud est, nisi cum ipsum diligere, quem ames, nulla indigentia, nulla utilitate quaesita: quæ tamē ipsa efflorescit ex amicitia, etiā si tu eam minus secutus sis. hac nos adolescētes beneuolentia senes illos L. Paulum, M. Catonē, C. Gallum, P. Nasicam, Ti. Gracchum Scipionis nostri socerum dileximus. hac etiā magis elucet inter æquales, ut inter me, & Scipionem, & L. Furium, P. Rutilium, Sp. Mummiū. uicissim autem senes in adolecentium charitate acquiescimus, ut ego in uestra, & Q. Tuberonis: equidem etiam admodū adolecentis P. Rutilij Virginij familiaritate delector. quoniāq; ita ratio comparata est uitæ, naturæq; nostræ, ut alia ætas oriatur ex alia: maxime quidem optandum est, ut cum æqualibus possis, quibuscū tanquam ē carceribus emissus sis, ijsdem ad calcem (ut dicitur) peruenire: sed quoniam res humanæ fragiles, caducæq; sunt, semper aliqui acquirēdi sunt, quos diligamus, & à quibus diligamur: charitate enim, beneuolētiāq; sublata, omnis est ē uita sublata iucunditas. mihi quidem Scipio, quanquā est subito ereptus, uiuit tamen, semperq; uiuet: uirtutem enim amari illius uiri; quæ extincta non est; nec mihi soli uersatur ante oculos, qui illā semper in manibus habui; sed etiam posteris erit clara, & insignis. nemo unquā animo, aut spe maiora suscipiet, qui sibi non illius memoriam, atque imaginem proponendam putet. equidem ex omnibus rebus, quas mihi aut fortuna, aut natura tribuit, nihil habeo, quod cum amicitia Scipionis

Scipionis possim comparare. in hac mihi de Rep. consensus, in hac rerum privatarum consilium, in hac requies plena oblectationis fuit. nunquā illum ne minima quidem re offendi, quod quidē senserim: nihil auidui ex eo ipse, quod nollem. una domus erat, idem uictus, isq; communis: neque solum militia, sed etiam peregrinationes, rusticationesq; communes. nā quid ego de studiis dicam cognoscendi semper aliquid, atque discendi: in quibus remoti ab oculis populi omne otium, tempusq; contriuiamus? quarum rerum recordatio, et memoria si unā cum illo occidisset, desiderium cōiunctissimi uiri, atque amantiissimi ferre nullo modo possem: sed nec illa extincta sunt, alunturq; potius, et augentur cogitatione, et memoria; et si plane illis orbatus essem, magnum tamen afferret mihi ætas ipsa solatium: diutius enim iam in hoc desiderio esse nō possum: omnia autem breuia, tolerabilia esse debent, etiā si magna sunt. Hæc habui, de amicitia quæ dicerē. uos autem hortor, ut ita uirtutem locetis, sine qua amicitia esse non potest, ut, ea excepta, nihil amicitia præstabilius esse putetis.

MARCI TVLLII CICERONIS
PARADOXA SEX, AD
MARCVM BRVTVM.

Nimaduerti Brute sæpe Catonem auun-
culum tuum, cum in senatu sententiam
diceret, locos graues ex philosophia tra-
hẽtare, abhorrentes ab hoc usu forensi, &
publico; sed dicendo consequi tamen ut
illa etiam populo probabilia uiderentur. quod eo ma-
ius est illi, quàm aut tibi, aut nobis; quia nos ea philos-
ophia plus utimur, quæ peperit dicendi copiam, et in
qua dicuntur ea, quæ non multum discrepant ab opi-
nione populari; Cato autem, perfectus mea sententia
Stoicus, & ea sentit, quæ nõ sanè probantur in uulgus;
& in ea heresi est, quæ nullũ sequitur florem oratio-
nis, neque dilatat argumẽtum, sed minutis interroga-
tiunculis, quasi punctis, quod proposuit, efficit. sed ni-
hil est tã incredibile, quod non dicendo fiat probabile:
nihil tã horridũ, tam incultum, quod non splendeat
oratione, & tanquam excolatur. quod cum ita puta-
rem, feci etiam audacius, quàm ille ipse, de quo loquor:
Cato enim duntaxat de magnitudine animi, de conti-
nẽtia, de morte, de omni laude uirtutis, de dijs immor-
talibus, de charitate patriæ Stoice solet, nullis orato-
rijs ornãmẽtis adhibitis, dicere. ego uero illa ipsa, quæ
uix in gymnasijs, & in otio Stoici probant, ludẽs cõieci
in cõmunes locos. quæ quia sunt admirabilia, cõtraq;
opinionem omnium, ab ipsis etiam παρὰ δόξαν appellã-
tur: tentare uolui, possent ne proferri in lucẽ, idest in

forum, & ita dici, ut probarentur; an alia quaedam
esset erudita, alia popularis oratio: eoq; scripsi liben-
tius, q̄ mihi ista παρὰ δόξα quæ appellantur, maxime
uidentur esse Socratica, longeq; uerissima. Accipies igitur
hoc paruum opusculum lucubratum his iam con-
tractioribus noctibus, quoniam illud maiorum uigilia-
rū munus in tuo nomine apparuit: & degustablis ge-
nus hoc exercitationum mearum, quibus uti cōsueui,
cum ea, quæ dicuntur in scholis βετικά, ad nostrū hoc
oratorium transfero dicendi genus. hoc tamē opus in-
apertum ut referas, nihil postulo: non enim est tale,
ut in arce poni possit, quasi illa Minerva Phidiæ: tale
tamen est, ut ex eadem officina exisse uideatur.

ὅτι μόνον ἀγαθόν, τὸ καλόν.

quod solum bonum, honestum.

V Ereor, ne cui uestrum ex Stoicorum homi-
num disputationibus, non ex meo sensu de-
prompta hæc uideatur oratio: dicam ta-
men, quod sentio; & dicam breuius, quā res tanta
dici possit. Nunquā mehercule ego neq; pecunias isto-
rum, neq; tecta magnifica, neq; opes, neque imperia,
neque eas, quibus maxime astricti sunt, uoluptates in
bonis rebus esse numerandas duxi; quippe cū uiderē,
homines his rebus circumfluētes, ea tamen desiderare
maxime, quibus abundarent: neq; enim unquā exple-
tur, nec satiatur cupiditatis sitis: neq; ea solū, quæ ha-
bent, libidine augēdi cruciantur, sed etiam amittendi
metu. in quo equidem continentissimorum hominū
maiorum nostrorum sæpe requiro prudētiam, qui hæc

imbecilla, & cōmutabilia pecuniæ membra solo uerbo
 bona putauerunt appellanda, cū re, ac factis longe ali
 ter iudicauissent: potest enim bonum cuiquam malo
 esse? aut potest quisquam in abundantia bonorū ipse
 esse non bonus? atqui ista omnia talia uidemus ut &
 improbi habeant, & obsint probis. quāobrem (licet ir
 rideat, si quis uelit) plus apud me uera ratio ualebit,
 quā uulgi opinio: neq; ego unquam illum bona per
 didisse dicā, si quis pecus, aut suppellectilē amiserit: nec
 nō sæpe laudabo sapientem illum Bīrem, (ut opinor)
 qui numeratur inter septem sapientes: cuius cum pa
 triam Prienem cepisset hostis, ceteriq; ita fugerent, ut
 multa de suis rebus secum asportarent, cū esset admo
 nitus à quodam, ut idē ipse faceret, ego uero, inquit, fa
 cio: nam omnia mea mecum porto. ille hæc ludibria
 fortunæ ne sua quidem putauit, quæ nos appellamus
 etiā bona. quid est igitur, quæret aliquis, bonum? si
 quid recte fit, & honeste, & cū uirtute, id bene fieri
 uere dicitur, & quod rectum, & honestū, & cum uir
 tute est, id solum opinor bonū sed hæc uideri possunt
 obscuriora, cum sine appositione exemplorū lentius di
 sputantur: uita, atque factis illustranda sunt summo
 rum uirorum hæc, quæ uerbis subtilius, quā satis est,
 disputari uidentur. Quæro enim à uobis, num ullam
 cogitationem habuisse uideantur ij, qui hanc Rēp. tā
 præclare fundatam nobis reliquerunt, aut auri atq;
 argenti ad auaritiā, aut amœnitatū ad delectationē,
 aut suppellectilis ad delicias, aut epularum ad uolu
 tes ponite ante oculos unūquēq; regum. uultis, inci
 piam à Romulo? uultis, post liberam ciuitatem, ab ijs

ipsis, qui liberauerunt eam? quibus tandem Romulus gradibus ascendit in cœlum? ijs ne, quæ isti bona appellant; an rebus gestis, atque uirtutibus? quid autem Numa Pompilius? minus ne gratas dijs immortalibus capedines, ac fictiles urnulas fuisse, quàm delicatas aliorum pateras arbitramur? omitto reliquos: sunt enim omnes pares inter se, præter Superbum. Brutum uero si quis roget, quid egerit in patria liberanda; si quis reliquos item eiusdem consilij socios, quid spectarint, quid secuti sint: num quis existat, cui uoluptas, cui diuitiæ, cui deniq; præter officium fortis, & magni uiri quidquam aliud propositum fuisse uideatur? quæ res ad necem Porcenæ Q. Muriū impulit sine ulla spe salutis suæ? quæ uis Horatium Coclitem contra omnes hostium copias tenuit in ponte solum? quæ patrem Deciū, quæ filium deuouit, ac immisit in armatas hostium copias? quid continentia C. Fabritij? quid tenuitas uictus M. Curiij sequebatur? quid duo propugnacula belli Punici Cneus, & Publius Scipiones, qui Carthaginensium aduentum corporibus suis intercludendum putauerunt? quid Africanus maior? quid minor? quid inter horum atates interiectus Cato? quid innumerabiles alij? nam domesticis exemplis abundamus. an putamus quenquam horum cogitasse quidquam in uita sibi expetendum, nisi quod laudabile esse, & præclarum uideretur? ueniant igitur irrisores huius orationis, ac sententiæ; et iam uel ipsi iudicent; utrum se horum alicuius, qui marmoreis teetis, ebore, & auro fulgentibus, qui signis, qui tabulis, qui coelato auro, & argento, qui Corinthijs operibus abundant; an C. Fabritij, qui nihil eorum habuit, nihil

habere uoluit, similes esse malint. atque hæc quidem, quæ modo huc, modo illuc trāsferuntur, facile adduci solent, ut in rebus bonis esse negent: illud tamen arētē tenent, accurateq; defendunt, uoluptatē esse summum bonum. quæ quidem mihi uox pecudum uidetur esse, non hominum. tu, cum tibi siue deus siue mater (ut ita dicam) rerum omnium natura dederit animū, quo nīhil est præstantius, neque diuinius; sic te ipse abijcies, atq; prosternes, ut nihil inter te, atque inter quadrupedem aliquid putes interesse? quidquam ne bonum est, quod non eum, qui possidet, meliorem faciat? ut enim quisq; est maxime boni particeps, ita et laudabilis maxime: neque est ullum bonum, de quo non is, qui id habet, possit honeste gloriari. quid autem est horum in uoluptate? meliorem ne efficit, aut laudabiliorem uirum? an quisquā in potiundis uoluptatibus gloria sese, & prædicatione effert? atqui si uoluptas, quæ plurimarum patrocinijs defenditur, in rebus bonis habēda non est, eaq; quo est maior, eo magis mentē ex sua sede, & statu dimouet: profecto nihil est aliud bene, & beate uiuere, nisi honeste, & recte uiuere.

ὅτι αὐτᾶς ἐκῆς ἢ ἀρετῇ πρὸς βῆδαιμονίαν.

quod se ipsa contenta uirtus ad beate uiuendum.

Ec uero ego M. Regulum erumnosum, nec infelicem, nec miserum unquā putavi: non enim magnitudo animi eius cruciabatur à Pœnis, non grauitas, non fides, non constantia, non ulla uirtus, non denique animus ipse; qui tot uirtutum præsidio munitus, tātōq; comitatu circū

septus, cum corpus eius caperetur, capi certe ipse nō po-
tuit. Caium uero Marium uidimus: qui mihi secundis
in rebus unus ex fortunatis hominibus, in aduersis
unus ex summis uiris uidebatur: quo beatus esse mor-
tali nihil potest. Nescis insane, nescis, quātas uires uir-
tus habeat. nomē tantū uirtutis usurpas: quid ipsa ua-
leat, ignoras. nemo potest nō beatissimus esse, qui est
totus aptus ex sese, quiq; in se uno sua ponit omnia. cu-
ius autem spes omnis, & ratio, & cogitatio pender ex
fortuna, huic nihil potest esse certi nihilq; quod explo-
ratū habeat permansurū sibi ne unum quidem diem.
cum tu hominem terreto, si quem eris nactus istiusmo-
di, mortis, aut exiliij minis. mihi uero quidquid accide-
rit in tam ingrata ciuitate, ne recusanti quidē euene-
rit, non modo non repugnant: quid enim ego labora-
ui, aut quid egi, aut in quo euigilauerunt cura, et cogi-
tationes meae, si quidem nihil peperī tale, nihil cōsecu-
tus sum, ut in eo statu essem, quē neque fortunae teme-
ritas, neq; inimicorum labefactaret iniuria? Mortē ne
mihi minitaris, ut omnino ab hominibus; an exilium,
ut ab improbis demigrandum sit? mors terribilis est
ijs, quorum laus emori non potest: exilium autem terri-
bile illis, quibus quasi circūscriptus est habitandi locus;
non ijs, qui omnē orbem terrarum unam urbem esse
ducunt. te miserie, te erumna premunt omnes, qui te
beatum, qui te florentem putas: tuae libidines te tor-
quent: tu dies, noctesq; cruciaris, cui nec satis est, quod
est, & id ipsum, quod habes, ne non diuturnū sit futu-
rum, times: te conscientiae stimulant maleficiorum tuo-
rum: te metus exanimant iudiciorum, atque legum:

C I C E R O N I S

quocūq; aspexisti, ut furia, sic tuæ tibi occurrunt iniuria, quæ te respirare non sinunt. quamobrem ut improbo, & stulto, & inertī nemini bene esse potest: sic bonus uir, & fortis, & sapiens miser esse nemo potest. nec uero, cuius uirtus, moresq; laudandi sunt, eius non laudanda uita est: neque porro fugiēda uita, quæ laudanda est: esset autem fugiēda, si esset misera. quamobrem quidquid est laudabile, idem & beatū, & florens, & expetendum uideri debet.

ὅτι ἴσα τὰ ἁμαρτήματα:

quòd æqualia peccata:

N Ec enim peccata rerum euentu, sed uitij
hominum metienda sunt. in quo peccatur, id potest aliud alio maius esse, aut minus: ipsum quidem illud peccare, quoquò te uerteris, unum est. auri nauem euertat gubernator, an palea, in re aliquātū, in gubernatoris inscitia nihil interest. lapsa est libido in muliere ignota: dolor ad pauciores pertinet, quàm si petulans fuisset in aliqua generosa, ac nobili uirgine; peccauit uero nihilo minus; si quidem est peccare, tanquam transire lineas: quod cum feceris, culpa commissa est; quàm longe progrediare, cum semel transieris, ad augendam transcūnti culpā nihil pertinet. peccare certe licet nemini. quod autem non licet, id hoc uno tenetur, si arguitur non licere. id nec maius, nec minus unquam fieri potest; quoniam in eo est peccatum, si non licuit. quod semper unum, & idem est: quæ ex eo peccata nascantur, æqualia sint oportet. quòd si uirtutes pares sunt inter se, paria esse etiā

uitia necesse est. atqui pares esse uirtutes, nec bono uiro meliorem, nec temperante temperantio rem, nec forti fortio rem, nec sapiente sapiētiore posse fieri, facile potest perspicui. an uirum bonum dices, qui depositū nullo teste, cum lucrari impune posset, auri pondo decem reddiderit, si idem in decem millibus non idem fecerit, aut temperantem eū, qui se in aliqua libidine cōtinuerit, in aliqua effuderit? una uirtus est consentiens cum ratione, & perpetua cōstantia. nihil huic addi potest, quo magis uirtus sit nihil demī, ut uirtutis nomē relinquatur. etenim si bene facta, recte facta sunt, et nihil recto rectius: certe nec bono quidem melius quidquā inueniri potest. sequitur igitur, ut et uitia sint paria: si quidem prauitates animi recte uitia dicuntur. atque qui, quoniam pares uirtutes sunt, recte etiam facta, quando à uirtutibus proficiuntur, paria esse debent: itemq; peccata, quoniā ex uitijis manant, sint equalia necesse est. A Philosophis, inquis, ista sumis. metuebam, ne, à lenonibus, diceres. Socrates disputabat isto modo. bene hercule narras: nā istum doctum, et sapientē uirum fuisse, memoriā traditum est. sed tamē quāro ex te, (quando uerbis inter nos contendimus, nō pugnis) utrum potius de bonis est quārendū, quid baiuli, atq; operarij, an qd homines doctissimi senserint; praesertim cū hac sententia nō modo uerior, sed ne utilior quidē hominū uitā reperiri ulla possit: quā uis enim, q̄ magis arceat homines ab improbitate omni, quā si senserint nullū in delictis esse discrimē? et aequē peccare se, si priuatis, ac si magistratibus manus inferant? quamcunq; in domū stuprum intulerint, eandē

esse labem libidinis? nihil ne igitur interest, nam hoc dicit aliquis patrem quis necet, an seruum? nuda ista si ponas, iudicari, qualia sint, non facile possunt patrem uita priuare, si per se scelus est; Sicutini, qui patres suos liberos emori, quam seruos uiuere maluerunt, parricide fuerunt. ergo et parenti non nunquam adimi uita sine scelere potest; et seruo saepe sine iniuria non potest. causa igitur haec, non natura distinguit: quae quando alteri accessit id fit propensius: si utriq; adiuncta sit, paria fiant necesse est. illud tamen interest, quod in seruo necando, si adsit iniuria, semel peccatur; in patris uita uiolanda, multa peccantur; uiotatur is, qui procreauit; is, qui aluit; is, qui erudiuit; is, qui in sede, ac domo, atque in Rep. collocauit. multitudo peccatorum praestat, eoq; poena maiore dignus est. sed nos in uita, non quae cuiq; peccato poena sed, quantum cuiq; liceat, spectare debemus. quidquid non oportet, scelus esse; quidquid non licet, nefas putare debemus; etiam in minimis rebus? etiam; si quidem rerum modum fingere non possumus, animorum tenere possumus. histrio si paulo se mouit extra numerum, aut si uersus pronuncius est syllaba una breuior, aut longior, exhibilatur, et exploditur: in uita, quae omni gestu moderatior, omni uersu aptior esse debet, ut in syllaba te peccare dices? poetam non audio in nugis: in uita societate audiam ciuem digitis peccata dimetiētem sua si uisa sint breuiora, leuiora, qui possint uideri? cum, quidquid peccatur, perturbatione peccetur rationis, atque ordini; perturbata autem ratione semel et ordine, nihil possit addi, quo magis peccari posse uideatur.

ὅτι πάντες οἱ μὲν μᾶλλον :

quod omnes stulti insaniunt.

Go uero te nō stultū, ut saepe; non improbū,
 E ut semper, sed dementem, & insanū rebus
 addicam necessarijs. sapientis animus magni-
 tudine consilij, tolerantia rerum humanarum, contem-
 ptione fortunæ, uirtutibus deniq; omnibus, ut mœni-
 bus, sepius uincetur, et expugnabitur? quī nec ciuitate
 quidē pelli potest. quæ est enim ciuitas? omnis ne cōue-
 tus ferorum, & immanium? omnis ne etiā fugitiuo-
 rum, ac latronum congregata unum in locū multitu-
 do? certe negabis. num igitur erat illa tū ciuitas, cum
 leges in ea nihil ualebant; cum iudicia iacebant; cum
 mos patrius occiderat; cū, ferro pulsus magistratibus,
 senatus nomen in Rep. non erat? prædonum ille cōcur-
 sus, & te duce latrocinium in foro constitutū, & reli-
 quæ cōiurationis à Catilinæ furijs ad tuum scelus, su-
 roremq; conuersæ num ciuitas erat? itaque pulsus ego
 ciuitate non sum, quæ tum nulla erat: accersitus in cē-
 uitatem sum, cum esset in Rep. Consul, qui tū nullus
 fuerat; esset senatus, qui tum occiderat; esset consen-
 sus populi liberi; cum esset iuris, & æquitatis, quæ uin-
 cula sunt ciuitatis, repetita memoria. at uide, quā
 ista tui latrocinij tela contēpserim. iactā, et immissam
 à te nefariā in me iniuriam semper duxi, peruenisse
 tamen ad me nunquā putauī: nisi forte, cum parie-
 tes disturbabas, aut cū teētis sceleratas faces inferebas,
 tunc meorum aliquid ruere, aut deflagrare arbitra-
 re. nihil neq; meum est, neq; cuiusquā, quod auferri,

quod eripi, quod amitti potest. si mihi eripuiſſes diu-
 nā animi mei cōſtantiā, meas curas, uigilias, cōſilia, qui-
 bus Reſp. inuiēta ſtat; ſi huius eterni beneficii immor-
 talem memoriam deleuiſſes; multo etiam magis, ſi illā
 mentem, unde hęc conſilia manarunt, mihi eripuiſſes:
 tum ego accepiſſe me confiterer iniuriam: ſed ſi hęc
 nec feciſti, nec facere potuiſti; reditum mihi glorioſum
 tua dedit iniuria, non exitum calamitoſum. ergo ego
 ſemper ciuis eram, & tum maxime, cum meam ſalutē
 ſenatus exteris nationibus, ut ciuis optimi, cōmēdabat:
 tu ne nunc quidem es ciuis: niſi forte idem hostis, et ci-
 uis eſſe poteſt. an tu ciuem ab hoſte natura, ac loco, nō
 animo, faētisq; diſtinguis? eādem in foro feciſti: arma-
 tis latronibus templa tenuiſti: priuatorū domos, aēdesq;
 ſacras incendiſti. cur hostis Spartacus, ſi tu ciuis? po-
 tes autem eſſe tu ciuis, propter quem aliquādo ciuitas
 non fuit? & me exulem tuo nomine appellas? cū om-
 nes meo diſceſſu exulaſſe Remp. putent. nunquam
 ne, homo amentiffime, te circunſpicias? nunquam ne,
 quid facias, conſiderabis, nec quid loquare? neſcis, exiliū
 ſclerum eſſe pœnam. meū illud iter ob preclariſſimas
 res à me ante geſtas eſſe ſuſceptum? omnes ſclerati,
 atq; impij, quorum tu te ducem eſſe profiteris, quos le-
 ges exilio affici uolunt, exules ſunt, etiam ſi ſolum nō
 mutarunt. an, cum omnes leges te exulem eſſe iubeāt,
 non eris tu exul? nō appellatur inimicus, qui cum te
 lo fuerit ante ſenatum? tua ſica deprehenſa eſt: qui
 hominem occiderit? tu plurimos occidiſti: qui incendi-
 um fecerit? aēdes nympharum manu tua deſlagrarūt:
 qui templa deorum occupauerit? in foro etiam caſtra

posuisti. sed quid ego communes leges profero, quibus omnibus es exul? familiarissimus tuus de te privilegium tulit, ut, si in opertum Bonae deae accessisses, exulares. at te id fecisse, etiam gloriari soles. quo modo igitur tot legibus eiectus in exilium, nomen exulis non perhorrescis? Roma sum, inquis: & tu quidem in operto fuisti. non igitur, ubi quisque erit, eius loci ius tenebit, si ibi cum legibus esse non oportebit.

οἱ σοφοὶ ἐλεύθεροι, καὶ οἱ μωροὶ δούλοι:

quod sapientes liberi, & stulti serui.

L Audetur uero hic imperator, aut etiam appellatur, aut hoc nomine dignus putetur: quo modo? aut cui tandem hic libero imperabit, qui non potest cupiditatibus suis imperare? refrenet prius libidines, spernat uoluptates, iracundiam teneat, coerceat auaritiam, ceteras animi labes repellat: tunc incipiat alijs imperare, cum ipse improbissimis dominis, de decori, ac turpitudini parere desierit: dum quidem his obediens, non modo imperator, sed liber habendus omnino non erit, praeclare enim est hoc usurpatum, à doctissimis, quorum auctoritate non uterer, si mihi apud alios quos agrestes haec habenda esset oratio: cum uero apud prudentissimos loquar, quibus haec inaudita non sunt; cur ego simul me, si quid in his studijs operae posuerim, perdidisse? dictum est igitur ab eruditissimis uiris; nisi sapientem, liberum esse neminem: quid est enim libertas? potestas uiuendi, ut uelis: quis igitur uiuit, ut uult? nisi profecto, qui recta sequitur; qui gaudet officio; cui uiuendi uia considerata atque promissa est; qui

legibus quidem non propter metū paret, sed eas sequi
tur, atq; colit, quia id salutare maxime esse iudicat;
qui nihil dicit, nihil facit, nihil cogitat deniq; , nisi li-
bēter, ac libere; cuius omnia cōsilia, resq; omnes, quas
gerit, ab ipso proficiuntur, eodemq; referuntur; nec
est ulla res, quæ plus apud eū polleat, quàm ipsius vo-
luntas, atq; iudiciū? cui quidē etiam, quæ vim habere
maximā dicitur, fortuna ipsa cedit: quæ, sicut sapiens
poeta dixit, suis cuiq; fingitur moribus. soli igitur hoc
cōtingit sapienti, ut nihil faciat inuitus, nihil dolens,
nihil coactus. quod etsi ita esse, pluribus uerbis differē-
dum est: illud tamen breuī conficiendū est, nisi qui ita
sit affectus, esse liberū neminē. igitur omnes improbi
serui: nec hoc tam re est, quàm dictū, inopinatum, atq;
mirabile: non enim ita dicunt eos esse seruos, ut manci-
pia, quæ sunt dominorum facta nexu, aut aliquo iure
ciuili: sed, si seruitus sit, sicut est, obedientia fracti ani-
mi, & abiecti, & arbitrio carētis suo, quis neget omnes
leues, omnes cupidos, omnes deniq; improbos esse ser-
uos? an ille mihi liber uideatur, cui mulier imperat?
cui leges imponit, præscribit, iubet, uetat, q̄ uidetur?
qui nihil imperanti negare potest, nihil audet? poscit,
dandū est: uocat, ueniendum: eiicit, abeundum: minā-
tur, extimescendum. ego uero istum non modo seruū,
sed nequissimum seruum, etiam si in amplissima fami-
lia natus sit, appellādum puto. atq; ut in magna fami-
lia stultorum, sunt alij lautiores, ut sibi uidentur, ser-
ui, sed tamen serui, atrienses, ac tu pari stultitia; quos
signa, quos tabulæ, quos cælatū argentum, quos Corin-
thia opera, quos ædificia magnifica nimio opere dele-

Etant. ex summis, inquit, ciuitatis principes sumus.
 uos uero ne conseruorum quidem uestrorū principes
 estis sed, ut in familia, qui tractāt ista, qui tergūt, qui
 ungunt, qui uerrunt, qui spargunt, non honestissimū
 locum seruitutis tenent; sic in ciuitate, qui se istarum
 rerum cupiditatibus dediderunt, ipsius ciuitatis locū
 penē infimū tenent. magna, inquis, bella gessi: magnis
 imperijs, & provincijs præsui. gere igitur animum
 laude dignū. Actæonis tabula te stupidū detinet, aut
 signum aliquod Polycleti. omitto, unde sustuleris, &
 quo modo habeas: intuentem te, admirātem, clamores
 tollentem cum uideo, seruum te esse ineptiarū omniū
 iudico. non ne igitur sunt illa festiua? sunt: nam nos
 quoq; oculos eruditos habemus: sed, obsecro te, ita ue-
 nusta habeātur ista, nō ut uincula uirorū sint, sed ut
 oblectamenta puerorum. quid enim censes? si L. Mum-
 mius aliquem istorum uideret matellionē Corinthiū
 cupidissime tractantem, cum ipse totam Corinthū cō-
 tempsisset; utrum illum ciuem excellentem, an atri-
 sem seruum diligentē putaret? reuiuiscat M. Curius,
 aut eorum aliquis, quorū in uilla, ac domo nihil splen-
 didum, nihil ornatum fuit, præter ipsos; & uideat ali-
 quē summis populi beneficijs usum, barbatulos mulu-
 los exceptātem de piscina, & pertrectātem, & muræ
 narum copia gloriantem: non ne hunc hominem ita
 seruum iudicet, ut ne in familia quidē dignum malo-
 re aliquo negotio putet? an eorum seruitus dubia est,
 qui cupiditate peculij nullam conditionē recusant. du-
 rissimæ seruitutis? hæreditatis spes quid iniquitatis in
 seruiendo nō suscipit? quem nutum locupletis orbi se-

C I C E R O N I S

nis non obseruat? loquitur ad uoluntatem: quidquid
 nuntiatum sit, facit, assentatur, assidet, miratur: quid
 horum est liberi? quid denique non serui inertis? quid
 iam illa cupiditas, quæ uidetur esse liberior, honoris,
 imperij, prouinciarum, quā dura est domina, quā im-
 periosa, quā uehemens? Cethego homini nō probatis-
 simo seruire coegit eos, qui esse amplissimi uidebātur,
 mittere munera, noctu uenire domū ad eum, precari,
 denique supplicare. quæ seruitus est, si hæc libertas exi-
 stimari potest? quid? cum cupiditatum dominatus ex-
 cessit, & alius est dominus exortus, ex consciētia pecca-
 torū, timor; quā est illa misera, quā dura seruitus?
 adolescentibus paulo loquacioribus est seruiendū; om-
 nes, qui aliquid scire uidentur, tanquā domini timen-
 tur: iudex uero quātum habet dominatū? quo timore
 nocentes afficit? an non est omnis metus seruitus? quid
 ualet igitur illa eloquentissimi uiri L. Crassi copiosa
 magis, quā sapiēs oratio? **ERIPITE NOS EX**
SERVITUTE. quæ est ista seruitus tam claro ho-
 mini tamq; nobili? omnis enim animi debilitati, et hu-
 milis, & fracti timiditas, seruitus est. **NOLITE**
SINERE NOS CUIQUAM SERVIRE.
 in libertatem uindicare uult? minime: quid enim adiū-
 git? **NISI VOBIS VNIVERSIS.** dominum
 mutare, non liber esse uult. **QVIBVS ET POS-**
SVMVS, ET DEBEMVS. nos uero, si quidem
 animo excelso, et alto, et uirtutibus exaggerato sumus,
 nec debemus, nec possumus. tu posse te dicito, quando-
 quidem potes; debere ne dixeris: quoniam nihil quisquā
 debet, nisi quod est turpe non reddere. Sed hæc hæte-
 nus.

nus. ille uideat, quo modo imperator esse possit, cū, cū
ne libertum quidē esse, ratio, & ueritas ipsa cōuincat.

ὅτι μόνος ὁ σοφὸς πλούσιος:

quod solus sapiens diues.

Væ est ista in cōmemorāda pecunia tua tam
q insolens ostentatio? solus ne tu diues? prò di
immortales, ego ne me audisse aliquid, & di
dicisse non gaudeam? solus ne tu diues? quid, si ne di
ues quidem? quid, si pauper etiam? quem enim intelli
gimus diuitem? aut hoc uerbum in quo homine poni
mus? opinor in eo, cui tanta possessio est, ut ad liberali
ter uiuendum facile cōtentus sit; qui nihil quærat, nī
hil appetat, nihil optet amplius: animus enim tuus o
portet se iudicet diuitē, nō hominū sermo, neq; posses
siones tuæ. qui si tibi nihil d'esse putas, nihil curas am
plius, satiatus es, aut contētus etiam pecunia: concedo,
diues es. sin autem propter auiditatem pecuniæ nullū
quæstū turpem putas, cum isti ordini ne honestus qui
dem esse possit ullus; si quotidie fraudas, decipis, poscis,
pacisceris, aufers, eripis, si socios spoliās, ærariū expilas,
si testamēta amicorum expectas, aut ne expectas qui
dem, atq; ipse supponis: hæc utrum abundātis, an egē
tis signa sunt? animus hominis diues, nō arca appella
ri solet. quāuis illa sit plena, dum te inanem uidebo,
diuitem nō putabo: etenim ex eo, quantum cuiq; sat
est, metiātur homines diuitiarum modū. filiam quis
habet, pecunia est opus; duas, maiore; plures, maiore;
& s (ut aiunt) Danaī quinquaginta sint filiae, tot do
tes magnā quæunt pecuniā: quantum enim cuiq; sa

Q

tis est, ad id accommodatur (ut ante dixi) diuitiarum mo-
 dus. qui igitur non filias plures, sed innumerabiles cu-
 piditates habet, quæ breui tempore maximas copias ex-
 haurire possint; hunc quo modo ego appellabo diuitem,
 cum ipse egere se sentiat? multi ex te audierunt, cum
 diceres, neminem esse diuitem, nisi qui exercitum alere
 posset suis fructibus, quod populus Romanus ex tantis uectiga-
 libus iam pridem uix potest. ergo hoc proposito nun-
 quam eris diues ante, quam tibi ex tuis possessionibus tan-
 tum reficiatur, ut ex eo tueri sex legiones, et magna
 equitum, ac peditum auxilia possis. iam fateris igitur non
 esse te diuitem, cui tantum desit, ut expleas id, quod
 exoptas: itaque istam paupertatem, uel potius egestatem, ac
 mendicitatem tuam nunquam obscure tulisti. nam, ut
 iis, qui honeste rem querunt mercaturis faciendis, ope-
 ris dandis, publicis sumendis, intelligimus opus esse qua-
 esito: sic, qui uidet domi tuæ pariter accusatorum, atque
 iudicum consociatos greges, qui nocentes, et pecuniosos
 reos eodem te auctore corruptelam iudicii molientes,
 qui tuas mercedum pactiones in patrociniis, intercisas
 pecuniarum in coitionibus candidatorum, dimissiones li-
 bertorum ad foenerandas, diripiendasque prouincias, qui
 expulsionem uicinorum, qui latrocinia in agris, qui cum
 seruis, cum libertis, cum clientibus societates, qui posses-
 siones uacuas, qui proscriptiones locupletum, qui cedes
 municipiorum, qui illam Syllani temporis messem recor-
 detur, qui testamenta subiecta, qui sublatis tot homi-
 nes, qui denique omnia uenalia, delectum, decretum; alie-
 nam, suam sententiam; forum, domum; uocem, silen-
 tium; quis hunc non putet confiteri; sibi quaesito opus

esse? cui autem quæsito opus sit, quis unquam hūc ue-
 re dixerit diuitem? est enim diuitiarum fructus in co-
 pia: copiam autem declarat satietas rerum, atq; abū-
 dantia: quam tu quoniam nunquam assequere, nun-
 quam omnino es futurus diues. meam autem quoniā
 pecuniam contemnis, & recte; est enim ad uulgi opi-
 nionem mediocris, ad tuam nulla, ad meā modica: de
 me silebo: de te loquar. si censenda nobis, atq; æstimā-
 da res sit, utrum tandem pluris æstimabimus pecuniā
 Pyrrhi, quā Fabritio dabat, an continentiam Fabritij,
 qui illam pecuniam repudiabat? utrum aurū Samni-
 tum, an responsum M. Curiij? hereditatem L. Pauli, an
 liberalitatem Africani, qui eius hereditatis Q. Ma-
 ximo fratri partem suam concessit: hæc profecto, quæ
 sunt summarum uirtutum, pluris æstimāda sunt, quā
 illa, quæ sunt pecuniæ. quis igitur (si quidē, ut quisq;
 quod plurimi sit, possideat, ita ditissimus habēdus sit)
 dubitet, quin in uirtute diuitiæ positiæ sint, quoniam
 nulla possessio, nulla uis auri, & argenti pluris, quā
 uirtus æstimanda est? O dii immortales, non intelli-
 gunt homines, quā magnum uectigal sit parsimonia:
 uenio enim ad sumptuosos, relinquo istū quæstuosum.
 capit ille ex suis prædijs sexcenta sestertia: ego cetera
 ex meis. illi aurata tecta in uillis, & sola marmorea
 faciēti, & signa, tabulas, supellectilē, & uestem infini-
 te concupiscenti, nō modo ad sumptū ille fructus est,
 sed etiam ad fœnus, exiguus. ex meo tenui uectigali
 detractis sumptibus cupiditatis, aliquid etiā redunda-
 bit. uter igitur est ditior, cui deest, an cui superat? qui
 eget, an qui abundat? cuius possessio quo est maior, eo

Q ij

plus requirit ad se tuendam; an quæ suis se uiribus sustinet? sed quid ego de me loquor, qui morum, ac temporum uitio aliquantum etiam ipse fortasse in huius seculi errore uerser? M. Manilius patrum nostrorum memoria (ne semper Curios, & Luscinios loquamur) pauper tandem fuit: habuit enim adiculas in Carinis, et fundum in Labicano. nos igitur ditiores, qui plura habemus: utinam quidem essemus: sed non æstimatione census, uerū uictu, atq; cultu terminatur pecuniæ modus. non esse cupidum, pecunia est: non esse emacem, uictigal est: contentum uero suis rebus esse, maximæ sunt, certissimæq; diuitiæ. etenim, si isti callidi rerum æstimatores prata, & areas quasdam magni æstimant, quod ei generi possessionum minime quasi noceri potest: quare est æstimanda uirtus, quæ nec eripi, nec surripi potest: uictu, neq; naufragio, neq; incendio amittitur, nec tempestatum, nec temporum permutatione mutatur: quia qui præditi sunt, soli sunt diuites: soli enim possident res & fructuosas, & sempiternas: soli quod est proprium diuitiarum, contenti sunt rebus suis. satis esse putant, quod est; nihil appetunt, nulla re egent, nihil sibi deesse sentiunt, nil requirunt: improbi autem, & auari, quoniam incertas, atq; in casu positas possessiones habent, & plus semper appetunt, nec eorum quisquam adhuc inuentus est, cui, quod haberet, esset satis; non modo non copiosi, ac diuites, sed etiam inopes, ac pauperes existimandi sunt.

M. TVLII CICERONIS, SCIPIONIS
SOMNIVM EX LIBRO
SEXTO DE REPVBLICA.

PERSONA, SCIPIO.

C Vm in Africam uenissem à Manlio
 Consule ductus, ad quartā legionem
 (ut scitis) Tribunus militū; nihil mi
 hi potius fuit, quā ut Masinissā cō
 uenirem, regem familiæ nostræ iustis
 de causis amicissimum. ad quem ut ueni, cōplexus me
 senex collacrymauit; aliquātoq; post suspexit in cœlū,
 & grates, inquit, tibi ago summe Sol, uobisq; reliqui
 cœlites, q, antequā ex hac uita migro, cōspicio in meo
 regno, et his tectis P. Cornelium Scipionem, cuius ego
 nomine ipso recreor: nunquam ex animo meo discedit
 illius optimi, atq; inuictissimi uiri memoria. deinde
 ego illū de suo regno, ille me de nostra Rep. percūctus
 est: multisq; uerbis ultro citroq; habitis, ille nobis cō
 sumptus est dies. post autē regio apparatu accepti, ser
 monē in mulētā noctē produximus, cū senex nihil nē
 si de Africano loqueretur, omniāq; eius non solū fa
 cta, sed etiā dicta meminisset. deinde, ut cubitū discessi
 mus, me & fessum de uia, et qui ad multā noctem uī
 gilassem, arētior, quā solebat, somnus cōplexus est.
 hic mihi (credo equidē ex hoc, quod eramus locuti: fit
 enim ferē ut cogitatione, sermonesq; nostri pariāt ali
 quid in somno tale, quale de Homero scribit Ennius, de
 quo uidelicet sepiissime uigilans solebat cogitare, & lo
 q) Africanus se ostēdit illa forma, qua mihi ex imagē

C I C E R O N I S

ne eius, quàm ex ipso erat notior, quē ut agnoui, equi-
dem cohorruī: sed ille, ades, inquit, animo, & omitte ti-
morem Scipio, et, quæ dicam, trade memoria. Vides ne
illam urbem, quæ parere populo R. coacta per me, reno-
uat pristina bella, nec potest quiescere? (ostendebat au-
tem Carthaginem de excelsō, & pleno stellarū, illustri,
& cl. ro quodam loco) ad quam tu oppugnandā nūc
uenis penē miles? hanc hoc biēnio Consul euerteris: eritq;
cognomen id tibi per te partū, quod habes ex nobis ad
huc hæreditarium. cum autem Carthaginem deleue-
ris: triumphū egeris, Censorq; fueris, & obieris Lega-
tus Aegyptum, Syriam, Asiā, Græciam, delegere iterū
absens Consul, bellumq; maximum conficies, Numātiā
excindens. sed cum eris curru Capitolium inuectus, of-
fendes Remp. perturbatam consilijs nepotis mei. hic tu
Africane ostendas oportebit patriæ lumen animi, inge-
niū, cōsiliūq; tui. sed eius temporis ancipitem uideo qua-
si fatorum uiam: nam, cum ætas tua septenos oēties so-
lis anfractus, reditusq; conuerterit, duoq; ij numeri,
quorū uterq; plenus, alter altera de causa habetur, cir-
cūitu naturali summā tibi fatalē confecerint; in te
unum, at q; tuū nomen se tota conuertet ciuitas; te se-
natus, te omnes boni, te socij, te Latini intuebūtur; tu
eris unus, in quo nitatur ciuitatis salus. ac, ne multa,
Dictator Remp. constituas oportet, si impias propinquo-
rū manus effugeris. Hic cum exclamasset Lælius, inge-
muissentq; cæteri uehementius, leniter arridens Scipio,
quæso, inquit, ne me è sōno exciteris, et pax sit rebus,
audite cætera. Sed quo sis Africæ alacrior ad tuādā
Rēp. sic habeto, omnib. qui patriā cōseruauerint, adiune

rint, auxerint, certū esse in coelo, ac diffinitū locū, ubi
 beati auo sempiterno fruatur: nihil est enim illi prin-
 cipi deo, qui omnem hunc mundū regit, quod quidem
 in terris fiat, acceptius, quā m̄ concilia, cœtusq; hominū
 iure sociati, quæ ciuitates appellātur. harum rectores,
 & conseruatores hinc profecti, huc reuertentur. Hic
 ego, etsi erā perterritus non tā metu mortis, quā in si-
 diarū à meis, quæ siui tamē uiueret ne ipse pater Pau-
 lus, & alij, quos nos extinctos arbitremur. immo uero,
 inquit, hi uiuunt, qui ex corporum uinculis, tanquā ē
 carcere, euolauerūt: uestra uero quæ dicitur uita, mors
 est. quin tu aspicias ad te uenientem Paulum patrem:
 quem ut uidi, equidem uim lacrymarum profudi: ille
 autem me amplexus, atq; osculās flere prohibebat. at
 que ego, ut primū fletu represso loqui posse cœpi, quæ
 so, inquam, pater sanctissime, atq; optime, quādo hæc
 est uita (ut Africanū audio dicere) quid moror in ter-
 ris, quin huc ad uos uenire propero? nō est ita, inquit
 ille: nisi enim deus, is, cuius hoc tēplū est omne, quod
 conspicias, istis te corporis custodijs liberauerit, huc tibi
 aditus patere non potest: homines enim sunt hac lege
 generati, qui tuerentur illū globum, quem in hoc tem-
 plo medium uides, quæ dicitur terra: hisq; animus da-
 tus est ex illis sempiternis ignibus, quæ sidera, et stellas
 uocatis; quæ globosæ, et rotundæ diuinis animatæ mē-
 tibus circulos suos, orbesq; cōficiūt celeritate mirabili.
 quare & tibi Publi, et pijs omnibus retinendus est ani-
 mus in custodia corporis: nec iniussu eius, à quo ille est
 nobis datus, ex hominum uita migrandum est: ne mu-
 nus humanū assignatum à deo defugisse uideamini.

Q. iij

sed sic Scipio, ut auus hic tuus, ut ego, qui te genui, iustitiā cole, & pietatē: quæ cum sit magna in parentibus, & propinquis, tum in patria maxima est; quia ea uita uia est in coelū, & in hunc coetum eorū, qui iam uixerunt, & corpore laxati illum incolunt locū, quem uides, (erat autem is splendidissimo candore inter flāmas circulus elucens) quē uos, ut d' Graijs accepistis, orbē lacteum nuncupatis. ex quo omnia mihi contemplantī, præclara cætera, & mirabilia uidebantur. erāt autem ea stellæ, quas nūquam ex hoc loco uidimus; et ea magnitudines omnium, quas esse nunquā suspicati sumus. ex quibus erat illa minima, quæ ultima cælo, citima terris luce lucebat aliena. stellarum autē globi terrarum magnitudinem facile uincebāt. iam uero ipsa terra ita mihi parua uisa est, ut me imperij nostri, quo quasi eius punctum attingimus, pœniteret. quam cū magis intuerer, quæso, inquit Africanus, quousq; hu mi defixa tua mens erit? non ne aspicias, quæ intempla ueneris? nouem tibi orbibus, uel potius globis cōnexa sunt omnia; quorum unus est cœlestis extimus, qui reliquos omnes complectitur, summus ipse deus, arcēs, & continens cæteros, in quo infixi sunt illi, qui uoluūtur, stellarū cursus sempiterni, cui subiecti sunt septē, qui uersantur retro, contrario motu, atq; cælum. ex quibus unum globum possidet illa, quam in terris Saturnam nominant. deinde est hominum generi prosper, & salutaris ille fulgor, qui dicitur Iouis. tum rutilus, horribilisq; terris, quem Martem dicitis. deinde subter mediam ferē regionem Sol obtinet dux, et princeps, et moderator luminum reliquorum, mens mundi, & temperatio

peratio, tãta magnitudine, ut cuneta sua luce lustret,
 & compleat. hunc, ut comites, consequuntur alter Ve-
 neris, alter Mercurij cursus. in infimoq; orbe Luna ra-
 dijs solis accensa cõuertitur. infra autẽ iam nihil est,
 nisi mortale, & caducum, prater animos generi homi-
 nũ munere deorum datos. supra Lunam sunt omnia
 æterna: nam ea, quæ est media, & nona, tellus neque
 mouetur, & infima est, & in eã feruntur omnia suo
 motu pondera. Quæ cũ intuerer stupens, ut me recepi,
 quis hic, inquam, quis est, qui cõplet aures meas tãtus,
 & tam dulcis sonus? hic est, inquit ille, qui intervallis
 coniunctus imparibus, sed tamẽ pro rata portione di-
 stinctis, impulsu, & motu ipsorũ orbium efficitur: qui
 acuta cum grauibus tẽperans, uarios æquabiliter con-
 centus efficit: nec enim silentio tãti motus incitari pos-
 sunt; & natura fert, ut extrema ex altera parte gra-
 uiter, ex altera autem acute sonent. quam ob causam
 summus ille cœli stelliferi cursus, cuius conuersio est cõ-
 citatio, acuto, & excitato mouetur sono, grauissimo
 autem hic lunaris, atq; infimus. nã terra nona immo-
 bilis manens, ima sede semper hæret, complexa mediũ
 mundi locum. illi autem oẽto cursus, in quibus eadem
 uis est duorũ, Mercurij, & Veneris, septẽ efficiunt di-
 stinctos intervallis sonos: qui numerus rerũ omnium
 ferẽ nodus est. quod docti homines nervis imitati, at-
 que cantibus, aperuere sibi reditũ ad hunc locũ; sicut
 alij, qui præstantibus ingenijs in uita humana diuina
 studia coluerũt. hoc sonitu cõpletæ aures obsurduerũt,
 nec est ullus hebetior sensus in uobis, sicut in illis, ubi
 Nilus ad illa, quæ Catadupa nominatur, præcipitat ex

Q v

altissimis mōtibus; ea gēs, quæ illū locū accolit, propter
 magnitudinē sonitus sensu audiendi caret. hic uero
 tantus est totius mundi incitatissima conuersione soni-
 tus, ut eum aures hominum capere non possint; sicut
 intueri solē nequitis aduersū, eiusq; radijs acies uestra,
 sensusq; uincitur. Hæc ego admirans, referebam tamē
 oculos ad terram identidem. tum Africanus, senio, in-
 quit, te sedem etiam nunc hominum contēplari, ac do-
 mum, quæ si tibi parua, ut est, ita uidetur, hæc cœlestia
 semper spectato, illa humana contemnito: tu enim quā
 celebritatem sermonis hominum, aut quā expetendā
 gloriam consequi potes? uides habitari in terra raris, et
 angustis in locis, & in ipsis quasi maculis, ubi habita-
 tur, uastas solitudines interiectas, hosq; qui incolūt ter-
 ram, nō modo interruptos ita esse, ut nihil inter ipsos
 ab alijs ad alios manare possit, sed partim obliquos, par-
 tim auersos, partim etiam aduersos stare uobis; à quib-
 us spectare gloriam certe nullam potestis. cernis au-
 tem terram eandem quasi quibusdam redimitam, &
 circumdatam cingulis: è quibus duos maxime inter se
 diuersos, & cœli uerticibus ipsis ex utraq; parte sub-
 nixos, obriguisse pruina uides: medium autem illum,
 & maximum solis ardore torreri. duo sunt habitabi-
 les: quorum australis ille, in quo qui insistant, aduersa
 uobis urgent uestigia, nihil ad uestrum genus. hic au-
 tem alter subiectus aquiloni, quē incolitis, cerne, quā
 uos tenui parte contingat: omnis enim terra, quæ coli-
 tur uobis, angusta uerticibus, lateribus latior, parua
 quædā insula est, circumfusa illo mari, quod Atlāticū,
 quod Magnum, quod Oceanū appellatis in terris: qui

tamen tāto nomine quā sit parvus, uides. ex his ipsis
 cultis, notisq; terris num aut tuum, aut cuiusquā no-
 strum nomen uel Caucasum hūc, quem cernis, transce-
 dere potuit, uel illum Gangem transnare? quis in reli-
 quis orientis, aut obeuntis solis ultimis, aut aquilonis,
 austrī ue partibus tuum nomē audiet? quibus amputa-
 tis, cernis profecto, quantis in angustiis uestra gloria se
 dilatarī uelit. ipsi autem, qui de nobis loquētur, quā
 diu loquuntur? quin etiam, si cupiat proles illa futuro-
 rum hominum deinceps laudes uniuscuiusq; nostrū a
 patribus acceptas posteris prodere, tamē propter eluui-
 nes, exustionesq; terrarum, quas accidere tēpore certo
 necesse est, non modo non aeternā, sed ne diuturnam
 quidem gloriam assequi possumus. quid autē interest,
 ab ijs, qui postea nascentur, sermonē fore de te, cum ab
 ijs nullus fuerit, qui ante nati sint? qui nec pauciores, et
 certe meliores fuerunt uiri: cum praesertim apud eos
 ipsos, a quibus nomē nostrū potest audiri, nemo unius
 anni memoriam cōsequi possit: homines enim popula-
 riter annum tantūmodo solis, idest unius astri, reditu
 metiuntur. cum autem ad idem, unde semel profecta
 sunt, cuncta astra redierint, eandēq; totius cœli descri-
 ptionem longis intervallis retulerint, tū ille uere uer-
 tens annus appellari potest: in quo, uix dicere audeo,
 quā multa secula hominum teneātur. nanque, ut
 olim deficere sol hominibus, extinguiq; uisus est, cū Ro-
 muli animus hac ipsa in templa penetrauit; quando-
 cunque eadem parte sol, eode mō; tēpore iterum defe-
 cerit. tum signis omnibus ad idem principiū, stellisq;
 reuocatis, expletum annum habeto. huius quidē anni
 non dum uigesimam partem scito esse cōuersam. quo

circa, si reditum in hunc locū desperaueris, in quo omnia sunt magnis, & præstantibus uiris: quāti tandem est ista hominū gloria, quæ pertinere uix ad unius anni partem exiguam potest: igitur alte spectare si uoles, atque ad hanc sedem, & æternam domū contueri; neque sermonibus uulgi dederis te, nec in præmijs humanis spem posueris rerū tuarū; suis te illecebris oportet ipsa uirtus trahat ad uerum decus. quid de te alij loquantur, ipsi uideant: sed loquentur tam en. sermo autem omnis ille & angustijs cingitur ijs regionum, quas uides; nec unquam de ullo perennis fuit; & obruitur hominum interitu; & obliuione posteritatis extinguitur. Quæ cū dixisset, ego uero, inquam, o' Africane, si quidē benemeritis de patria quasi limes ad cœli aditum patet, quanquā a pueritia uestigijs ingressus & patris, & tuis, decori uestro non defui, nunc tamen tāto præmio proposito enitar multo uigilantius. & ille, tu uero enitere; & sic habeto, te nō esse mortalem, sed corpus hoc: nec enim is es, quem forma ista declarat; sed mens cuiusque is est quisque, nō ea figura, quæ digito demonstrari potest. deū te igitur scito esse; si quidem deus est, qui uiget, qui sentit, qui meminit, qui præuidet, qui tam regit, & moderatur, & mouet id corpus, cui præpositus est, quā hunc mundū princeps ille deus: & ut ipsum mundū ex quadam parte mortalem ipse deus æternus, sic fragile corpus animus sempiternus mouet: nam quod semper mouetur, æternū est: quod autē motū affert alicui, quod ipsum agitur aliunde, quando finē habet motus, uiuendi finē habeat necesse est: solum igitur, quod sese mouet, quia nunquam deseritur a se, nunquam ne moueri quidē

desinit. quin etiam cæteris, quæ mouentur, hic fons, hoc principium est mouendi. principio autem nulla est origo: nam ex principio oriuntur omnia: ipsum autem nulla ex re fieri potest: nec enim esset hoc principium, quod gigneretur aliunde. quod si nunquam oritur, nec occidit quidem unquam: nam principium extinctum, nec ipsum ab alio renascetur, nec ex se aliud creabit; siquidem necesse est à principio omnia oriri: ita fit, ut motus principium ex eo sit, quod ipsum à se mouetur: id autem nec nasci potest, nec mori; uel cõcidat omne cælum, omnisq; natura consistat, necesse est, nec uim ullam nascatur, quæ, primo impulsu moueatur. cū pateat igitur æternum id esse, quod à se ipso moueatur: quis est, qui hanc naturam animis esse tributam neget? inanimatum est enim omne, quod impulsu agitur externo: quod autem anima est, id motu cietur interiore: nam hæc est natura propria animæ, atq; uis. quæ si est una ex omnibus, quæ sese moueat; neq; nata est certe, & æterna est. hæc tu exerce in optimis rebus. sunt autem optimæ curæ, de salute patriæ: quibus agitat, et exercitatus animus, uelociter in hanc sedem, & domum suam peruolabit: idq; ocyus faciet, si tam tum, cū erit inclusus in corpore, eminebit foras, & ea, quæ extra erunt, contemplans, quammaxime se à corpore abstrahet: nam eorum animi, qui se corporis uoluptatibus dederunt, earumq; se quasi ministros probauerunt, impulsuq; libidinum uoluptatibus obedientium, deorum, & hominum iura uiolauerunt, corporibus elapsi circum terram ipsam uolutantur, nec in hunc locum nisi multis exagitati seculis reuertuntur. Ille discessit: ego somno statim solutus sum.

Varia lectiones ex antiquis libris.

Vitæ conform.	2:	oppetat	17.
Verissimum sit, isq;	4.	Facilitas, & μεγαλοφυχία	
Laudabitur: ut in astro-		quæ	17:
nomia	4.	Ad eius, qui punitur al.	
Studijs cognitionis et	5.	(ex Nonio)	17:
Ira, aut alia pert.	5:	Quidē omnino sine ratio	
Id modo temeritas	6.	ne	18:
Cogitato	6.	Nulla neque turpi	18:
Ad ea, quæ posui	7.	Potest, quā in oratione	19.
In qua scribit	8.	Etiam in uirtiosis,	19:
Ad homines, sed	9.	Sedandosq; esse, excitant	
In moribus. De ben.	10.	damq; an.	20:
Licet, modo	10:	Bestijs antecellat.	20:
Obiurgationes in amici-		Drufo adolescentibus	21.
tijs	12.	Ideoq; nihil	21.
Vicinum potius a.	12.	Aequabilitas tñ un.	21.
Muliebrē, illa uirago	12:	Perpeti ab ullo mal.	22:
Quasi pleno ore	12:	Nobis à natura data	22:
Excellens.	12:	Spatium etiam del	23.
Dicunt pugnantem.	12:	Cōstātor: ut tamē for.	23:
Oportere, nulli neq;	13:	Eam mutationem	23:
Vriles, sed tum ueh.	13:	Opera, ut & am.	24.
Magniç; duc.	13:	Molle; ne quid	25:
Autem Remp. nihilo	14:	Scenam	25:
Committere, ut	16.	Muliebrem dic.	25:
Tempus necess.	16.	Forma uirili rem.	25:
Discordie, in	17.	Omnes, ut etiam in	26:
Offēdat aliquos, morteç;		Res, (neq; e. i. d. r. n. i. o. t. n.)	

s.d. } animaduertendū Earumq; item rerum 34.
 erit, quatenus 26: Noceant, & prosint 34
 Facere ne uid. 27: Effecta opera 34.
 Adiuncta, ut & seu. 27: Manu, atq; opere 34:
 Scaurus filius dem. 27: Pascere eas, aut 34:
 Ratio non sui 27: Eisdemq; & ea 34:
 Quārū quidā certus 27: Vita hominū omnino 34:
 Velimus, ut ne'ue 27: Tantum distitit 34:
 Aguntur, aut dic. 28: Collectis exteris 35.
 Sic uidendum 28: Per eosdēq; siquid 35.
 Quale quidque 28: Pretio, ac m. 35:
 Seruare. iam 29: Hominum ualeat 36.
 Opifices quoque 29: Ita se instituunt 36.
 Nec enim quicquam 29: Hasta non rec. 37:
 Ergo cogn. 30: Viros, & que 37:
 Utillioresq; rebus & suis Hanc enim homines 38.
 & p. 30: Opinata quedam 39.
 Quidem propter se 31: Quādā uero afficiūt ij, 39
 Inutile: tū ex duobus util. Perspectum sit, hūc igni.
 q. u. aut ex pluribus qd spectatum 39:
 maxi. 32: Vis est, ut ne 39.
 Malis hoc tamen 32: Præda partitionem 39:
 Cæteri alia 33: Cui quidē etiā exer. 39:
 Contra. alia non pr. 33: Iudicia in constituta
 Deducta est, u. a. h. u. secer Rep. 40.
 nens, const. 33: Gloria & quær. 40.
 Confusa cognitione 33: Optime im præm. 42.
 Parum persp. 33: Nō est id quidē dub. 41.
 Pietas efficit 34: Intelligere eum, & s. 41.
 Autem secundum 34: Patrociniij 41:

Etiam, quàm larg. 42: rum. 52.
 Nulli omnino s.r.li.43. Disputamus, & m.s.d.ea
 Quoq; in quo 43: comm. 52:
 Bene igitur collegit, 43. Officia compareant, 53.
 Postularetur, & P. 43: Honesti dicuntur 53.
 Coniecerat. 34: Comuni. itaq; ijs 53.
 Spes, quanto in 45: Tãq; à sapiētibus pet. 53.
 Reddiderit, h.g.a.e.q.r.h. Fuerunt, ne illi 53.
 e.q.h.reddidisse 46. Celsitas animi, & 55.
 Acceperint: atq; etiā 46. (ex Nonio)
 Illud item, 46: Vacent iniustitia. 55.
 Sibi à te par. 46: Commodis detra. 55.
 Pauperi, an m. 46: Idem h. nihil hon. 56.
 Oratio, ad 47. Re & utilitas, et tur. 56:
 Sua tuerentur 47. Condidit, non item 58.
 Malo enim alienæ 47. Omnibus cubiculis 60.
 Fieri & soleat 47: Iuste, an improbe 60.
 Næ illi multa 47: Ex eo quæreretur, 61:
 Iudicijs, ærarij expil. 47: Vendat quidquam 61:
 Quid nī laudet? 47: Emptor apponet 61:
 Vnde digr. 47: Vere i.q.siqdē: id esse 62.
 Data etiam 48. Omnise. quod e. sciri 63:
 Secutæ s. ut & tyr. 48: Furtis, præstatur 63:
 Continere. habitas 49. Quibus se pecc. 63:
 Modo, ualere utrum 50. Carcere fatigandi. 63:
 Africani o.n. hæc sol. 50. Illorum (num erat 64.
 Inopia, non req. 50. Premium sibi pr. 66:
 Cogitant: tum 51. Velit, quia sua sit. 67.
 Cratippi. quò cum 51. Hiq; sint æquæ sap. 67:
 Neminem esse persecutu Vitia? non, nisi ea quàm

ni d. 67: (Diuinitus enim 82:
 Mille denarium? 67: Naturalis motus 83:
 Impetret, ut iterum 68. Viciſſim hyeme 83:
 Faciendum ſit? c. ſ. i. i. q. n. c. Quemuis cum adm. 84:
 u. n. e. q. ſ. iniuriæ; 68. Longe à mea) 85:
 Arbitror fuiſſet 68. Elogiũ, uno ore quã p. 86:
 Quo impetrato, 68. Notum eſt carmen 86:
 At utile, aliquis 68: Appeti, aſſurgi, 86:
 Recuſauit, quoniã dũ iur. Sperare item 88:
 h. t. n. eſſet ſenator. 69: Dixi) ante 88:
 Neque uero tum ign. 69. Poſſis, et inde mortẽ q; 88:
 Turpitudoi. habebat, 70. Tandem re fr. 88:
 Fides alta pinnis 70: Deos i. ſpirauiffe 89:
 Corporis habet 70: Habitandi locũ dedit 91:
 Cum hoc nec ſ. 70: Animorũ diuinũ cõc. 91:
 Tẽpore L. Liuius Qu. Me Nemo unq̃ fuit, q. q. m. c. a
 lius, (ex Liuius) 71. ſ. quiſquam, 93:
 Si hæ non 73. Sorores, benignitate 93:
 Talibus monitis, 73: Catonem anno a. 93:
 Deſerunt, ne in 78: In uita c. l. uiderat, 94:
 Ante conſulatum poſterio Rebus, quæ ex 94:
 rem ſ. 77. Optantur, ſpectare d. 95:
 Male r. g. patrijs 78. Putemus, q. ſequũtur 95:
 Adoleſcens uires 79. Proxime adhæreret. 95:
 Viribus eſſe extremo 79. Iungatur. eſt enim 95:
 Quæſtor eodem 80. Amicitiam & g. 95:
 Quidem exercitationum Quidam docti 95:
 defatigatione 81. Catones, Gallos, 95:
 Niſi uoluptatis 82. Igni (ut aiunt) pl. 96:
 Dedidiſſent. 82: Ipfã & d. 96:

Contineat, tamen	96.	Auget assentator	110.
Perseueraret? adst	96:	Solet, oratorijs	111:
S C AE. Tum m.	97.	Vero tibi illa	111:
Consuetudo. & q.	98.	Septem. cuius	112:
Hec ita multa, q.	99.	Efficit, ac l.	113:
Quidem. si uol?	99	Temperantem, qui	115.
Cato, at minime	99:	Discrimen? & que	115.
Consilium uero libere da		Necando, si absit	115.
re g.	100:	Vita tu, quæ	115:
Causa est, cur am.	101.	Rebus aduincam	116.
Vt & bonis	101.	Populi liber,	116.
Contrahat amicitia	101.	Loco, an animo	116:
Amicitia secuta	102.	Eris tu exul? num	116:
Qui habitus	103.	Tamē serui: sic ij pari	117
Minime r. e. f. n. (f. r, 103:		Sat est, metiuntur	119.
Oblatas cr. rep.	104:	Venalia, delicta, et d.	119
Famulatu fuerant	105.	Feruntur o. f. nutu	123.
Expetenda. næ	106:	Vobis, sicut, ubi	123.
Fit à natura	107.	obliquos, p. trāsuerfos	123
Gerunt otiosi.	107:	Quibus sperare	123:

Varie lectiones ex ingenio.

Amici; atq; pl.	5.	Leuctris, Stratoq;	12:
Afferre mutuat	5:	Videbatur. parui	15:
Depositum etiam, nec	6:	Hoc sit, esse id qdē et	37:
Indictū. Paulus Aemilius		Aliquid, aut palā er.	39:
(sub hoc. n. militasse Ca		Sardis cōtra T. albutiū (ex	
tonis Censorij filiū, au=		orat. uol. I. 64:)	41:
Et or Plutarchus)	8.	Ministrū, et diribitorē	42
Lumen de lumine	11.	Deterrendo à lib.	44:

Tertium? b. uitire 50. Solatio q. e. mœrore 93:
 Nemini: certe istū 62. Adolescentiam peruenis=
 Inficiat' e. dupli pœnā 62. sent, 98:
 Potius d. n. e. æ. q. n. e. u. R. quā in improbis pec. 98:
 q, cū utilē nō eē diceret, Cōsentiūt. nāq; à m. 107:
 esse æquā fateretur 67. Rutilij Virginiani 110:
 Congregātur: queis 15. Autem illis 114.
 Mortē Q. filij (ex Liuius Insanum rombus conuin
 & Gellio) 16. cam 116.
 Hic quintus, & tr. 11: Familia sunt alij 117:
 Comicos (ex 114:) 81. Delectāt. at inquiūt 118
 Gratia, quid quoque die Dignū. Echionis 118
 dix. 81: Patrocinijs, intercessionēs
 Putani. ille 82. pec. 119:
 Igitur iuuenes sibi 85: Duorum, septem 123.

A B C D E F G H I K L M N O P Q R.

Omnes sunt quaterniones, prater Q., qui
est quinternio

A P V D A L D I F I L I O S,

V E N E T I I S, M. D. L I I.

M E N S E F E B R V A R I O.

5818172



